

大明律集解附例

总目

凡四百六十条 计三十卷

目录

御制大明律序

名例律

卷第一 计四十七条

五刑

十恶

八议

应议者犯罪

职官有犯

军官有犯

文武官犯公罪

文武官犯私罪

应议者之父有犯

军官军人犯罪免徒流

犯罪得累减

以理去官

无官犯罪

除名当差

流囚家属

常赦所不原

徒流人在道会赦

犯罪存留养亲

工乐户及妇人犯罪

徒流人又犯罪

老小废疾收赎

犯罪时未老疾

给没赃物

犯罪自首

二罪俱发以重论

犯罪共逃

同僚犯公罪

公事失错
共犯罪分首从
犯罪事发在逃
亲属相为容隐
吏卒犯死罪
处决叛军
杀害军人
在京犯罪军人
化外人有犯
本条别有罪名
加減罪例
称乘车驾
称其亲祖父母
称与同罪
称监临主守
称日者以百刻
称道士女冠
断罪依新颁律
断罪无正条
徒流迁徙地方

吏律

职制

卷第二 计一十五条

选用军职
大臣专擅选官
文官不许封公侯
官员袭荫
滥设官吏
贡举非其人
举同有过官吏
擅离职役
官员赴任过限
无故不朝参公座
擅勾属官

官吏给由
奸党
交结近侍官员
上言大臣德政

公式

卷第三 计一十八条

讲读律令
制书有违
弃毁制书印信 二条
上书奏事犯讳
事应奏不奏
出使不复命
漏泄军情大事
官文书稽程
照刷文卷
磨勘卷宗
同僚代判处文案
增减官文书
封掌印信
漏使印书
漏用钞印
擅用调兵印信
信牌

户律

户役

卷第四 计一十五条

脱漏户口
人户以籍为定
私刼庵院及私度僧道
立嫡子违法
收留迷失子女
赋役不均
丁夫差遣不平
隐蔽差役

禁葦王保里长
逃避差役
点差狱卒
私役部民夫匠
别籍异财
卑幼私擅用财
收养孤老

田宅

卷第五 计一十一条

欺隐田粮
检踏灾伤田粮
功臣田土
盗卖田宅
任所置买田宅
典买田宅
盗耕种官民田
荒芜田地
弃毁器物稼穡等
擅食田园瓜果
私借官车船

婚姻

卷第六 计一十八条

男女婚姻
典雇妻女
妻妾失序
逐婿嫁女
居丧嫁娶
父母囚禁嫁娶
同姓为婚
尊卑为婿
娶亲属妻妾
娶部民妇女为妻妾
娶逃走妇女
强占良家妇女

娶乐人为妻妾
僧道娶妻
良贱为婚姻
蒙古色目人婚姻
出妻
嫁娶违律主婚媒人罪

仓库

卷第七 计二十四条

钞法
钱法
收粮为限
多收税粮斛面
隐匿费用税粮物
揽纳税粮
虚出通关朱砂
附余钱粮私下补码
私借钱粮
私借官物
那移出纳
库秤雇役侵欺
冒支官粮
钱粮互相觉察
仓库不觉被盗
守支钱粮及擅官封
出纳官物有违
收支留难
起解金银足色
损坏仓库财物
转解官物
拟断赃罚不当
守掌在官财物
隐瞒入官家产

课程

卷第八 计一十九条

盐法 一十二条

监临势要中盐

沮坏盐法

私茶

私矾

匿税

船商匿货

人户亏兑课程

钱债

卷第九 计三条

违禁取利

费用受寄财产

得遗失物

市廛

卷第十 计五条

私充牙行埠头

市司评物价

把持门市

私造斛斗秤尺

器用布绢不如法

礼律

祭祀

卷第十一 计六条

祭享

毁大祀丘坛

致祭祀典神祇

历代帝王陵寝

褻渎神明

禁止师巫邪术

仪制

卷第十二 计二十条

合和御孳药

乘輿服御物

收藏禁书及私习天文

御賜衣物
失誤朝賀
失儀
奏對失叙
朝見留難
上書陳言
見任官輒自立碑
禁止迎送
公差人員欺陵長官
服舍違式
僧道拜父母
失占天象
術士妄信禍福
匿父母夫喪
棄親之任
喪葬
鄉飲酒禮

兵律

官衛

卷第十三 計十一九條

太廟門擅入
官殿門擅入
宿衛守衛人私自代替
從駕稽違
直行御道
內府工作人匠替役
官殿造作罷不出
輒出入官殿門
關防內使出入
向官殿射箭
宿衛人兵仗
禁經斷人充宿衛
衝突儀仗 三條
行宮營門

越城

门禁锁钥

悬带关防牌面

军政

卷第十四 计二十条

擅调官军

申报军务

飞报军情

边境申索军需

失误军事

从征违期

军人替役

主将不固守

纵军虏掠

不操练军士

激变良民

私卖战马

私卖军器

毁弃军器

私藏应军器

纵放军人歇役

公侯私役官军

从征守御官军逃

优恤军属

夜禁

关津

卷第十五 计七条

私越渭渡关津

诈渭给路引

关津留难

递送逃军妻女出城

盘诘奸细

私出外境及违禁下海

私役弓兵

廐牧

卷第十六 计一十一条

牧养产不如法

孳生马匹

验畜产不以实

养疗瘦病畜产不如法

乘官畜脊破领穿

官马不调习

宰杀马牛

畜产咬踢人

隐匿孳生官畜产

私借官畜产

公使人等索借马匹

邮驿

卷第十七 计一十八条

递送公文 三条

邀取实封公文

铺舍损坏

私役铺兵

驿使稽程

多乘驿马

多支廩给

文书应给驿而不给

公事应行稽程

占宿驿舍上房

乘驿马赍私物

私役民夫抬轿

病故官家属还乡

承差转雇寄人

乘官畜产车各船附私物

私借驿马

刑律

贼盗

卷第十八 计二十八条

谋反大逆
谋叛
造妖书妖言
盗大祀神御物
盗制书
盗印信
盗内府财物
盗城门钥
盗军器
盗园陵树木
监守自盗仓库钱粮
常人盗仓库钱粮
强盗
劫囚
白昼抢夺
窃盗
盗马牛畜产
盗田野谷麦
亲属相盗
恐吓取财
诈欺官私取财
略人略卖人
发冢
夜无故入人家
盗贼窝主
共谋为盗
公取窃取皆为盗
起除刺字

人命

卷第十九 计二十条

谋杀
谋杀制使及管长官
谋杀祖父母父母
杀死奸夫

谋死故夫父母
杀一家三人
采生折割人
造畜蛊毒杀人
鬪殴及故杀人
屏去人服食
戏杀误杀过失杀伤人
夫殴死有罪妻妾
杀子孙及奴婢图赖人
弓箭伤人
车马杀伤人
庸医杀伤人
窝弓杀伤人
威逼人致死
尊长为人杀私和
同行知有谋害

鬪殴

卷第二十一 计二十二条

鬪殴

保辜限期
官内忿争
皇家袒免以上亲被殴
殴制使及本管长官
佐职统属殴长官
上司官与统属官相殴
九品以上官殴长官
拒殴追摄人
殴受业师
威力制缚人
良贱相殴
奴婢殴家长
妻妾殴夫
同姓亲属相殴
殴大功以下尊长

殴期亲尊长
殴祖父母父母
妻妾与夫亲属相殴
殴妻前夫之子
妻妾殴故夫父母
父祖被殴

骂詈

卷第二十一 计八条

骂人
骂制使及本管长官
佐职统属骂长官
奴婢骂家长
骂尊长
骂祖父母父母
妻妾骂夫期亲尊长
妻妾骂故夫父母

诉讼

卷第二十二 计一十二条

越诉
投匿名文书告入罪
告状不受理
听讼回避
诬告
干名犯义
子孙违犯教令
见禁囚不得告举他事
教唆词讼
军民约会词讼
官吏词讼家人诉
诬告充军及迁徙

受赃

卷第二十三 计一十一条

官吏受财
坐赃致罪

事后受财
有事以财请求
在官求索借贷人财物
家人求索
风宪官吏犯赃
因公擅科敛
私受公侯财物
克留盗赃
官吏听许财物

诈伪

卷第二十四 计一十二条

诈伪制书
诈传诏曰
对制上书诈不以实
伪造印信历日等
为造宝钞
私铸铜钱
诈假官
诈称内使等官
近侍诈称私行
诈为瑞应
诈病死伤避事
诈教诱人犯法

犯奸

卷第二十五 计一十条

犯奸
纵容妻妾犯奸
亲属相奸
诬执翁奸
奴及雇工人奸家长妻
奸部民妻女
居丧及僧道犯奸
良贱相奸
官吏宿娼

买良为娼

杂犯

卷第二十六 计一十一条

拆毁申明亭

夫匠军士病给医药

赌博

阉割火者

嘱托公事

私和公事

失火

放火故烧人房屋

搬做杂剧

违令

不应为

捕亡

卷第二十七 计八条

应捕人追捕罪人

罪人拒捕

狱囚脱监及反狱在逃

徒流人逃

稽留囚徒

主守不觉失囚

知情藏罪人

盗贼捕限

断狱

卷第二十八 计二十九条

囚应禁而不禁

故禁故勘人

淹禁

凌虐罪囚

与囚金刃解决

主守教囚反异

狱囚衣粮

功臣应禁亲人入视

死人令人自杀
老幼不拷讯
鞫狱停囚待对
依告状鞫狱
原告人事毕不放回
狱囚诬指人平人
官司出入人罪
辩明冤枉
有司决囚等第
检验尸伤不以实
决罚不如法
长官使人有犯
断罪引律令
狱囚取服辩
赦前序罪不当
闻有恩赦而故犯
徒囚不应役
妇人犯罪
死囚覆奏待报
断罪不当
吏典代写招草

工律

营造

卷第二十九 计九条
擅造作
虚费工力采取不堪用
造作不如法
胃破物料
带造段疋
织造违禁龙凤文段疋
造作过限
绦理仓库
有司官吏不公靡

河防

卷第三十 计四条

盗决河防

失时不修堤防

侵占街道

修理桥梁道路

大明律集解附例

御制大明律序

朕有天下仿古为治明礼以导民定律以绳顽刊着为令行已久奈何犯者相继由是出五刑酷法以治之欲民畏而不犯作大诰以昭示民间使知趋避又有年矣然法在有石不周知特勅六部都察院官将大诰内条目撮其要略附载于律其递年一切榜文禁例尽行革去今后司只依律与大诰议罪合黥刺者除党逆家属并律该载外其余有犯俱不黥刺杂犯死罪并徒流迁徙笞杖等刑悉照今定赎罪例科断编写成书刊布中外使臣民知所遵守

洪武三十年五月 日

大明律集解名例

服制

斩衰三年

子为父母女在室并已许嫁者及嫁被出而反在室者同子之妻同

子为继母慈母子之妻同（继母父之后妻慈母谓母卒父命他妾养已者养母谓自幼过房与人者即为人后者之所后母也）

庶子为所生母嫡母无子之妻同

为人后者为所后父母为人后者之妻同

嫡孙为祖父母承重曾祖承重同

妻为夫妾为家长同

齐衰杖期

嫡子众子为庶母嫡子众子之妻同（庶母父妾之有子者父妾无子不得以母称矣）

子为嫁母（亲生母父亡而改嫁者）

子为出母（亲生母为父所出者）

夫为妻（父母在不杖）

嫡孙祖在为祖母承重

齐衰不杖期

祖为嫡孙

父母为嫡长子及嫡长子之妻及众子及女在室及子为人后者

继母为长子众子

前夫之子从继母改嫁人为改嫁继母

侄为伯叔父母（父之亲兄弟及亲兄弟之妻也）

为已之亲兄弟及亲兄弟之子女在室者

孙为祖父母孙女在室出嫁同

为人后者为其本生父母

女出嫁为本宗父母

女在室及虽适人而无夫与子者为其兄弟姊妹及侄与侄女在室者

女适人为兄弟之为父后者

妇为夫亲兄弟之子及女在室者

妾为家长之正妻

妾为家长父母

妾为家长之长子众子与其所生子

为同居继父而两无大功以上亲者

齐衰五月

曾孙为曾祖父母曾孙女同

齐衰三月

孙为高祖父母玄孙女同

为继父先曾同居今不同居者自来不曾同居无服

为同居继父而两有大功以上亲者

大功九月

祖为众孙孙女在室同

祖母为众孙嫡孙

父母为众子妇及女已出嫁者

伯叔父母为侄妇及侄女已出嫁者（侄妇兄弟子之妻也侄女兄弟之女也）

妻为夫之祖父母

妻为夫之伯叔父母

为人后者为其兄及姑及姊妹在室者（既为人后则于本生亲属服皆降一等）

夫为人后其妻为夫本生父母

为已之同堂兄弟姊妹在室者（即伯叔父母之子女也）

为姑及姊妹之已出嫁者姑（即父之姊妹姊妹即已之亲姊妹也）

为已兄弟之子为人后者

出嫁女为本宗伯叔父母

出嫁女为本宗兄弟及兄弟之子

出嫁女为本宗姑姊妹及兄弟之女在至者

小功五月

为伯叔祖父母（祖之亲兄弟）

为堂伯叔父母（父之堂兄弟）

为再从兄弟及再从姊妹在室者

为同堂姊妹出嫁者

为同堂兄弟之子及女在室者

为从祖姑在室者（即祖之亲姊妹）

为堂姑之在室者（即父之同堂姊妹）

为兄弟之妻

祖为嫡孙之妇

为兄之孙及兄弟之孙女在室者

为外祖父母（即母之父母）

为母之兄弟姊妹兄弟（即舅姊妹即姨）

为姊妹之子（即外甥）

妇为夫兄弟之孙（即甥孙）及夫兄弟之孙女在室者（即侄孙女）

妇为夫之姑及夫姊妹（在室出嫁同）

妇为夫兄弟及夫兄弟之妻

妇为夫同堂兄弟之子及女在室者

女出嫁为本宗堂兄弟及堂姊妹之在室者

为人后者为其姑及姊妹出嫁者

缌麻三月

祖为众孙妇

曾祖父母为曾孙（玄孙同）

祖母为嫡孙众孙妇

为乳母

为族曾祖父母（即曾祖之兄弟及曾祖兄弟之妻）

为族伯叔父母（即父再从兄弟及再从兄弟之妻）

为族兄弟及族姊妹在室者（即已三从兄弟姊妹所与同高祖者）

为族曾祖姑在室者（即曾祖之姊妹）

为族祖姑在室者（即祖之同堂姊妹）

为族姑在室者（即父之再从姊妹）

为族伯叔祖父母（即祖同堂兄弟及同堂兄弟妻）

为兄弟之曾孙及兄弟之曾孙女在室者

为兄弟之孙女出嫁者

为同堂兄弟之孙及同堂兄弟之孙女在室者

为再从兄弟之子女在室者

为从祖姑及堂姑及已之再从姊妹出嫁者（从祖姑即祖之亲姊妹堂姑即父之堂姊妹）

为同堂姊妹之女出嫁者

为姑之子（即父姊妹之子）

为舅之子（即母兄弟之子）

为两姨兄弟（即母姊妹之子）

为妻之父母

为壻

为外孙男女同（即女之子女）

为兄弟孙之妻（即侄孙之妻）

为同堂兄弟之子妻（即堂侄之妻）

为同堂兄弟之妻

妇为夫高曾祖父母

妇为夫之伯叔祖父母及夫之从祖姑在室者

妇为夫之伯叔父母及夫之堂姑在室者（夫之堂姑即夫之伯叔祖父母所生也）

妇为夫之同堂兄弟姊妹及夫同堂兄弟之妻

妇为夫再从兄弟之子女在室同

妇为夫同堂兄弟之女出嫁者

妇为夫同堂兄弟子之妻（即堂侄妇）

妇为夫同堂兄弟之孙及孙女之在室者

妇为夫兄弟孙之妻（即侄孙之妻）

妇为夫兄弟之孙女出嫁者

妇为夫兄弟之曾孙（即曾侄孙）女同

女出嫁为本宗伯叔祖父母及从祖姑在室者

女出嫁为本宗再从伯叔父母及堂姑出嫁者

女出嫁为本宗堂兄弟之子女在室者同

大明律集解名例终

附真犯杂犯死罪（弘治十年奏定）

真犯死罪决不待时

凌迟处死

谋反及大逆但共谋者不分首从

谋杀祖父母父母及期亲尊长外祖父母夫夫之祖父母父母已杀者

奴婢及雇工人谋杀家长及家长之期亲外祖

父母已杀者罪与子孙同

妻妾因奸同谋杀死亲夫者

妻妾谋杀故夫祖父母父母已杀者

杀一家非死罪三人及支解人者

采生折割人

奴婢毆杀家长者。若故杀家长之期亲及外祖父母者

雇工人故杀家长及家长之期亲若外祖父母者

妻妾故杀夫者

弟妹故杀兄姊若侄故杀伯叔父母姑及外孙故杀外祖父母者

子孙毆祖父母父母及妻妾毆夫之祖父母父母杀者

斩罪

收父祖妾及伯叔母

谋反大逆祖父父子孙兄弟及同居之人不分异姓及伯叔父兄弟之子不限籍之同异

年十六以上不论笃疾废藏者

谋返大逆知情故纵隐藏者

谋叛但共谋者不分首从

逃避山贼拒敌官兵者

盗

大祀神只御用祭器等物及飧荐玉帛之属者

盗

制书及起马御宝

圣旨起船符验者

盗

乘輿服御物

强盗得财者不分首从

以药迷人图财者罪同强盗不分首从

强盗窝主造意分赃者。若共谋者行而不分赃及分赃而不行

谋杀入因而得财者同强盗不分首从

部民谋杀本属知府知州知县军士谋杀本管指挥千户百户吏卒谋杀本部五品以上长官已杀者

谋杀祖父母父母及期亲尊长外祖父母夫夫之祖父母父母已行者

谋杀缌麻以上尊长已杀者

奴婢及雇工人谋杀亲家长之期亲外祖父母已行者。若缌麻以上亲已杀者罪与子孙同

妻妾谋杀故夫之祖父母父母已行者

杀一家非死罪三人支解人为从者

采生折割人为从者。若已行而未曾伤人者

造畜蛊毒杀人及教令者

造魇魅符书咒诅杀人者

部民殴本属知府知州知县军士殴本管指挥千户百户吏卒殴本部五品以上长官死者

殴受业师死者

奴婢殴家长死者

雇工人殴家长死者

妻妾殴夫死者

卑幼殴本宗小功大功兄姊尊属死者

弟妹殴兄姊若侄殴伯叔父母姑及外孙殴外子孙殴祖父母父母及妻妾殴夫之祖父母父母者

妻妾殴夫之期亲以上尊长死者与夫殴同

妻妾殴故夫之祖父母父母者

奸小功以上亲强者

奸从祖祖父母姑在室从祖伯叔父母从父姊妹母之姊妹及兄弟妻兄弟子妻强者

奸父祖妾伯叔母姑姊妹子孙之妇兄弟之女及与和者

奴及雇工人奸家长妻女者

绞罪

兄亡收嫂弟亡收弟妇者

谋叛知情故纵隐藏者。若谋而未行为首者
逃避山泽不服追唤者
部民谋杀本属知府知州知县军士谋杀本管指挥千户百户吏卒谋杀本部五品以上
长官已伤者
谋杀缙麻以上尊长已伤者
奴婢及雇工人谋杀家长之缙麻以上亲已伤者罪与子孙同
妻妾殴夫至笃疾者
卑幼殴本宗小功大功兄姊尊属笃疾者
弟妹殴兄姊若侄殴伯叔父母姑外孙殴外祖父母亦伤及折肢瞎一目者
骂祖父母父母及妻妾骂夫之祖父母父母者妻妾骂故夫之祖父母父母者
子孙告祖父母父母妻妾告夫之祖父母父母诬者
奸从祖祖母姑在室从祖伯叔母姑从父姊妹母之姊妹兄弟妻及兄弟子妻与和者

真犯死罪秋后处决
斩罪

凡官员大臣专擅选用者
大臣亲戚非奉
持旨除授官职者
文官非有大功勋所同朦胧奏请封公侯爵者当该官吏及受封之人
奸邪进谗言左使杀人者
犯罪该死巧言谏免暗邀人心者
在朝官员交朋结友党紊乱朝政者
刑部及大小各衙门官吏不执法律听从上司官主使出入入罪者
诸衙门官吏与内近侍人员互相交结漏事情夤缘作弊符同奏启者
诸衙门官吏及士庶人等上言宰执大臣德政者
官吏人等挟诈欺公妄生异议变乱成法者弃毁
制书及起马御宝
圣旨起船符验各衙门印信及夜巡铜牌者
奏事及当该官吏若有规避增减紧关情节朦胧奏准施行者
闻知调兵讨袭外番及收捕反逆贼徒机密大漏泄于敌人者
近侍官员漏机密重事于人者
增减官文书因而失误军机者无故失
漏使印信因而失误军机者

贩私盐拒捕者

仪礼司将应朝见官员人等留难不即引见者

百工技艺之人应有可言之事亦许奏

闻各衙门但有阻当者

向

太庙太社及宫殿射箭放弹投掷砖石伤人者

在京被极刑家属并经断人朦胧充当近侍及宿卫守皇城京城门禁者○当该官司听
嘱及受财容令充当者

文武官内官厨子校尉牌面伪造者

贪取来降人财物因而杀伤人及中途逼勒逃窜者

飞报军情隐匿不速奏

闻因而失误军机者

边将取索军器钱粮等物不即奏

闻及不依式申报因而失误军机者

军机粮草临敌缺乏及承调遣不依期策应告报军期违限因而失误军机者

军临敌境托故违期三日不至者

边将不固守及守备不设因而失陷城寨者

与贼临境望高巡哨之人失于飞报以致陷城损军者

官军临阵先退及围困敌城而逃者

军人私出外境掳掠伤人为首者

于已附地面掳掠者不分首从

守御官致有所部军人反叛弃城而逃者

牧民官激变民失陷城池者

军器輒弃毁者二十件以上

犯夜拒捕及打夺因而殴人致死者

境内奸走透消息于外境外奸细入境内探听事情接引起谋之人

将人口军器出境及下海因而走泄事情者

实封公文中途邀截取回者

出使驰驿违限因而我误军机者

军需管送违限以致临敌缺乏失误军机者

造讖纬妖书妖言传用惑众者

盗各衙门印信及夜巡铜牌者

窃盗拒捕及杀伤人者○因盗而奸者

劫囚者

私窃放囚人逃走因而杀人者

官司差人追征钱粮勾摄公事及捕获罪人聚众打夺因而杀人及众至十人为首者

白昼抢夺伤人者○因失火行船遭风抢夺伤人者

略诱略卖良人因而杀人者

卑幼发尊长坟墓开棺椁见尸者○若弃尸卖坟地者

毁弃缙麻以上尊长死尸者

子孙毁弃祖父母父母及奴婢雇工人毁弃家长死尸者

谋杀人造意者

奉

制命出使而官吏谋杀已杀者

因奸同谋杀死亲夫者奸夫

用毒药杀人者

故杀者余条以故杀论者依此

故用蛇蝎毒虫咬伤人因而致死者

庸医故违平方诈疗疾病取财因而致死及因事故用药杀人者

因奸盗而威逼人致死者

皇家袒免以上亲而殴死者

制命出使而官吏殴之至死者

吏卒殴本部六品以下长官佐贰官领官死者

首领官及属官佐贰官殴长官死者

官司差人追征钱粮勾摄公事而殴死者

奴婢殴良人死者

奴婢殴家长之期亲及外祖父母伤者

奴婢殴家长之缙麻小功大功亲死者

雇工人殴家长之期亲若外祖父母死者

雇工人殴家长之缙麻小功大功亲死者

妾殴正妻死者

殴妻之父母死者

卑幼殴本宗缙麻及外姻缙麻小功大功兄姊尊属死者

妻妾殴夫之缙麻尊长至者

殴继父至死者

告谋反叛逆官司不即受理掩捕以致聚众攻陷城池及劫掠人民者
诈为
制书及增减者
诈传
诏旨者
各衙门当该官吏将奏准合行事理妄称奉
旨追问者
伪造诸衙门印信及历日符验夜铜牌茶盐引者
诈假官假与人官者
诈称内使及都督府四辅谏院等官六部监察御史按察司官外体访务扇惑人民者
奸缙麻亲及妻若妻前夫之女及同母异父姊妹强者
奸从祖祖姑出嫁从祖姑强者
男妇诬执亲翁弟妇诬执夫兄欺奸者
奸家长缙麻以上亲及妻妾强者
放火延烧官民房屋积聚之物因而盗取财物者
放火故烧官民房屋及公廨仓系官积聚之物者
犯罪拒捕杀人者
囚罪反狱在逃者
故勘平人因而致死者
死囚令人自杀子孙为祖父母父母奴婢雇工人为家长者

绞罪

弃毁官文书事干军机钱粮者

强夺良家妇女奸占妻妾者○配与子孙弟侄家人者
背夫逃走因而改嫁者
税粮违限一年以上不足提调部粮官吏
以私债强夺人妻妾子女因而奸占妇女者

师巫假降邪神

一应左道乱正之术扇惑人民为首者
擅入
御膳所及御在所

不系宿卫应直合带兵仗之人但持寸刃入
官殿门内者
从
车驾行而逃百户以上
从
官殿内营造至申时分照数点出其不出者
至夜持杖入
殿门者
内使私将兵器入
官殿门内者
向
太庙及宫殿射箭放弹投瓦者
越
皇城者
皇城门非时擅开闭者
文武官内官厨子校尉牌面诈带朝参及在外诈称官员名号有所求为者
私使军人出境因而致死者○或被贼拘执至三名者
官军征讨私逃再犯
军人在逃三犯
犯夜拒捕及打夺因而殴人致折伤以上者
越度沿边关塞因而出外境者
将人口军器出境及下海者
盗各衙门官文书事于军机钱粮者
私窃放囚人逃走因而伤人者
官司差人追征钱粮勾摄公事及捕获罪人聚众打夺因而伤人者○杀人及聚至十人
以下手致者○率领家人随行夺家人亦曾伤人者
窃盗三犯○掏摸罪同○军人为盗三犯
略诱略卖良人因而伤人者
发冢开棺椁见尸者
子孙于祖父母父母奴婢雇工人于家长坟墓内熏狐狸烧尸者
谋杀入从而加功者○若伤而不死造意者
奉
制命出使而官吏谋杀已伤者
奸夫自杀其夫奸妇虽不知情

鬪毆杀人者余条以鬪毆论者依此

同谋共毆人因而致死下手者

以他物置人耳鼻并孔窍中及屏去人服食至死者

威逼期亲尊长致死者

皇家袒免以上亲而毆之笃疾者

奉

制命出使而官吏毆之及部民毆本知府知州知县军士毆本管指挥千户百户吏率毆

本部 五品以上长官折伤者○若毆六以下长官佐贰官首领官笃疾者

首领官及属官左贰官毆长官笃疾者

官司差人追征钱粮勾摄公事而毆至笃疾者

以威力制缚人及私家拷打监禁因而致死者

奴婢毆良人以笃疾者

良人毆他人奴婢若死及故杀者

故缙麻小功亲奴婢者

毆缙麻小功大功亲雇工人至死故杀者

奴婢过失杀家长者○若毆家长之期亲及外祖父母者

雇工人毆家长及家长之期亲若外祖父母折伤者

家长及家长之期亲外祖父母故杀雇工人者

妾毆正妻至笃疾者

夫毆妻至死者

毆妻之父母笃疾者

卑幼毆本宗缙麻及外姻缙麻小功大功兄姊尊属至笃疾者

尊长毆卑幼缙麻小功大功至死者○故杀同堂弟妹堂侄及侄孙者

嫡继慈养母杀子孙致令绝嗣者

妻毆卑属至死者

故杀夫之兄弟子者

尊长毆卑幼之妇妾至死者

毆妻前夫之子至死者

奴婢骂家长者

投匿姓名文书告言人罪者

诬告人因而致死随行有服亲属一人者

诈为○

制书及增减未施行者

诈为将军总兵官五府六部都察院都指挥使司内外各卫指挥使司守御千户所文书

套画押字盗用印信及空纸用印者

诈传

皇后懿旨

皇太子亲王令旨者

私铸铜钱者。匠人同罪

强奸者。奸幼女十二岁以下者

奸从祖祖姑出嫁从祖姑者

奸亲属妾强者。诬告人死罪所诬之人已 者

奴及雇工人奸家长之期亲若妻者

失火延烧

宗庙及官阙者

犯罪拒捕殴人至折伤以上者

官吏怀挟私售故禁平人因而致死者

狱卒凌虐罪囚克减衣粮因而致死者

狱卒以金刃及他物与囚致囚反狱及杀人者

杂犯死罪

斩罪

内府承运库交割余剩之物朦胧擅将出外者

称诉冤枉借用印信封皮入递借者及借与者

盗

内府财物者

监守自盗仓库钱粮等物不分首从并赃论罪四十贯余条以监守自盗论者依此

绞罪

军官犯罪请

旨上议当该官吏

车驾行处军民冲入议仗内者

冲入仪仗内诉事不实者

在京守御官军递送逃军妻女出京城者。逃军买求者

常人盗仓库钱粮等物不分首从并赃论罪八十贯余条以常人盗官物论者依此
冢先穿陷及未殡埋开棺槨见尸者

官吏受财枉法有禄人八十贯。无禄人一百二十贯余条以枉法论者依此

边远充军

官员乞养子诈冒承袭者。他人教令者。官知而听行者

诈称军人不当军民差役者

寺观庵院不许私自刼建增违者

不系宿卫应直合带兵仗之人但持寸刃入皇城门内者。门官及宿卫官军故纵者

皇城门内者。门官及宿卫官军故纵者

从

车驾行而逃者

内使私将兵器进入

皇城门内者。门官及守卫官失于掺检者

皇城门应闭而误不下锁者

将帅擅调军马及所擅发与者

若不即调遣会合或不即申上司及邻近卫所不即发兵集应者

上司及大臣将文书调遣将士提拨军马者非奉御宝

圣旨不得擅离信地若军官有除别职或犯罪取发如无奏奉

圣旨亦不许擅动违者

被贼侵入境内掳掠伤人民

军人私出外境掳掠伤人为从者

各处守御官不守纪律不操练军士及城池不堤备不严抚驭无方致有所部军人反叛

者亲管指挥千户百户镇抚

军人关给军器私卖者

若私使出境因而致死或被贼拘执者。本管官吏容隐不举及虚作逃亡报官者

军官军人听公侯役使及不出征时輒于公侯门首伺立者

从征守御官军人在逃再犯者。在京各卫各处御城池军人在逃再犯

各处守御及屯田官军递送逃军妻女者。逃军买求者。守门之人知情故纵者

诬告充军者民告抵充军役军告者

内府各卫指挥千百户镇抚总小旗不得接受公侯所与宝钞金银段疋衣服粮米钱物

若受者

充军

军官有犯私罪该徒流者照依地里远近发各卫
军官军人犯罪该徒五等皆发二千里内卫分流三等照依地里远近发各卫
杀死军人者依律处死仍将正犯余丁抵数
在京军民若犯杖八十以上者军发外卫
守御去处千户百户镇抚有缺具本奏
闻选用若先行委人管希望实仗当该官吏各罢职役
跟随官员隐蔽差役者
内使出入不服拶检者
军人不亲出征雇倩人冒名代替者替身收籍正身依旧各充军
边将私令军人于外境掳掠人口财物者
军人出征获到马匹军官卖者
军官私卖军器者
管军百户及总旗小旗军吏纵放军出百里之外买卖或种田或隐占在已使唤空歇军
役罪止者。若小旗总旗百户纵放军人本管指挥千户镇抚当该首领官吏故纵不举
及指挥千户镇抚故纵军人百户总小旗知而不首告者
军官军人从军征讨私逃还家及逃往他地所再犯在京各卫各处守御城池军人再逃
三犯知情窝藏者。本管头目知情故纵者
在京各卫军人在逃初犯者
不行用心铃束小旗名下逃去五名者
军出百里之外不给引者以逃军论
起发充军囚徒中途在逃押解人长官故纵者
应充军囚徒断决后限外无故稽留不送因而在逃者就将提调官吏抵犯人本罪发遣

附真犯死罪充军为民例 万历十三年奏定并新题

凌迟处死

一万历十六年正月内题奉

钦依今后在外衙门如有子孙谋杀父母父母者巡按御史会审情真即单详到院院寺
即行单奏决单到日御史即便处决如有监故在狱者仍戮其尸

一杀一家非死罪三人及支解人为首监故者仍剉碎死尸梟示

一义子过房在十五岁以下恩养年久或十六岁以上曾分有财产配有室家若于

义父母及义父之祖父母父母有犯即同子孙取问如律若过房虽十五以下未久或十六以上不曾分有财产配有室家及于义父之期亲并外祖父母有违犯者以雇工人论义子之妇亦依前拟岁数如律科断从谋故杀殴骂凌迟处斩绞各条下科断

一万历十六年正月内题奉

钦依今后官民之家凡倩工作之人立有文券议有年限者以雇工人论止是短雇月日受值不多依凡论其财买义男如恩养年久不曾配有室家者照例同孙论如恩养未久不曾配合者士庶之家依雇工人论缙绅之家比照奴婢律论从谋故杀殴骂凌迟处斩绞各条下科断

斩罪

一凡豪强盐徒聚众至十人以上撑驾大船张挂旗号擅用兵仗响器拒敌官兵若杀人及伤三人以上者比照强盗已行得财律皆斩首者仍梟示。其虽拒敌不曾杀伤人为首者处斩。若止十人以下原无兵仗遇有追捕拒敌因而伤至二人以上者首处斩

一伪造监引印信贿嘱运司吏书人等将已故并远年商人籍中监来历填写在引转卖诓骗财物为首者依律处斩

一弘治十一年二月十五日节该钦奉

孝宗皇帝圣旨迤北小王子等差来使臣人等赴京朝贡官员军民人等与他交易止许光素纁丝绢布衣服等件不许将一应兵器并违禁铜铁等物敢有违犯的都拿来处以极刑

一临阵若擅杀平人及被虏逃回人口冒作贼级报功者俱以故杀论

一沿边沿海及腹裹府州县与卫所同住一城及卫所自住一城者若遇大虏及盗贼生发攻围不行固守而輒弃去及守备不设被贼攻陷城池劫杀焚烧者卫所掌印与专一捕盗官俱比照守边将帅失陷城寨者律斩。若府州县原无设有卫所但有专城之责者不分边腹遇有前项失事掌印捕盗官照前此律处斩

一奸豪势要及军民人等擅造二桅以上违式大船将带违禁货物下海前往番国买卖潜通海贼同谋结聚及响导劫掠良民者正前犯比照谋叛已律处斩仍梟示。其打造前海船卖与夷人图利者比照私将应禁军器下海因而走泄事情律为首处斩

一凡官员军民人等私将应禁军器卖与进

贡夷人图利者比依将军器出境因而走泄事情者律斩

一凡盗

内府财物系

乘輿服御物者仍作真犯死罪

一凡凤阳

皇陵泗州

祖陵南京

孝陵

天寿山

列圣陵寝承天府

显灵山前山后各有禁限若有盗砍树株者验实真王椿植比照盗

大祀神御物斩罪奏

请定夺

一边沿海钱粮有侵盗银二百两粮四百石草八千束钱帛等物值银二百两以上漕运钱粮有侵盗银三百两粮六百石以上俱照本律仍坐真犯死罪系监守盗者斩奏请定夺

一强盗杀人放火烧人房屋奸污人妻女打劫牢狱仓库及干系城池衙门并积至百人以上不分曾否得财俱照得财律斩随即奏

请审决梟示若止伤人而未得财比照抢夺伤人律科断

一万历十六年正月内题奉

钦依各处巡按御史今后奉单强盗必须审有赃证明确及系当时见获者照例即决如赃迹未明招扳续缉涉于疑似者不妨再审其问列衙门以后如遇鞫审强盗务要审有赃证方拟不时处决或有被获之时伙贼供证明白年久无获赃亦花费伙贼已决无证者俱引秋后处决

一向马强盗执九弓矢军器白日邀劫道路赃证明白俱不分人数多寡曾否伤人依律处决于行劫处梟示

一盗掘金银铜锡水银等项矿砂杀伤人为有者比照窃盗拒捕友伤人律斩

同居卑幼将引人盗己家财物如系强劫比依各居亲属行强盗卑幼犯尊长以凡人论斩罪奏

请定夺

一糾众发冢起棺索财取赎者比照强盗得财律不分首从皆斩

一各处无藉之徒引贼劫掠以复私讎探报消息致贼逃窜比照奸细律斩梟而

一子孙威逼祖父母父母妻妾威逼夫之祖父母父母致死者俱比依殴者律斩奏

请定夺

一广西云贵湖川等处但有冒籍生员食粮起页若买到土人倒过所司起送公文顶名赴部投考若已授职比依诈假官律

一弘治五年十月二十四日节该钦奉

孝宗皇帝圣旨今后敢有私自净身的本身并下手之人处斩

一成化八年六月十六日节该钦奉

宪宗皇帝旨各边仓场若有故烧系官钱粮草束者正犯梟示

一若盗及弃毁伪造总督巡抚录勘事提学兵备屯田水利等官

钦给关防悉与印信同科伪造及弃毁斩盗皆斩

一凡问发充军人犯逃回问真犯死罪免死充军者俱照原问死罪处决

绞罪

一受财故纵与囚同罪人犯该凌迟斩绞依罪止拟绞者俱要固监缓决候逃得获审豁

一强夺良家妻女卖与他人为妻妾及投献

王府并勋戚势豪之家者俱比照强夺良家妻女奸占为妻妾绞罪奏

请定夺

一豪强盐徒聚众止十人以下原无兵仗遇有追捕拒敌因而伤至二人以上者下手之人比照聚众中途打夺罪人因而伤人律绞

一官军人遇有征调点选已定至期起程不问已未关给赏赐若有避难在逃者依律问断其征期已过送兵部编发宣府独石等处沿边墩台哨瞭半年满日发回原卫还着役若仍发出征及哨瞭在逃者依从征私逃再犯者律处绞

一在京在外守御城池军人在逃三次依律处绞

一盗

内府财物系杂犯及监守常人盗窃掏摸抢夺等项但三次者不分所犯各别曾否刺字革前革后俱得并论比照窃盗三犯律处绞奏

请定夺

一沿边沿海钱粮有侵盗银二百两粮四百石草八千束钱帛等物值银二百两以上漕运钱粮有侵盗银三百两粮六百石以上俱照本律仍坐真犯死罪系常人盗者绞奏

请定夺

一万历二十年二年内题奉

钦凡监守常人盗以后侵欺人犯但有赃至二十两以上者限一个月二百两以上者限三个月果能尽数通完例该永戍者止照本发落真犯死罪者减等免死充军以着伍后所生子女替役过期不完各本等例复位拟

一正统八年七月十一日节钦奉

英宗皇帝圣旨今后窃盗初犯刺右臂的革后再犯刺左臂若两臂俱刺赦后又犯的准三犯论还将所犯赦前赦后明白开奏定夺

一万历十六年正月内题奉

钦依今后审录官员凡遇三犯窃盗中有赃数不多或在赦前一次赦后二次或赦前二次赦后一次者俱尊照

恩例并入矜疑辩问疏内参酌奏

请改遣

一将腹里人口用强略卖与境外土官土人峒寨去处图利若未曾杀伤人比依将人口出境律绞

一妻妾威逼夫致死者比依妻殴夫至笃疾者律绞奏

请定夺

一鬪殴伤人辜限内不平服延至限外而死情真事实者仍拟死罪奏

请定夺

一问发充军人犯逃回原犯杂犯死罪以下充军者若犯至三次通系着伍以后即依守御官军律绞。其有逃遇宥者三犯亦并论拟绞奏

请定夺

永远充军

一宗室违悖

祖训越关来京奏扰其同行拨置之人

一管庄佃仆人等占守水陆关隘抽分掳取财物挟制把持害人者

一拨置

王府军民人等充军逃回再犯者改调极边烟瘴

一凡天文生犯该永远充军习业未成未能专事者不准收赎

一永远充军或奉有

特旨处发叛逆家属子孙止于本犯所遗亲枝内勾补尽绝即与开豁若未经发遣监故其勾补其真犯死罪免死充军者以着伍后所生子女子孙替役不许行勾原籍子孙以万历十三年新颁行到日为始已前勾补过者不得混行告脱其余杂犯死罪并徒流等罪照例军及口外为民者俱止终本身

一罢闲官吏在京潜住有擅出入禁门交给者

一沿边沿海军民人等躲避差役逃入土夷洞寨海岛潜住者

一军民人等将争兢不明并卖过及民间起科僧道将寺观各田地若子孙将公共祖坟山地朦朧投献

王府及内外官豪势要掎契典卖者投献之人。山东河南北直隶各空闲地土祖宗朝听民尽力开耕永不起科若有占夺投献者

一漕运官军如有水次折干沿途盗卖自度粮米短少故将船放失漂流及虽系漂流损失不多乘机侵匿掇作全数贿嘱有司官吏扶同奏勘者官军不分赃数多少

一掇称

皇店在于京城内外邀截客商措勒财物者

一川广云贵陕西等处但有汉人交结夷人互相买卖借贷诓骗财物引边惹边衅及潜住曲寨教诱为乱贻害方者

一守把海防武职官员有受通番土俗哪哒报水分利金银物货等项值银百两以上名为买港许令船货私入串同交易贻患地方及引惹番贼海寇出没 杀居民者

一黄船附搭客货及夹带私物者小甲客商等俱发极边

一盗

内府财物系

乘輿服御物者仍作真犯死罪其余监守盗银三十两钱帛等物值银六十两以上者内犯奏

请发充净军

一仓库钱粮若宣大甘宁榆辽四川建松广西贵州并沿边沿海去处监守粮四十石草八百束银二十两钱帛等物银二十以上常人盗倍之。两京衙门漕运并京通临淮徐德六仓监守盗粮六十石草一千二百束银三十两钱帛等物值银三十两上常人盗倍之。腹里但系抚按等官查盘去处监守盗粮一百石草二千束银五十两钱帛等物值银五十两以上常人盗倍之。各处征收在官应该起解钱粮有侵盗者俱照腹里例拟断

一万历十五年正月上题奉

钦依除系真正监守自盗与真盗官物者不论杂犯俱行刺配如系查盘坐侵等项及非真盗而以监守自盗论者照依节年会议犯准徒仍行免刺

一自己及他人骑操官马盗卖五匹以上属军卫者发极边属有司者发边卫

一将良民诬指为盗及寄买贼赃捉拿拷打吓诈财物或以起赃为由沿房拶捡抢夺财物淫辱妇女除真犯死罪外其余不分首从

二设方略而诱取良人与略卖良人子女不分已卖未卖三犯者不分革前革后

一将腹里人口用强略卖与境外土官土人峒寨去图利若未曾杀伤人为从者军民人等发边卫原系边卫者改发极边

一因事威逼人致死一家三命以上者

一聚众执持凶器伤人及围绕房屋抢捡家财上俱不分首从

一沿边地方各该镇守总供副参游击守备都司卫计人已赃至三百两以上。其沿海地方有犯亦前例

一描摸印信行使诓骗财物徒以上

一各处巡按御史都布按三司分巡分守官查盘军器若有侵欺物料那前补后虚数开报不论官旗军人赃重照侵欺仓库钱粮事例

一仪宾犯该充军如郡县主君乡君已故者照例发遣仍奏请 从永远终身附各条下科断

极边烟瘴边远沿口外充军

一

王府军校逃回在京潜住者极边。窝藏及两邻不首事发一体发遣

一诱买各边军丁者极边

一土官袭替其通事人等及逃流军囚人揆置土官亲族不该承袭之人争袭劫夺讎杀者俱极边烟瘴

一太常寺光禄寺厨逃三次以上口外

一军户子孙另开户籍或于别府州县入赘寄籍及买及嘱原籍官吏里书人等捏作丁尽户绝回申者正犯烟瘴

一强种屯田五十亩上不纳子粒民发口外

一大同山西宣府延宁辽紫荆密云等边官旗军民人等擅将应禁林木砍伐贩卖者烟瘴

一兴贩私茶潜住边境与夷交易及在腹里贩卖与进贡回还夷人者不拘斤数连知情歇家牙保俱瘴

一陕西洮河西宁等处行茶地方冒顶番名将老弱不堪马二疋以上中纳支茶者军极边

一势豪举放私债交通运粮官擅拏军捆打强将官粮准还私债属有司者口外

一辽东马市不许通事交易人等将各夷欺侮愚弄亏少价及偷盗货物亦不许揆置夷人指以失物为由扶同诈骗财物分用敢有擅夷人入城及纵容官军人等无货者任意入市有货者在内过宿规取小利透漏边情者俱烟瘴

一文职官吏人等若父母见任诈称死亡者发口外独石等处充军

一各处备倭贴守其把总等官纵容舍余人等代替正军调沿海舍余人等就收该卫

一临阵强夺他人首级报功旗降原役一级系边卫者极边卫分

一贼拥大众入寇官军卒遇交锋损伤虏数十人之上于曾亏损大众或被贼众入境虏杀军民数十人之上不曾虏去大众或被贼白昼夤夜突入境内抢掠头畜衣粮数多不曾杀军民虏军民者俱问守备不设贼侵入境内虏掠人民本律发边远。芟交锋入境损伤杀四五人抢去衣粮头畜不多者亦问前罪

一沿边沿海若遇大虏及盗贼生发攻围不行固守而輒弃去及守备不设被贼攻陷城池劫杀焚烧者府州县掌印并捕盗官与所同住一城及设有守备官驻扎本城者俱比照守边将帅被贼入侵境内虏掠人民发边远。其有两县同住一城及府州县佐贰首领但分有守城信地各以贼从管城分进入坐罪

一各处总兵并分守守备等官精选能书算军余各一其余号称主文于预书办者调极边

一各边将官并管军头目私役及军人等私出境钓豹捕鹿砍木掘鼠等项并把守之人知情故纵官旗军吏扶同隐蔽者军调烟瘴

一各处关堡墩台等项守备去处官军用钱买闲者官调极边。若原在关军人逃回潜住及夤 夜回家轮班不去者

一州县起解备用马匹若马贩交通官吏医兽人等揽作弊再犯累犯者极边

一大同三路官旗军人将不堪马匹通同光棍引赴该管官处及管军头目收买私马 诡令伴当人等嘱各守备等官俵与军士通同医兽作弊支官银者调极边

一官吏旗校舍余军人等为事问发为民来京潜住原系口外者发口外充军

一马快船只附搭客货及夹带私物者小甲客商人等俱发口外

一盗掘金银铜锡水银等项矿砂若在出洞捉获持仗拒捕一不论人数矿数多寡及初犯再犯不分首从俱发边远。其不曾拒捕若聚至三十人以上不论矿数多寡及初犯王犯为首者。茆不曾拒捕又人数不及三十名为首再犯者

一诓骗听选官吏及举监生员人等财物不分首从发烟瘴。其央浼营干致被诓骗者

一因事聚众将本管及公差勘事催收钱等项一应监临官殴打绑缚者不分首从属军卫发极边。若止是殴打为首者

一在京在外无籍之徒投托势作心腹诱引生事绑缚平民在于私家拷打胁骗财物者发烟瘴

一擅入

午门长安等门内叫诉冤枉奉

旨勘问若涉虚者发口外

一官吏人等犯该为民等项罪名不分已未结正有妄奏冤枉摭拾原问官员勘问涉虚原问充军者发极边

一各处刁军刁民专一挟制官吏陷害良善起灭词讼结党捏词缠告把持官府不得行事等项情犯深重者若原系充军口外为民人犯遇例放回原籍有前项罪犯者发本边

一沿边地方各该镇守总兵副参游击守捕都司卫所等官但有科捡军人财物及扣减月粮计入已赃至二百两以上调瘴。其沿海地方有犯亦照前例

一将本状用财雇寄与人赴京奏诉者并揽受雇受寄之人属有司者发口外

一起解军士捏买伪印挑回原系边卫者调极边

一弘治五年十月二十四日节该钦奉

孝宗皇帝圣旨今后敢有私自净身并下手之人处斩全家发边境

一问发克军人犯逃回原犯杂犯死罪以下充军者再犯调边境

一各处有司起解逃军并军丁及充军人犯违限一年以上正犯原系边卫发极边

一问发为民人犯若发自在安乐二州逃回者照旧解发再逃者改发极边充军

边卫充军

一各

王府设谋揆置旗校舍余人等

一各处

郡王并将军中尉凡有奏请启

王参详后奏违者赍奏人员。其无藉之徒谁挟各府财物来京交通歇家打点例不
该行事务者

一文职本身并同祖亲技有女为

王妃男郡县主仪 俱各见在不许升除京职若保勘隐情以存作亡以有作无正犯
卫保勘之人属军卫者

一

王府选婚营求拨置之人

一

王府人役假借威势侵占民田攘夺财物致伤人命徒以上

一

王府禄米若本府旗校管庄人等于预拨置折收银两多收米麦索财物及邀截纳户
用强兑支并擅自差人下府州县催征骚扰者旗校人等杖以上

一投充

王府及镇守总兵两京内臣功臣戚里势豪之家作为家人伴当事于吓骗财拨置打
死人命强占田地等项情重者

一乐工纵容女子擅人

王及容留将军中尉在家行奸并军民旗校人等与将军中尉赌博及擅入府教诱为
非者

一强盗聚众至十人及行劫累次系小功以下亲属首告者

一凡自守强盗除杀死人命奸人妻女烧人房屋罪犯深重不准外其余虽会伤人不死者照凶徒执持凶器伤人事例。其放火烧人空房及田场积聚之物若计所烧之物重于本罪者亦止照放火延烧事例

一受财卖放充军人犯者即抵充军役若系永远同罪者止终本身仍勾原犯应替子孙补伍

一不由铨选推举径自朦胧奏请希永进用夤缘奔兢乞恩传奉等项阻坏

祖宗选法者旗军舍余发边卫

一军职考选其刁泼之徒不得与选輒生事端教唆陷害已官员者军调边卫

一军职应袭儿男弟侄勘明缴部原告承行捏词奏告属军卫者

一军职袭替不由军功例该减革部行捏奏兵部官吏阻坏选者调边卫

一军职受财将官卖与异姓人冒袭已经到部袭过者买袭之人比照乞养子冒袭律

一应袭舍人父在诈称死亡袭职者

一主文书箠快手皂隶总甲门禁库子人等久恋衙门说事过钱把持官府飞诡粮灭词讼陷害良善及卖放强盗诬执平民为从事发有贲迹情重者旗军。若里书飞诡税粮二百石以上者

一旗军受财代替夹带传递及纵容不举捉拿者。若冒顶正军入场看守属军卫者

一文职官员举贡官恩援例监生并省祭知印承差人等曾经考察论劾罢黜及为事问革年老事故例不入选若买求官吏起复选用已除授者

一在京在外军民人等与

朝贡夷人私通往来投托管顾拨置害人因而透漏事情者

一汉人诈冒番人者

一用强占种屯田五十亩以上不纳子粒旗军军丁人等。其屯田人等将屯田典卖与人至五十亩以上与典主买主各不纳子粒者

一西山一带密迩京师地方内外官豪势要之家私自开窑卖煤凿山卖石立厂烧灰者

一陝西榆林等处近边地土各营堡草场界限明白敢有那移条款盗草场及越出边墙界石种田者军民系外处发榆林本处发甘肃

一将妻妾作姊妹及将带不明妇女或将亲女并居丧姊妹嫁卖与人骗财之后设词托故公然领去或瞰起程中途聚众行凶邀抢人财属军卫者

一在外官员通同势要卖纳户口等课钞卖钞之人

一大户不纳秋粮二百石以上。敢有一行运赴官仓逼私兑者

一在京在外并各边收放粮草若职官子弟积年光棍跟子买头小脚歇家伴当等三五成群抢夺筹斛占堆行輒等项打搅仓及欺凌官攒或挟诈运纳军民财物徒以上与再犯杖以下属军卫者

一粮草军需但有包揽诬骗银一日两粮二百石以上事发三个月不完者经年不完者仍枷号一个月。各边武职主使家人伴当跟随交结人员挟势揽纳作弊听使之人

一在京刁徒光棍访知铺行但与解户交关价银)輒便邀集党类数十为群入门噪闹指为揽纳捉要送官其家畏惧罪名厚赂买灭所费钱物出在解户以致钱粮累年不完如有犯者查照打搅仓场事例属军卫者

一各处司府州县并各钞关解到布绢钱钞等项赴部送甲字等库验收若有指称权贵名色措勒解户诬诈财物者不分军民匠役

一跟漕运把总指挥千百户等官书算人等指称使用科索军人财物入已赃至二十两以上各边招商上纳粮草若人外势要官豪家人诡名占窝转卖取利者

一豪强盐徒聚众至十人以上撑驾大船张挂旗号擅用兵仗响器拒敌官兵不曾杀伤人为从者

一越境兴贩官私引盐至三千斤以上原系腹里卫所者。其客商收买余盐买求掣摯。巡捕官乘机兴贩俱至三千斤以上

一两淮等处运司商人必须纳过银两纸价方给引目守支若先年不曾上纳故挽守支年久等项虚词奏扰者照各处盐场无籍之徒把持诈害事例

一伪造盐引印信贿嘱运司吏书人等将已故并远年商人名藉中盐来历填写在引转卖诬骗财物为从并经牙行店户运司吏书一应知情人等但计赃满贯者不拘曾否支盐出场

一各运司总催该管盐课纳完方给通关若买嘱官吏并覆委官指仓指囤符同作弊者

一各处盐场无籍之徒把持官府诈害客商犯徒以上及再犯杖以下者

一私茶有兴贩夹带五百斤照私盐例属军卫者

一私茶在西宁甘肃洮贩卖三百斤以上。若守备关巡捕等官自行兴贩私茶通番者

一做造假茶五百斤以上本商并转卖之人原系腹裹卫所者。店户窝顿一千斤以上

一势豪举放私债交通运粮官挟势擅拏官军绑打凌辱强将官粮准还私债属军卫者

一会同馆内外四邻军民人等代夷收买违禁货物者

一客商辐辏去处若牙行及无籍之徒诬賒货物监追年久无还累死客商属军卫

者

一杨村蔡村河西务等处如有用强拦截民运粮船在家包雇车辆逼勒多出脚钱

者

一官吏军民僧道人等来京妄称谕晓扶鸾祷圣书符咒水一切左道乱正邪术扇惑人民为从者及称烧炼丹药出入内外官家或擅入

皇城夤缘作弊希求进用属军卫者

一左道惑众之人或烧香集从夜聚晓散为从者及称为善友求讨布施至十人以上并军民人等不问来历窝藏接引或寺观住持容留剃簪探听境内事情及被诱军民舍与应禁铁器等项属军卫者

一

皇城各门各铺上直守卫该管官旗铃束不严及容情故纵所管军人离直点视不到十名以上者小旗降军调边卫。若受财卖放者不分人赃多寡降调。其留守五卫各该直宿官旗军人点视不到三次以上者

一

圣驾出郊冲突仪仗妄行奏诉者追究主使教唆捏写本状之人

一各卫直宿军职使令上直军人内官使令上直校尉各悬带铜牌出百里之外营干私事者内官发充净军军人校尉俱边

一临阵报有斩获贼级若用钱买者卖者军发边卫。若强夺他人首级及妄割被杀汉人首级冒功者。若擅杀平人及被虏逃回人口冒作贼级报本管将官头目矢于铃束者五名口以上降级调卫十名口以上罢职充军

一在京在外反都司卫所勾到新军官吏旗甲附写名数送营差操如有指称使用等项名色勒要取财物逼累在逃者不问指挥千百户镇抚俱照卖放正军事例计所逃人数多寡降级充军

一轮操军人军丁沿途劫夺人财杀伤人命占夺车船作践田禾等项许被害之人赴所在官司具告拏解兵部转送法司究问徒以上

一各处京操官故行不肯赴操者抚按锁解兵部发操若抗违不服参奏问调边卫

一

中都出东河南各都司卫所掌印官将原额京操班军实在身照名查点督发赴班中间或有受财卖放者以卖放正军事例从重论

一各处镇守总兵协守副总兵游将军分守参将守备都指挥千百户镇抚不管事者但有额外多占卖放正军至二十名以上余丁至三十名以上俱罢职充军。其役占卖放纪绿幼军者照余丁例役占卖放备边壮勇者照正军例

一军职卖放并役占军人二罪俱发其卖放已至十名以上役占不及数者依卖放例罢职充军

一轮操军在逃三次者不分革前革后外卫调边卫

一武官有为事问发充军来京潜住者

一居庸山海等关引送口外边逃军过关并守把盘诘之人卖放者

一夷人贡船到岸先行接买番货及为夷人收买违禁货物者

一奸豪势要及军民人等擅造二桅以上违式大船将带违禁货物下海前往番国买卖潜通海贼同谋结聚及为响导劫掠良民者正犯处斩梟示全家发边卫。其打造前项海船卖与夷人图利为从者。若止将大船雇与下海之人分取番货及虽不曾造有大船但糾通下海之人接买番货与探听下海之人番货到来私买贩卖苏木胡椒至一千斤以上者

一私自贩卖硫黄焰硝与外夷及边海贼寇不拘多寡为从者。若合成火药卖与盐徒者

一官员军民人等私将应禁军器卖与进

贡夷人图利为从者

一州县起解备用马匹若马贩交通官吏医兽人等揽作者

一各铺司兵若有无籍之徒不容正身应当用强包揽多取工钱致将公文稽迟沉匿等项旗军发边卫

一各处水马驿递运所夫役巡检司弓兵若有用强包揽不容正身着役多取工钱害人揽扰衙者旗军调边卫

一南北直隶山东等处各属马驿到马头若用强包揽者旗军发边境。其光棍交通包之徒正身姓名捏写虚约托官豪勋戚之家前去原籍妄偈正身家属逼勒取者

一会同馆夫五年以上不行替役及近馆无籍军民人等用强当者

一指称勋戚文武大臣近侍官员姻党族属家人名目虚张声势扰害经过军卫有司驿递衙门占宿公馆索取人夫马匹车辆财物等项及奸徒诈称势要卫门乘坐黑楼等船只悬挂牌面希图免税诓骗违法者徒罪以上

一凡凤阳

皇陵泗州

祖陵南京

孝陵

天寿山

列圣陵寝承天府

显灵山前山后各有禁限若有盗砍树株从者。取土取石开 烧造放火烧山者

孝陵神烈山铺舍以外去墙二十里开山取石安插坟墓筑凿臺池者

一官司差人追征钱粮勾摄公事并补获罪人但聚众至十人以上中途打夺为从者若系异姓同恶相济及搥师打手俱边卫

一号称喇唬等项名色白昼撒泼口称

圣号及总甲快手应捕人等以妄捕勾摄为由各毆人夺财犯从以上不分人多人少若初犯一次属军卫者。虽系初犯若节次抢夺及再犯累犯笞杖以上者

御马者。若将自己及他人骑操官马盗卖至三匹以上及再犯不拘匹数属军卫者

一冒领太仆寺官马至三匹者

一指称打点诓骗财物计赃犯徒以上者俱不分首从

一设方略而诱取良人与略卖良人子女不分已卖未卖俱边卫

一发掘

王府将军中尉夫淑人等郡县主郡县乡君及历代帝王名臣先贤坟墓开棺为从与发见棺槨为首者

一各处大户家人佃仆结构为盗杀官劫库劫狱放火若大户知情故纵徒流杖罪属军卫者

一

皇亲功臣管庄家仆佃户人等诸军民大户勾引来历不明之人窝藏强盗二名以上窃盗五名以上坐家分赃者

一知强窃盗赃而接买受寄三犯以上不分赃数多寡与知强盗后而分赃至满贯者

一同谋共毆人其共毆之人审系持鎗刀等项凶器亦有致命伤痕者

一万历十六年正月内题奉

钦依今后审录官员凡审共毆下手拟人犯困于未结之前遇有原谋助毆重之人监毙在狱与解审中途因而病故者准其抵命若系配发事结之后家病亡者不得滥改抵偿仍将下手之依律处决

一故杀妾及弟妹子孙侄孙与子孙之妇图赖人属军卫者

一因事用强毆打威逼致死困有致命重伤及成残廢笃疾虽有自尽实迹者

一因事威逼人致死一家二命及非一家但至三命以上者

一妇人夫亡愿守志别无主婚之人若有用强求娶逼受聘财因而致死者

一军民人等因事威逼本管官致死为从者

一凶徒因事忿执刀弓箭铁简剑鞭斧扒头流星骨朵麦秤锤凶器但伤人及误伤旁人与凡剜瞎人眼睛折人肢体全抉人耳鼻口舌毁败人阴阳者

一卑幼毆期亲尊长执有刀刃赶杀情状凶恶虽未成伤者

一兄与伯叔谋夺弟侄财产官职等项故行杀害属军卫者

一假以建言为由挟制官府及暧昧不明奸赃事情污人名节报复私讎者旗军人

等

一汉人投入土夷地方冒顶夷人亲属头目名色为奏告报讎占骗财产者

一募越赴京及赴巡抚巡按按察司官处各奏告叛逆等项机密重事不实并全诬十人以上属军卫者

一在外刁徒身背黄袱头插黄旗口称奏诉直入衙门挟制官吏不系干已事情别无冤枉并追究主使之人壹体问罪属军卫者

一军旗欲告运官不法事情候完粮回南之日赴漕司告理如赴别赴别衙门挟告诈财者徒以上

一各处刁军刁民专一挟制官吏陷害善灭词讼结党捏词缠告把持官府不得行事等项情犯深重者军发边卫

一各处奸徒串结衙门人役假以上访察为由纂集事件挟制官府陷害良善或诈骗财物或报复私讎名为商访者

一无籍棍徒私自串结将不于已事情捏写本词声言奏告恐吓得财计赃满贯不分首从。若妄指

宫禁亲藩为词诬害平人不分首徒

一代人捏写本状教唆或扛帮赴京及赴巡抚巡按并按察司官处各奏告叛逆等项机密强盗人命重事不实并怀诬十人以上者

一将本状用财雇寄与人赴京奏诉者并受雇受寄之人属卫者

一文武职官索取土官夷人猺獐财物犯徒三年以上者

一诈伪察院布政司按察司府州县及其余衙门文书诳骗科敛物者

一起解军士掙买伪印批回者军士调边卫

一私铸铜钱为从者旗调边卫

一广西云贵湖川等处但有冒籍生员食粮起页若买到上人倒过所司起送公文顶名赴部投考卖者

一诈冒

皇亲族属姻党家人在京在外巧立名色挟骗财物侵占地土并有禁山场拦当船只措要银两出入大小衙门嘱公事贩卖钱钞私盐包揽钱粮假称织造私开牙行擅搭桥梁侵渔民利徒罪以上

一假充大臣及近侍官员家人名目豪横乡村生事害民强占田土房屋招集流移住种犯徒以上者

一假冒内官亲属家人等项色恐吓官司诳骗财物者

一诈充锦衣卫旗校假以差遗体访事情缉捕盗贼占宿公馆妄拏平人吓取财物扰害军民徒以上

一亲属犯奸至死罪强奸未成者

一光年净身人曾经发回若不候

朝廷收取官司明文起送私自来京图谋进用者

一放火故烧自己房屋因而延烧官民房屋及积聚之物与故烧人空闲房屋及田场积聚之物者

一各处有司起解逃军并军丁及充军人犯违限一年之上正犯原系附近发边卫

一法司问断过各处本等项人犯发各衙门程递者押解人役若擅加扭镣非法乱打拶检财物剥脱衣服逼致死伤及受财故纵并听凭狡猾之徒买求杀害徒以上属军卫者

一万历十八年三月内奉

钦依凡人命当检验者作受财增减伤痕符同尸状以成冤狱审出真情赃至满贯者查照诬骗情重事例问遣

一巡按三司分巡分守官查盘军器若卫所官旗人等侵欺物料那前补后虚数开报及三年不行造册奏缴者旗军人等

一故决盗决山东南旺湖沛县昭阳湖属山湖安山积水扬州高宝湖淮安高家堰柳浦湾及徐邳上下滨河一带各堤岸并阻绝山东泰山等处泉源有干漕河禁例首之人系军调边卫。其闸官人等用草卷阁闸板盗泄水利串同取财徒以上

一河南等处地方盗决及故决堤防毁害人家漂失财物淹没田禾徒以上为首者系军调边卫

一运河一带用强包揽闸夫溜夫二名以上捞浅铺夫三名以上旗军发边卫

附近充军

一僧道官受财枉法满贯

一五府差舍押解军犯若受财卖放舍人抵充役候获替放。若酷害军犯拶检财物纵不脱放舍人发外卫

一锦衣卫将军校尉犯该奸盗抢夺诬骗恐吓求索枉法不枉法者

一锦衣卫旗校军士在逃犯者

一天文生犯该充军系习业已成能专其事者仍定拟疾犯该充军若有壮丁主使就将主使之人照例

一老幼废疾犯该充军若有壮丁主使就将主使之人照例

一强盗聚至十人及行劫累次系大功以上亲属首告者

一谋故杀死总小旗者正犯抵死旗役仍令本尹余丁补当若无本户余丁勾取犯人户内壮丁抵充军数

一校尉事故别姓朦胧诈冒替补者冒替之人调卫充军

一主文书算快手皂隶总甲门禁库子人等久恋衙门说事过钱把持官府孩诡税粮起减词讼陷害良善及卖放强盗诬执平民为从事发有贲迹情重者民并军丁

一冒顶正军入场看守属有司者

一夫匠人等受财代替夹带艾字传递属有司者

一文职官员举贡官恩援例监生并省祭知印承差人等曾经考察论劾罢黜及为事问革年老事故例不入选若买求官吏起复选用未除授者。其起送官吏不分军卫有司但知情受贿者

一军户捏作丁尽户绝回申者里书人等

一遇各部派到物料豪猾规利之徒买嘱吏书妄禀编派下属承揽害者

一勾补军役若正军户下本有人丁捏作无勾扶同回申原结里邻人等

一大户不纳秋粮五十石以上者。敢有不行运赴官仓逼私兑者

一在京在外并各边收放粮草若职官子弟积年光棍跟子买头小脚歇家伴当人等三五成群抢夺筹斛占堆行槩等项打搅仓场及凌官攢或挟诈运纳军民财物徒以上与再犯林以下属有司者

一在京刁徒光棍访知铺行但与解户交关价银輒便邀集党类数十群入门噪闹指为揽纳捉要送官其家畏惧罪名厚赂买灭所费钱物出在解户以致钱粮累年不完如有犯者查照打搅仓场事例属有司者

一越境兴贩官私引盐至三千斤以上者。客商收买余盐买求掣摯。巡捕官乘机兴贩俱至三千斤以上者

一私茶有兴贩夹带五百斤照私盐例属有司者

一私茶在西宁甘肃洮河贩卖一斤以上者。若守卫把关巡捕等官在西宁甘肃洮河贩卖三百斤以上者

一陕西洮河西宁等处行茶地方冒顶番名将老弱不堪马二匹以上中纳支茶者民舍余人等

一做造假茶五百斤以上商并转卖之人。店户窝頓一千斤以上

一在京在外税课司局批验茶引用所但系纳税去处若权豪无情之徒结党把持拦截生事搅扰商税徒以上

一甘肃西宁等处遇有番夷到来势豪之家王使弟男子侄家人头目人等将夷人好马奇货收逼令减价以贱易贵及将粗重货物并瘦损头畜拘收取不见用钱方许买卖者听使之人

一客商辐辏去处若牙行及无藉之徒诬賒货物监追年久无还累死客商属有司者

一内官使令上直校尉悬带铜牌出百里之外营干私事发充净军

一僧道军民人等于各寺观神庙刁奸妇女因而引诱逃走或诬骗财物者

一临阵报有斩获贼级若用钱买者卖者民并军丁人等。若强夺他人守级及妄割被杀汉人首级冒级者

一各处清解军丁若不系同宗子孙顶替起解及将长解正身卖放执批顶名者正军调卫顶军就收本卫长解受雇之人附近。里老邻佑受财者一体发遣。

一轮操军逃三次者不分革前革后京卫调外卫

一擅杀平人报功其本管将官头目我于铃束者重则罢职充军

一各处备倭贴守其把总等官纵容舍余人等代替正军者舍余人等就收该卫

一大同三路民舍人等将不堪马匹通同光棍引赴该管官处及管军头目收买私马诡令伴当人等出名情属各守备等官俵与军士通同兽作弊多支官银者

一宰杀耕牛并私开圈店及知情贩卖牛只与宰杀者再犯累犯。芟盗而宰杀及货卖者不分初犯再犯

一各铺司兵若有无藉之徒不容正身当用强包揽多取工钱致将公文稽迟沉匿等项民并军丁人等

一各处水马驿递运所夫役巡检司弓兵若有用强包揽不容正身着役多取工钱害人搅扰衙者民并军丁人等

一南北直隶山东等处各属马驿到头若用强包揽者民并军丁人等。其光棍交通包揽之徒将正身姓名捏写虚约投托官豪勋戚之家前去原籍妄拿正身家属逼勒取财者

一黄船若客商人等止是空身附搭者亦连小甲俱发附近

一将自己及他人骑操官马盗卖至三匹以上及再犯不拘匹数属有司者。若养马人户盗卖官马至三匹以上

一发掘

王府将军中尉夫淑人等邵县主邵县乡君及历代帝王名臣先贤坟墓见棺槨从与发而未至棺槨为首及发常人冢开槨见尸为从与发见棺槨为首者

一各处大户家人佃仆结构为盗杀官劫库劫狱放火若大户知情故纵徒流杖罪属有司者

一故杀妾及弟妹子孙侄侄孙与子孙之妇图赖人属有司者

一假以建言由挟制官府及将暧昧不明奸赃事情汗人名节报复私讎者民发附近

一各处刁军民专一挟制官吏陷害良善起灭词讼结党捩缠告把持官府不得行事等项情犯深重者民发附近

一文职官吏监生知印承受财枉法至满贯绞罪者

一云贵两广四川湖广等处流官擅自科敛土财物金取兵夫征价入已强将货物发卖多取价利各凸至满贯徒三年以上者

一起解军士掇买伪印批回者解人发附近

一私铸铜钱为从者民匠合余

一奸犯内外缌麻以上亲及缌麻以上亲之妻若妻前夫之女同母异父姊妹者奸夫

一各处有司起解逃军并军丁及充军人犯违限一年之上解人发附递

一故决盗山东南旺湖沛县昭阳湖属山湖安山积水湖扬州高宝湖淮安家堰柳浦湾及徐邳上下滨河一带各堤岸并阻绝山东泰山等处泉源有于漕河禁例为首之人。其闸官人等用草卷阁闸板盗泄水利串同取财徒以上

一河南等处地方盗决及故决堤防毁害人家漂失财物淹没田禾徒以上为首者旗舍余丁民人

一运河一带用强包揽闸夫溜夫二名以上捞浅铺夫三名以上民并军丁人等

为民

一文职本身并同祖亲技有女

王妃男为邵县主仪宾俱各见在不许升除京职若保勘隐情以存作亡以有作无保勘之人属有司者

一太常光禄寺厨役私自逃回原籍潜住至三次以上者

一军职应袭儿男弟侄勘明缴部原告又行捏词奏告属有司者

一夫匠受财代替夹带传递及纵容不举捉拿者

一用强占种屯田五十亩以上不纳子粒者。其屯田人等将屯田典卖与人至五十亩以上与典主买主各不纳子粒者

将妻妾作姊妹及将拐带不明妇女或将亲女并居丧姊妹嫁卖与人骗财之后设词托故公然领去或瞰起程中途聚众行凶邀抢人财属有司者

一势豪举放私债交进运粮官挟势擅拿官军绑打辱强将官粮准还私债属有司者

一官吏军民僧道人等来京妄称谶晓鸾祷圣书符咒水一切左道乱正邪术扇惑人民从者及称烧炼丹药出入内外官家或擅入

皇城夤缘作弊希求进用属有司者

一左道惑众之人或烧香集徒夜聚散从者及称为善友求讨布施至十人以上并军民人等不问来历窝藏接引或寺观住持容留剃簪替探听境内事情及被诱军民舍与应禁铁器等项属有司者

一文职官吏人等父母丧计原籍程途每千里限五十日过限匿不举哀不离职役者

一文官为事问发为民来京潜住者启发口外

一各边将官并管军头目私役及军民人等私出境外钓豹捕鹿砍木掘鼠等项并

把守之人知情故纵该管里老官旗军吏扶同隐蔽者民人里老俱调发烟瘴

一号称喇嘛唬等项各色白昼撒泼口

圣号及总甲快手应捕人等以巡捕勾摄为由各毆人夺财犯徒以上不分人多人少若初一次属有司者。虽系初犯若节次舍夺及再犯累犯笞杖以上者

一因事聚众将本管及公差勘事催收钱粮等项一应监临官殴打绑缚者不分首从属有司者。若止是殴打为首者

一兄与伯叔谋夺弟侄财产官职等项故行杀害属有司者

一官吏人等犯该为民等项罪名不分已未结正有妄奏冤枉摭拾原问官员勘问涉虚原问为民者发口外

一募越赴京及赴巡抚按按擦司官处各奏告叛逆等项机密重事不实诬十人以一属有司者

一在刁徒身背黄袱头搦黄旗口称诉直入衙门挟制官吏不系于已事情别无冤枉并追究主使之入一体问罪属有司者

一将本状用财雇寄与人赴京奏诉者并受雇受寄之人属有司者

一广西云贵湖川等处但有冒籍生员食粮起贡若买到土人倒过所司起送公文顶各赴部投考者

一开发直隶延庆保安贰州为民人犯但有在逃者改发辽东自在安乐贰州

一法司问断过各处进本等项人犯发各衙门程递者押解人役若擅加扭镣非法乱打拶. 检财物剥脱衣服逼致死伤及受财故纵并听凭狡猾之徒买求杀害徒以上属有司者

大明律集解附例卷之一

名例

五刑

笞刑五

一十赎铜钱六伯文

二十赎铜钱一贯二伯文

三十赎铜钱一贯八伯文

四十赎铜钱二贯四伯文

五十赎铜钱三贯

杖刑五

六十赎铜钱三贯六伯文
七十赎铜钱四贯二伯文
八十赎铜钱四贯八伯文
九十赎铜钱五贯四伯文
一百赎铜钱六贯

徒刑五

一年杖六十赎铜钱一二贯
一年半杖七十赎铜钱一十五贯
二年杖八十赎铜钱一十八贯
二年半杖九十赎铜钱二十一贯
三年杖一百赎铜钱二十四贯

流刑三

二千里杖一百赎铜钱三十贯
二千五百里杖一百赎铜钱三十三贯
三千里杖一百赎铜钱三十六贯

死刑二

绞斩赎铜钱四十二贯

条例

一凡军民诸色入役及舍余总小旗审有力者与文武官吏举人监生生员冠带官知印承差阴阳生医生老人舍人不分笞杖徒流杂犯死罪俱令运炭运灰运砖纳米纳料等项赎罪若官吏人等例该革去职役与舍余总小旗军民人等审无力者笞杖罪的决定流杂犯死罪各做工摆站哨瞭情重者煎盐炒铁死罪五年流罪四年徒罪照徒年限其在京军丁人等无差占者与例难的决之人笞杖亦令做工

一赎罪囚犯除在京已有旧例外其外审有力稍有力了项俱原行则例拟断不许妄引别例致有轻轻重其有钱钞不行去处若妇人审有力与命妇军职正妻及例难的决久人赎罪应该兼收钱钞者笞杖每一十折收银一钱其老幼废疾及妇人天文生余罪收赎钞贯者每钞一贯折收银一分二厘五毫若钱钞通行去处仍照旧例收纳不在此限

一凡在京在外运炭纳米赎罪等项囚犯监追两月以上如果贫难改拟做工摆站

的决等项发落若军职监追三个月之上及守卫上直旗军人等纳妙赎罪监追一月以上各不完俱先发还职着役扣俸粮月粮准抵完官其一应纳纸囚犯追至三月不能完者放免

一凡因犯遇家

恩例通减二等者罪虽遇例减等若律应仍尽本法及例该通军为民立功调卫等项者仍依律例一体拟断发遣

一问刑衙门以赃入罪若奏行时估则例该载尽及虽系开载而货物不等难照原估者仍各照时值估钞拟断

一在外军卫有司但有差遣及供送人来京犯罪审无力者笞杖的决徒罪上递回原籍官司各照彼中事例发落

十恶

一曰谋反谓谋危社稷

二曰谋大逆谓谋毁

宗庙

山陵及官阙

三曰谋叛谓谋背本国

四曰恶逆谓殴及谋杀祖父母父母夫之祖父母父母杀伯叔父母姑兄姊外祖父母及夫者

五曰不道谓杀一家非死罪三人及支解人若采生造畜蛊毒魇魅

六曰大不敬谓盗大祀神御之物乘舆服御物盗及伪造御宝合和御药误不依本方及封题错误若造御膳误犯食禁御幸舟船误不坚固

七曰不孝谓告言咒骂祖父母父母夫之祖父母父母及祖父母父母在别籍异财若奉养有缺。居父母丧身自嫁娶若作乐释服从吉闻祖父母父母丧匿不举哀诈称祖父母父母死

八曰不睦谓谋杀及卖缌麻以上亲殴告

九曰不义谓部民杀本属知府知州知县军士杀本管指挥千户百户吏卒杀本部五品以上长官若杀见受业师及闻夫

十曰内乱谓奸小功（ ）（ ）亲父祖妾及与和者

八议

一曰议亲谓皇家袒免以上亲及太皇太后后缌麻以上亲皇后小功以上亲

二曰议做谓皇家故旧之人素得侍见特蒙恩待日久者

三曰议功谓能斩将夺旗摧锋万里或率众来归宁济一时或开拓强宇有大勋劳铭功太常者

四曰议贤谓有大德行之贤人君子其言行可以法则者

五曰议能谓有大才业能整军旅治政事为帝王之辅佐人伦之师范者

六曰议勤谓有大将吏谨守官职早夜奉公或出使远方经涉艰难有大勤劳者

七曰议贵谓爵一品文武职事官三

八曰议宾谓承先代之后国宾者

应议者犯罪

凡八议者犯罪实封奏闻取旨不许擅自勾问若奉旨推问者开具所犯及应议之状先奏请议议定奏闻取自上裁议者谓其本情议其犯罪于奏本之内开写或亲或故或功或贤或能或勤或贵或宾应议之人所犯之事实封奏闻取旨若奉旨推问者方推问取责明白招状开具应得之罪先奏请令五军都督府四辅谏院刑部监察御史断事官集议议定奏闻至死者唯云准犯依律合死不敢正言斩取自上裁○其犯十恶者不用此律

纂注此条专自提问八议之人言本注已明奏闻奏其所犯之事取旨取其应否勾问之旨下条职官有犯直言请旨则明开提问词语特禀请以行之耳谓八议之人有犯必取旨应否勾问问明必奏请多官会议议定必奏闻取自上裁前后凡三奏于不废法之中而用情之厚如此若此等人有犯十恶听径直参提依律奏不用取旨请上裁之律今王府虽犯十恶仍依应议律处者缘亲视诸宾故功贵贤能勤七者尤异耳

十恶或专主谋反逆叛言非也盖十恶之人悖伦逆天灭礼贼义乃王法所必诛故特表之以严其禁凡应八议之人问鞫不加考讯皆据各证定罪

条例

一弘三十年二月二十七日节该钦奉

孝宗皇帝圣旨锤镑奇浥奇馥节次重出领状冒支官粮好生不遵

祖训就将他每禄米革去十分之二以示惩戒今后将军仪宾有犯都照这例行钦此

一各处

亲王妾胜许奏选一次多者止于十人

世子及

郡王额妾四人长子及各将军额妾三人各中尉额妾二人

世子

郡王选婚后二十五岁嫡配无出许选妾二人以后不拘嫡庶如生有子即止于二妾至三十岁无出方许娶足四妾长子及将军中尉选婚后三十岁嫡配无出许选妾一人以后不拘嫡庶如生有子即止于一妾至三十五岁无出长子将军方许娶足三妾中尉娶足二妾庶人四十以甘无子许选娶一妾各

王府仍备将妾胜姓氏来历并入府年月造册送部其子女生年月日即开注本妾项下以备各封查考如有不遵限制私合多收或年未及而顶奏已生子而复娶及滥选流

移过犯与本府军校厨役之女为妾等项抚按官将本宗参奏分别罚治辅导等官隐匿不举事发一体降黜

一凡

王府将军中尉及仪宾之家用强 揽钱粮侵欺及骗害纳户者事发参究将应得禄粮价银扣除完官给主事毕方许照旧关支在京勋戚有犯者亦照此行

一各

王府不许擅自招集外人凌辱官府扰害百姓擅作威作福打死人命受人投献地土进送女子及强取人财物占人妻妾收留有孕妇女以致生育不明冒乱

宗支及畜养术士招尤惹衅无故出城游戏违者巡抚妄按等实时奏闻先行追究设谋拨置之人应提问者提问应奏提者奏提不分徒流杖罪官员系文职罢黜武职降一级调边卫旗校舍余人等发边卫充军

军

一各处

郡王并将军中尉除机密重情或与

亲王事有干涉及

郡王分封相离寫远不在一城居住者许令径自差人具奏其余凡有奏请务令长史司启

王查勘参详应该具奏然后给批差人赍奏违者该衙门将赍奏人员拿送法司照依拨置事例问发边卫充军奏词仍行本府参勘若已经奏行勘问未结或已问结又行摭拾他事重复奏扰及诬奏勘官并以不干已事捏奏抚按等官者通照节题事例奏请区处奏词俱立案不行该府辅导等官通行参究若有坐视刁难不与启

王分理者巡按御史参奏罢黜其无籍之徒诬挟各府财物来京交通歇家潜住打点例不该行事务者缉事衙门拿送法司俱照前问发

一凡宗室悖违

祖训越关来京奏扰若已封者即奏

请先革为庶人伴回其无名封及花生传生等项径札顺天府递回宗妇宗女顺付公差人等伴送回府其奏词应行勘者行巡按衙门查勘果有迫切事情曾启

王转奏而辅导官刁难曾具告抚按巡等衙门而各衙门阻抑者罪坐刁难阻抑之人其越关之罪题请

恩宥已封者叙爵秩若曾经过府州县驿递等处需索折干挟去马匹铺陈等项勘明仍将禄米减革若非有迫切事情不曾启

王转奏及具告各衙门輒听信拨置募越京及犯有别项情罪有封者不复爵秩送发闲宅拘住给与口粮养贍其无名封及花生传生等项着该府收管不送闲宅致冒口粮宗妇宗女有封号者革去封号仍罪坐夫男削夺封职奏词一既立案不行其同行置之

人间发极卫分永远充军辅导等官失于防范者听礼部年终类参一府岁至三起以上者仍于

王府降调一起二起者行巡按御史提问

职官有犯

凡京官及在外五品以上官有犯奏闻请旨不许擅问六品以下听分巡御史按察司并分司取问明白议拟闻奏区处○若府州县官犯罪所辖上司不得擅自勾问止许开具所犯事由实封奏闻若许准推问依律议拟回奏候委官审实方许判决○其犯应该答决罚俸收赎纪录者不在奏请之限○若所属官被本管上司非理凌虐亦听开具实迹实封径直奏陈令日罚俸一月罚钱一百文

纂注京官兼大小而言指四品以下及未入流者若三品以上则应议之人矣有犯兼公私言下条准此奏闻请旨谓径直参奏请旨提问也闻奏区处谓问完奏知候旨处分也区是别事情处是决断其罪御史省以出巡故曰分巡按察司自掌印官外有副使佥事分地以行故曰分司所辖上司即布政司辖府府辖州州辖县之类委官合干上司所委者答决谓当决罚俸如照刷文卷律府州县官一宗至五宗罚俸钱一十日以之类收赎收铜钱以赎罪纪录纪罪名录于也详见文武官犯公罪条本管上司凡有所统摄者皆是此条专指提问文职而言京官近君在外五品以上其职渐尊有犯皆当请旨提问不言奏覆者省艾也若在六品以下并听巡按御史按察司并分司径自勾明白自议拟奏闻区处若府州县辖上司如布政司之类虽系亲临与激扬风纪者不同所属官六品以下犯罪必奏闻而后得闻拟审实而后得判决其犯该答决罚俸收赎纪录者所犯即轻不必等径自发落御史等官不必奏闻请旨所辖上司不必实封奏闻故日不在奏请之限若所属官被内外本管上司非理凌辱虐害亦听各属官开具实迹径直奏陈上下相维上下不得以擅专下不得以恣肆其制悉矣

条例

一文武职官有犯众证明白奏

请提问者文职行令住俸武职候参提明文到日住俸俱不许管事问结之日犯该公罪捕支私罪不准补支其有因事罚俸任乞未满足升迁者仍于新任内住支扣补

一文武职官犯该充军为民枷号与军民罪同者照例拟断应奏

请者具奏发落

一两京

孝陵

长陵等陵祠祭署奉祀祀丞太常寺典簿

神乐观提点协律郎赞礼郎司乐等官并乐舞生及养牲官军有犯奸盗诈伪失误供祀并一应赃罪名官及乐舞生各罢黜仍照例发落军发原伍若许告词讼及因人连并一应公错犯该杖者纳钞徒罪以上不碍行止者运炭等项各还着役

一凡

王府文职因人连累并一应过误律该笞杖罪名者纳钞还职就彼奏
请发落

一各处

邵王将军中尉郡主县主郡君县君乡君事有违错与长史教授无干者不坐若有事
不与转达出城不行劝阻长史等官参奏提问

一云贵军职及文职五品以上官并各处大小土官犯该笞杖罪名不必奏提有俸
者照罪罚俸无俸者罚米其徒流以上情重者仍旧

奏提

一凡

王府文武官有犯俱请

旨提问若遇例加纳典膳引礼舍人等项名色候缺 未授任者并听经该衙门径自提
问发落

一内官内使小火者阍者等犯罪请

旨提问与文职运炭纆米等项一例拟断但受财枉法满贯不拟充军俱奏
请发落

一僧道官系京官具奏提问在外依律径自提问受财枉法贯亦问充军及僧道有
犯奸盗诈伪逞私争讼怙终故犯并一应赃私罪名有玷清规妨碍行止者俱发还俗若
犯公事失错因人连累及过误致于行戒规无碍者悉令运炭纳米等项各还为僧为道
军官有犯

凡军官犯罪从本管衙门开具事由申呈五军都督府奏闻请旨取问○若六部察
院按察司并分司及有司见问公事但有干连军官及承告军官不公不法等事须密切
实封奏闻不许擅自勾问○茭奉旨推问除笞罪收赎明白回奏杖罪以上须要论功定
议请旨区处○其管军衙门首领官有犯不在限

纂注察院乃监察御史之衙门以国初未有都察院也有司指布政司府州县
言干连军官谓公事系干连及合当提问者此言内外军职犯罪各衙门不专擅问断盖
军官世有勋迹所宜优待故事在本管衙门则申呈五府奏请取问事在六部等衙门则
密切实封奏闻密切日实封明非本管防不虞也若奉旨推问此句承上本管及六部等
衙门而言除公私笞罪律该收赎者招前不必叙功明白回奏外杖罪以上须要叙其父
祖及本身功次升袭缘由论功定义议请旨区处其管军衙门首领官虽掌军务不系有功
议之人或有所犯如系京卫参问发落外卫径自提问不在军职犯奏请之限按内外军
职见为事及守哨立功未滿若充军为民者有犯径自提问不必论功请旨其在外致仕
优给退职借职笃废残疾者虽奏题不论功定义

备考

一文武官犯罪应奏请上议而不奏请上议者以事应奏不奏律论

条例

一在京在外大小军职问革见任带俸差操者俱不许管军管事若在外犯该充军降调者奏行兵部施行其余照例发落

一凡军职并土官有犯强盗人命等项真犯死罪者先行该管衙门拘系备由奏提若军职有犯别项名敢行拘审果有干碍然后参提若问发守哨立功未滿再犯者径自提问其致仕优给退职借职笃疾残疾者止参提不论功定义

一军职被告若不奉养继祖母继母及殴本宗大功以上尊长小功尊属并殴伤外祖父母及妻之父母者俱要行勘明白方许论罪

一军职强盗自首免罪及犯该充军遇蒙恩宥者俱不得复还原职发本卫所随舍余食粮差操仍候身故之日保送应袭之人赴部袭替

一南京

皇城守卫官军点闸不到者照奉英宗皇帝圣旨先行提问按季类奏

一护卫仪卫司军职有犯私罪杖以上者奏行兵部上请改调若犯笞罪与一应公罪俱照文职罚赎管事

新颁条例

一

题为议处轻犯军职以省文移以广

天恩事该福建司呈本部题本部今后军职有犯除立功罪名以上照旧参题外其余轻小罪名或无赃私或止鬪殴或遇牵连查非重情故免参奏散拘到官照依抚按官陈言边务旧例量罚本免囚粮自一石起至十五石止该司年终造册送委别司查验出入等因具

题奉

圣旨既有旧例着照例行钦此

文武官犯公罪

凡内外大小军民衙门官吏犯公罪该笞者官收赎吏每季类决不必附过杖罪以上明立文案每年一考纪录罪名九年一次通考所次数重轻以凭黜陟

纂注文武官言文则官在内言武则军官在内公罪不止公事凡无私曲而犯者皆是附过谓随时附其过名纪录则类记其所附之过也前职官军官有犯二条论取问之事此条与文武官犯私罪条则取问之后拟罪发落之事但就其所所犯公分私而言先后实相依也此言文武官吏有公罪该笞者官照等收赎铜钱吏每季类而决之各还职役不必附过本条这附过者仍依本条杖罪以上明将所犯罪名立成文案每年终类

送吏兵二部于纪绿文册内明白开写候九年任满通查所犯次数多少或轻或重以凭升迁降等黜革吏典亦备铨选降叙盖因公获罪其情已轻罪而至笞尤轻也故官收赎吏类决所谓赦小过也杖罪以上其情虽重然亦因公而得者故官与吏皆纪绿以九年通考行黜陟焉亦不罪之罪也今公私罪名俱有运纳赎罪之例

备考旧例职官九年通考如繁而称职私笞公杖升一等其纪绿流徒一次本等用二次降一等三次降二等四次降三等五次以上杂职内用其繁而平常与简而称职者私笞公杖本等用纪录流徒一次降一等二次降二等三次降三等四次以上杂职内用其简而平常者私笞公杖降一等纪录徒流一次降二等二次杂职内用三次以上黜降若考不称职者其纪录徒流罪俱于杂职内用

文武官犯私罪

凡文官犯私罪笞四十以下附过还职五十解见任别叙杖文十降一等七十降二等八十降三等九十降四等俱解见任流官于杂职内叙用杂职于边远叙用杖一百者罢职不叙○若军官有犯私罪该笞者附过收赎杖罪解见任降等叙用该罢职不叙者降充总旗该徒流者照依地里远近发各卫充军若建立事功不次擢用○若未入流品官及吏典有犯私罪笞四十者附过各还职役五十罢见役别叙杖罪并罢职役叙

纂注私罪谓事不由公以私取罪者是也叙用循序而用也等级也流官谓正务亲民之官如内而六部都察院等外而布按二司及府州县之类杂职乃闲散不亲民之官如大而盐运司太仆寺提举司及小而仓场库务之类皆以有品级者说事功谓有斩敌杀虏之功也末节罢见役别叙不言官者会首节解任别叙意此言文官有犯私罪该笞者四十以下附过还职五十解任送吏部对品别用该杖者六十以上至九十递降一级原系正衙门流官依所降之级于闲杂衙门职内叙用原系杂职于边远叙用至杖一百不拘流官杂职即罢职不叙若军官有犯罪凡笞罪自一十至五十并附过收赎还职杖罪自六十至九十亦如文官降级叙用律该杖一百罢职不叙者并充总旗徒五等皆发二千里三流则依三等地里卫分分配俱充军若于降充发地方能建立事功则不依资次擢用若未入流品文官及吏典犯私罪该笞四十下者官吏并附过官还职吏复役笞五十官解任别叙吏解见役改拨杖六十以上官罢职吏罢役并不得叙用盖无级可降也今例官吏俱论行止与律略殊但文职仍有送部者按文官犯杖则不叙军官徒流犹得擢用非特优其世功已也盖武职专主于定乱苟非大干法纪不终弃文职专主于奉法而身自犯之将焉用彼为哉

备考凡文官私罪笞以上军官杖以上律本的决今例官吏一应公私杂犯准徒以下罪名俱听运炭纳米等项赎罪律言充军者曰附近曰边远皆及其子孙与见行例正终本身者不同

条例

一文职官吏举人监生生员冠带官义官知印承差阴阳生医生但有职役者犯赃犯奸并一应行止有亏俱发为民

一文武官吏人等犯罪例该革去职役遇革者取问明白虽宥免仍革去职役各查发当差

新颁条例

一万历十四年九月本部题奉

圣旨军官军人犯徒流罪律免刺以后文职官一体行其余但以盗论及杂犯斩绞准徒的俱尽本法刺字着为例钦此

应议者之父祖有犯

凡应八议者之祖父母父母妻及子孙犯罪实封奏闻取旨不许擅自勾问若奉旨推问者开具所犯及应议之状先奏请议议定奏闻取自上裁○若皇亲国戚及功臣之外祖父母伯叔父母姑兄弟姊妹女婿兄弟之子若四品五品官之父母妻及应合袭荫子孙犯罪有司依律追问议拟奏闻取自裁○其犯十恶反逆缘坐及奸盗杀人受财枉法者不用此律○其余亲属奴仆管庄佃甲倚势虐害良民凌犯官府者加常人罪一等止坐犯人不在上请之律其余亲属谓皇亲国戚及功臣之房族兄弟伯叔母舅母姨夫始妻兄弟两姨夫外甥妻侄之类及家人伴当管庄佃甲倚仗威势虐害良民凌犯官府者事发不须奏闻比常人加罪一等科断止坐犯人本身

○ 若各衙门追问之际占怯不发者并听当该官司实封奏闻区处谓有人于本管衙门告发差人勾问其皇亲国戚及功臣占怯不发出官者并听当该官司实封奏闻区处纂注律凡称祖父母者曾同称孙者曾玄同后仿此皇亲国戚即皇后家皇妃家之类详见皇明祖训首章也四品五品官兼文武言其父母妻有司得以依律推问者指未受封者言末二节俱自皇亲国戚及功臣而言袭谓武职之应袭荫谓文职之恩荫占则不肯发悵则不忍发此言八议者之祖父母父母妻子孙犯罪得与应议本人同然八议中亲与功为尤重故推及其外祖父母伯叔父母姑兄弟姊妹女婿兄弟之子若文武四品五品官又议贵中之次贵者故推及其父母妻应袭荫子孙以上等人有犯不得擅断决依律问拟奏请上裁前职官有犯条云议拟闻奏此云议拟奏闻是其初不曾上请故兼寓不敢专决之意其优待之典周矣十恶反叛缘坐及奸盗杀人受财枉法等项情犯深重应议者祖父母之类径自参提不必奏议定夺外祖父母之类径自断决不须上请故曰不用此律其余亲属诸人持势而欺害官民则加等治勋戚诸人玩法而占悵不发则奏闻区处又所以杜其骄恣之渐也曰倚势曰虐害曰凌犯明系豪强故加常人一等若别情轻者仍依常律

条例

一凡先系应议以后革爵者之子孙犯罪径自提问发落

一凡

王妃父母及仪宾俱请

旨提问其仪宾犯该充军如郡县主君乡君见在止革去冠带为民照罪纳赎免其发遣已故者照例发遣仍各奏

请

一文职本身并同祖亲枯有女为

王妃男为邵县主仪宾俱各见在不许升除京职其系不系同祖与夫人以下之亲及为邵县乡君仪宾之家并虽系同祖而妃与仪宾邵县主已故者行京官或原籍官司保勘实一体除若保勘隐情以存作亡以有作无扶同申结者正犯问发边卫充军保勘之人属有司者发口外为民属军卫者发边卫充军

一凡

王府旗军舍余匠校人等犯该笞者纳钞及徒罪以上无力在京俱做工在外俱发将军中尉仪宾府充当仪从

一凡

王府人役犯罪巡抚巡按都布按三司官径自提问卫所府州县俱要行文长史司及教授提人会官约问

王府各官不许占愆不发若犯该奸盗诈伪及抢夺鬪殴人命等项重情事须急捕者所在官司捉拿监候然后移文曾问

一

王府选婚若先通媒合纳贿营求及扶同保勘婚配不当者经该官吏媒合人等通坐以枉法罪名营求拨置之人问发边卫充军

一凡

王府人役假借威势占民田攘夺财物致伤人命除真犯死罪外徒以上俱发边卫充军一成化十五年十月二十二日节该钦奉

宪宗皇帝圣旨管庄佃仆人等占守水陆关隘抽分措居财物挟制把持害人的都发边永远充军

钦此

一各

王府违例收受子粒并争讼地土等事与军民相干者听各衙门从公理断长史司不许滥受词讼及将干对之人占愆不发

一

王府禄米若本府官员内使旗校管庄人等干顶拨折收银两多收米麦索要财物及邀截纳户用强兑支并擅自差人下府州县催征骚扰者旗校人等杖罪以上发边卫充军官员内使监候奏

请发落若辅导官及布按两司守巡官纵容不举并府州县官听从差来人役征扰者俱参问奏请辅导官仍于

王府与布按等官各降调

一弘治十一年十一月内节该钦奉

孝宗皇帝圣旨今后各王府军校逃回在京潜住的着锦依卫五城兵马各照地方严加访察务要得获都牢固押发极边卫分充军窝藏及两邻不首事发一体发遣充军钦此

一拨置

王府军民人等问发充军逃回再犯者许邻里火甲诸人首告所在官司即便缉拿问罪枷号三个月改调极边烟瘴卫分永远充军若影射藏匿及占愆不发者就将辅导官参究邻里火甲知而不首者各治以罪

一投充

王府及镇守总兵两京内臣功臣戚里势豪之家作为家人伴当等项名色事干吓骗财物拨置打死人命强占手地等项情重者除真犯死罪外其余俱问发边卫充军各该势豪之家容留及占 不发者参究治罪

军官军人犯罪免徒流

凡军官军人犯罪律该徒流者各决杖一百徒五等皆发二千里内卫分充军流三等照依地里远近发各卫充军该发边远充军者依律发遣并免刺字○若军丁军吏及校尉犯罪俱准军人拟断亦免徒流刺字军丁谓军官军人余丁军吏谓入伍请粮军人能识字选充军吏者犯罪与军人同若系各处吏员发充请俸司吏者与府州县司吏体科断

纂注文武官犯私罪条已有军官犯徒流充军之法矣此因论军人之犯而复言之耳军官免徒流者优其前绩亦冀其后功也军人免徒流者悯劳役亦实其行伍也准但明其与军人无异非如罪者准将军力士有犯亦准军人拟断公候家人亦不刺字今例军官犯徒流运炭纳米等项赎罪该革职者与军审无力流罪四年徒罪照徒年限一体嘹哨

条例

一军职有犯监守常人盗受财枉法满贯律该斩绞罪者俱发边方立功五年满日还职仍于原卫所带奉差操若监守常人盗枉法不满贯与吓诈求索科敛诬骗等项计满贯问该流罪减至杖一百徒三年者俱运炭纳米等完日还职带俸差操其减至杖九十徒二年半以下与别项罪犯俱照常发落原系管事者照旧管事原系带俸者照旧带俸若犯前项流罪遇例通减二等至杖九十徒二年半者仍带俸差操

一军职犯该窃盗掏摸盗官畜产白昼抢夺并纵容抑勒女及妻妾子孙之妇妾与人通奸或典与人及奸内外有服亲属同僚部军妻女一应行止有亏败伦伤化者俱问

革随本卫所舍余食粮差操

一军职宿娼及和娶乐人为妻妾与盗娶有夫之妻者俱问调别卫带俸差操

一在京五军都督府选差官舍押解充军犯人若受财卖放犯该枉法绞罪者官发立功满日还职调外卫带俸差操徒罪以下照徒年限立功满日还职带俸差操舍人抵充军役候拿获替放中间又犯奸淫囚犯妇女者官发守哨满日革职随本卫所舍余食粮差操舍人枷号三个月发遣若酷害军犯拶检财物纵不脱放各问罪官调外卫舍人发外卫充军其该府原选差掌印首领官吏参究治罪

一武职有犯容止僧尼在家与人奸宿者公侯伯问拟住俸戴平头巾闲住都督都指挥指挥千百户镇抚住俸闲住若有犯挟妓饮酒者公侯伯罚俸一年不许侍卫管军管事督以下革去见任管事带俸差操系带俸者常川带俸

一上班京操及运粮官员旗军人等犯该人命强盗等项重罪者官拘系奏提旗军人等就提问外其余一切小事候下型回还交粮毕日官参奏与旗军人等各提问

一纳粟军职有犯若原系总小旗千百户指挥等官遇例纳粟补官者俱照见任军职立功等项事例施行若由白衣纳粟授职者止照常例运炭纳米等项发落其犯奸盗诈伪说事过钱诬骗财物行止有亏者俱问罪职

一凡由将军历升千百户犯该徒罪以上行止有亏者革去见任冠带闲住

一凡由将军历升千百户犯该徒罪以上行止有亏者革去见任冠带闲住

一凡各卫所舍人舍余总小旗犯该笞杖罪名有力运炭纳米等项外或令纳钞无力的决其操备舍余勇士人等犯前罪者有力俱令纳钞若无力纳钞亦的决发落

一舍余军民人等遇例纳授都指挥等官犯罪径自提问于碍行止革去冠带

一锦衣卫总小旗并将军校尉犯该一应奸盗抢夺诬骗恐吓求索枉法不枉法等项罪名但系行止有亏者俱各调卫总小旗仍完原役将军校尉各充军其户内人丁有犯不在此例

一凡锦衣卫旗校军士在逃一年之内者听其首告初犯复役再犯调卫充军其有侵欺拐骗及为事避难等弊各从重科断若一年之内曾经造册清勾者不准首补另勾户丁补役

一

皇陵户

皇陵卫军旗守卫军与守卫上直操备官旗舍余将军校尉勇士力士运粮驾送黄马船官旗犯笞杖罪俱令纳钞

一养象军奴犯该杂犯死罪无力做一徒流罪决杖一百俱住支月粮各照年限常川养象满日仍旧食粮养象笞杖的决

一沿边沿海旗军舍余犯该监守常人盗窃盗掏摸抢夺至徒罪以上者俱送总兵官处查拨缺人墩台守哨年限满日踈放若总兵官截杀等项不在就行本处巡抚按或

分巡官一体查拨仍行总兵官处知会其别项徒罪以上者有力纳米等项力巡哨

一凡军职犯该立功如有力者许纳米每年一十石边方准折杂粮一十五石完日免立功发回原卫所闲住待年限日方许带俸

一凡应解军丁除真犯死罪若监守常人盗窃盗掏摸抢夺至徒罪以上者牢固钉解该卫收伍转发守哨年限满日着役其犯别项徒罪以上俱止杖一百解发着役犯罪得累减

凡一人犯罪减者为从减谓共犯罪以造意者为首随从者减一等自首减谓犯法知人欲告而自首者听减二等故失减谓吏典故出人罪放而还获止减一等首领不知情以失论失出减五等比吏典又减一等通减七等公罪递减之类谓同僚犯公罪失于入者吏典减三等若未决放又减一等通减四等首领官减五等佐贰官减六等长官减七等之类并得累减如此之类俱得累减科罪

纂注一人字直贯到并得累减方止累者已减而复减之谓如窃盗为从减一年若知人欲告而自首又减二等通减三等如此之类俱得累减律注自明然一人得累减若强窃盗再犯不准自首窃盗三犯者绞已徒已流而又犯者仍科后犯之罪盖得累减不得累犯此律所以为仁义并用之书

以理去官

凡任满得代改除致仕等官与见任同谓不因犯罪而解任者若沙汰冗员裁革衙门之类虽为事解任降等不追诰命者并与见任同封赠官与正官同其妇人犯夫及义绝者得与其子之官品同谓妇人虽与夫家义绝及夫子之官品同为母子无绝道故也犯罪者并依职官犯罪律拟断

纂注以理去官谓以正道理而去官者如任满等项是也同者谓事体相同初无轻重之别不专主服色器用言余条言同者准此任满如一考二考三考任职已满奉已住支不管事者得代是旧官已得新官交代而去者改除如沙汰裁革起送赴部或改官或改衙门别项除用者致任则老病以理休致者也小注沙汰以下因正文等字而推广之耳此等官员虽无职掌在手原非犯罪解任其官品犹故也故并与见任同即为事解任降等不追诰命者亦然恩典加干父母生前曰封死后曰赠封赠官与其子孙正官同其妇人夫在大犯离异及犯七出与夫家义绝者虽夫亡但不改嫁亦得与其亲子之官品同盖母子血属终无绝道已受封者仍依原封未受封者仍得受封凡此之类有犯罪者奏请闻奏降黜追夺一如职官之法

按致仕封赠官犯赃当以无禄人断其子孙虽经革职父祖诰徕不应追夺者仍与正官同

无官犯罪

凡无官犯罪有官事发公罪亦得收赎纪录○卑官犯罪迁官事发在任犯罪去任事发犯公罪笞以下勿论杖以上纪录通考为事黜革笞杖以上皆勿论若事干埋没钱

粮遗失官物罪虽纪录勿论事须追究明白但犯一应私罪并论如律迁官者谓改除及差委权摄邻近官司得代去任者谓考满丁忧致仕之类其吏典有犯公私罪名亦依上拟断

纂注迁官不专升职去任不是黜革须看本文后小注又本文自有为事黜革之文故知去任不是黜革也纪录勿论是两项纪录者纪录其过候九年通考而计之也勿论则通勿罪之矣杖以上自六十直至维犯死罪而止官物如制书符验印信巡牌官文书之类此条专以有官无官卑官迁官任去任及为事黜革之人言而又别其罪之公私而言之吏准此盖官吏王在职役犯罪之通例也公罪如耽候违错之类可以恕若私罪如受财枉法不枉法故出入人罪之类以情则欺公以迹则蠹法故不问罪之轻重而并依本律科之所以惩奸也黜革之人官已罢废故笞杖以上之公罪并皆免之若事干钱粮埋没而未门官物遗失而不存前项之人罪虽纪录勿论仍须以见在地方或事发处提究明白缘事体系重大不得并恕之耳吏典与官名分虽异犯罪则同故亦依上拟断

按无官犯罪有官事发照有官参提仍以无禄人拟断有官罪为事黜革事发不必参提仍以有禄人论

条例

一舍人舍余官犯罪有官事发若犯该杂犯死罪运炭纳米等项完日还职仍发原卫所带俸差操若犯该流罪减至杖一百徒三年者俱令运炭纳米等项还职原管事者照旧管事原带俸者照旧带俸其犯该窃盗掏摸盗官畜产白昼抢夺及一应奸罪行止有亏伦伤化者俱问革随本卫所舍余食粮差操

除名当差

凡职官犯罪罢职不叙追夺除名者官爵皆除僧道犯罪曾经决罚者并令还俗军民匠竈各从本色发还原籍当差

纂注职官兼文武言追夺除名谓追去诰勅削去仕籍姓名官九品之官爵者雀也其形似勺取其能飞不溺于酒古者大夫以上皆赐爵此爵之所由名也今则公侯之类军民匠灶指职官僧道之原籍本色谓本类之名此言职官犯该追夺除名者则官爵皆除僧道已经决断者则并令还俗皆与凡民无异故各从其本户或军或民或匠或灶之原籍归还当本等差役

按职官未曾追除名与僧道例不该还俗者不在当差之限

流囚家属

凡犯流者妻妾从之父母祖子孙欲随者听迁徙安置人家口亦准此若流徙人身死家口虽经附籍愿还乡者放还其谋反逆叛及造畜蛊毒若采生折割人杀一家三人会赦犹流者家口不在听还之律

纂注家口即妻妾祖父子孙不言祖母母及子孙之妇者省文耳会赦犹流是

赦其死罪犹充流罪即如俗言免死充军云耳此条本言正犯流者之无罪家属而因及免死充流者之有罪家属也谓流囚有二项其家属亦有二项有一项是正犯之流如流及迁徙安置是本只犯流徙原无别犯重辟则其家属本来无罪不系缘坐故欲随者听愿还者放又有一项是免死降充之流如谋反逆叛等项原系凌迟处斩囚犯偶遇赦书特恩免死犹流远方者流虽同乃免死而充者其家属正缘有罪之人即使正犯身死不得如前项无罪之家口可还原籍也疏 [e12] 议甚明当从之
当赦所不原

凡犯十恶杀人盗系官财物及强盗窃盗放火发冢受枉法不枉法赃诈伪犯奸略人略卖诱人口若奸党及谗言左使杀人故出入人罪若知情故纵听行藏匿引送说事过钱之类一应真犯虽会赦并不原宥谓故意犯事得罪者虽会赦皆不免罪其过误犯罪谓过失杀伤人失火及误毁遗失官物之类及因人连累致罪谓因别人犯罪连累以得罪者如人犯罪者如人犯罪失觉察关防铃束及于连听使之类若官吏有犯公罪谓官吏人等因公事得罪及失出入人罪若文书迟错类并从赦宥谓会赦皆得免罪其赦书临时定罪名特免谓赦书不言常赦所不原临时定立罪名宽宥者特从赦原及减降从轻者谓降死从流流从徒徒从杖之类不在此限谓皆不在常赦所不原之限○今日凡今后若遇 国家恩赦除见禁未曾断决罪囚该赦者并行释放其有已经断决徒流及迁徙烟瘴面安置之人即系已绝事理除徒役候年满放回外其余流迁安置之人并不许放还

纂注此条作三段看有常赦有特赦有不赦如十恶以下至说事过钱之类皆有心故犯并不赦原绝之也如过悞连累至官吏公罪之类皆无心悞犯并从赦原矜之也其有赦书临时定立罪名所不原者或特从全免或减降从轻又一时旷荡之恩盖特赦也不在常赦不原之限若干系埋没钱粮遗我官物等项罪虽赦免事须究明徒流人在道会赦

凡徒流人在道会赦计行程过限者不得以赦放谓如流三千里日行五百里合该六十日程未六十日会赦不问已行远近并从赦放若从起程日总计行过路程有违限者不在赦限有故者不用此律有故谓如沿途患或阻风被盗有所在官司保勘文凭者皆听除去事故日数不入程限故云不用此律若曾在逃离在程限内亦不放免其逃者身死所随家口愿还者听迁徙安置人准此○徒流迁徙安置人已至配所及犯谋反逆叛缘坐应流若造畜蛊毒采生折割人杀一家三人会赦流并不在赦放之限

纂注所随家口即上条流囚所随从之妻妾父母子孙缘坐应流即谋反叛逆家属会赦犹流即造畜蛊等人准此准上文徒流人而拟之如程限不违及有故者亦免过限及在逃者亦不免正犯身死而所随家口亦得听还是也此条律意谓凡徒流迁徙安置人起程而在道遇赦有可放之例有不可放之例如在限内者得放其有故而除去事故之日仍在限内者亦放若限外及在逃与夫至配所者不放然亦有内一放之流如

缘坐应流会赦犹流二项流罪是也盖缘坐之流乃极之家属赦充之流乃极恶之重囚故虽在程限内遇赦亦不放免律固一成不可易之法亦惟视其情罪之轻重是适而不可执泥如此然谋反叛充祇言缘坐应流而一言会赦犹流造畜蛊毒等项祇言会赦犹流而不言坐应流者互文以见之也

犯罪存留养亲

凡犯死罪非常赦所不原者而祖父母父母老疾应侍家无以次成丁者开具所犯罪名奏闻取自上裁若犯徒流者止杖一百余罪收赎存留养亲

纂注死罪非常赦所不原如诬告人因而致死随行亲属一人绞罪聚至十人打夺为首斩罪之类老即

大明令所称八十以上者疾兼废笃此见亲已老疾而无人侍养既有可矜之情所犯死罪非常赦所不原又非极恶之类有司推勘明白拟议罪名明开常赦应原及有亲应侍缘由奏

闻取裁若犯徒流非常赦所不原者皆决杖收赎存留侍养无非教天下以孝也此律不行久矣两官征号推恩始诏有司行之

新颁条例

一

题为酌议养亲之律以广

圣孝事该四川司呈本部题以后问刑衙门遇有徒流人犯查果祖父母父母老疾应侍家无以次成丁者审果得实徒罪即三年以上除引例充军者不许援例轻纵外其余照万历三年题

准事例系民者在本州岛县摆站做工军灶本场煎盐本境哨瞭至于在京无论军民俱送两京府发会同馆摆站俱满放等因具

题奉

圣旨这所议情法得中今后内外问刑衙门通着照这议行但当严立禁约如有犯该重刑及不系亲老单丁者不许一槩援例钦此

工乐户及妇人犯罪

凡工匠乐户犯流罪者三流并决杖一百留住拘役四年若钦天监天文生习业已成能专其事犯流及徒者各决杖一百余罪收赎犯谋反逆叛缘坐应流及造畜蛊毒采生折割人杀一家三人家口会赦犹流及犯窃盗者不在留住之限余罪收赎谓犯杖一百流三千里者决一百赎铜钱三十贯杖一百徒三年者决杖一百赎铜钱一十八贯之类余条准此其妇人犯罪应决杖者奸罪去衣受刑余罪单决罚皆免刺字若犯徒流者决杖一百余罪收赎

纂注此条言工匠乐户天文生妇人犯罪之通例工匠工部所隶之匠即今清匠司所管之匠人也乐户教坊司乐人也留住拘役者工匠住支月粮于原做工处乐户

于原习业处常川拘束供役不在上班下班之例四年满日仍从本役照旧该班若天文生精于测验推步之法能专其事不假他人犯流及与工乐户犯徒者各决杖一百余罪收赎惟反逆等项不在此限不曰犯徒流曰犯流及徒不曰并决杖而曰各决杖以见总承上工乐户言其妇人犯奸事既无耻去其底衣以行决罚非系犯奸其余罪名单衣示惩而已若犯盗情无分首从皆免刺字犯从流者决杖一百余罪收赎不言笞者举重以见轻也盖工乐不隶州县户籍难与民人同科又如天文生俱习有常艺自难弃之也至于妇人例难拘役故三流五徒皆决杖一百而赎其余余罪工乐户妇人是即下文所谓应加杖之人也加杖大诰下不减等与诬告剩杖收赎亦不同盖此乃决杖赎徒彼乃折徒赎杖故耳

按今例工匠杂犯则做工徒流则拘役笞杖则纳钞惟两京工部作头及乐户杂犯亦做工徒流笞杖俱拘役

又工乐户犯流则留役天文生犯流则收赎盖天文生所习非乐贱艺可伦若俱犯徒则视流稍轻故并得收赎然律止言徒流不言杂犯死罪则不在收赎之限

条例

一

内府匠作犯该盖监守常人盗窃盗掏摸抢夺者俱问罪送发工部做工炒铁等项其余有犯徒流罪者拘投住支月粮笞杖准令纳钞

一在京军民各免匠役犯该杂犯死罪无力做工徒流罪拘役俱住支月粮笞杖纳钞或的决若犯窃盗掏摸夺一应情重者亦拟炒铁等项发落不在拘役之限民匠仍刺字充警

一两京工部各色作头犯该杂犯死罪无力做工与侵盗诬骗受财枉法徒罪以上者依律拘役满日俱革去作头止当本等匠役若累犯不悛情犯重者监候奏请发落杖罪以下与别项罪犯拘满日仍当作头

一太常寺厨役但系讦告词讼及因人连累问该笞杖罪名者纳钞仍送本寺着役徒罪以上及奸盗诈伪并有误供祀等项不分轻重俱的决做工改拨光禄寺应役

一太常寺光禄寺厨役私自逃回原籍潜住许里甲人等首官解部不许津贴盘缠若在原籍中途及到部挟诈诬骗告害人者问罪立案不行逃回至三次以上者问发口外为民

一乐户杂犯死罪无力做工流罪依律决杖一百拘役四年徒杖笞罪俱不的决止拟拘役满日着役若犯窃盗掏摸抢夺等项亦刺字充警

一教坊司官俳精选乐工演习听用若乐工投托势要挟制官俳及抗拒不服拘唤者听申礼部送问就于本司首枷号一个月发落若官俳徇私听嘱放富差贫纵容四外逃躲者参究治罪革去职役

一各处乐工纵容女子擅入

王府及容留各府将军中尉在家行奸并军民旗校人等与将军中尉赌博诓哄财物擅入府内教诱为非者俱问发边充军该管免长革役

一凡天文生有犯查系习业已成能专其事者笞杖有力纳钞无力的决徒流依律决杖一百余罪收赎杂犯死罪拘役五年满日照旧食粮充役其例该充军者将所犯徒杖依律决杖收赎革去衣巾量给月粮三分之一拘役终身如军罪过宥亦照旧食粮充役其窃盗掏摸抢夺字充警并例该永远充军及习业成未能专事者不分轻重罪名悉照本等律例科断

一凡钦天监官为事请

旨提问与文职运炭等项一例问断该为民者送监允仍充天文生身役该充军者备由奏

请定夺其有不由天文生出身者悉照例革职发遣

一妇人犯奸盗不孝并审无力与乐妇各依律决罚其余有犯笞杖并徒流杂犯死罪该决杖一百者审有力与命妇军职正妻俱令纳钞徒流人又犯罪

凡犯罪已发又犯罪者从重科断已徒而又犯罪者依律再科后之罪其重犯流者依留住法三流并决杖一百于配所拘役四年若犯徒者依所犯杖数该徒年限决讫应役亦总不得过四年谓先徒三年已役一年又犯徒三年者止加杖一百徒一年之类则总徒不得过四年三流虽并杖一百拘役四年若先犯徒年未滿者亦止总役四年其杖罪以下亦各依数决之其应加杖者亦如之谓工乐户及妇人犯者亦依律科之

纂注此言犯笞杖徒流已发未决及已论决而又犯者之通例凡又犯罪者从重科各等者从一科此自其罪发而未决者言若犯徒流已至配所而又犯徒流或笞杖罪者则如下文所云如已流又犯流若再加流则地过远故止拘役已徒又犯徒若尽加徒则过深故止总徒俱止四年不得过也徒流又犯笞杖则罪轻不妨全加故各依数决之此系律文正意若其余意或流而又犯徒徒而又犯流笞杖而又犯笞杖自当以前文例之徒流亦止总役四年笞杖亦各依数的决此自其罪已论决而又犯者言应加杖之人则专指工乐户天文生及妇人重犯徒流或拘役或收赎亦总不得过四年重犯笞杖亦照数决之故曰亦如之

按今例徒流者皆免杖重犯者不免其再科后犯有律该各尽本法及例该充军为民立功调卫者仍照律例拟发

条例

一先犯杂犯死罪运炭纳米等项未完及做工等项未滿又犯杂犯死罪者决一百除杖数目准钞六贯再收赎钞三十六贯又犯徒流笞杖罪者决其应得杖数五徒三流各依律收赎钞贯仍照先拟发落若三次俱犯杂犯死罪者奏

请定夺

一先犯徒流罪运炭做工等项未曾完满又犯杂犯死罪除去先犯罪止拟后犯死罪运炭做工等项若又犯徒流罪者依已徒而又犯徒将所犯杖数或的决或纳钞仍总徒不得过四年又犯笞杖者将后犯笞杖或的决或纳钞仍照先拟发落

一先笞杖罪运炭做工等项未曾完满又犯杂犯死罪除去先犯罪名止拟后犯死罪运炭做工等项又犯徒流罪将先犯罪名或纳钞或的决止拟后犯徒流又犯笞杖罪若等者从先发落轻重不等者从重发落余罪俱照前纳钞的决

一在京在外问拟一应徒罪俱免杖其已徒而又犯徒该决讫所犯杖数总徒四年者在京遇热审在外遇五年录俱减一年若诬告平人死罪未决杖一百流三千里加役三年者比照已徒而又犯徒总四年虽遇例不减

老小废疾收赎

凡年七十以上十五以下及废疾犯罪以下收赎其犯死罪及谋叛缘坐应流若造畜蛊毒采生折割人杀一家三口会赦犹流者不用此律其余侵损于人一应罪名并听收赎八十以上十岁以下及笃疾犯杀人应死议拟奏闻取自上裁盗及伤人者亦收赎谓既侵损于人故不许全免亦令其收赎余皆勿论谓除杀人应死者上请盗及伤人者收赎之外其余有犯皆不坐罪九十以上七岁以下虽有死罪不加刑九十以上犯反逆者不用此律其有人教令坐其教令者若有赃应偿受赃者偿之谓九十以上七岁以下之人皆少力若有教令之者罪坐教令之人或盗财物傍人受而将用受用者偿之若老小自用还着老小之人追征

纂注废疾谓瞎一目折一肢之类笃疾瞎两目折两肢之类杀人谓杀故杀鬪殴杀抵偿之罪也应死谓犯一应斩绞死罪如诈传诏旨者斩伪造铜钱者绞之类非抵偿者也此言年七十以上十五以下及废疾之人其犯罪以下皆依律收赎曰流罪以下收赎则犯该死罪者仍依常律科断矣八十以上十岁以下及笃疾之人其犯反逆杀人并一应斩绞死罪者俱拟议奏裁若犯流罪以下惟窃盗财物鬪殴伤人二项谓其侵损于人故不全免亦令收赎其余则皆勿论亦字承上条而言九十以上七岁以下虽有死罪不加刑并令依律收赎仍须将不加刑及收赎缘由奏闻教令以下承九十岁与七岁就此可与犯罪未老疾条参看无非恤老慈幼矜不成人之义

按老小废疾律该充军者比流二千里赎钞三十贯如引充军当除违制罪名仍依正律收赎又本注云九十以上犯反逆者不用此律而不及七岁者以九十者尚能强健及能主使七岁之人决不能为此事也故不加刑止照本律缘坐之法给功臣之家为奴

设有教七岁儿子殴打父母或教九十步斫杀子孙教令者各同自殴及杀凡人罪不得以犯亲罪加于凡人

条例

一凡军职犯该杂犯死罪若年七十以上十五以下及废疾并例该革职者俱运炭

纳米等项发落免发立功

一年七十以上十五以下及废疾犯该充军者准收赎免其发遣若有壮丁教令者止律坐罪其真犯死罪免死及例该永远充军者不准收赎

一凡老幼及废疾犯罪律得收赎者若例该枷号一体放免照发落

新颁条例

一万历二十三年三月十一日本部尚书赵等具

题为议处诈冒笃疾重犯以昭法纪以杜奸欺事

题称查得问刑条例一款凡奉

钦依免死充军人犯及后逃回仍照原拟死罪监决夫以矜疑免死有复坐原罪之条而笃疾独无者以遣戍易至逃回而笃疾难以复愈也但人情狡伪奸弊多端各囚徃徃有故伤眼目自残肢体希图幸脱者以后在京在外重犯但有以笃疾释放生事犯法验非笃疾者俱比照矜疑逃回事例仍坐原拟死罪庶

特恩不至惠奸而狡囚无所节饰诈等于本月十三日奉

圣旨今后重犯称笃疾的务查验明实方与题请其释放后再有犯法者俱照言例行钦此

犯罪时未老疾

凡犯罪时虽未老疾而事发时老疾者依老疾论谓如六十九以下犯罪年七十事发或无疾时犯罪有废疾后事发得依老疾收赎或七十九以下犯死罪八十事发或废疾时犯罪笃疾时事发得入上请八十九死罪九十事发得入勿论之类若在徒年限内老疾亦如之谓如六十九以下徒役三年役限未末年入七十或入徒时无病徒役年限内成废疾并听准老疾收赎以徒一年三百六十日为率验该赎钱数折役收赎假如有人犯杖六十徒一年已行断罪拘役五个月之后犯人老疾合将杖六十徒一年总赎钱一十二贯除已受杖六十准钱三贯六百文该剩徒一年赎钱八贯四百文计算每徒一月该钱七百元已役五个月准钱三贯五百文外有未役七个月该收赎钱四贯九百文之类其余徒役年限赎钱不等各行照数折算收赎犯罪时幼小事发时长大依幼小论谓如七岁犯死罪八岁事发勿论十岁杀人十一岁事发仍得上请十五岁时作贼十六岁事发仍赎论

纂注依老疾论依幼小论谓依上条老小废疾或收赎或奏请或勿论而断之也徒限内徒字自六十以下言若七十以上则流徒俱得收赎矣惟杂犯准徒五年仍科之盖国初原系犯死罪故不可以徒论也优老据其见发之年矜幼原其犯之岁律之仁亦至矣给没赃物

凡彼此俱罪之赃谓犯受财枉法不枉法计赃为罪者及祀禁之物谓如禁兵器及禁书之类则入官若取与不和用琼森事逼取求索之赃并还主谓恐吓诈欺强买卖有余利科敛及求之类其犯罪应合籍没财产赦书到后罪决讫未曾抄札入官者并从赦免

其已抄札入官守掌及犯谋反逆者并不放免若罪未处决物虽送官未经分配者犹为未入其缘坐人家口虽已入官罪人得免者从亦从免放○若以赃入罪正赃见在者还官主谓官物还官私物还主又若本赃是驴转易得马及马生驹羊生羔畜产蕃息皆为见在已费用者若犯人身死勿征别犯身死者亦同余皆征之若计雇工赁钱为赃者亦勿征○其估赃者皆据犯处当时中等物价估计定罪若计雇工钱者一人一日为铜钱六十文其牛马驼骡驴车船碾磨店舍之类照依犯时雇工赁直赁钱多各不得过其本价谓船价值铜钱一十贯不得追赁钱一十一贯之类○其赃罚金银并照犯人元供成色从实追征入官给主若已费用不存者追征足色谓人元盗或取受正赃金银使用不在者并官足色

纂注取与不和谓应少取而多取如过取利息之类多与而少与如给价减数之类计雇工钱六十文以人言后雇工以马牛等物言赁钱虽多兼工价直言此条并还主以上论赃物人官给主之例籍没财产以下就并入官内论赦免不免之例以赃入罪节应征勿征之例末节追赃成色之例盖彼此俱有罪之赃及非私家所宜有之物并追入官若取与不和用琼森事逼取求索之赃并追还主其犯罪应合籍没财产者除谋反逆叛者本身及家口财产不论已未决讞曾否入官人不得赦放财不得赦免外其余罪人但遇赦书到正犯虽已决讞惟札入官守掌财物难以槩免其未曾抄札入官及罪人未决而财产送官未分配守掌并缘坐家口虽已入官罪人得免者亦并从免放若以赃入罪正赃见在未费者仍还官主已费用王存者若犯人自身又死免其追征其余若犯人虽死而正赃尚存或正赃虽费用而犯人未死犹征还官主故曰余皆征之其不系赃罪犯人亦有追财物如埋殡银之类死亦勿征故小注曰别犯身死者亦同若毁损官房屋计雇工钱私借官车船计雇钱之类为赃者正犯身死亦不征其估计赃物定罪曰犯逆曰当时曰中等物价随地随时而斟酌适中不得低昂其手轻重其罪也若计雇工钱如私役部民夫匠之类每人一日为铜钱六十文作为定数其牛马驼骡驴车船碾磨店之类照犯处犯时中等价值估计雇工赁直定罪追还然赁钱累算虽多各不得过其本价盖子不可多于母故也其追还官主职罚金银见在则从元供成色费用则从足色者乃官府追征之正法非特防弊而已

按犯罪籍没财产者指奸党上言德政及造畜毒等条财产入官而言若采生折割人杀一家非死罚三人支解人财产律称断付死者之家所以优恤其生者也应合籍没者不同遇赦则当请旨定夺不得擅放免其罪未处决数句及缘坐人家口四句疏议管见诸书俱兼谋反逆叛说甚非不可依

按此条槩言赃物有人官有给主有籍没而是三者之中又有占计有成色有勿征有赦免矜恤之意沛然洋溢至其估计也必得其时值之平其成色也必出于元供之口必人赃之见存而始应征必罪恶之重大而始不免又见法乃不得已而用之之意仁哉圣人之心乎

条例

一在京在外问过囚犯但有还官赃物直银一十两以上监追年父及入官赃二十两以上给主赃三十两以上监追一年之上不能完纳者困全无家产或变卖已尽及产虽未尽止系不堪无人承买者各勘实具本犯情罪轻重监追年月久近赃数多寡奏请定夺若不及前数及埋葬银监追一年之上勘实全无家产者俱免追各照原拟发落

一凡犯侵欺枉法充军追赃人犯所在官司务严限监并至一年以上先将正犯发遣仍拘的亲家属监追如无的亲家属仍将正犯监追敢有纵令倩人代监及挨至年远輒称家产尽绝希图赦免者各治以罪

一军官旗军但有监追入官还官给主赃物直银十两以下半年之上不能完纳者将犯人先发立功纳钞等项各完满日还职着役仍将各人俸粮月粮照赃数扣除入官还官给主

犯罪自首

凡犯罪未发而自首者免其罪犹征正赃谓如枉法不枉法赃征入官用琼森事逼取诈欺科敛求索之类及强窃盗赃征给主其轻罪虽发因首重罪者免其重罪谓如窃盗事发自首又曾私铸钱之罪止科窃盗罪若因问被告之事而别余罪者亦如之谓因犯私盐事发被问不加考讯又自别言曾窃盗牛又曾诈欺人财物止科私盐之罪余罪俱得免之类○其遣人代首若于法得相容隐者为首及相告言者各听如罪人身自法其遣人代首者谓如甲犯罪遗乙代首不限亲疎亦同自首免罪若于法得兼容隐者为首谓同居及大功以上亲若奴婢雇工人为家长首及相告言者皆与罪人自首同得免罪其小功缌麻亲首告得减凡人三等无服之亲亦得减一等如谋反逆未行若亲属首告或送到官者其正犯人俱同自首律免罪若已行者正犯人不免其余应缘坐人亦同自首律免罪若自首不实及不尽者以不实不尽之罪罪之至死者听减一等自首赃数尽者此计不尽之数科之其知人欲告及逃叛而自首者减罪二等坐之其逃叛者虽不自首能还归本所者减罪二等○其损伤于人因犯杀因犯杀伤人而自首者得免所因之罪仍从故杀伤法本过失者听从本法于物不可陪赎谓如印信官文书应禁兵器及禁书之类私家既不合有是不可偿之物不准首若本物见在首者听同首法免罪事发在逃虽不得首所犯之罪得减逃之罪二等若私越度关及奸并私习天文者并不在自首之律○若强窃盗诈欺取人财物而于事主处首服及受人枉法不枉法赃悔过回付还主者与经官司自首同皆得免罪若知人欲告而于财主处首还者亦得减罪二等其强窃盗若能捕获同伴解官者亦得免罪又依常人一体给赏

纂注犹者意有未尽之词余兼轻重说自首不实不尽此自首二字承上文各听如罪人身自首法来当兼代首为首相告言说不实以情言不尽以赃言逃如逃避山泽不服拘唤之类叛是叛去本国潜入他国之类无吊潜从关过曰私无吊不出关过曰越此条通言首罪之例盖首者自状其罪告之于官也其首也情必实赃必尽事必未发

方得全免其罪罪虽全免正赃犹征尽本法也因发轻罪而首重罪则免其重因问见罪而言余罪则免其余此皆以本身经官自首者言若遣其不问亲踈之人而代已首或法得容隐之亲属为之首及相告则与本自首无异若赃物自于主处首服及悔过回付还主则与经官自首无异诸如此首必皆事无所发情无所隐赃无所匿故得全免若知人欲告其罪方行自首或虽不首此将原赃首还财主与夫逃叛而自首及虽不自但能还归本所者各得减本罪二等其自首不实不尽者则以所隐之情所匿之赃科罪至绞斩并维犯死罪者听减罪一等罪止杖一日流三千里其于人有所损伤于物不可偿事发在逃私越度关私习天文及和强等奸皆事已行莫可追改者故并不在自首之例强窃盗能盗能捕同伴解官者得免罪又得给赏一以开自新之路一以广缉捕之门也按逃叛者则准减罪二等事发在逃首则不准行也尽逃叛首者罪止逃叛更无别罪故首则准减二等若事发在逃是犯事既发之外复有逃之罪故止免其逃罪而不免其发之罪也

备考

一卑幼首尊长得实犹科于名犯义罪名

一强窃盗再犯者不准首

一有禄人监守自守盗自首及受赃悔过还主者系行止有亏照律免罪仍革职为民窃详均之以赃还主一云首服一云悔还行也盖强窃诈取者皆事主所不知自首而服其罪故曰首服枉法赃乃门取之于主音悔而还之故云悔过回付其词严而意精如此

条例

一凡强盗系亲属首告别官番其聚众不及十人及止行劫一次者依律免律罪减等等项拟断发落若聚众至十人及行劫累次者系大功以上亲属告发附近小功以下亲属告发边卫各充军其亲属本身被劫因而告诉到官者径依亲属相盗律科罪不在此例

一窃盗自首不实不尽及知人欲告而于财主处首还律该减等拟罪者俱免刺

一凡自首强盗除杀死人命奸人妻女烧人房屋罪犯深重不准外其余虽曾伤人随即不复不死者亦姑自首照凶徒执持凶器伤人事例问拟边卫充军其放火烧人空房及田场积履聚之物者依律充徒若计所烧之物重罪者亦止照于火延烧事例俱发边卫充军

二罪俱发以重轻

凡二罪以上俱发以重者论罪各等首从科一科断若一罪先发已经论决余罪后发其轻若等勿论重者更论之通计前罪以充后数谓如二次窃盗一次先发计赃一十贯已杖七十一次后发计赃四十贯该杖一百合贴杖三十如有禄人节次受人枉法赃八十贯内四十贯先发已杖一百徒三年四十贯后发难同止累见发之赃合并取前赃

通计八十贯更科全罪断从处绞之类其应入官赔偿刺字罢职罪止者各尽本法谓一人犯数罪如枉法不枉法赃合入官毁伤器物合赔偿窃盗合刺字职官私罪杖一百以上合罢职不枉法赃一百二贯以上罪止杖

一百流三千里之类各尽本法拟断

纂注此言二罪以上俱发拟断者之通例各尽本法承上文言而所该者广若平时节次曾犯数罪而一时俱发内有轻重则从重科但各相等则从一科若节次所犯之罪内止一罪先发已经论决余所犯罪后又发视前发已决之罪为轻或只相等并得勿论惟重于前者则更论之通计前或贴杖或加徒以足后犯之数其项先后轻重事内若赃该入官物该赔偿盗该刺字官该罢职与夫罪止焉者罪虽重科或从一或勿论仍要依各律条尽其本法盖罪无再科既不流于刻仍尽本又不失之纵律所以为仁义并行之书也

按注称窃盗前后赃并论枉法则并科前赃者盖盗之赃原以一主为重而枉法之赃各主通算全科故也此与前徒流又犯异者彼谓决讫一罪而又犯此谓犯讫数罪而发有先后所以不同

又律文一罪先发已经论决余罪后发枉法赃八十贯内四十贯先发已杖一百徒三年四十贯内四十贯先发已杖一百徒三年四十贯后发难同止累见发之赃合并取前赃通计八十贯更科全罪断从处绞之类似与若等勿论未合何也盖若等勿论者总言其所犯轻重之罪指其它也若有禄人犯赃又系枉法情重可恶自有各主通算全科之本律当依故不得以此律若等勿论之总言其常者例之也故曰难同止累见在之赃

犯罪共逃

凡犯罪共逃亡其轻罪囚能捕获重罪囚而首告及轻重罪相等但获一半以上首告者皆免其罪谓同犯罪事发或各犯罪事发而共逃者若流罪囚能捕死罪囚徒罪囚能捕流罪囚首告又如五人共犯罪在逃内一人能捕二人而首告之类皆得免罪若损伤人及奸者不免仍依常法其因人连累致罪而罪人自死者听减本罪二等谓因别人犯罪连累以得罪者如藏匿引送资给罪人及保勘供证不实或失觉察关防铃束听使之类其罪人非刑杀而白死者又听减罪二等若罪人自首告及遇赦原免或蒙特恩减罪收赎者亦准罪人原免减等赎罪法谓因罪人连累以得罪若罪人在后自首告或遇赦恩全免或蒙特恩减一等二等或罚赎之类皆依罪人全免减等收赎之法

纂注此条前一节以自犯者言后二节以因人连累者言律文本注亦自明白罪人正犯也首节谓轻能捕重而少能捕多而既能服罪又能除恶故俱得全免惟损伤于人及奸者不免止免在逃之罪能获之人减逃罪二等坐之次节正犯自死则首恶已除连及者直有宽减故得减本罪二等注云又减者盖藏匿等项本条已各减等此因正犯自死而再减之故曰又减末节正减降赎免则首恶既恕余可矜怜故皆得照正犯全

免降減收贖凡此皆以開自新之路廣緝盜之門而溥矜恤之恩也

按此與自首條強竊盜捕獲同伴者同彼兼給賞此僅免罪者蓋此有在逃之罪故彼兼賞其功而此止宥其罪酌議之審也

備考

一犯人共逃捕獲不及一半及法得相隱之人有獲共逃重罪而首告者親屬各依事發在逃自首得減逃罪二等若親屬因捕獲有所杀伤者各從杀伤尊長卑幼本法若卑幼原罪輕者仍依干名犯義律論讀法云謀反逆叛總麻以上親捕送依捕首律論

同僚犯公罪

凡同僚犯公罪者謂同僚官吏聯署文案判斷公事差錯而無私曲者並以吏典為首首領官減吏典一等佐貳官減首領官一等長官減佐貳官一等四等官內如有缺員亦依四等官遞減科罪本衙門所設無四等者止准見設員數遞減○若同僚官一人有私自依故出入人罪論其餘不知情者止依失出入人罪論謂如同僚聯署文案官吏五人若一人有私自依故出入人罪論其餘四人雖聯署文案不知有私者止依失出入人罪論仍依四等遞減科斷○若申上司不覺失錯准行者各遞減下司官吏罪二等謂如縣申州州申府府申布政司之類若上司行下所屬依錯施行者各遞減上司官吏罪三等謂如布政司行下府府行下州州行下縣之類亦各以吏典為首

纂注同官于一衙門者為僚公罪即下失出入人罪之類此言同僚官吏聯署文案判決事若犯違錯而無私曲者均屬有罪但承行在於典故其罪以後吏為首由吏典而首領而佐貳而長官各遞減罪一等若同僚或人徇私枉法出入人罪者事發本官自依故出入人罪論其餘不知情者止依失錯照前遞減科斷此怕自本衙門官吏言之若所申上司事有錯誤而所屬失不請改正依錯施行者各遞減上司官吏罪三等并各以吏典為首遞減上司錯准止減二等者責其怠忽也下司錯行遞減三等者矜其受制也如官吏有覺舉者依下條公事失錯條免罪

公事失錯

凡公事失錯自覺舉者免罪其同僚官吏應連坐者一人自覺舉餘人皆免罪謂緣公事致罪而無私曲者事若未發露但同僚判署文案官吏一人能檢舉改正者彼俱無罪責○其斷失錯已行論決者不同此律謂死罪及笞杖已決讞流罪已至配所徒罪已役讞此等并为已行論決司雖自檢舉皆不免罪各依失出入人罪減三等及官吏節級遞科之故云不用此律其失出入罪雖已決放若未發露能自舉貼斷者皆得免其失錯之罪○其官文書稽程應連坐者一自覺舉餘人亦免罪主典不免謂文案小事五日程中事十日程大事二十日程此外不了是名稽官人自檢舉者并得全免惟當該吏典不免檢舉者皆得減罪二等

纂注公事公務也失錯違失差錯也覺舉謂覺察檢舉連坐謂相連而坐罪已行論決專

指失入言观律注自见程官府文书之程限主典掌行文书之吏典并减二等兼官吏言公事失错是大总句谓此项公错官吏皆属有罪若一人自犯而无余人可连坐者能觉举固得免罪其有连坐之余人如判署文案同僚官吏内有一人觉举者余人皆得免罪或断罪失错于入已行论决者自依失入律减三等科之不用此觉举之律若失出觉举贴断者又得皆免盖失入论决不可复赎而失出决犹可改正故也其官文书稽程官自觉举者连坐之同僚皆免主典不免者盖稽程与失错不同稽程之罪多由当该故不及长官佐贰也若主典自觉举者止减本律答罪二等首领通减三等

共犯罪分首从

凡共犯罪者以造意为首随从者减一等○若家人共犯止坐尊长年八十以上及笃疾归罪于共犯罪以次尊长谓如尊长与卑幼共犯罪独坐尊长卑幼无罪如尊长年八十以上及笃疾于例不坐罪即以共犯罪次长者当罪又如归人尊长与男夫卑幼同侵损于人者以凡首从论侵谓盗窃财物损谓鬪殴杀伤之类如父子合家同犯并依凡人首从之法为其侵损于是以不独坐尊长若共犯罪而首从本罪各别者各依本律首从论谓如甲引他人共鬪亲兄甲依弟殴兄杖九十徒二年半他人依凡人鬪殴论答二十又如卑幼引外人盗已家财物二十贯卑幼以私擅用财加二等答四十外人依凡盗从论杖七十之类○若本条言皆者罪无首从不言皆者依首从法○其犯擅入皇城官殿等门及私越度关若避役在逃及犯奸者亦无首从谓各自见犯从皆以正犯科罪

纂注共犯罪谓数人共一事家人一家之人也注云男夫犹男子之称如子弟侄子孙之类皆是此言共犯罪者造意为首随从减等重首恶也若家人共犯不论造意止坐尊长重制也尊长老疾事既不能专制律又不得加刑故其罪自应坐之共犯次尊长也如无以次尊长方坐卑幼若妇人与卑幼之男夫共犯妇人纵为称首亦止坐男夫不拘首从之法其犯侵盗损伤于人等罪依凡人首从论尊长造意卑幼为从卑幼造意尊长为从虽妇人及老疾亦当科罪不在家人共犯免科之律若共犯而首从本罪各有一条合得罪名者则各依本律首从科断或轻或重又不拘此条首从之常法若本条言皆者槩坐之不言皆者依首从法若擅入

皇城官殿等罪虽不言皆亦不分首从盖各身自犯之非如窃盗鬪殴之有造意随从者也故以正犯科之耳按唐律云若共监临主守为犯虽造意仍以监守为首凡人以常从论犹令律同谋共殴人以下手伤重者为重罪原谋减一等之意是又不专论首从也犯罪事发在逃

凡二人共犯罪而有人在逃见获者称逃者为首更无证佐则决其从罪后获逃者称前人为首鞫问是实还依首论计前罪以充后数○若犯罪事发而在逃者众证明白即同狱成不须对问

纂注此条承上犯罪当首从而言若二人共犯一在逃一见获者称逃者为首无凭质证姑以从罪坐之若后获逃者称前获为首鞫问是实还依首论通计前罪以充

后数后获者止问为从加逃罪二等若事发在逃虽未回质而众证明白罪状显著即同狱成获日即依原证首从定拟加逃罪二等坐之夫止据见获而輒拟首恶恐后或难于复赎故嫌宽缓众证明白而不即成狱恐久或得以规脱故不嫌果决是获者逃者既无枉情亦无漏奸矣

亲属相为容隐

凡同居同谓同财共居亲属不限籍之同异虽无服者亦是若大功以上亲谓另居大功以上亲属及外祖父母孙妻之父母女婿若孙之妇夫兄弟及兄弟妻有罪相为容隐如婢雇工人为家长隐者皆勿论○若漏泄其事及通报消息致令罪人隐匿逃避者亦不坐谓有得兼容隐之亲犯罪官司追捕因而漏泄其事及暗地通报消息与罪人使令隐避逃走故亦不坐○其小功以下相容隐及漏泄其事者减凡人三等无服之亲减一等谓另居小功以下亲属○若犯谋判以上者不用此律谓虽有服亲属犯谋反叛大逆但容隐不首者依律科罪故云不用此律

纂注容隐谓应首告而不首告或曲为回护扶同保结皆是大功小功及无服之亲兼本宗外姻言此见凡人容隐罪人及漏泄等项律各有禁惟亲属得相容隐者不禁盖同居亲属不论籍之同异服之有无其情笃另居大功以上亲属其服重外祖父母外孙妻之父母女婿若孙之妇夫之兄弟及兄弟妻膝虽轻而其恩重奴婢雇工人与家长又恩义之相联属者故有而为之容隐皆得勿论许其亲者讳也虽官司拘捕而漏泄通报致其逃避亦皆不坐小功以下服渐杀无服之亲情渐疎相容隐及漏泄者比凡人减三等或减一等凡此皆权恩义之中而教人以亲睦之道也若犯谋叛以上不问同居另居有服无服但有容隐漏泄者依本条科罪不用此律按独言奴婢雇工人为家长隐则家长不得为奴婢雇工人隐可知

按记曰凡听五刑之讼必原父子之亲立君臣之义以权之正条之谓也或问期亲告卑幼别籍异财卑幼告尊长殴伤其身皆于法得相容隐不准如自首法何也盖分析恶其叛亲而损伤本无首理故也又私窃放囚逃走虽有服亲属与常人同以解脱之物与囚系子孙奴婢雇工人亦止减狱卒一等皆与亲属相容隐反者何也盖门内之治以恩掩义而门外之治以义断恩故也又犯谋叛之上若事未发家人首俱得免但发后者则首者与里老得免但为首者不免

吏卒犯死罪

凡在外各衙门吏典祇候禁子有犯死罪从各衙门长官鞫问明白不须申禀依律处决然后具由申报本管上司转达刑部奏闻知会

纂注祇候各衙门听用之人即皂隶之类上司通司府州县言按此律乃国初勘乱之后恐奸徒仍踵旧风敢于恣恶故特重其令以暂行于一时令例皆奏请矣

处决叛军

凡边境城池若有军人谋叛守御官捕获到官显迹证佐明白鞫门招承行移都指挥使司委官审问无冤随即依律处治具由申达五军都督府奏闻知会若有布政司按察司去处公同审问处治如在军前临阵擒杀者不在此限

纂注依律处治谓其罪人分理其财产家口如律所处以治之即谋叛条所载者此言边境重地军人谋叛事系安危守御将领官将犯人捕获到官显迹证明白鞫问招承转行都司审实随即处治然后将谋叛之状处治之事申闻知会若有布按去处亦行公同会审曰委审无冤曰公同审问处治恐其有冠未实致其详之意曰随即处治防其延缓生嫉不敢留狱之意如在军前对敌有谋叛者果能临阵擒杀事既显明机系呼吸又不在委审公限然事后亦须奏

闻

杀害军人

凡杀死军人者依律处死仍将正犯人余丁抵数充军

纂注依律处死如谋故削坐斩支解则坐凌迟鬪殴戏悞误则坐绞之类军既被杀则缺伍正犯依律抵偿而以正犯亲丁抵数充军若亲丁既死仍勾原军户丁补不得复于犯人家抵充也

备考近例有谋故杀死总小旗者就令犯人户内勾取壮丁抵充军数其旗役仍令本户余丁抵当而不及鬪殴悞过失杀者自依常律论不在抵充之限

条例

一凡谋故杀死总小旗者正犯抵死旗役仍令本竹余丁补当若无本户余丁勾取犯人户内壮丁抵充军数

在京犯罪军民

凡在京军民若犯杖八十以上者军发外卫充军民发别郡为民

纂注杖八十以上至徒流皆然今在京军民俱不行此律止照时例发落疏议谓京师密迩宫阙军民皆预供应如经决杖是有玷污故必迁之不令给役然则杖七十以下是无玷污而可供役者乎殆不其然

化外人有犯

凡化外人犯罪者并依律拟断

纂注化外人即外夷来降之人及收捕寇散处各地方者皆是言此私人原虽非我族类归附即是王民如犯轻重罪名译问明白并依常律拟断示王者无外也

备考

一达官达军有犯亦问立功哨瞭若系山后人难发遣者此依做工其土民犯笞杖亦准的决问完俱要请

本条别有罪名

凡本条自有罪名与名例罪不同者依本条科断○若本条虽有罪名其有所规避罪重者自从重论○其本应罪重而犯时不知者依凡人论谓如叔侄别处生长素不相识侄打叔伤官司推问始知是叔止依凡人鬪法又如别处窃盗偷得大祀神御之物如此之类并是犯时不知止依凡论同常盗之律本应轻者听从本法谓如父不职子殴打之后方始得知止依打子之法不可以凡殴论

纂注规避二字见唐律规与窥同古字通用规有求探避有所回避二字活看不可以规专求利避专于脱罪此见名例虽为诸律之凡例然其罪名固有见于各条而统于名例者亦有非名例所能该而自见于各条者故凡本条别有罪名与名例不同者自依本条科断不拘于名例若本条虽有罪名而其情有所规避重于本罪则从其重者科断又不拘于本条若本应罪重而犯时不知者依凡人从轻论之悯其陷于无知也如本应罪轻者听从本法幸其情有可议也不拘夫从重之律权轻重而适其中如此加減罪例

凡称加者就本罪上加重谓如犯人笞四十加一等即坐笞五十或犯杖一日加一等则加徒減杖即坐杖六十徒一年或犯杖六十徒一年加一等即坐杖七十徒一年半或犯杖一百徒三年加一等即坐杖一百流二千里或犯杖一百流二千里加一等即坐杖一百流二千五百里之类称減者就本罪上減輕谓如人犯笞五十減一等即坐笞四十或犯杖六十徒一年減一等即坐杖一百或犯杖一百徒三年減一等即坐杖九十徒二年半之类惟二死三流各同为一減二死谓绞斩三流谓流二千里二千五百里三千里各同为一減如犯死罪減一等即坐流三千里減二等即坐徒三年犯流三千里者減一等亦坐徒三年加者数满乃坐谓如赃加至四十贯纵至三十九贯九百九十文虽少一十文亦不得科四十贯罪之类又加罪止于杖一百流三千里不得加至于死本条加入死者依本条加入绞者不加至斩

纂注数满乃坐不专言贯数如日数人数器物卷宗之数俱是此条言加減罪犯之通例加者就本罪上加条或递加从重減者就本罪上減等或递減从轻惟二死同为一減不分绞斩皆坐流三千里三流同为一減不分远近皆坐徒三年故曰各同为一減加者必数满乃坐如不满数止科本罪又加罪止于杖一百流三千里不得加入于死若本条加入于死者自依本条科之如妾殴夫及奴婢殴家长缙麻亲至折伤加入绞罪不至于斩夫減则二死三流各同一等而加必数满乃坐不入于死者一则矜恕之情一则慎重之意

条例

一两京法司每年热审在京以命下之日为始至六月终止南京以咨文到日为始扣二月个月止其在外五年审录以恤刑官入境日为始出境日止杂犯准徒伍年者減去一年徒杖以下俱減等枷号并笞罪俱释放悉遵照

徠旨施行

新颁条例

一万历二十一年间

题为岁清天下囹圄以广

德意事该十三司会呈本部题巡按每岁审录外听两直十三省抚按官会行所属问刑衙门各审部内轻重囚犯照京师热审事例按察司审省会之囚守巡审各道之囚皆亲身巡行不得调审州县为诸囚忧亦不得委审守令中大死罪矜疑者军徒追赃者具审语其余轻罪可原宥者照本部事例止开花名各详抚按会疏勿过夏月轻罪径自发落重罪仍听部覆等具题奉

圣旨览奏具见详慎狱情爱惜民命之意便行与各抚按官务要严督诸司每岁用心清审仍不得隔境拘提干连人众反滋骚扰钦此

称乘輿车驾

凡称乘輿车驾及御者太皇太后皇太后皇后并同称制者太皇太后皇太后皇太子令并同

纂注称言也谓律中所称言者下仿此輿即驾輿即车随条别言名虽殊而物则同也

天子所临曰御言曰制同谓与

天子同也凡律中所称乘輿服御物及御膳所御在所之类乃自

天子言之而三后并同奉制书有所施行自

圣旨言之而懿旨令旨并同故有犯毁失盗窃诈传及擅入者皆当一体科罪盖

天子曰国君

三后曰国母

皇太子曰国储臣子事之当无二义而有违而有违犯之者其罪固宜无所轻重于其间也

称期亲祖父母

凡称期亲及称祖父母者曾高同称孙者曾玄同嫡孙承祖与父母同缘坐者各从祖孙本法其嫡母继母慈母养母与亲母同称子者男女同缘坐者女不同

纂注期亲期年丧服之亲律称期亲有二有止言期亲者则祖与曾高在其中如闻期亲尊长丧不举哀杖八十是也有与祖父母并称者则祖父母兼曾高言期亲以伯叔兄弟及在室之姑姊妹如谋杀祖父母及期亲尊长皆凌迟处死也嫡孙承祖谓父死而嫡长孙承重者所生母死父令他妾抚养者曰慈母已身无小而养同之子曰养母凡称期亲称祖父母则兼会高称孙则兼会玄称母则兼嫡继慈养称子则兼男女其承重之祖父母即同父母以上或以服制相同或以亲情相同如有殴骂违犯等项皆得一体科断若祖犯支解人罪子当流不得及其承祖之孙父杀一家非死罪三人子当流不

得及其已嫁未嫁之女又所以恤其缘坐之人也按嫡继慈养母改嫁义绝不与亲母同称与同罪

凡称与同罪者止坐其罪至死者减一等罪止杖一百流三千里不在刺字绞斩之律若受则故纵与同罪者全科至死者绞其故纵谋反逆叛者皆依本律○称准枉法论准盗之类但准其罪亦罪杖一百流三千里并免刺字○称以枉法论及以盗论之类皆与直犯同刺字绞斩皆依本律科继

纂注受财故纵串说因受则而故纵之也准枉法以枉法论者皆计入已之赃准盗论以盗论者皆并赃论罪此乃称同罪称准称以之通例凡称同罪者自被累人而言也与正犯终有差别故盗免刺字刑不绞斩罪至杖一百流三千里而止惟受财故纵与同罪者贪财玩律得仕科至死者坐绞不及斩若原未曾受财止故纵者亦不拟绞其故纵谋反大逆者自依本律处绞不曰受财者盖反逆情罪已极但以纵恶为重不以受则为重也其称准枉法准盗论者与真犯有间罪止于流亦免刺字称以枉法以盗论与真犯无间刺字绞斩皆依枉法及盗之本律科断但不得妄引充军立功等项事例按律有言罪同及罪亦如之者皆承各条上文言谓上文已有其所犯罪名下所犯者情与相类故但云罪同是此罪同彼科也如强盗但得则者皆斩下条以药迷人图财者罪同之类云罪亦如之是亦得前项所称之罪如官吏聚乐人杖六十若为子孙聚者罪亦如之之类盖此条原无罪同及亦如之之类故特明之又律有先言故纵而后言受财则故纵者未曾受财也先言受财而后言故纵则是因受则而后故纵之者也管见云三人受财故纵将为首一人问与囚同罪余二人除故纵为从问枉法若受财故纵继获囚犯仍科受财枉法可从

条例

一凡受财故纵与囚同罪人犯该凌迟斩绞依律罪止拟绞者俱要固监缓决候逃囚得获审豁其卖放充军人犯者即抵充军役若系永远同罪者止终本身仍勾原犯应替子孙补伍

称监临主守

凡称监临者内外诸司统摄所属有文案相关涉及虽非所管百姓但有事在手者即为监临称主守者该管文案吏典专主掌其事及守掌仓库狱囚杂物之类官吏库子斗级攢拦禁子并为主守○其职虽非统属但临时差遣管领提调者亦是监临守主

纂注总摄验谓之监临躬亲典保谓之主守文案相关涉者往来札帖文移相关关系干涉也有事在手如此县官吏承上司差委彼县干办公事之类守掌仓廩曰斗级库藏曰库子攢仓典也税课司局有巡拦狱囚有禁子以上皆当时之监临主守也临时差遣管领提调暂时之监临主守也

称日者以百刻

凡称一日者以百刻计工者从朝至暮称一年者以三百六十日称人年者以籍为

定谓人年纪以附籍年甲为准称众者三人以上称谋者二人以上谋状显迹明白者虽一人同二人之法

纂注凡律中称日者以百刻为一日如人命保辜限三十日者虽至二十九日九十九刻身死亦拟限内抵命若计雇工者则惟从朝至暮不在百刻之限称一年者以三百六十日如税粮违限一年之上虽三百五十九日亦不美籍版籍所报年甲也如称人年者七十以上十五以下流罪收赎必以户籍为定则无增减年数之弊矣称众三人以上如聚众中途打夺之类是也若止二人只依拒殴追摄人律拟罪称谋者二人以上如谋杀人造意及从而加功者之类是也若虽一人但谋状显明者亦同二人法拟断凡诸条内称日称工称年称人年称众称谋者俱准此例也

称道士女冠

凡称道士女冠者僧尼同若于其受业师与伯叔父母同

纂注女道士曰女冠僧曰尼僧同者谓僧同道士尼同女冠也僧道于其受业师义与伯叔父母同言僧道而尼与女冠该之矣师于弟子义与兄弟之子同称子者男女同而尼与女冠之徒该之矣若相殴骂等项并依犯期亲尊长及卑幼律拟断其同师僧道相犯者原非血属仍依常人论

断罪依新颁律

凡律自颁降日为始若犯在已前者并依新律拟断

纂注此言犯罪在先颁律后事发并依新定律条拟断盖遵王之制不得复用旧律也

按大明律一书我

太祖高皇帝于洪武六年十一月内

徠刑部尚书刘惟谦重加编次成于次年二月内分隶吏户礼兵刑工六门通计三十卷共四百六十条迨洪武三十年五月内始布外使知遵守然娶乐人为妻妾条有云其在洪武元年以前娶者勿论则元年以前者为律以后者为新律矣逃避差役条有云其在洪武七年十月以前移流他郡曾经附籍当差者勿论则七年十月以前者为旧律以后者为新矣合一以三十年五月内刊颁者为定

断罪无正条

凡律令该载不尽事理若断罪而无正条者引律比附应加应减定拟罪名转达刑部议定奏闻若輒断决致罪有出入者以故失论

纂注按此附律不行奏闻若无出入人罪之轻重者以事应奏不奏论

徒流迁徙方

徒役各照所徒三限并以到配所之日为始发盐场者每日煎盐三斤铁冶者每日炒铁三斤另项结课

直隶府州

江南发山东盐场 江北发河间盐场

福建布政司府分发两淮盐场

浙江布政司府分发山东盐场

江西布政司府分发泰安莱芜等处铁冶

湖广布政司府分发广东海北盐场

河南布政司府分发浙东盐场

山东布政司府分发浙东盐场

山西布政司府分发巩昌铁冶

北平布政司府分发平阳铁冶

陕西布政司府分发大宁绵州盐并

广西布政司府分发两淮盐场

广东布政司府分发浙西盐场

海北海南府分发进贤新喻铁冶

四川布政司府分发黄梅兴国铁冶

流三等照依地里远近定发各处荒芜及濒海州县安置

直隶府州流陕西

福建布政司府分流山东北平

浙江布政司府分流山东北平

江西布政司府分流广西

湖广布政司府分流山东

河南布政司府分流福建

山东布政司府分流福建

山西布政司府分流福建

北平布政司府分流福建

陕西布政司府分流福建

广西布政司府分发流广东

广东布政司府分流福建

四川布政司府分流广西

边远充军

直隶府州

江南发

定辽都指挥使司

北平都指挥使司所辖永平卫

山西都指挥使司

陕西都指挥使司所辖兰州卫河州卫

江北发

广东都指挥使司辖海南卫

四川都指挥使司所辖贵州卫

雅州千户所

福建布政司府分发北平都指挥使司所辖永平卫

浙江布政司府分发定辽都指挥使司

江西布政司府分发山西都指挥使司

湖广布政司府分发山西都指挥使司

河南布政司府分发广西都指挥使司所辖南宁卫 太平千户所

山东布政司府分发广东都指挥使司所辖海南卫

山西布政司府分发广东都指挥使司所辖海南卫

北平布政司府分发广西都指挥使司所辖南宁卫 太平千户所

陕西布政司府分发广西都指挥使司所辖南宁卫 太平千户所

广西布政司府分发陕西都指挥使司所辖兰州卫 河州卫

广东布政司府分发山西都指挥使司

四川布政司府分发广西都指挥使司所辖南宁卫 太平千户所

纂注另项结果者谓扣算其每日煎盐若干炒铁若干另项归结课程不在本等灶丁炉丁额设正课之例

国约徒罪俱发盐场铁冶令则无力者有摆站做工之例

条例

一凡问该充军者在京行兵都定卫在外系巡抚有行者巡抚定卫巡按有行者巡安定卫其所属自问者有巡抚处申呈巡抚无巡抚处巡按定拨若系通详抚按者听从抚定拨俱抄招兵部知会其问该口外为民者亦抄招解送户部编发

一凡问发充军及口外为民者免其运炭纳米等项并律该决杖就拘当房家小起发随住其余人口存留原籍办纳粮差若发边卫充军者原系边卫发极边原系极边常川守哨其无极边字样者远不过三千里限不过一二月发口外为民者原系口边境民人发别处极边前二项人犯虽有共犯本例不言不分首从者仍依首从法科断为从者照常落

一凡永远充军或奉有

特旨处发叛逆家属子孙止于本犯所遗亲枝内勾补尽绝即与开豁若未经发遣在监病故免其勾补其真犯死罪免死充军者以着伍后所生子孙替役不许行勾原籍子孙以万历十三年新例颁行到日为始已前勾补过者不得混行告脱其余杂犯死罪并徒

流等罪照例充军及口外为民者俱止终本身

一凡充军及口外为民人犯属军卫者军卫金解系

王府军校人役于护卫司金解无护卫者行长史司于本犯亲属或本府人役内金解不许偏累有司违者查提究问如无亲属或本府人役数少难以金解仍行原问卫门议处

大明律集解附例卷之二

吏律

职制

选用军职

凡守御去处千户百户镇抚有阙一具阙本实封御前开拆一行都指挥使司转达五军都督府奏闻取自上裁选用若先行委人权管望实授者当该官吏各杖一百役充军若选用总旗湏于戳过铁鎗人内策用其小旗从便选充一拘此律

纂注守御者护守地方防御寇盗也戳过铁鎗人指总旗拘此律者谓小旗从便选充不拘戳过铁鎗之律守御有阙委人权管亦 之常但不当希望实授耳官吏罢职役充军充附 也 重在选用一边故特着当该官吏之罪此言守御军官所系重大如遇员缺本卫门必须具本奏闻抄出兵部推补取自

上裁选用不得专擅也

备考

一承差之人希望实授者照夤缘奔竞事例降调带俸差操

一将不曾戳过铁鎗之人充总 当该官吏及本人各坐违受财者计赃以枉法从重论

条例

一跟随内臣将官头目不分有无职役人等若非奏带不许报功果系奏带获功该升职役只合注于本管卫门不许希求注于锦衣卫违者该升职役俱革罢扶同勘报者参究治罪若文武职官八等不由铨选推举径自朦胧奏

请希求进用夤缘奔竞乞

恩传奉等项阻坏

祖宗选法者俱问罪武职降调卫旗余发边卫俱带俸食粮差操文职黜退为民

一军职五年一次考选见任管军管事若营求嘱托者就指名黜退永今带俸差操其刁泼之徒不得与选辄生事端教唆陷害已选官员者问罪不分官军俱调边卫带俸食粮差操

大臣专擅选官

凡除授官员湏从朝廷选用若大臣专擅选用者斩○若大臣亲戚非奉特旨不许除授官职违者罪亦如之○其见任在朝官员回谕差遣及改除不问远近托故不行者

并杖一百罢职叙

纂注官员兼文武言乃应之人也故不言其罪疏议辩疑知情受毁官之说不必依罪亦如之谓如上文专擅选用者斩也罢职不叙在军官则充总旗下并仿此此言爵赏出自

天子

君命不宿于家若大臣除授官员不行请旨而专擅选用及将自己亲戚不奉特旨而径除官职者则窃柄行私罪莫大焉故并坐斩其在朝大小官员亲奉差遣或改除外职不论地里远近敢有假托事故不即起程者虽非专擅之比难追稽迟之罪故并杖一百罢职不叙故而曰托非真有故也若真故则不言托矣此与刑律诈称避难罪有不同者以君命为重故耳

按大臣亲戚乃白衣原无科贡袭荫入特旨除授恐当以知情受假官论

文官不许封公侯

凡文官非有大功勋于国家而所司朦朧奏请輒封公侯爵者当该官吏及受封之人皆斩其生前出将入相能除大患尽忠报国者同开国功勋一体封侯谥公不拘此律

纂注功勋二未见礼王功曰勋谓辅成王业也国功曰功谓安定国家也然亦有一字而兼言之者生受爵禄曰封死赐褒赠曰谥然亦有死后而言追封者俱当以意会不必拘定此即古非军功不侯之意盖公侯爵命之首必开国元臣而始膺此所以优待大功大勋者也凡文官非有推诚宣力建大功勋于国家而所司朦朧奏请輒封则罔上行私窃冒殊典当该官吏及受封之人无分首从皆斩其生前出将入相能除大患尽忠报国者虽系文臣即与开国之功臣相等故得一体封谥不拘不封公侯之律曰出将入相则身系安攘矣曰大患则事关社稷矣曰尽忠报国则死生以之而非侥幸成功者比矣又按生前二字则一体封侯之封亦谓追封者云

官员袭荫

凡文武官员应合袭荫职事并令嫡长子孙袭荫如嫡长子孙有嫡次子孙袭荫若无嫡次子孙方许庶长子孙袭荫如无庶出子孙许令弟侄应合承继者袭荫若庶出子孙及弟侄不依次序揜越袭荫者杖一百徒三年○其军子孙年幼未能承袭者申闻朝廷纪录姓名关请俸给优贍其家候年一十六岁方令袭职管军办事如委绝嗣无可承袭者亦令本妻小依例关请俸给养贍终身若将异姓外人乞养为子瞞昧官府诈冒承袭者乞养子杖一百发边远充军本家所关俸给截日住罢他人教令者并与犯人同罪○若当该官司知而听行与同罪不知者不坐

纂注武曰袭仍其官也文曰荫承其余荫也申是申达本管上司闻是奏朝廷俸给军官优给有例如全俸半俸之类依例谓依供武二十七年复位优给例军官妻无子并给米五石终身俱见会典若将异姓外人以下与他人教令俱止就本条言截日谓事发之日此条当户律立嫡子违法条参看作三段首言揜诈冒末言官司听行盖总承

之也言立嫡立长袭荫自大定法嫡长子孙有故始及嫡次子孙无嫡次子孙始及庶长子孙若无度长及度次子孙方许弟侄中应合为本人后者袭荫若庶出子孙及侄不依次序而换前越次袭荫者杖一百徒三年仍依次袭荫以上言换越者之罪军官子孙年幼未能承袭职事者申达上司闻奏朝廷纪录姓名关请俸给优待供贍候年长一十六岁方令承袭管军办事如军官委无子孙后嗣已绝者许令本妻小依例请优养贍以终本妇之身若乞养异姓外人瞞昧官府诈为已子冒袭祖职者乞夺子杖一百发边远充军本家俸给以事发之日截除罢古若有他人教令其诈冒承袭者并与乞养子同罪亦杖一百充军此言诈冒者之罪盖换越者虽失伦序尚为同姓而诈冒则以异姓乱本宗矣故特重之若当该官司知其子孙弟侄之换越及乞养子之诈冒而扶同保勘听其袭荫者并与犯人同罪听其换越亦杖一百徒三年听其诈冒亦杖一百充军其不知换越诈冒之情而保勘者则非扶同矣故不坐罪盖禁换越则争端可杜防诈冒则伦序可明其所以恤文武之后者亦厚矣

备考

- 一乞养子曾受官职论以常人盗罪追俸仍尽本法充军
- 一军受财扶同保勘诈冒承袭者照用财买嘱冒袭军职例发落
- 一文武官老疾令子孙换越诈冒者罪坐本官听使人依家人共犯免科
- 一当该官司知而听行受财者者计赃以枉法从重论

条例

一凡军职袭替有不由军功例该减革行掬奏兵部官吏阻坏选法者问调边卫带俸差操

一凡军官子孙告要袭替移文保勘如云南贵州四川广东广西福建江西浙江五十年之外南北直隶湖广陕西河南山东山西辽东十二年之外人文不曾到部者不准袭替发原卫所随舍余食粮差操中间困因追征钱粮未完缘事提问未结及年幼例不应袭以完事出幼之日为始亦照前云南等处十五年直隶等处十二年之内但有抚按官给与明文及限内告有执照者旧袭替若郁司本卫所官勒措财物故意刁难不与保送者问发带俸差操

一凡保到军职应袭儿男弟侄但有姻族并无干人奉告奸生乞养伦序不明等情已经勘明缴报兵部原部告又行掬词奏告问罪属军卫者调边卫差操属有司者发口外为民应袭者即与入选原词立案不行

一官军军丁有将戈户内弟侄子孙过房与人或被官豪势要和买改易姓名者不分年岁远近许其赎取归宗听继若占愆不发者所在官司追究治罪其诱买各边军丁者问发极边卫分充军

一军职犯该人命失机强盗真犯死罪及饶死充军不分已决遣监故并强盗脱逃自缢子孙俱不准承袭其有例前袭过若洪武永乐年间犯事就在洪武永乐年间承袭者子

孙照旧承袭若洪熙以后犯事子孙虽袭过三五辈一体查革其犯该永远充军者若洪武永乐年间有功之子孙除本人子孙革袭外许保送立功之人次房无碍子孙于祖职上降一级承袭如无次房即行停革若洪熙元年以有功升职者子孙不分有无次房通不准承袭

一凡军职犯该侵盗钱粮问拟永远军罪例应次房子孙承袭者除正犯见在及有孙务要追赃完日方许保送得袭人之承袭若正犯故绝遗有该追钱粮准令得袭之人先行承袭扣俸还官若赃银至数百两米数百石以上扣至十年犹不能完余赃应否开豁抚按官勘明奏

请定夺

一凡各处保送卫所袭替军职务要严加查核但系管运曾经漕司参提应追还官入赃银或挂欠京通仓库各项钱粮或犯该充军降级曾经完结果无违碍方许保送如有朦朧保送者掌印官及首先出结之人问罪带俸差操有赃以枉法从重论承袭之人照旧监追完日降一级承袭其有不系充军降级勘产尽绝不能办纳者许其先袭替扣俸还官

一军职犯知强盗后分赃满贯充军者子孙袭职或优给俱于应袭职事上降三级

一凡军职将乞养异姓与异抱养族属 远之人用财买嘱冒袭及受财将官职卖同姓或异姓人冒袭已经到部袭过者俱照俸

成祖皇帝钦定妄告冒袭不实的官连那保勘的官都罢了职揭了黄永不得袭其保勘官将受财首先出与保结者为坐卫所并都司掌印金书官连名保结者俱依律减等科断有赃者并以枉法论若朦朧保送违子孙弟侄者俱照常发落其异姓买袭之人比照乞养子冒袭律发边卫充军

一各处土官袭替其通事人等及各处逃流军囚客人拨置土官亲族不该承袭之人争袭劫夺讎杀者俱问发极边烟瘴地面充军

一应袭舍人若父见在诈称死亡冒袭官职者事发问罪调边卫充军候父故之日令以次儿男承袭如无以次儿男令次房子孙承袭

一凡校尉事故必须册籍有名亲生儿男弟侄替补若官旗将姓朦朧诈冒替补者问罪官旗调外卫带俸食粮差操冒替之人亦调卫充军

滥设官吏

凡内外各衙门官有额定员数而多余添者当该官吏一人杖一百每三人加一等罪止杖一百徒三年○若吏典知印承差祇候禁子卫兵人等额外充者杖一百迁徙容留一人正官笞二十首领官笞三十吏笞四十每三人各加一等并罪止杖一百罪坐所由

○其罢闲官吏在外干预官事结揽写发文案把持官府蠹政害民者并杖八十于犯人名下追银二十两付告人充赏仍于门首书写过名三年不犯官为除去再犯加二等迁徙有所规避者从重论○若官府税粮由帖户籍册雇募撰写者勿论

纂注当该官吏指典选者充就吏役等项本人言结揽交结而承揽也写发书写而发行也把持把捉执持令官府不得自由之意干预官事四句是一意盖罢闲官吏事体惯熟易于干预把持故一言不足而又重言以深着其恶从重从重论谓规避之罪视本罪重则从所规避论视本罪轻则从本罪论后凡言从重者仿此雇募书之人罢闲官吏在其中此条首二段是防侵揽之弊言内外各衙门官原有额设员数若额外多余添设者当该官吏添设一人即杖一百每三人加一等罪止杖一百徒三年官多则民扰故禁其添设如此不言所添之罪以事由典选者耳若衙门吏典知印承差祇候禁子卫兵人等亦各有额定名数若吏典等项额外冒滥充役者本人杖一百迁徙今例准徒二年各衙门官吏容留滥充一人者正官笞二十首领官笞三十吏笞四十每三人加一等并罪坐所由如容留由正官罪坐正官罪坐正官首领罪坐首领由吏典罪坐吏典不得连及也役多则弊生故禁其滥其滥充如此以上皆自见在职役者言其官吏为事革退职役闲住外者在于各衙门干预官府公事交结官吏以容其身而承揽其事权于已写发文案把持官府以蠹政害民者罢闲官吏并杖八追银付告人充实又于门首书写过名必三年不犯然后官为除去重加惩戒冀其改图也若再犯则怙恶不悛矣故杖一百迁徙有所规避者从重论其疾恶之意深矣若官府税粮由帖户口册籍雇募撰写虽罢闲官吏勿论盖由帖册籍非文案之比而雇募必无结揽之情故不坐罪也按多余添设与前专擅选用事体相类而一则坐斩一则罪止徒三年何也盖一项俱系应选之人但守擅者初不题旨而擅自选用恶其侵君之权故坐斩若多余添设已经题请但非奉旨添注者耳故坐徒三年也

条例

一京官假托雇役名色受财卖放办事吏典者官以赃论吏原籍为民若吏典恃顽私自在逃一年以上者亦问为民

丙外大小衙门拨到吏典照缺收参若旧吏索要顶头钱事发问罪不分得财多寡俱照行止有亏事例革役为民

一吏典撒泼抗拒诬告本管官员及犯该诬骗诈欺恐吓取财未得入已并偷盗自首者俱发籍为民

一在京大小衙门当该吏典有患病一个月者勘实就将该支俸粮截日住支名缺行移吏部拨补待病痊日仍送原役衙门收候参补若有奸懒托故以图改拨者问发原籍为民

一各处司府州县所等衙门主文书算快手皂隶总甲门禁库子人等久恋衙门说事过钱把持官府飞诡税粮起灭词讼陷害良善及卖放强盗诬执平民为从事发有显迹情重者旗军问发边卫民并军丁发附近俱充军情轻者问枷号一个月纵容官员作罢软黜退失觉察者照常发落若各乡里书飞诡税粮二百石以上者亦问发边卫充军贡举非其人

凡贡举非其人及才堪时用应贡举而不贡举者一人杖八十每二人加一等罪杖一百所举之人知情与同罪不知者不坐○若主司考试艺业技能而不以实者减二等○失者各减三等

纂注贡谓住贡即令科贡之类举谓荐举如举贤良方正之类是也所举之人即非其人之人也艺业技能如词骑射律历医卜之属失者各减三等总承上贡举考试言律内凡言应减者罪止上亦减之后仿此盖贡举之法所以求有用之才若明知其才不堪用不应贡举而妄行贡举是为滥举及知其才堪时用相应贡举而不行贡举而不行贡举是为蔽贤其失同也故一人杖八十每二人右一等罪止杖一百所举不堪之人知情而听其贡举者与同罪亦杖一百不知者不坐盖贡举非人欺蔽在国家其法不得不严若主司考试艺业技能可取者或置下等不可取者置高等故行私意不以实者得减贡举非其人罪二等如一人不实杖六十每二人加一等罪止杖八十盖考试不实去取系一人其法应得减科然此二项皆出于有心者也若非其人而失于贡举堪时用者失于不贡举考试艺能而我不以实又皆出于无心者故其罪各减三等失于贡举减八十三等一人笞五十罪止杖七十失于考试者于二等上再减三等一人笞三罪止笞五十权事之轻重以定罪之差等其宽严得十如此

条例

一应试举监生儒及官吏人等但有怀挟文字银两并越舍与人换写文字者俱遵照

世宗皇帝圣旨拏送法司问罪仍枷号一个月满日发民其旗军夫匠人等受财代替夹带传递及纵容不举察捉拏者旗军调边卫食粮差操夫匠发口为民官纵容者罚俸一年受财以枉法论若冒顶正军入场看守属军卫者发边卫属有司者发附近俱充军其武场有犯怀挟等弊俱照此例拟断

一监生生员撒泼嗜酒挟制师长不守监规学规者问发充吏挟妓赌博出入官府起灭词讼事过钱包揽物料等项者问发为民

举用有过官吏

凡官吏曾经断罪罢职役不叙者衙门不许朦朧保举违者举官及匿过之人各杖一百罢职役不叙

纂注朦朧谓隐其罢职役缘由而朦昧举用也匿过谓不自陈前过朦朧承受保举也此言举用官吏必加重而名器不滥若官吏犯罪曾经官司断决罢其职役于怯法不得叙用者诸卫门不许朦朧保举有过之人亦不许妄冒承受职役盖曾经论断则罪过已彰曰罢职役不叙则名籍已除何可复行举用故诸衙门官朦朧保举及有罪官吏匿过冒受其罪同也故曰各杖一百罢职役不叙

备考

一保举将帅异才其人虽经罢职闲住不系贪淫等项者所司保勘明白亦得举用

条例

一文职官员举贡官恩援例盖生并省祭知印承差人等曾经考察论劾罢黜及为事革年老事故例不入选者若买求官吏增减年岁改洗文卷隐匿公私过名或诈作丁忧起复以图选用事发问罪吏部门首枷号一个月已除授者发边卫未除授者发附近各充军终身其起送官吏不分军卫有司但知情受贿者亦发附近充军若原不知情止是失于觉察照常发落

擅离职役

凡官吏无故擅离职役者笞四十若避难因而在逃者杖一百罢职役不叙所避事重者各从重论○其在官应直不直应宿不宿各笞二十若主守仓库务场狱囚杂物之类应直不直应宿不宿者各笞四十

纂注官兼文武言无故二字重看避难谓在职役避难处之事而逃非避罪也在官与主守人如巡风官吏攢拦旗军火夫库斗之类此直宿人是暂时之职役若首领官吏则常时之职役罪有轻重如此言凡各衙门见任见官吏其有不因公务差遣事故辄自离去职役原其无避难之情故止笞四十以为旷废者之戒若遇事之难如解钱粮捕盗贼之类恐有干系避难不为因而在逃者是弃职守之常不但旷废而已故杖一百官吏罢职役不叙军官降充总旗所避事重者从重论以为退避者之戒所避事重谓如文官应合随军供给粮饷避难在逃以致临敌缺乏军官已承调遣避难在逃以致不依期策失悞军机之类所避事重于杖一百者当从临敌缺乏不依期策应重罪论也此官吏皆各有一定职役者其在官主守直宿人止暂时相轮者难与官吏同故在官人等日应上直而不上直夜应守宿而不守宿各笞二十若主守仓库务场狱囚杂物之类应直不直应宿不宿者各笞四十盖在官直宿所系事小而主守仓库等项所系事大故加二等科断

条例

一监生不分在监在历私逃回籍三个月之上发回原学肄业半年以上问革为民

一监生不分在监在历及各衙门办事官吏承差不许倩人代替违者俱问罪照行止有亏事例问革为民其代替者别有职役一体问革

官员赴任过限

凡已除官员在京者以除授日为始在外者以领照会日为始各依已定程限赴任若无故过限者一旦笞一十每十日加一等罪止杖八十并附过还职○若代官已到旧官各照已定限期交割户口钱粮刑等项及应有卷籍册完备无故十日之外王离任所者依赴任过限论二等○其中途阻被盗患病丧事不能前进者听于所在官司给凭以备照勘若有规避诈冒不实者从重论当该官司符同保勘者罪同

纂注照会谓相照而知会者出给予吏部吏科填注到任日期所谓红限水也程惟布政司领照会其余衙门俱关札付此独言照会举重者以例其余也故即下文阻风被盗等项之故第二节兼内外官谓原任改除及承委权署者言已定限期谓代官赴任之限期

中途节总承甘两节说规避解见前将无作有曰诈将人作已曰冒规避诈冒因规避而诈冒阻风等故也此条言内外各衙门已经除授官员系在京者以除授命下之日为始在外者以领吏部所给照会之日为始各依照会内原定路程限期到任若在京者已领照会别无事故而故违限期不赴任者一日笞一十每十日加一等罪止杖八十内外官附写过名收赎还职此专自新官言之盖无故不赴任是为旷职旷职之罪大故计日定科耳若新任交代官已到任所旧任官即当各照代官到任限期将经手户口钱粮刑名等项及应有行过卷宗籍册交付过割与代官俱已完备限十日之内离任如无别项事故十日之外迁延不离任所者依赴任过限论减二等过限二十一日笞一十每十日加一等罪止杖六十亦附过还职此专自旧居言之盖无故不离任似为贪恋贪恋之罪小故得减等科之耳以上二者皆罪其无故而为之也若新旧官已行起程而于中途或有阻被盗患病丧事等项以致新官不能赴任旧官不能离任事出不测情已是为有故各听于中途所在官司告给事故文凭以备日后如有违限将原给文凭送官仍行原告官司勘相同得免违限之罪若新旧官或有所规求回避不行前进本无事故而诈冒阻风等项照勘不实罔上行私莫此为甚故本官从所规避之罪重于杖八十六者科断中途当该官司原行符同保勘者随所规避轻重罪犯并与同坐夫无故者坐罪而有故者免科情得伸于法之中有故者免科而诈冒者加重法复行于情之外矣按外官以领照会之日为始谓自受领在已之日算起过违期限方可坐罪近来多自出给照会之日算起辄问违限遂有照会未领而限期已过者既失律旨亦非人情

备考

一官司受财扶同保勘者以枉法从重论本官依有事以财请求论按名例文武官犯公罪该笞者不必附过此笞杖云并附当依本条

条例

一凡官员赴任两司方回行仆苑马寺卿少卿及盐运司府州县正官除原定朱限外有违至一月以上问罪三月以上送部别用半年以上罢职两京凡领札威官员及在外佐贰首领杂职等官违限一月以上问罪半年以上降级别用八个月以上罢职虽有中途患帖并不准理其进

表朝

觐给由公差等项复任官员违限者各照前例拟断

一升除出外文职已经领

勅领凭若无故迁延过半月之上不辞

朝出城者参提问罪若已辞出城复入城潜住者改降别用

无故不朝参公坐

凡大小官员无故在内不朝参在外不公座署事官吏给假限满无故不还职役者一日笞一十每三日加一等各罪止杖八十并附过还职

纂注故如丧病差委之类重无故二字在内不言公座重朝参也各字承上不朝参不公座署事不还职役三项言并字通官吏言止附过而还职而不言还役盖官吏之罪既同则吏得还役可知或谓吏当依名例职官犯私罪条笞五十罢见役别叙杖罪以上罢役不叙给假违限系私罪故律不言还役殊不知既曰私罪则职官亦当降等叙用何独得还职耶凡律中犯私罪不系干碍虽私亦也此言朝参公座自有常规有事给假原有定限凡各衙门大小官员本无丧疾等故在内者不行朝参在外者不行公座署事及官吏有故给假在外而假已满无故不还职役三者其事虽殊而怠缓之失一也故一日不朝参公座及限满一日不还职役者即笞一十每三日加一等各罪止杖八十官吏并附过还职役以其心无私故得轻贷之耳曰无故者坐罪则有故者不在此限

按官员赴任过限一日笞一十每十日加一等而给假过限乃云三日加一等违限一也何轻重如此盖赴任违限虽为怠缓而事体尚有主守未至失 若给假过限则事体未免停阁故计日定罪自不容一律也

备考

一凡在内官员有犯不公座署事者照在外科断

擅勾属官

凡上司催会公事立案定限或遣牌或差人行移所衙门督并如有迟错依律论罪若擅勾官拘唤吏典听事及差占推官司狱各州县首领官因而妨废公务者笞四十若属官承顺逢迎及差拨吏典赴上司听事者罪亦如之其有必合追对刑名查勘钱粮监督作重事方许勾问事毕随即发落无故稽留三日笞二十每三日加一等罪止笞五十

纂注上司如州县称府府称布政司之类催促会计也立案定限三句一直说督并督责而追并也迟错二字平看依律论罪谓依稽程失错律坐罪听事兼官吏言妨废公务又通承属官吏典及推官以下言承顺逢迎谓近合上意听其勾唤差占也勾问官或以必公事迟错律应罚赎纪者若一应私罪则当奏请不得勾不知名例自属官犯罪者言之此但勾取问其事情非勾拘问罪也当分别看此条虽着属官之罪而意实专重上司言官吏各有当办之役凡上司遇有公事应合催促会计正止许明立文定立限期或遣信牌或差有差有役之人行移所属下司衙门督并完报如下司衙门将所督公事稽迟不办错误施行者官吏各依稽程失错律论罪不许擅自勾拘若上司遣牌差人而辄擅勾取属官拘唤吏典各前来听事及将推官司狱各州县首领官差委占留使用致所勾唤差占之各官吏妨废本等公事者上司有统下之权若许其勾唤差占则下司恐无办事之日故坐以笞若属官及推官司狱首领官畏惧上司自行承顺逢迎听其拘唤差占及自差拨吏典赴上司衙门听事者罪亦如之官吏笞四十盖下司有承上之分听其逢迎差拨则上司益无忌惮之心故亦坐以笞其各衙门或有刑名木结必合赴上司追究对证钱粮数目未清必合赴上司督并干办此公事之重大者必 经由属官面理非遣牌差人所能办者方许勾取问理事毕随发落回还不许稽留无故稽留三日者笞二十每三

日加一等罪止笞五日重事方许勾问斯法不废而事功集曰无故不稽留则官不扰而职业修律意之周悉如此

官吏给由

凡各衙门官吏给由到吏部限五日付勘完备以凭类选铨注若不即付勘完备者迟一日吏典笞一十每一日加一等罪止笞四十首领官减一等○若公私过名隐漏不报者以所隐之罪坐之若罚赎记过者亦各以所罚所记之罪坐之若报重罪为轻罪者坐以所剩罪当该官司符同隐漏者与同罪承报而差漏及上司失于查照者并以失错漏报卷宗科断○其漏附行止者一人至三人吏典笞一十每三人加一等罪笞四十○若有增减月日更易地方隐身蔽匿过名者杖一百罢职役不叙○有所规避及受赃者各从重论

纂注官吏考满将职役内历过事绩缘由于衙门出给公文申达上司转申吏部谓之给由付勘谓考功司移付各司查勘者即下文过名行止日月出身等项也首领官国初有主事即谓之首领以所隐之罪坐之者就原罪名言之如原笞坐笞原杖也以所罚所记之罪坐之者就原发落言之如笞杖系赎仍罚系记过仍记也罚赎过不在上公私过名之内此较更轻如有官事发而罚赎或迁官去任而记录之类若谓罚赎即名例公罪该笞者收赎记过即杖以上纪录通考则前所隐又何罪也承谓承行转报之意失错漏报卷宗见照刷文卷条并杖一百并字指增减月日以下四事规避指给由官吏受赃指经该及吏部官吏此条首节专言吏部官吏次节坐所剩罪以前专言给由官吏当该官司至末通指经该衙门及吏部言而增减月日以下二节则无兼给由之人也言各衙门官吏三六九年考满给由送到吏部限考功司五日之内即移付各司查勘其脚色行止等项完以凭类选部铨注名缺若考功司不即付勘完备五日之外迟一日者吏部吏典笞一十每一日加一等罪止笞四十首领官减一等迟二日笞一十褫止笞三十盖给由而付稽迟不色妨选铨故坐吏部官吏之罪至给由官吏凡职役内公私过名及罚赎记过或轻或重湏要从实开报以凭起送若隐漏公过名不行报者即以所隐笞杖等罪坐之若隐漏赎罚记过不行报者亦即以所罚所记之罪坐之仍罚罚赎记过若将重罪减作轻罪报不以实者即坐以减报之剩罪盖过名而隐漏不报何凭以为考核故坐给由官吏之罪其各衙门当该官吏承行起送给由不行从实开报与给由官吏相符同隐漏其过名等项者当该官吏与给由人同罪依所隐所罚所记所剩之罪坐之曰符同则并与为奸也故从重论若给由人已行开报过名而当该官吏承行转报上司乃差写脱漏及给由人不曾开报而上司失于查照只依原来文移转申吏部者当该官吏及上司并以失错漏报卷宗科断如失错漏报一宗笞二十之类曰差漏失查照止不加详审故从轻科其选部将平时在选及给由官吏行止善恶漏附铨籍致无查照者此吏典之责也一人至三人坐吏典笞一十每三人加一等罪止笞四十若给由人通同当该官吏及吏部吏增减其历过月日更易其籍贯及任地方改换其出身脚色蔽其所犯过名朦

朧起送及付勘类选铨注者给由人与当该及吏部官吏并杖一百罢职役不叙盖漏附
行止事类失错增减等项心为欺罔故其罪不同如此然以上皆自无规避及未受财者
言之若给由官吏有规避而隐漏漏附及增减等项希求进用经该衙门及吏部官吏受
赃符同隐漏漏附项者各从重论如隐漏等项之罪轻而规避受财之罪重从规避受财
之罪也至此则官吏惩而国法不废考核精而黜陟有据矣

条例

一凡官员三年任满给由以领文日为始若到部过限四个月之上送问一年之上发回
致仕其九年任满者一年之上送问二年之上发回致仕虽有事故并准理者九年已满
托故在任久住不行赴部及不申缺者参提究问就彼革职回籍冠带闲住

一在外吏典除役内丁忧及人多缺少在官服役听参外若一考满后不行转参两考满
后不行给由展转掙故在役管事或歇役三年之上就彼问发民中间虽有事亦不准理
其故违收参起送官吏参问治罪若两考役满接丧丁忧服满迁延三年之上不行起复
者亦发为民其未及三年者果有事故贺迹各该衙门保结起送吏部查照定夺虽在三
年之内起送过限到部者送问重历

奸党

凡奸邪进谗言左使杀人者斩○若犯罪律该处死其大臣小官巧言免暗邀人心者
亦斩○若在朝官员交结朋党紊乱朝政者皆斩妻子为奴财产入官○若刑部及大小
各衙门官吏不执法律听从上司主使出入人罪者亦如之若有不避权势明具实迹亲
赴御前执法陈诉者罪坐奸臣言告之人与免本罪仍将犯人财产均给充赏有者升二
等无官者量与一官或赏银二千两

纂注左使杀人谓不由正理借引事以激怒人主使杀人其人以快已私也暗邀阴示恩
以交结人心也第二节二朝字要看交结朋党二是一串言一互相固结以变乱政也为
奴入官就本节言上司国初六部俱属中书省与本衙门堂上官俱是出人人罪专指已
决放者若未决放又当减等若有不避权势以下只承上文听从主使节奸臣即上所谓
有权势者与免本罪即自首免罪之意或谓言告者得免其迎车驾击登闻鼓之罪不知
律中已许其亲赴御前陈诉又何止迎驾击鼓而已大抵律意只欲人言告故既免其罪
而又给赏耳均字即皆字之义三朝字俱秋后处决此条首三节言奸党之罪第四节虽
非奸党而事亦相类故亦同奸党论言奸邪之人自有齟齬本欲杀之乃进献谗譖之言
不由正理而故左说使君上杀其人以快已私者斩若有罪依律本该处死其大臣小官
巧言词谏免其罪以暗邀人心者斩左使杀人是使怨归于君暗邀人心是使德归于
已皆不忠之臣故均坐斩然斯二者虽为罔上行私而生杀犹在朝廷故得分首从若在
朝大小官员相与交构朋比为党互为异议以紊乱朝廷政令罪无首从皆斩妻子为奴
财产入官若刑部及大小各衙门官吏有不定执法律问拟刑名而听从上司官主张使
令故出故入人罪是与朋党乱政者无异罪亦如之亦皆处斩妻子为奴财产入官盖朋

党乱政则坏乱纪纲听从主使则荒废国法是又奸党之大者故不得分首从而犹论及其妻子财产若刑部及各衙门官吏不避上司之权势明具主使出人实迹亲赴御前执法陈诉者权势之奸臣坐以斩罪官吏与免听从主使之本罪仍将奸臣财产给付充赏原有官者加升二等原无官者酌量大小与其一官或不愿为官者赏银二千两夫既免本罪而又悬重赏所以开来告之门以示重绝奸党之意也

备考

一议拟罪名一时失察虽听从主使而别无私曲者自依失入人罪论

交结近侍官员

凡诸衙门官吏若与内官及近侍人员互相交结漏泄事情夤缘作弊而符同奏启者皆斩妻子流二千里安置

纂注内官指各监内臣有名爵者近侍人员谓内阁六科尚宝司锦衣卫等官及吏典校尉之属夤缘倚托牵引之类互相交结四句一连看盖近侍人员皆能先知朝廷既相交结必致漏泄而夤扶同之弊所由生矣此数句当重看此条言内外大小衙门官吏若与各监局内臣及与近侍衙门人员彼此交构固结将朝廷事情漏泄于外致相倚托牵引夤缘作弊将所漏泄之事情符同奏启欺罔君上者不分首从皆斩秋后处决妻子流二千里安置盖植党行私不忠莫大焉尽法以处之耳若止亲故往来无漏泄夤缘扶同等情者不用此律

条例

一弘治九年四月初二日节该钦奉

孝宗皇帝圣旨罢闲官吏在京潜住有擅出入禁门交结的各门官仔细盘诘拏送锦衣卫着实打一百发烟瘴地面永远充军钦此

上言大臣德政

凡诸衙门官吏及士庶人等若有上言宰执大臣美政才德者即是奸党务要鞫问穷究来历明白犯人处斩妻子为奴财产入官若宰执大臣知情与同罪不知者不坐

纂注上言上书称颂也宰执大臣宰辅执政之大臣问究来历是究其所以交识大臣及上言之缘由此凡内外大小衙门官吏及士庶人等若有上书称颂宰执大臣之美政或才德者是欲依附交结即为奸邪朋党之人务要考鞫讯问穷究其所言大臣德政因何而知因何而交识必使来历明白然后将上言之人坐斩秋处决妻子给付功臣之家为奴财产入官若所称颂之大臣知各衙门官吏人等上言之情者与上言之人同罪罪止杖一百流三丈妻子不奴财产不入官不知情者不坐罪大臣权重而望高或恐下人之自附故减等科之此条即上奸党条之未尽者严阿附之门所以重绝明党之祸意深远矣

大明律集解附例卷之三

吏律

公式

讲读律令

凡国家律令参酌事情轻重立罪名颁行天下永为遵守百司官吏务要熟读讲明律意剖决事务每遇年终在内从察院在外从分巡御吏提刑按察司官按治去处考校若有不能讲解不晓律意者初犯罚俸钱一月再犯笞四十附过三犯于本卫门递降叙用○其百工技艺诸免人等有能熟读讲解通晓律意者若犯过失及因人连累致罪不问轻重并免一次其事干谋反逆叛者不用此律○若官吏人等挟诈公妄生异议擅为更改乱成法者斩

纂注律即大明律令即大明令乃治狱者之规矩准绳也参酌谓参详斟酌剖决谓剖分决断俸钱俸有米有钱罚者一月所支之钱也递降同知同知降通判之类然亦止照见设原额百工技艺即匠作医卜之属事干谋反逆叛承因人连累说挟诈欺公谓怀挟其奸诈之心欺瞞其公正之道成法即律令内已定之法也此条作三段看言国家律令二书参酌事情之轻重以立定罪名天下所当遵守百司官吏能熟读其文讲明其意则引断不谬而刑罚中矣故年终从内外所司将所属官吏考校如有不能讲明通晓者初犯罚俸钱一月再犯笞决附过三犯递降叙用以为不讲读者之戒其百工技艺诸色人等有能熟读精晓者除事干反叛外若犯过误失错及因人连累于律得从原赦者不问轻重并免罪人次以为能讲读者之劝若吏人等有挟诈欺公倡为异议擅自更改以变乱成法者坐斩秋后处决以为不遵守法者之戒凡此皆欲人讲明面引用不差遵守而奉行悖也

制书有违

凡奉制书有所施行而违者杖一百违皇太子令旨者同罪违亲王令旨者杖九十失错旨意者各减三等○其稽缓制书及皇太子令旨者一日笞五十每一日加一等罪止杖一百稽缓亲王令旨者各减一等

纂注

天子之言曰制而书则载其言者如诏勅札谕之类违不遵其言也失错谓失解其意行之误也稽缓谓稽留迟缓不即奉行也此条所犯凡三项曰违曰失错曰迟缓然

太子储君故其

令旨同凡有所施行而所司违背不奉行者皆杖一百失于详看将旨意事理错误施行者皆杖七十稽缓不即奉行者皆一日笞五十罪止杖一百亲王令旨与

太子不同违者杖九十失错者杖六十稽缓者一日笞四十罪止杖九十故曰各减一等按失错一也在诈伪制书传写失错杖一百此言失错旨意减减三等杖七十者盖传写失错是错写制书之词而误传之所误者众故其罪重失错旨意是错解制书意而误用之其解晓者自无误也故其罪轻按琐言曰凡问制书有违湏是制命之词出自宸衷者

若出自臣下裁定奏准通行者不得调制书观弃毁制书条可见令问刑者 违例

之人皆问违制误矣其说当从

弃毁制书印信

凡弃毁制书及起马御宝圣旨起船符验若各衙门印信及夜巡铜牌者斩若弃毁官文书者杖一百有所规避者从论事干军机钱粮者绞当该官吏知而不举与犯同人同罪不知者不坐误毁者各减三等其因水火盗贼毁失有显迹者不坐○凡遗失制书圣旨符验印信巡牌者杖九十徒二年半若官文书杖七十事干军机钱粮者杖九十徒二年半俱停俸责寻三十日得见者免罪○若主守官物遗失簿书以致钱粮数目错乱者杖八十限内得见亦免罪○其各衙门吏典考满代者明立案验将元管文案交付接管之人违者杖八十首领官吏不候交割符同给由者罪亦如之

纂注制书初颁有御宝者皆是起马御宝圣旨凡兵部起马脚力必关领内府御宝圣旨然后给发也符验织成符篆以为证验起站船使臣所执与印信牌皆所以信者军机钱粮谓军情机务及所供军需粮饷也主守官物即仓场库务官吏攢斗之属此条作三段看见制书起马御宝圣旨起船符验各衙门印信夜巡铜牌皆出自朝廷关系甚大若有弃失及毁坏者是无忌惮故斩若官文书等件不同弃毁而情无规避事无大干系者止杖一百若有所规避重于弃毁之罪者从重论事干军机钱粮者绞前项弃毁等件当该官吏知而不举者与同罪至死者减一等不知者不知者不坐此皆恶其故意而揆事定拟不同如此若前项制书等件及官文书止是误毁者出于无心减弃毁三等遗失者亦出无心与误毁者同罪其因水火盗贼毁失有显迹出于不虞故不坐罪若主守官物之人将所掌簿书遗失以致钱粮数目无所稽考错乱不明者比事干军机有间故止杖八十然曰遗失有可寻与制书等件俱主俸责寻限内得获者免罪此皆因其误失而制同如此若各衙门吏典考满有近更替代者必须明立案验将原管文卷交付接管之人正以杜奸弊也若不立案交割者旧吏杖八十首领官及承行使不待考满吏交而符同给由起送者亦杖八十故曰罪亦如之然独坐首领而不及正官者盖领者吏典之头目给由皆由此而起故也此又恐其朦胧给由致生弊端而严为之防如此

备考

一弃毁粮通关者依弃毁官文书论弃毁文武官牙牌校尉力士铜牌依毁夜巡铜牌论上书奏事犯讳

凡上书若奏事误犯御名及

庙讳者杖八十余文书误犯者笞若为名字触犯者杖一百其所犯御名及

庙讳声音相似字样各别及有二字止犯一字者皆不坐罪○若上书及奏事错误当言原免而言不免当言千石而言十石之类有害于事杖六十申六部错误有害于事者笞四十其余衙门文书错误者笞二十若所申虽有错误而文案可行不害于事者勿论

纂注余文书即下申六部及余衙门之文书言六部而不及五军都督府都察院者省文耳有犯即同科断此条见御名庙讳皆臣下所当讳避或有误犯均属有罪但中间有轻

重不同耳上书陈言奏启事务则真达御前其误犯者不敬莫大焉故杖八十其余文书误犯与直达御前者不同止是欠谨失检点故笞四十若公然取作名字触犯者是终身为人呼唤又不特一时书奏文移之间而已杖一百所以重责其无也或上奏文书及为名字所犯御名庙讳声音相似字样各别者不坐不讳嫌名也二字止犯一字者不坐二名不偏讳也若上书奏事错误如遇赦当言原免而言不免粮米当言千石而言十石又如罢职言还职未完言已完之事有害于事者杖六十申六部文书错误害事者笞四十六部以下其余衙门错误害事者笞二十盖六部视诸衙门事体所关尤重故不同如此非徒以小为差而已若所申虽有错误而文案可行不害于事者勿论然止曰所申则上奏事错误无害于事亦以罪科盖事关朝廷又非六部可比故也

备考

一上书奏事错误可行而不害于事者问不应笞罪

事应奏不奏

凡军官犯罪应请旨而不请旨及应论功上议而不上议当该官吏处绞○若文职有犯应奏请而不奏请者杖一百有所规从重论○若军务钱粮选法制度刑名死罪灾异及事应奏而不奏者杖八十应申上而不申上者笞四十○若已奏已申不待回报而辄施行者并同不奏不申之罪○其合奏公事须要依律定拟具写奏本其奏事及当该官吏会书姓名明白奏闻若有规避增减紧关情节朦胧奏准施行已后因事发露虽经年远鞫问明白斩○若于亲临上司官处禀议公事必先随事详陈可否定拟禀说若准拟者上司置立印署文簿附写略节缘由令首领官吏书名画字以凭稽考若将不合行事务妄作禀准及窥伺公务冗并乘时朦胧禀说施行者依诈传各衙门官员言语律科罪有规避者从重论

纂注上议谓奏上请议军务如调发兵马缮治甲兵之类钱粮如出纳征收之类选法则吏兵二部选官第制度则制礼作乐之类水旱为灾妖恠为异合奏公事乃一应公事合当奏闻者如军务等项皆是依律定拟不专指刑名如守御官缺转奏选用灾伤口粮核实奏报之类亲临上司如县于州州于府府于市政司之类此条前四节禁专擅后二节防欺罔盖军官犯罪例应奏闻请旨论功定议若不请旨不上议而辄拿问发落则弃其先世之功矣其罪重故当该官吏处绞此绞系杂犯令例准徒五年文职在京及在外五品以上犯罪亦例应奏闻请旨若不奏请辄便拿问者止是有违常例而已其罪轻故当该官吏杖一百若有所规避如怀挟故勘及有所出入人罪之类其罪本重于杖一百者自当从所规避之重罪论若军旅机务仓库钱粮文武选法制度工作刑名狱讼鞫问狱囚灾伤变异一切应奏之事而不奏者俱杖八十其前及一切事应申达上司而不申者笞四十若将文武官犯罪及军机等事已奏已申不待回报而辄自施行者或绞或杖或笞亦同不奏不申拟断凡此皆以防专擅之渐其各衙门一应合奏公事所司须要照依法律定拟的确具写奏本其奏事官及当该官吏各会书姓名开具实情明白奏闻区

处若增减紧关情节朦朧奏准施行是诬上行私其罪已极后因事发露虽经年远鞫问明白追论坐斩此斩罪秋后处决若下司官吏于亲临上司官处稟议公事必先随事详可否定议然后稟说若准拟施行者上司置立印署文簿附写稟拟略节缘由仍令下司首领官吏书名画字以凭稽考若不合行事务妄作稟准及窥伺上司公务繁冗并迫之时乘机朦朧稟说以致上司不及致详误准施行者各依上司衙门品级以诈传本衙门官员言语律科罪若有所规避而妄作稟准及乘冗稟说罪重者从重论凡此皆以杜欺罔之弊

备考若朦朧奏准事未施行而先发者依奏事诈不以实论

条例

一凡

王府发放一应事务所司随即奏

闻必待

钦准方许奉行若不奏

闻及已奏不待回报擅自承行者一体治以重罪其在京各

王出府之日法司即查前例通行长史司知会遵守

出使不复命

凡奉制勅出使不复命干预他事者杖一百各衙门出使不复命干预他事者常事杖七十军情重事杖一百若越理犯分侵人职掌行事者笞五十○若回还后三日不缴纳圣旨者杖六十每二日加一等罪止杖一百不缴纳符验者笞四十每三日加一等罪止杖八十○若有所规避者各从重论

纂注制勅大事用制次用勅皆圣旨也各卫门出使或题准给有札付或领精微批者皆是他事与使事绝不相干即大明令所指接受词状审理狱囚之类侵人职掌行事与使事本是一项但各有职掌而侵夺行之如趲运而侵顶征收之类常事重事即所干预之事非各衙门出使之事观文势自见规避如使事未终及圣旨符验有所毁失之类此谓人臣既奉使而有出湏终事而告成若奉命出使事完不即复命而干预他人事者是谓弃命杖一百若奉命衙门公文出使事完不复命而干预他事虽亦弃命但与奉制勅不同故杖七十此特自常事言之耳若系干军情重事而不复命者又非常事比杖一百以上奉使若止是越理犯分侵人职掌行者笞五十曰侵人职掌则与干预他事有异不曰不复命则未该复命可知故轻也若事完回还三日不缴纳圣旨计日决杖罪止一百三日不缴纳符验计日决笞罪止杖八十盖圣旨与符验有间故罪之轻重不同如此若前项奉制勅及各衙门出使而不复命不缴纳圣旨符验有所规避者各从其规避之重罪科断轻则仍从本条按旧云使未报命虽干自己职务亦他事

漏泄军情大事

凡闻知朝廷及总兵将军调兵讨袭外蕃及收捕反逆贼徒机密大事而輒漏泄于敌人

者斩若边将报到军情重事而漏泄者杖一百徒三年仍先传说者为首传至者为从减一等○若私开官司文书印封看视者杖六十事干军情重事者以漏泄论○若近侍官员漏泄机密重事于人者斩常事杖一百罢职不叙

纂注总兵将军如征虏征蛮镇朔将军之类敌即蕃及反逆之人报到军情重事而漏泄者亦是漏泄于敌人下传至二字可见或谓漏泄以惊动人心恐非近侍官员解见交结条此谓朝廷及总兵官讨袭外蕃收捕反逆其事机秘密关系甚大若闻知而漏泄于敌人者是背国党仇且使彼得有备我必无成故斩若边将报到军情重事于朝廷而有漏泄于敌人者彼虽知备犹未知我之调度何如也且比机密大事有间故杖一百徒三年以上二者仍以先传说者为首坐以前罪传至者为从各减一等然必须传至敌人乃坐若官司行移文书不系军情而私自拆印封看视者杖六十事于军情者则非寻常文之比亦以漏泄军情论杖一百徒三年凡此皆重军机之意若朝廷凡有机密重事关系紧要不特讨袭收捕等项如近侍官员漏泄于人则必至于误国债事故斩其余常事漏泄者杖一百罢职不叙凡此皆重朝政之意

备考

一漏泄机密大事及军情重事未至敌人传至者与其间展转传递之人俱问不应杖罪条例

一在京在外军民人等与

朝贡夷人私通往来投托管顾置害人因而透漏事情者俱问发边卫充军军职有犯调边卫带俸差操通事并伴送人等系军职者从军职之例系文职者草职为民

官文书稽程

凡官文书稽程者一日吏典笞一十三日加一等罪止笞四十首领官各减一等○若各衙门门遇有所属申禀公事随即详议可否明白定夺回报若当该官吏不与果决含糊行移互相推调以致耽误公事者杖八十其所属将可行事件不行区处作疑申禀者罪亦如之其所行公事已果决行移或有未绝或不完者自依官文书稽程论罪

纂注稽程稽迟程限也详见各例公事失错条各减一等各字指大小中三项事凡官府文书行移完结各有程限如小事五日中事十日大事二十日过此不了为稽程承行吏典计日笞决罪止笞四十首领官各减一等正官佐贰不坐者承行之责任吏也若官府公事可否须有定义各该衙门或遇属申禀公事须要随即详议可否果决定夺面报若当该官吏不与果决含糊行移但相推调以致耽误是上无定处而推于下矣杖八十或事属可行而下司不行果决区处设作疑申禀上司以致耽误是下人无定论而推于上矣当该官吏亦杖八十其所公事上司与果决面报或自果决已经施行而其文卷如有照提之类而未绝及有催办之类而不完者自依官文书稽程论不在耽误公事之限又大明令称事干外郡官司追会或踏勘田土者不拘此限按事不完绝亦属耽误而论以稽程罪不同者何盖不不绝是事已果决施行特文卷未完绝耳耽误公事则事不果决

而徒彼此推调其为避事可知此罪之所以有笞杖之别也

照刷文卷

凡照刷有司有印信衙门文卷迟一宗二宗吏典笞一十三宗至五宗笞二十每五宗加一等罪止笞四十府州县首领官及仓库务场局所河泊等官各减一等○失错及漏报一宗吏典笞二十二宗三宗笞三十每宗加一等罪止笞五十府州县首领官及仓库务场局所河泊等官各减一等其府州县正官巡检一宗至于宗罚钱一十日每五宗加等罚止一月○若钱粮埋没刑名达枉等事有规避者各从重论

纂注照刷清理整饬之意有司即府州县等衙门事可完而不完曰迟漏使印信不金姓名之类曰失错卷宗本多而不送照刷曰漏报钱粮不见下落曰埋没刑名不依正律曰违枉罚俸通承迟错漏报各从重各字指上各项官吏而言此言印信衙门文卷皆钱粮刑名一应公事所关至为紧要如遇刷其间或有可完不完而迟者其情为轻吏典罪止笞四十失误差错及遗漏不报者其情稍重吏典罪止笞五十盖承行在于该吏故首坐之也府州县首领官及仓库务场局所河泊等官又非吏典之比故并减罪一等迟者罪止笞三十错漏者罪止笞四十正官及巡检又非首领官之比故计宗罚俸钱宗数虽多罚止一月此皆自其无所规避者而言若刷出系干钱粮埋没而无所下落名违枉而不依正律等事有所避罪重者故从侵欺出入重罪断不用迟错之律按迟罪原属稽程正官本应不坐亦罚俸钱者照刷之年亦当催检点与常时不同也巡检卑职亦与府州县正官同罚者以原设方印均有印信衙门也仓库等官亦与首领罪者盖仓库等衙门原无首领皆无摄即坐其身也曰仓库等官则阴阳医学该之矣

历勘卷宗

凡磨勘出各衙门未完卷曾经监察御史提刑按察司照刷驳问迟错经隔一季之后钱粮不行追征足备者提调官吏以未足之数十分为率一分笞五十每一分加一等罪止杖一百刑名造作等事可完而不完应改正而不改正者笞四十每一月加一等罪止杖八十受财者计赃以枉法从重论○若有隐漏不报磨勘者一宗笞四十每一宗加一等罪止杖八十事干钱粮一宗杖八十每一宗加一等罪止杖一百有所规避者从重论

○若官吏闻知事发旋补文案以避迟错者钱粮计所增数以虚出通关论刑名等事以增减官文书论同僚若本管上司知而不举及符同作弊者同罪不知情及不同署文案者不坐

纂注磨勘谓磨研较勘一季大约以三月为期不拘于春夏秋冬之季也提调掌印官刑名谓轻重罪名造作如额办颜料织造段疋之类此条分三段承上照刷之后各衙门照磨所磨勘出未完卷宗曾经监察御史按察司官照刷过有驳问稽迟失错系干钱粮造作刑名等项者提调官吏湏及时征完改正若经隔一季之后或原欠钱粮不曾追征备者以未足之数十分为率一分笞五十每一分加一等罪止杖一百刑名造作等事未完者可完而不完差错者应改正而不改正过一季者笞四十一季后每过一月即加一等

罪止杖八十若因受人财物而不追不完不改正者计赃以枉法从重论此严怠事黷货之戒若将前项已照刷文卷隐不报磨勘如刑名之类一宗笞四十每一宗加一等罪止杖八十事干钱粮者一宗杖八十每一宗加一等罪止杖一百若有所规避而报磨勘其罪重于漏报者从所规避之重序断此严瞒官作弊之戒官吏闻知隐漏不报磨勘事发畏惧追究而旋补文如未完捏作已成未改正捏作已改正以避迟错之罪者若系钱粮则计所增加之数以虚出通关论系刑名造作等事则以增减官文书论若僚及本管上司知其旋补情由而不行查举及符同旋补作弊者亦以虚出通关增减文书之罪坐之故曰同罪至死者减一等如虽同署文案而不知旋补之情及不同署文案者不坐此又欲人互相觉察之意本条可与前条并看照刷者将行过文案照刷之以发其弊之所在磨勘者将刷过文卷磨勘之以观其事之所改

按前节迟错则言受财而后节隐漏则言规避者盖迟错之罪已经驳问官吏不行征完改正恐有受嘱而代人延捱之情故以受财言隐漏者埋没违枉之弊曾经刷出官吏不送照磨必有委曲以求脱已罪之意故以规避言所以不同也

同僚代判署文案

凡应行官文书而同僚官代判署者杖八十若因遗失文案而代者加一等若有增减出入罪重者从重论

纂注应行官文书谓凡各衙门应合行移之官文书如咨申会牒札之类判谓判日署谓书名文案即所存之案以备查照也此言各衙门合行文书须各官亲自判日书各有故不与者关之正以别嫌而防奸也若同僚代为判署者虽无奸弊亦属诈冒故杖八十若遗失文案而代为判署以补卷宗者既已遗失又复得杖九十此皆自其无私弊者言

署之文书及代补遗失之文 情或有增减罪名或有出入是有私弊者各从所增减所出入之罪从重论此代判署多因其人不在而代之故不言应判者之罪亦不必谓应判者是正官同僚是左贰虽正官代佐贰亦得此罪

增减官文书

凡增减官文书者杖六十若有所规避杖罪以上各本罪二等罪止杖一百流三千里未施行者各减一等规避死罪者依常律其当该官吏自有所避增减文案者罪同若增减以避迟错者笞四十○若行移文书误将军马钱粮刑名事紧关字样传写失错而洗补改正者吏典笞三十首领官失于对同减一等干碍调拨军马及供给边方军需钱粮数目者首领官吏典皆杖八十若有规故改补者以增减官文书论施行者各减一等因而我失悞军机者无问故失并斩若无规避及常行字样偶然误写者皆勿论

纂注增减谓增设减去其情节字样也加二等于本罪加之未施行减一等于加罪二等于上减之紧关字样如钱粮军马数目之类对下常行字看偶然误写句与皆勿论皆字俱承上无规避及常行字二项说此条前一段以增减言内有规避者后一段以洗改言内有故误者盖官府取言全戚文书既经裁定岂容增减但有人将节字样增减者纵无规

避即杖六十若有规避而增减者则欺公玩法其情重故杖以上至徒流各于所规避本罪上加二等罪止杖一百流三千里未施行者于各加罪二等上减一等规避死罪者依原犯死罪常律盖罪至于死不可复加也不及笞以下者既曰杖六十兼之矣此皆指凡人而言其该官吏自大所避而增减其原定文案者与凡人增减文书避罪则均改杖以上亦加二等未施行亦于加罪上减一等死罪亦依常律故曰罪同若只增减以避迟错之裨者其情轻故止笞四十若行移文书误将军马钱粮刑名重要紧关字样传写失错不行另写洗补改正者虽出无心事属苟吏典笞三十首领官失于对同减一等笞二十此只有其无大于 者言若洗改而有干碍调拨军马及供给边方军务所需物件钱粮数目者则所关甚重不问首领官吏皆杖八十此自其误犯无规避者言若有所规避而故行洗改者是故犯也即以增减官文书之罪罪之其未施行者亦于加罪上各减一等坐之此又皆自其未至大误事者言若因改补而所司涉疑难以准信即调拨供给以致失误军机者败军辱国罪莫大焉不问故失错斩若非军马钱粮刑名及调拨军马等事文书而无有规避难系军马等事文书其间止是常行字样不系紧偶然而不曾改痛者皆勿论此又于明罚勅法之中而遇以恕求情之意如此

封堂印信

凡内外各衙门印信长官收掌同僚佐贰官用纸于印面上封记俱各尽字若同僚佐贰官差故许首领官封印违者杖一百

纂注差故谓公差事故也此言各衙门印信乃官司公器长官收掌而同僚佐贰官同封记佐贰官或有差故许首领官封记彼此互相关防正以枉私用之弊也若长官不令佐贰官封记佐贰官不在令首领官封记及首领左贰不行封记者均谓违背并杖一百或曰佐贰不行封记致长官私用枉法如之何曰长官依枉法从重科断佐贰止依本律杖一百

漏使印信

凡各衙门行移出外文书漏使印信者当该丈典对同首领官并承发各杖六十○全不用印者各杖八十○干碍调拨军马供给边方军需钱粮者各杖一百因而失误军机者斩

纂注此条三各字皆指吏与首领官言盖文书以印信为凭而用印在该对同在首领官承发吏若行移出外文书其间或漏使或不全不用则无以示信而且误事矣故漏使则各杖六十全不用则各杖八十此但以常行文书言之耳若干碍军机文书则所关者重不问漏使及全不用前项官吏各杖一百若致所司因其漏使及全不用有所疑虑而兵马不即调拨钱粮不即供给失悞军机者漏使及全不用之人并斩此斩与前增减官文书条失悞 军机斩罪皆以当该吏为首首领官并承发止杖一百流三千里

按漏使印信与漏用钞印曰使曰用不用者何也盖使者令也令行文书之谓用者以货言谓钞流通易用也又盗用印及空纸用印见刑律诈伪条借用印信见礼律上书陈言

条

备考

一倒用印信者照漏用律杖六十

凡印钞不行仔细致有漏印及倒用印者一张笞一十每三张加一等罪止杖八十若宝钞库不行用心点闸朦胧交收在内罪亦如之

纂注点闸点检查看之意宝钞提举司造钞以通国用若所司不行仔细致有漏印反倒印则阻碍难用故抄造官吏匠作计张论罪止杖八十若宝钞库监守人员不行用心点闸致将漏印倒印之钞朦胧交收在内者亦一张笞一十每三张加一等罪杖八十故曰罪亦如之

按官文书漏印不分轻重即杖六十而钞印漏用计张定罪者盖文书漏印则事无大小皆误故罪一施之若钞则惟漏印者不可使余固无碍也故计张数为罪之轻重

擅用调兵印信

凡总兵将军及各处都指挥使司印信除调度军马办集军务行移公文用使外若擅出批帖假公营私照送物货者首领官吏各杖一百罢职役不叙正官奏闻区处

纂注正官即将军都司掌印官首领即总兵之参谋赞画都司之经历都事之类是也金营司泛言所包者广照送物货则指其一事言之此见将军总握兵权都司信守一方其印信乃用之调度军马办集务行移公文故谓之调兵印信所系最重若用之以擅出批帖假托公务营办私事及为凭照以防送物货以调兵之器而为营私之计即为擅用首领官吏各杖一百罢职役不叙罪其赞佐之无补也正官奏闻区处以其应议之人也然曰区处则罪与不罪皆

信牌

凡府州县置立信牌量地远近定程限随事销缴违者一日笞一十每一日加一等罪止笞四十○若府县官逼有催办事务不行依律发遣信牌輒不所属守并者杖一百谓如府官不许入州衙州官入县衙县官不许下乡村其点视桥梁圩岸驿传递铺踏勘灾伤检尸捕贼抄札之类一在此限

纂注凡府州县自上行下以牌为信故曰信牌令白牌纸牌皆是违谓违限指承差

官吏自有稽程律守并谓坐守催并也盖府州县置立信牌凡遇催征钱粮勾摄人犯冲量地方远近定立程限承差人须随事销缴若违过限期而不销缴者是谓令故计日科罪罪止笞四十若府州县官遇有事务不行依律条发遣信牌催办輒亲自下各所属坐守催并是为扰民故杖一百若点视桥梁等项及踏勘灾伤检尸捕贼抄札之类事须亲往者在所不禁故曰不在此限

大明律集解附例卷之四

户律

户役

脱漏户口

凡一户全不附籍有赋役家杖一百无赋役者杖八十附籍当差○若将他人隐蔽在户不报及相冒合户附籍有赋役者亦杖一百无赋役者亦杖八十若将另居亲属隐蔽在户不报及相冒户附籍各减二等所隐之人并与同罪改正立户别籍当差其同宗伯叔弟及婿自来不曾分居者不在此限○其见在官役使办事者虽脱户止依漏口法○若隐漏自己成丁人口不附籍及增减年状妄作老幼废疾以免差役者一口庄三口家长杖六十每三口加一等罪止杖一百不成丁三口至五口笞四每五口加一等罪止杖七十人入籍当差○若隐蔽他人丁口不附籍者罪亦如之所隐之人与同罪发还本户附籍掌差○若里长失于取勘致大脱户者一户至五户笞五十每五户加一等罪止杖一百漏口者一口至十口笞三十每十口加一等罪止笞五十本县提调正官首领官吏脱户者十户笞四十每十户加一等罪止杖八十漏者十口笞二十每三十口加一等罪止笞四十知情者并与犯人同罪受财者计赃以枉法从重论若官吏曾经三次立案取勘已责里长文状叮咛谕者事发罪坐里长

纂注一家曰户人丁曰口籍谓册籍附籍谓附写人丁于册也赋者田差脱粮役者当差有赋役谓有田粮当差者也无赋役谓无田粮止当本身杂泛差役者也另居亲属无外姻言以下不分曾分居无言婿例之可见各减二等各字指有赋役无赋役言人年四岁附籍十六以上曰成丁始有差役十五以下曰不成丁与老疾俱免差役此增减年状之弊所由起也年谓年岁状貌此条作三段看首言脱户有二项一有赋役无赋役其罪亦分二等故将自口一户全不附籍并将他全户蔽在户不另行报册及与他人相冒合户籍均为脱户但有赋役者则所避多家长皆杖一百无赋役者则所避少家长皆杖八十若将另居亲属隐蔽在户不报及相冒合户附籍者其隐冒之情虽一而分终不同故各减二等有赋役者本户家长杖八十无赋役者杖六十所隐之人如系他人亦照卜全科如系亲属亦照上减科故曰并与同罪其法亦坐家长所脱之户在本家则令附籍在他人及另居亲属则令改正立户有赋役者各依赋掌差无赋役者各当杂泛差役其同宗伯叔弟侄及女婿不曾分居则与另居亲属有间许其别户附籍不在断罪改正之限其见在官役使干办公务等人有犯脱户者则身既有名在官与全然脱户者不同故止依漏口法科断次言漏口亦有二项一已成丁一未成丁其罪亦分二等故将本户成丁人口隐漏不符户籍及将所报年状妄行增减未老作老非幼称幼无疾作废疾以免差役者其情重故家长计口科杖罪止杖一百若将未成丁人口隐漏不报者则未有差役其情轻故家长计口论笞罪止杖七十俱令报籍验丁当差若将他人丁口隐蔽而不符报籍者罪亦如之所隐之人与同罪皆照上项已成丁口论罪发入本户附籍各当本等差役不言另居亲属又而言亦减二等科之末节总承上二段言里长官吏之罪其法亦分三项有失勘有知情有受财失勘者在里长与人户杂处近而易知官吏与人户悬隔多而难察故脱户之罪里长罪止一百吏罪止杖八十漏口之罪里长止笞五十官吏罪

止笞四十如知其漏脱之情而故纵之者则里长官吏并与上项脱户口之人同罪若受财而故纵者则计赃以枉法从重论轻则仍从本条如官吏取勘明白及曾经三次立案行下里长取有不致脱漏文状又经叮咛省谕而不行用心检勘或故纵或受财以致脱漏者则非官吏之罪矣独坐里长即以失勘知情受之罪坐之

人户以籍为定

凡军民驿灶医卜工乐诸色人户并以籍为定若诈冒脱山避重就轻者杖八十其官司妄准脱免及变乱版籍者罪同○若诈称各卫军人不当军民差役者杖一百发边远充军

纂注诈冒如诈军作民冒民脱匠之类变乱如改军为民改民为匠之类不当军民差役谓诈为军人以避民差又不当军也此言军民驿灶医卜工浆等诸色人户并以原报版籍为定以应当差若将用户计诈冒别籍脱免本色以避本户之重差就别户之轻差者杖八十其官司不行取勘而准脱免及与民纷更里甲而变乱版籍者罪同亦杖八十军民人等各改正从原籍掌差若前项诸色人等欺瞞官司全然不当军民差役者杖一百发边远充军琐言称充军之意全在诈称国初军强民弱诈冒军人便有倚强之意故遂坐充军之罪不然脱户止杖一百何处充军哉

条例

一军户孙畏惧军役另开户籍或于别府州县入赘寄籍等项及至原卫发册清勾买嘱原籍官吏里书人等捏作丁尽户绝回申者俱问罪正犯发烟瘴地面书人等发附近卫俱充军官吏参究治罪

一各处卫所并议卫司官军舍余人等及灶户置买民田一体坐派粮差若不纳粮当差致累里长包赔者俱问罪其田入官

私刼庵院及私度僧道

凡寺观庵院除见在处所外不许私自刼建增置违者杖一百还俗道发边充军尼僧女冠入官为奴○若僧道不给度牒私自簪剃者杖八十若由家长家长当罪寺观住持及受业师私度者与同罪并还俗

纂注此见寺观庵院皆为淫祠不得私刼僧道冠尼僧皆为异端法所必禁不得私度所以禁邪术而崇正道也故其寺观庵院除以前刼建有名额见在数所之外其僧道等人如有私自刼增置者杖一百各还俗入籍收报僧道发边远充军尼僧女冠入官为如若僧道不曾请给礼部度牒私自簪冠剃发者杖八十若事由家长家长当罪僧道但令还俗其寺观住持及亲承经教师主私度者亦同杖八十并还俗当差此但言僧道其尼僧女冠同人既充军为奴则地基材皆当入官矣

条例

一凡僧道擅徒弟不给度牒及民间子弟户内不及三丁或在十六以上而出家者俱枷号一个月并坐罪所由僧道官及住持知而不举者各罢职还俗

一僧道犯罪虽未给度牒悉照僧道科断该还俗者查发各原籍当差若仍于原寺观庵院或他寺观庵院潜住者并枷号一个月照旧还俗僧道官及住持知而不举者各治以罪

一凡汉人出家习学番教不拘民曾否关给度牒俱问发原籍各该军卫有司当差若汉人冒诈番人者发边卫充军

立嫡子违法

凡立嫡子违法者杖八十其嫡妻年五十以上无子者得立庶长子不立长者罪亦同
○若养同宗之人为子所养父母无子而舍去者杖一百发付所养父母收管若有亲生子及本生父母无子欲还者听○其乞养异姓义子以乱宗族者杖六十若以与异姓人为嗣者罪同其子归宗○其遗弃小儿子三岁以下虽异姓仍听收养即从其姓○若立嗣虽系同宗而尊卑失序者罪亦如之其子亦归宗改立应继之人○若庶民之家存养奴婢者杖一百即放从良

纂注嫡子正妻所生之子长子众妾所生之子也此条六节立子以嫡无嫡立长国家定法若有舍嫡长子而立嫡次或庶子及嫡妻无子舍庶长子而立庶众子者是为违法故并杖八十改立应立之子此明嫡庶之分若养同宗之人为子则所养父母即其父母矣其所养父母无子而辄舍去是谓背恩故杖一百发付所养父母收管承嗣此谓本生有子者言耳若所养父母生有亲生子及本生父母无子愿还者听及字须重看此着恩养之权若乞养异姓义改姓为嗣是乱已之宗族矣以子为异姓人之嗣是乱人之宗族矣故并杖六十其子各还归本宗然惟改乱族者坐罪则不改姓而养为养子律所不禁矣此严族类之辩若遗弃三岁以下小儿则幼小无知可哀怜故虽异姓仍听收养即从其姓但不得立以为嗣止曰三岁以下小儿养四岁庆上者当以收留迷失论矣此慈孤幼之意若立嗣者虽系同宗之人必明伦序之大明令之言备矣如有尊卑失序者则与立异姓以乱宗族者无异故其罪亦如之杖六十其子归宗改立应继之人此正昭穆之伦庶民下贱本当服勤致力不得存养奴婢惟功臣家有之庶人而存留畜养是僭分矣故杖一百其存养男女即放从良此别贵贱之等是皆正伦理厚风俗而窒乱源律所以为垂世立教之书也

条例

一凡无子立嗣除律令外若继子不得于所后之亲听其告官别立其或择立贤能及所亲爱者若于昭穆伦序不失不许族指以次序告争并官司受理若义男女婿为所后之亲喜悦者听其相为依倚不许继子并本生父母用计逼逐仍依

大月令分给财产若无子之人家贫听其卖产自贍

收留迷失子女

凡留人家迷失子女不送官司而卖为奴婢者杖一百徒三年为妻妾子孙者杖九十徒二年半若得迷失奴婢而卖者各减良人罪一等被卖之人不坐给亲完聚○若收留在

逃子女而卖为奴婢者杖九十徒二年半为妻妾子孙者杖八十徒二年若得在逃奴婢而卖者各减良人罪一等其被卖逃之人又各减一等若在逃之罪重者自从重论○其自收留为奴婢妻妾子孙者罪亦如之隐藏在家者并杖八十○若罪者及牙保知情减犯人罪一等追价入官不知者俱不坐追价还主○若冒认良人为奴婢者杖一百徒三年为妻妾子孙者杖九十徒二年半冒认他人奴婢者杖一百

纂注不送官司句通下二节收留在逃隐藏在家而言在逃者不言给亲恐逃罪有该斩绞离等项待临时区处也在逃之人又各减一等句止承本节谓又减收留在逃而卖者之罪非减而又减之谓也冒认或当官或收留人处或他处皆是此言留他迷失及在逃子女若奴婢皆当送官召人职认如有不送官司卖与他人及自为奴婢妻妾子孙均属有罪但迷失出于无知子女本系良人而卖与人为奴婢是贱辱之也故杖一百徒三年为妻妾子孙犹为良也故杖九十徒二年半奴婢原贱类卖为奴婢仍为贱也故杖九十徒二年半为妻妾子孙亦为良也故杖八十徒二年被卖之人不坐给亲完聚悯其情也若收留在逃子女奴婢而卖者则与卖迷失者有间故各减卖迷失罪一等其子女奴婢亦与迷失而被卖者不同故各坐罪但卖者减者减一等如卖子女为奴婢杖九十徒二年半则被卖者杖八十徒二年为妻妾子孙八十徒二年则被卖者杖七十徒一年半卖奴婢为奴婢者杖八十徒二年则被卖者杖七十徒一年半为妻妾子孙者杖七十徒一年半则被卖者杖六十徒一年若在逃罪重者又从重科断轻则仍依本条若自收留为奴婢妻妾子孙则与卖与人者无异故其人如系迷失则以卖迷失各罪坐之如系在逃则以卖在逃各罪坐之故曰罪亦如之不言被收为奴婢妻妾子孙之罪者会上文而言迷失亦不坐而在逃亦减科也若买者及牙保知迷失在逃之情而故行承买说合减前二项卖者罪一等其价并追人彼此俱之赃也不知者不仕追价还主若冒认他人子女为女婢为妻妾子孙则朦胧妄冒与收留迷失而妻妾子孙者则朦胧妄冒与收畜迷失而卖者何异故即以其罪坐之冒认他人奴婢者不问为奴婢妻妾子孙并杖一百此不分迷失在逃者之情重故也

备考

迷失在逃子女奴婢若度民之家买为奴婢者虽不知情仍依存养奴婢律论罪

赋役不均

凡有司科征税粮及杂泛差役各验籍内户口田粮定立等第科差若放富差贫那移作弊者许被贫民赴拘该上司自下而上陈告该官吏各杖一百若上司不为受理者杖八十受财者计赃以枉法从重论

纂注赋役二字重役字科派征取也差役二字总承税粮杂泛而言盖编定差役有二样有取于田丁者照税粮当差即有赋役之谓有取于人丁者照本身当杂泛差役即无赋役之谓此云科税粮及杂泛如云派取田粮之差及杂泛之差也观下文曰科差曰放富差贫皆言差可见疏议以税粮差役配则与首条赋役之说不合矣放富差贫二句串自

受财兼当该官吏上司而言此见户口税粮皆差役之所自出凡有司科派征取税及杂泛二项差役必须验其内户口税粮之寡定立上中下等以为差役之轻重若放富差贫那移等则作弊则轻不得其平矣许被害贫民赴拘管经该上司自下而上陈告当该官吏各杖一百改正均其平上司不为受理者杖八十若有司受财而富上叵受财而不理各计赃重于杖八十杖一百者以枉法重重论琐言谓此条附于户役之下专以差役言验户口者役之出于力者也验税粮者役之出于赋者也役出于赋者为多故总谓之赋役足破诸之误矣

条例

一布按二分巡分守官直隶巡按御史严督府州县掌印正官审编均从公查照岁额差使于该年均徭人户丁粮有力之家止编本等差役不许分外增余银两贫难下户并逃亡之数听其空闲不许征银及额外滥设听差等项差科违者听抚按等官糾察问罪奏请改调若各官容情不举反治以罪

一各布政司并值隶府州县掌印官如遇各部派到物从公斟酌所属大小丰歉坐派豪猾规利之徒买嘱吏书妄禀编派下属承揽害良民者俱问发附近卫所充军各该掌印官听从者参究治罪

丁夫差遣不平

凡应差丁夫杂匠而差遣不均平者一人笞二十每五人加一等罪止杖六十○若丁夫杂匠承差而稽留不着役及在役日满而所司不放回者一日笞一十每三日加一等罪止笞五十

纂注丁夫谓计丁田起拨之夫役在官差使者杂匠谓百工技艺之人在官工作者或云丁夫如水马驿站之类恐非此见应该差遣之丁夫匠须当均其劳佚若主掌夫匠之人有所差遣而使劳者常劳佚者常佚是谓不平一人笞二十每五人加一等罪止杖六十若丁夫杂匠承领差遣而稽迟不即着役则为抗违其役限已满而不放回则为留难各一日笞一十每三日加一等罪止笞五十此与上赋役不均无异但彼派征于民者不均之大此是见役于官者不平之害小故罪有轻重之别

隐蔽差役

凡豪民令子孙弟侄跟随官员隐蔽役者家长杖一百官员容隐者与同罪受财者计赃以枉法从论跟随之人免罪充军○其功臣容隐者初犯免罪附过再犯住支俸给一半三犯全不支給四犯依律论罪

纂注官员不专指本管及见任曰官员者见其有势力也家长即豪民容隐谓容留其人而隐蔽差役也依律论罪谓亦照容隐及受财枉法之罪也必四犯然后论罪者以其为应议之人也此见官员势力足以庇民若豪强之人令其子孙弟侄投托跟随以随以隐蔽户内之差役者非惟靠损贫民抑且有玩法度家长杖一百官员容隐者与同罪亦杖一百若受财而容隐者则计赃以枉法从重论原跟随之人免其杖罪发附近卫分充军

若功容隐者初犯免罪附过再犯住支合得俸给一半三犯全不支給四犯依前律条如容隐亦杖一百如受财亦计赃从重故曰依律论罪其三犯以前功臣虽附过住俸家长亦杖一百跟随之人亦充军

禁革主保里长

凡各处人民每一百户内议设里长一名甲首一十名轮年应役催办钱粮勾摄公事若有妄称主保小里长保长主首等项名色生事扰民者杖一百迁徙○其合设耆老须于本乡年高有德众所推服人内选充不许罢闲吏卒及有过之人充应违者杖六十当该官吏笞四十

纂注保者乡舍之称主保主管一保之事者小里长里长之次保长一保之长主首又主管甲首者此名色历代所称不一如元称主首者可见六十曰老七十曰老凡各处府州人民每一百户内议定一里分管十甲各设里长一名甲首十名轮定年分应当一里之役催办钱粮勾摄公事此外若有巧立名色妄称主保小里长保长主首等项名色于所部横生事端扰害良民者杖一百迁徙令比流减半准徒二年其一里之中合设老一人须本乡年高有德众所推服人内选充若罢闲吏卒及曾决罚之人应充犯人杖六十当该官吏滥者笞四十

按妄称主保等项名色不着官司之罪者既曰妄称则非官司所设立亦非官司所得知也以罢闲吏卒及有过之人应充耆老者官吏虽笞四十若受财而容其滥充则当以枉法从重论矣

逃避差役

凡民户逃往邻境州县躲避差役者杖一百发还原籍当差其亲管里长提调官吏故纵及邻境人户隐蔽在已者各与同罪若里长知而不逐遣及原管官司于移文起取若移文起取而所在官司占愆不发者各杖六十其在洪武七年十月以前流移他郡曾经附籍当差者勿限外逃者论如律○若丁夫杂匠在役及工乐杂户逃者一日笞一十每五日加一等罪止笞五十提调官吏故纵者各与同罪受财者计赃以枉法从重论不觉逃者五人笞二十每五人加一等罪止笞四十不及五名者免罪

纂注民户犹言人户不言民人而言民户恐有合家共逃者杂户谓驿灶医卜等户或谓犯罪散配诸司如功臣家之奴非也盖奴婢不立户籍功臣奴逃与提调官何预而罪之丁夫杂匠独言在役者谓其轮该在官听使之日也盖此等人更替应役与工乐杂户常川在官听役者不同此见州县人户分土定籍各有本籍差役若有逃住邻境州县躲避者是谓奸民杖一百发还原籍掌差其亲管里长提调官吏不行拘管而纵其逃避及所在邻境人户将所逃之人隐蔽在已不行首告者是奸也各与逃避之人同罪亦杖一百若邻境里长知其人户隐蔽而不行逐遣回还及原管官司知其逃避所在而不移文起取还籍或虽起取而所在官占愆不发是养奸也各杖六十其在洪武七年十月以前流移他郡曾经附籍当差者勿论限外逃者亦如前律科罪若丁夫杂匠轮该上役之日及

工乐杂户常川应役之人逃则与人户全然逃避不同故止计日论笞罪止笞五十提调官吏故纵逃者与同罪亦笞五十受财故纵计赃重于笞五十者以枉法从重论不觉逃者与故纵有间故计人论笞罪止笞四十不及五名免罪此逃避罪不分首从及还归本所者依名例律减罪二等

条例

一沿边沿海地方军民人等躲避差役逃入土夷洞寨海岛潜住究问情实俱发边远卫分永远充军本管里长总小旗及两邻知而不首者各治罪有能擒拿送官者不问汉土军民量加给赏

点差狱卒

凡各处狱卒于相应惯熟人内点差应役令人代替者笞四十

纂注官府设立狱卒所以防范狱囚必于相应惯熟人内点差应役者以所系者大故也若其人已承点差应役而令他人代替者笞四十夫曰相应则虽惯熟而不相应者不在点差可知矣曰笞四十止罪其不亲若有疎虞误事自依不觉失囚条拟断

私役部民夫匠

凡有司官私役使部民及监工官私役使夫匠出百里之外久占在家使唤者一名笞四十每五名加一等罪止杖八十每名计一日追给雇工钱六十文若有吉凶及在家借使杂役者勿论其所使人数不得过五十名每名不得使过三日违者以私役论

纂注此见有司官之于部民监工官之于夫匠其势相临易于驱使故特此律既计名以科其罪复追值以给其人也然曰百里之外则役于近者无禁曰久占在家则役于暂时者无罪可知矣若有吉凶如克婚丧葬之类及在家借使杂役者勿论虽得役使而其人数不得五十名每名亦不得过三日违者以私役论如五十人内如有一人役过三日虽三日内而役至五十人以上其科罪追值亦如私役之法

按私役弓兵铺并追雇入官与此追给不同者部民夫匠本非在官常役之人若弓兵铺则在官役使者故一则追给其人一则追收入官也

别籍异财

凡祖父每父每在而子孙别立户籍分异财产者杖一百须祖父每父每亲告乃坐若居父每丧而兄弟别立户籍分异财产者杖八十须亲以上尊长亲告乃坐

纂注别籍财二项开说或分籍而财未分或异财而籍未别皆是故唐律云别籍异财不相须此律文明白前云须祖父母父母亲告乃坐者恐其或奉亲命非他人所与后云须期亲以上尊长亲告乃坐者恐其或奉遗命非外人所知此文制律之微意也

卑幼私擅用财

凡同居卑幼不由尊长私擅用本家财物者二十贯笞二十每二十贯加一罪止杖一百若同居尊长应分家财不均平者罪亦如之

纂注旧注谓弟辈曰卑子辈曰幼父辈尊财矣财虽为公共之物但卑得用之不得而自

擅也尊长得掌之不得而自私也若卑幼不禀命而私用是谓专擅尊长当分散而均平是为利己故各以贯数科罪并罪止杖一百其应分财物照数均分卑幼用过财物花费不追按卑幼吊他人盗已家财物加擅用罪二等此私用与盗何异止以私擅科断且不曰盗而曰擅者盖家乃应得之物但不禀命于尊长而擅用之与故引外人潜盗不同故所用虽多亦止杖一百正以笃亲亲之恩也如此

收孤养老

凡鳏寡孤独及笃疾之人贫穷无亲属依倚不能自存所在官司应收养而不收养者杖六十若应给衣粮而官吏克减者以监守自盗论

纂注笃废疾解见名例律应收养字重看此条予惠因之意凡鳏寡孤独及笃疾废疾之人其有困阨贫又无内外亲属依倚不能自存者所州县有司官相应于养济院收养而存恤之若应收养而不收养者是谓不仁故杖六十若已收养而官吏将其应给衣粮克减者则盗何异故并赃守自盗不分首从论

大明律集解附例卷之五

户律

田宅

欺隐田粮

凡欺隐田粮脱漏版籍一亩至五亩笞四十每五亩加一等罪止杖一百其田入官所隐税粮依数征纳○若将田土移坵换段那移等则以高作下减瞒粮额及诡寄田粮影射差役并受寄者罪亦如之其田改正收科当差○里长知而不举与犯人同罪○其还乡复业人民丁力少而旧田多者听从尽力耕种报官入籍计田纳粮当差若多余占田而荒芜者三亩至十亩笞三十每十亩加一等罪止杖八十其田入官若丁力多而旧田少者告官于附近荒田内验力拨付耕种

纂注欺隐脱漏二句一串说谓欺隐本户田粮而脱漏不报籍也依数征纳谓照所隐之数年数者方圆成坵段则坵中所分区段移换指册籍上说非田可移换也移坵以下四句相承看盖田有高下等则而粮额重轻因之必移换坵段而后能那移等则以高作下也如此则粮额为所减瞒得以避重就轻矣诡寄二句谓以田粮诈寄于应免人户以影射自己差役也罪亦如之如上之计亩加等罪止科断里长一节总承言其田入官前指所隐之田后指多占之田非尽夺之此言有田别有粮有粮则有差此

国家定赋役以给公上之制也凡隐瞒而不报籍是占田而纳粮当差但所隐有多寡故计一亩至五亩笞四十每五亩加一等罪止杖一百其田入官罚其不入籍也若那移等则是虽纳粮掌差而不额数诡寄影射是虽纳粮而欲避差二者与欺隐事虽不同而其罔上背公之情则一故亦如欺隐田粮者科罪其田止于改正数科当差恕其原入版籍而非脱漏也至于复业人户丁少田多则听其尽力所种者报官入籍不责其尽报为抚其复业也若多占而荒芜则地有遗利故亦计亩科罪而其田才而不添拨则人有遗力

故许其告拨给附近荒田耕以此立法则复业者多而生养可遂矣

按脱漏户口罪坐家长而欺隐田粮者不言家长何也盖户口乃一户之户口而主之者家长也故独坐其罪若欺隐田粮则出一人之私而家长容有一知者故但罪坐所由耳

条例

一凡

宗室置买田产恃强不纳差粮者有司查实将管庄人等问罪仍计算应纳差粮多寡
抵扣禄米若有司阿纵不举者听抚按官参奏重治

检踏灾伤田粮

凡部内有水旱霜雹蝗蝻为害一应灾伤田粮有司官吏应准告而不即受理申报检踏
及本管上司不与委官覆踏者各杖八十若初覆检踏官吏不行亲诣田所及虽诣田所
不为用心从实检踏止凭里长甲首朦胧供报中间以熟作荒以荒作熟增减数通同作
弊瞒官害民者各杖一百罢职役不叙若致枉有所征免数计赃重者坐赃论里长甲首
各与同罪受财者并计赃以枉法从重论○其检踏官吏及里长甲首失于关防致有不
实计者计田十亩以下免罪十亩以上至二十亩笞二十每二十亩加一等罪止杖八十
○若人竹将成熟田地移坵换段冒告灾伤者一亩至五亩笞四十每五亩加一等罪止
杖一百合纳税粮依数追征入官

纂注一应灾伤谓水旱等灾之外而别有灾伤如大风非时雨之类申报检踏二项看一
边申报一边检踏也增减分数指灾之分数以熟作荒五句意相承熟作荒是增灾之分
数以瞒官荒作熟是减灾之分数以害民也各杖一百各指初覆检踏之官吏凡有灾伤
当免而征曰枉征无灾伤当征而免曰枉免计赃重者谓以征免之粮数计赃重于杖一
百也坐赃见刑律坐赃致罪条里长甲各与同罪谓增减分数枉有征免各同官吏之罪
并计赃则通官吏里长甲首而言致有不实即以熟作荒等项此言田彼灾伤则无所出
牧民官司岂容坐视民患故凡部内告灾伤而提调官吏不即准理申报检踏及已申报
而本管上司不与委官覆踏者各杖八十然检踏灾伤须从实勘报庶粮税征免无虚若
初覆检踏所委官吏不亲诣被伤田所用心实检踏止凭里甲朦胧供报其间有以熟田
作荒田作熟因以增减其灾伤的确分数通同作弊而瞒官害民者官吏各杖一百仍罢
职役叙若因作弊而致枉有征免税粮之数则计赃重于一百者官吏并坐赃论罪其长
甲首原有通且作弊之情者则各与官吏同罪若官吏里长甲首受财而瞒官害民枉有
征免者并计赃以枉法从重如赃重于杖一百以赃罪坐之夫瞒官害民官吏既罢职役
则枉有免者尤为亏国损民而受财者其情又甚故罪有轻重而罢职役之本法则不容
不尽矣其检踏官吏里甲若止因失于觉察关防以致勘报灾伤不实者除计田亩以下
免罪十亩以上至二十亩笞二十每二十亩加一等罪止杖八十不言枉有征免之罪者
原其无心之失故贷之耳若人户将已成熟田地移坵换 诈冒告作灾伤者则国税何
输故计冒告之田一亩至五亩笞四十每五亩加一等罪止一百夫上枉有所免者其失

在官故税粮不复追征此冒告灾伤其罪在民故合纳税粮追征入官

功臣田土

凡功臣之家除拨赐公田外但有田土从管庄人尽报官入籍粮掌差违者一亩至三亩杖六十每三亩一等罪止杖一百徒三年罪坐管庄之人其田入官所隐税粮依数征纳若里长及有官吏踏勘不实及知而不举者与同罪不知者不坐

纂注依数征纳解见欺隐田粮条下盖功臣既赐公田已有常禄若此别有自置田土即系私产法当与民田同科故从其管庄之人尽数报入册内纳粮当差若有违者计其不报之田一亩至三亩杖六十每三亩加一等罪止杖一百徒三年罪坐管庄之人不报之田入官所隐之税粮依递年之数征纳夫罪不及功臣固所以优之而其田入官即罚之矣若里长官吏易于阿附功臣故踏勘不以实而致有不报及知而不觉举者并与管庄人同罪不知者不坐

盗卖田宅

凡盗卖换易及冒认若虚钱实契典买及侵占他人田宅者田一亩屋一间以下笞五十每田五亩屋三间加一等罪止杖八十徒二年系官者各加二等○若强占官民山场湖泊茶园芦荡及金银铜锡铁冶者杖一百流三千里○若将互争及他人田产妄作已业朦朧投献官豪势要之人与者受者各杖一百徒三年○田产及盗卖过田价并递年所得花利各还官给主○若功臣初犯免罪附过再犯住支俸给一半三犯全不支給四犯与庶人同罪

纂注盗卖盗字贯换易言盗卖换易欺业主不知而卖易之冒认欺业主不在而冒认之也虚钱实契谓实立典买文契而价钱则虚如或卞于逼勒或被其诓诈非业主之得已矣侵占侵越界限占为已业也盖他人田宅非已所得有故凡犯以上盗卖等项者每田一亩屋一间笞五十每田五亩三间加一等罪止杖八十徒二年若田系官者则加二等此未其强则其情犹轻故尚得定等科罪耳若用强占据官民山场湖减茶园芦荡及金银铜铁冶等项而专取其利者则其强占之情重乎物故不分官民不计亩数而皆杖一百流三千里若将不明互争之产业及以他人田产妄作已业朦朧投献官豪势要之人则其籍劫害人莫此为甚故与者受者各杖一百徒三年以上盗卖换易等项之田产花利及盗卖所得之价系官者追还官系民者追给主莫非尽法之正也至若功臣之罪独见于此与隐避差役条者恐其权劫易于占取容隐故二特立此为之防

备考

一强占官民田宅及侵占山场湖泊等项者宜比此律科断

一盗卖田宅若买主牙保人知情问与同罪追价入官

条例

一军民人等将争竞不明并卖过及民间起科僧道将寺观各田地若子孙将公共祖坟山地朦朧投献

王府及内外官豪劫要之家私捏文契典卖者投献之人问发边卫永远充军田地给还应得之人及各寺观坟山地归同宗亲属各管业其受投献家长并管庄人参究治罪山东河南北直隶各处空闲地土

祖宗朝俱听民尽力开种永不起科若有占夺投献者悉照前例问发

一凡用强占种屯田五十亩以上不纳子粒者问罪照数追纳完日官调边卫带俸差操旗军军丁人等发边卫充军民发口外为民其屯田人等将屯田典卖与人至五十亩以上与典主卖主各不纳子粒者俱照前问发若不满数及上纳子粒不缺或因无人承种而侵占者照常发落管屯等官不行用心清查者糾奏治罪

一西山一带密迹

京师地方内外官豪劫要之家私自开矿卖煤凿山卖石立厂烧灰者问罪枷号一个月发边卫充军干碍内外官员参奏提问

一大同山西宣府延绥宁夏辽东苏州紫荆密云等边分守守备御并府州县官员禁约该管官旗军民人等不许擅自入将应禁林木砍代贩卖违者问发南方烟瘴卫所充军若前项官员有犯文官革职为民武官革职差操镇守并副参等官有犯指实参奏其经过关隘河道守把官军容情纵放者究问治罪

任所置买田宅

凡有司官吏不得于见任处所置买田宅违者笞五十解任田宅入官

纂注此条重在见任二字解任见名例文武犯私罪条盖有司官吏必正已而后可以御下若于见任处所置买田宅是侵夺民利矣故笞五十解任别叙田宅人官此专指见任官私置者而言若养田学田之类不在此限

典买田宅

凡典买田宅不税契者笞五十仍追田宅价钱一半入官不过割者一亩至五亩笞四十每五亩加一等罪止杖一百其田入官○若已典卖与人田宅朦胧重复典卖者以所得价钱计赃准窃论免刺追偸还主田宅从元典买主为业若重复典买之人及牙保知情者与犯人同罪追价入官不知者不坐○其所典田宅园林碾磨等物年限已满业主备价取赎若典主托故不肯放赎者笞四十限外递年所得花利追征给主依价取赎其年限虽满业主无力取赎者不拘此律

纂注税契以文契投税有司而纳课也过割以所典买田地过刮于已之户籍也宅无粮差故不言过割重复典卖说得活不专谓已典复典已卖复或已典复卖已卖复典凡欺原先典买之主不知者皆是意重朦胧二字计赃准窃盗论谓计复典卖之价数为赃准窃盗赃之贯数坐罪也后凡言准窃盗论者仿此此条言凡典买他人田宅法当税契以纳额课过割以当粮差若不税契者则亏损官课故笞五十仍查契内价钱追其一半入官不过割者则遗税病民故一亩至五亩笞四十每五亩加一等罪止杖一百仍将不过割之田入官掌隶若将自己田宅典已卖与人而又复朦胧典卖者则窃取之情同乎盗

故计重复典卖所得价钱准窃盗论罪免刺追价还后典卖之主田宅听从原先典买之主管业若后复典买之人及牙保知其已典已卖之情而故承受说 者与犯人一同坐罪仍追价入官惟不知者不坐至于所典人田宅园林碾磨等物其原定年限已满者若业主备价取赎而典主托故不放则有占利之心故笞四十限外花利追给业主无力照依原价取赎则非典主之罪听其照旧管业故曰不拘此律令例限外无力取赎者田地仍种二年器物计花利勾一本息者俱交还原主此文宜民之时制也

备考

一田不过割而典卖主通同○及凡典限未滿而业主强赎者俱坐不应

条例

一告争家财田产但系五年之上并虽未及五年验有亲族写立分书已定出卖文约是实者断令照管业不许重分再赎告词立案不行

盗耕种官民田

凡盗耕种他人田者一亩以下笞三十每五亩加一等罪止杖八十荒田减一等强者各加一等系官者各又加二等花利归官主

纂注各加一等各字指熟田荒田言各又加二等各字通盗耕强耕或荒言不告田主而私自耕种曰盗不由田主而用强耕种曰强盗者一亩笞三十每五亩加一等罪杖八十荒田减一等一亩笞二十每五亩加一等罪止杖七十强者各加一等在熟田罪止杖九十在荒田罪止杖八十系官者各又加二等如盗耕者加盗耕民田罪二等熟田罪止杖一百荒田罪止杖九十如强耕者加强耕民田罪二等熟田罪止杖六十徒一年荒田罪止杖一百然犹并追所得花利属官者归官属民者归主故曰归官主

按盗耕田地与上条侵占者迹相似而实不同盖耕种者止取其利若侵若占则占为已业矣故其罪有轻重之别

条例

一成化十年七月十一日节该钦奉

宪宗皇帝圣旨陕西榆林等处近边地土各营堡草场界限明白敢有那移条款盗耕草场及越出边墙界石种田者依律问拟追征花利完日军职降调甘肃卫分差操军民系外处者发榆林卫充军系本处者发甘肃卫充有毁坏边墙私出境外者枷号三个月发落钦此

荒芜田地

凡里长部内已入籍纳粮当差田地无故荒芜及课种桑麻之类而不种者俱以十分为率一分笞二十每一分加一等罪止杖八十县官各减二等长官为首佐职为从人户亦计荒芜田地及不种桑麻之类以五分为率一分笞二十每一分加一等追征合纳税粮还官应课种桑麻枣黄麻苧麻棉花蓝靛红花之类各随乡土所宜种植

纂注田之小损为荒大损为芜故谓水旱灾伤之故律意重无故及应课种等字佐职兼

佐贰首领言里长就一里田地为率人户就本户田地为率若县官之各减二等者谓里长有犯县官即减二等科之非以一县田地为率也此言县官里长以劝农桑为职百姓以务农桑为本若里部内有人户已入籍纳粮当差之田地无故而荒芜不种及地土应合课种桑麻之类而不行植二者俱以里内十分为率有一分荒芜不种里长笞二十每一分加一等至七分之上罪止杖八十在县官则各减里长之罪二等以长官为首一分者减尽无科二分方笞一十加至杖六十罪止矣佐职为从又各减长官之罪一等二分者尽无科三分者方笞一十加至笞五十罪止矣其原荒芜田地及不种桑麻之人户则计其本户俱以五分为率有一分笞二十每一分加一等不言罪止者至五分则止杖六十尔然人户合纳税粮仍追还官不因其荒芜而免之正所以惩惰农也

弃毁器物稼穡等

凡弃毁人器物及毁伐树木稼穡者计赃准窃盗论免刺官物加二等若遗失及误毁官物者各减三等并验数追偿私物者偿而不坐罪○若毁人坟茔内碑碣石兽者杖八十毁人神主者杖九十若毁损人房至墙垣之类者计合用修造雇工钱坐赃论各令修立官屋加二等误毁者但令修立不坐罪

纂注加二等与各减三等俱于弃毁私物罪上加减或谓各减三等于官物加二等上减之不知遗失误毁私物者既不坐减弃毁私物之罪而遗失误毁官物者仍独减弃毁官物三等罪之殆非律意也并验数追偿总承弃毁官私物及遗人毁误官私物而言树木稼穡不言误毁统于私物也碑碣石兽不言系官统于官物盖毁出于有意遗失误毁本于无心故凡弃毁人之器物及毁伤斫伐人之树木稼穡者并计其所值之钱准窃盗赃之贯数论罪免刺若弃毁及毁伐者系官物则加弃私物罪二等如弃毁私物一贯以下杖六十加二等则杖八十是也然亦罪止一百流三千里若遗失误毁官物者则各减弃毁私物罪三等如弃毁私物一贯以下杖六十减三等则笞三十是也以上弃毁器物与毁伐树木稼穡及遗失误毁官物并皆验数追偿还官给主若遗失误毁私物者但追偿而不坐罪夫遗失误毁在官物则坐罪在私物止赔偿所以别人公私之不同而权轻重之宜也右碑碣石兽神主皆祀先之器非他物之比故有人毁碑碣石兽者杖八十毁神主者杖九十俱不入计所值之赃若房屋墙垣之类则其工力之费为重故有人毁损者则计其合用修造工雇之钱以坐赃贯数论罪如一贯以下笞二十至五百贯之上罪止杖一百徒三年若毁损官屋者则加坐赃论二等如一贯以上笞四十至五百贯之上亦罪止杖一百流二千五百里以上毁损官民房屋墙垣及碑碣石兽神主等项各令修补起立惟误毁者但皆令修立而不坐罪夫误毁官物有罪而官屋不坐者以彼之追偿易为力此修立难为工此制律之微意也

擅食田园瓜果

凡于他人田园擅食瓜果之类坐赃论弃毁者罪亦如之其擅将去及食系官田园瓜果若官造酒食者加二等主守之人给与及知而不举者与同罪若主守私自将去者并以

监守自盗论

纂注擅字私与有别不掩人知而阳取曰擅不与人知而窃取曰私系他人瓜果不言私将去者以有盗田野谷麦菜果律也官瓜果酒食不言弃毁者以有弃毁官物律也主守以下俱指系官者言比谓凡于他人田园内瓜果之类擅自取食者计其食过所值之价坐赃论罪若虽不食而弃毁者其罪亦如擅食者科之其有于他人瓜果与夫官造酒食者各加坐赃之罪二等若主守之人给与人食及知其擅食而不举者俱与食者同罪亦坐赃论加二等若主守者私自将去系官瓜困酒食者并计赃以监守自盗论罪主守者不言擅食在律所不禁矣

备考

一若擅将去系官瓜果酒食者以常人盗官物论

按律内其擅将去云者或谓专指官人瓜果者当坐之何律耶又或谓有擅将去他人瓜果者止科擅食之罪盖不知议拟之际舍擅将去而吊擅食之文恐背律意甚矣

私借官车船

凡监临主守将系官车船店舍碾磨之类私自借用或转借与人及借之者各笞五十验日追雇赁钱入官若计雇赁钱重者各坐赃论加一等

纂注车船名为雇店舍碾磨名为赁验日追雇赁钱依名例云照依犯时雇工赁直验日追之非谓每日追钱六十文也转借与人者监守止坐罪雇赁钱则于所借之人追之雇赁钱重者亦不得过本物之价此言物当充用若监临主守之人将系官车船店舍碾磨之类私自借用或转借与人及借之者各笞五十验借过之日追雇赁钱入官若计雇赁钱重于五十者各坐赃论加一等如计雇赁钱至四十贯依坐赃律杖六十是重于笞五十矣加一等即杖七十是也

大明律集解附例卷之六

户律

婚姻

男女婚姻

凡男女定婚之初若有残疾幼度出过房乞养者务要两家明白通知各从所愿写立婚者依礼聘嫁若许嫁女已报婚书及有私约谓先已知夫身残疾老幼度养之类而輒悔者笞五十虽无婚书但会受聘财者亦是○若再许他人未成婚者杖七十已成婚者杖八十后定娶者知情与同罪财礼入官不知者不坐追还财礼女归前夫前夫不愿者倍追财礼给还其女仍从后夫男家悔者罪亦如之不追财礼○其未成婚男女有犯奸盗者不用此律○若为婚而女家妄冒者杖八十谓如女有残疾郗令姊妹妄冒相见后郗以残疾女成婚之类追还财礼男家妄冒者加一等谓如与亲男订婚郗与义男成婚又如男有残疾却令弟兄冒相见后郗以残疾男成婚之类不追财未成婚者仍依原定已成婚者离异○其应为婚者虽已纳辟财期约未至而男家强娶及约期已至而女家故

违期者并笞五十○若卑幼或仕宦或买卖在外其祖父母父及伯叔父母姑兄姊后为定婚而卑幼自娶妻已成婚者仍旧为婚未成婚者从尊长所定违者杖八十
纂注残疾以下男女言庶出众子也过房嗣子也是本宗者乞养义子也是异姓者三者虽与残疾老幼不同终嫡子亲子有异故男女亦必有不欲者婚书有媒妁通报写立者私约无媒而私下议约也聘财但系布帛之类凡名为定礼者即笞五十杖七十八十俱自主婚者言犯奸盗必分男女当兼说如出妻条一曰盗是也不此律谓不用輒悔及再许他人之律仍依原定谓归原相见之人期约谓成婚之期此条当与嫁娶违律条参看言男女室家当使之各得其愿凡定婚之初若男女遇有疾病伤残或老或幼或系庶出或系过房或系乞养务要此将疾残等情明白通知使雨家各从所愿如果愿与成婚则凭媒妁写立婚书依嫁娶礼式聘嫁庶无后悔及妄冒违约期之弊也若许嫁之女已报有婚书及私下已有期约已明知夫身有疾残等项定婚之后而女家輒欲悔背不与男家者女家主婚日笞五十或虽无婚书但曾有布帛之类作为聘财即系已定而輒悔者亦笞五十其女仍归其夫此自虽悔而未许人者言之若已受聘定之女輒悔而许他人未成婚者女家主婚杖七十已成婚者女家主婚杖八十后定婚之男家主婚人知其女先已许人而故定者与女家同罪未成婚者杖七十已成者杖八十定婚之财礼入官男家不知其许人之情而定之者不坐罪女家所受财礼追还男家其女不问已未成婚俱归前夫前夫不愿取者于女家倍追财礼给还男家听其别娶其女仍令从后夫若已报婚书已有私约已受聘而男家悔者罪亦如之悔者主婚亦笞五十悔而再娶他人女未成婚主婚者亦杖七十仍娶前女后聘女家不追财礼听其别嫁已成婚者亦杖八十前女家亦不追礼听从许嫁他人后许婚之女家知其夫已聘他人女而再嫁女亦同男家未成婚者杖七十已成婚者亦杖八十故曰罪亦如之财礼入官不知者不坐其或男女已行聘定未成婚或男子有犯奸盗者女子听其嫁不财礼女子有犯奸盗者男子听其别娶追还礼不用再嫁再娶之律此自虽许他人而未有妄冒者言之若男女为婚而女家妄冒如本有残疾女家郟将无残疾之姊妹相见后郟以残疾女成婚之类其主婚人杖八十财礼追还男家其因家妄冒如男本有残疾男家郟将无残疾之兄弟相见后郟以残疾男成婚之类其主婚人加女家主婚者一私杖九十女家所受财礼不追未成婚者各减已成婚五等仍以初相见之男女成婚已成婚者妇女离异归宗盖女虽妄冒男尤可再娶男若妄冒其女遂至失身其加等宜也其明知残疾等项及无妄冒等情而应合为婚者虽已纳聘财犹必及嫁娶若期约未至而男家先时强娶及期约已至而女家后时违期失婚姻之时一也故并笞五十若至卑幼如子弟侄之类或出为仕宦或为买卖在外其祖父母父及伯叔父母姑兄姊皆应主婚之人于卑幼出外之后为与定婚而卑幼在外不知其自己娶有妻室若自娶者已成仍旧为婚尊长所定之女听其别嫁已成婚者从尊长所定者婚娶自聘者从别嫁如违尊长所定而务从自己所定者卑幼杖八十盖婚姻人道之此法立则男女以正而万化之原端矣

备考

一妾冒相见男女先已聘许他人者不在仍依原定之限

典雇妻女

凡将妻妾受财典雇与人为妻妾者杖八十典雇女者杖六十妇女不坐○若将妻妾妄作姊妹嫁人者杖一百妻妾杖八十○知而典娶各与同罪并离异财礼入官不知者不坐追还财礼

纂注典雇二字有分别备价取赎曰典验曰取值曰雇妄作姊妹嫁人有两意在本夫自知妻妾不可嫁人故妄作姊妹以避卖休之罪又诬人使知其非妻妾而可娶也知而典娶节总承二节典字包雇字言娶字指妄作姊妹节并离异谓妻妾归宗女给亲也不可专指典娶一边说不知者不坐指典娶人此言凡将自己之妻妾受人之财或典雇与他人为妻妾者本夫杖八十受人财将自己女典雇与人为妻妾者本父杖六十娶人妄作姊妹之妻妾者同本夫杖一百并离异女给亲妻妾归其所典雇与娶之财礼俱入官若不知其为妻妾与女及妄作姊妹之情而典娶者不坐罪财礼追还典娶人妻妾与女仍离异曰不知者不坐则将妻女典雇与人亦必有假托别项者圣人制律禁而曲防如盖正偷理端风化之深意

条例

一凡将妻妾作姊妹及将拐带不明妇女或将亲女并居丧姊妹嫁与人作妻妾使女名色骗财之后词托故公然领去或瞰起程中途聚众行凶抢人财者除真犯死罪外其余属军卫者发边卫充军属有司者发口外为民媒人知情罪同若人有犯罪坐夫男若不知情及无夫男者止坐本妇照常发落

妻妾失序

凡以妻为妾者杖一百妾在室以妾为妻者杖九十并改正○若有妻更娶妻者亦杖九十离异其民年四十以上无子者方听娶妾违者笞四十

纂注并改正兼妻妾言离异指后娶妻说违者笞四十有两意谓年四十而有子虽无子而年未四十者均之许娶妾也律不言离异仍听为妾此条大意重在尊嫡妻言盖嫡妾贵贱本有定分凡以正妻为妾者本夫杖一百妾在室而以妾为正妻者杖九十并改正妻仍为妻妾仍为妾也盖以妻为妾则易位矣以妾为妻正妻之分犹存故减一等科之若有妻而又娶一妻是匹嫡矣本夫亦杖九十未成婚者减五等后娶之妻离异归宗其民年四十以上无子者方听娶妾若四十以上而有子及虽无子而年未四十违律娶妾者笞四十盖更娶妻者匹嫡而违娶妾于犹无妨也故止坐以耳律不言离异仍听为妾重无后也可谓仁至而义尽矣观妻妾失序上用一凡字则通官民可知而娶妾直曰民

备考

一妻亡以妾为正妻者问不应改正

逐婿嫁女

凡逐婿嫁女或再招婿者杖一百其女不坐男家知而娶者同罪不知者亦不坐其女断付前夫出居聚

纂注逐婿之婿专指入赘者言男家知而娶者兼后赘者说此言凡将已入赘在家之婿逼逐在外而将女改嫁与他人或再招他人来家为婿者皆非理也女之父或母主婚者杖一百其女不坐罪以父母得专制也若后婚之男家知其逐婿情由或娶其女或再入为婿者与女家同杖一百未成婚者各减五等财礼入官不知逐婿之情而娶与入赘者亦不坐罪追还财礼其女断付初赘之夫令其出外另居完聚盖夫妇之情虽未离而翁婿之情则已绝故耳

备考

一凡招赘之女逼同父母逐婿改嫁者亦坐杖一百

居丧嫁娶

凡居父母及夫丧而身自嫁娶者杖一百若男子居丧妻妾妻女嫁人为妾者各减二等若命妇夫亡再嫁者罪亦如之追夺并离异知而共为婚姻者各减五等不知者不坐若居祖父母伯叔父母姑兄弟姊妹丧而嫁娶者杖八十妾不坐○若居父母舅姑及夫丧而与应嫁娶人主婚者杖八十○其夫丧服满愿守志非女之祖父母父母而强嫁之者杖八十期亲强嫁者减二等妇人不坐追归前夫之家听从守志娶者亦不坐追还财礼

纂注居父母丧兼男女身自嫁娶自字要看曰自者以非奉父母之命故罪之若奉父母之命而嫁娶不在此限夫丧不得兼说男子居丧承妻女承上文父母夫丧言命妇不言夫丧而曰夫亡见虽服满亦不得再嫁并离异及知而共为婚者通承上说居祖父母丧非系承重者故得杖八十居祖父母等丧娶妻妾不言离异仍听为婚非女之祖父母父母及期亲就妇人本宗言以夫家无醮妇之礼也非女之祖父母父母即大功以下亲如伯叔父母姑兄弟姊妹之类此言凡居父母之丧及夫之丧丧服之内男子身自娶妇女身自嫁人为妻者俱坐杖一百若男子居父母丧而娶妻居夫丧女居父母丧而嫁人妾者各减嫁娶为妻者罪二等杖八十至命妇曾受

朝廷封典非凡妇比若夫亡再嫁者罪即如凡妇拟断为妻者亦杖一百为妾者亦杖八十追夺其所封之诰勅其居丧嫁娶之人及再嫁之命妇并离异归宗以上未成婚者各减五等其男女家知有居丧及系命妇而共为婚姻者各减男女罪五等嫁娶为妻者笞五十为妾者笞三十财礼入官不知情者不坐仍离追还财礼若不系承重之孙而居祖父母之丧侄居伯叔父母在室姑之丧弟居兄弟姊妹之丧而嫁娶为妻者杖八十为妾者不坐罪亦不离异盖三年之丧服之至重而期亲之丧则降一等矣故罪有轻重如此此言不应嫁者之罪若男女居父母之丧妻居舅姑及夫丧而与应嫁娶人主婚者曰应嫁娶人律无禁而舍哀从吉于情未安故坐杖八十耳此言不应主婚者之罪然以上皆自丧未及三年者言之其妇人居夫之丧三年服制已满愿于夫家守志者惟女之祖父母父母强

嫁之者不坐罪若非女之祖父母父母如本宗大功以下亲夺其志而强嫁之者杖八十如本宗之期亲强嫁之者减二等杖六十盖女之祖父母父母情本至亲强嫁之心欲其有家耳若余亲亦或有所为矣安得不罪之也妇人不坐罪追归前夫之家听从守志其娶者亦不坐罪追还财礼盖服满无妨改嫁而主婚又有其人故也

按居夫丧而嫁娶或谓妻妾同一律论以刑律有妾殴夫骂夫之文谓既夫其夫是亦妻也当同妻论不知妻妾之分尊卑其明古人谓之买贱之也刑律称夫者以妻带言之耳观丧服图妻则称夫妾则称家长明有别也且夫为妻杖期而妾则无服安可以妾同妻而责之居丧嫁娶之律哉若妾愿守志而有强嫁之者斯得同妻之律矣

备考

一凡妇居舅姑丧而身自嫁娶者此依居父母丧而嫁娶律

一愿守志之妇夫家亲强嫁之者问不应事重

父母囚禁嫁娶

凡父母祖父母犯死罪被囚禁而子孙嫁娶者杖八十妾者减二等其奉祖父母父母命而嫁女娶妻者不坐亦不得筵宴

纂注犯死罪被囚禁一串说子孙嫁娶是未奉父母之命者兼男女言为妾指嫁娶二项奉命嫁娶而筵宴者罪见礼律弃亲之任条为妻妾者律不言离异听为婚也此言凡祖父母父母身犯死罪见被官府囚系禁锢为子孙者非奉尊命而男辄娶妻女辄嫁人为妻者杖八十若男娶妾女嫁人为妾者减妻罪二等杖六十盖忘具至亲而任情纵欲不孝之大也特罪之其子孙奉有祖父母父母之命而嫁女娶妻者听其嫁娶不坐罪然亦不得筵宴作乐违者当依礼律杖八十亦不以婚姻之乐易父母之忧耳

同姓为婚

凡同姓为婚者各杖六十离异

纂注为婚兼妻妾各字指男女两家言盖礼不娶同姓所以厚别也故凡娶同姓女为妻妾或以女嫁与同姓为妻妾者是渎伦矣或坐主婚或坐男女彼此各杖六十妇女离异归宗财礼入官夫曰同姓则无不知情也

尊卑为婚

凡外姻有服尊属卑幼共为婚姻及娶同母异父姊妹若妻前夫之女者各以奸论○其父母之姑舅两姨姊妹及姨若当姨母之姑堂姑已之当姨及再从姨当外甥女若女婿及子孙妇之姊妹不得为婚姻违者各杖一百○若娶已之姑舅两姨姊妹者杖八十○并离异

纂注此条专就外姓姻亲言共为婚姻指嫁娶两边各以奸论见刑律亲属相奸条父母之姑所生女为父母之姑姊妹祖母同胞姊所生女为父母之两姨姊妹下女婿及子孙妇之姊妹与已之姑舅两姨姊妹俱仿此父母之姑舅两姨姊妹谓父母之姑与舅及两姨所生之女是父母之姊妹也及姨若堂姨谓祖母外祖母之姊妹为父母之姨即已之

祖姨母也母外祖母之堂姊妹为父母之堂姨即已之从祖姨母也母之姑谓外祖之姊妹即已之外祖姑母之堂谓外祖之堂姊妹即已之外堂祖姑母也已之堂姨谓母之堂姊妹也已之再从姨谓母之再从姊妹也堂外甥女谓已堂姊妹所生女也已之姑舅两姨姊妹谓已姑与舅及两姨所生之女与已为姊妹者或谓上尊属卑幼兼表兄弟不知姑舅姊妹中已包言之矣并离异句通承上言此言凡外姓姻亲于已有服之尊属如已之外祖父母舅母姨俱有小功服妻之母有缌麻服者有服之卑幼如已之外孙外甥女女婿之类俱有麻服者若尊属与卑幼相娶嫁为婚姻及娶同母异父姊妹为妻若娶妻前夫之女为妻者男女各亲属相奸条论杖一百徒三年应死者自依常律盖外姻尊卑名分既存服制已定同母姊妹前夫之女虽非气终属至亲均之不可为婚者故持重其罚矣其父母之姑舅姊妹与两姨姊妹与父母同辈者及父母之堂姨母之姑母之堂姑皆尊于父母一辈者已之堂姨及再从姨与父母同辈者此已之无服尊属也已之堂外甥女若女婿之姊妹子孙妇之姊妹此已之无服卑幼也服制虽无名分自在故违律成婚者男女各杖一百而视有服尊卑则有间矣若娶已之姑舅姊妹与姨姊妹为妻是与已同辈者虽服缌麻不干名分故男女各杖八十而视父母之姑舅等亲则又有间矣此凡以上外姻亲违律为婚之亲属并离异妇女归宗财礼入官盖婚姻人道之大不可以苟合故严其法以防之

条例

一凡男女亲属尊卑相犯重情或干有律应离异之人悉遵成宪俱照亲属已定各从本律科断不得妄生异议致罪有出入其间情犯稍有可疑揆于法制似为太重或于大分不甚有碍者听各该原问衙门临时斟酌拟奏

一凡前夫子女与后夫子女苟合成婚者以娶同母异父姊妹律条科断

娶亲属妻妾

凡娶同宗无服之亲及无亲之妻者各杖一百若娶缌亲之妻及舅甥妻各杖六十徒一年小功以上各以奸论其曾被出及已改嫁而娶为妻妾者各杖八十○若收父祖妾及伯叔母者各斩若兄亡收嫂弟亡收弟妇者各绞○妾各减二等○若娶同宗缌麻以上姑侄姊妹者亦各以奸论○并离异

纂注此条专自同宗言自娶缌麻亲至第三节皆言有服亲之妻第节是言有服之亲甥舅在外姻中为最亲故带言之无服之亲说得广凡五服之外皆是礼所谓袒免亲也舅甥妻谓舅娶甥妻甥娶舅妻也被出改嫁通指前项亲属之妻言父祖妾伯叔母兄弟妻不曰娶而曰收者以其乱伦之甚不敢显言嫁娶再谓同居曰收者非也不言被出改嫁有犯亦坐斩绞妾各减二等通承上两节言指原为妾者若原系妻而娶为妾当从妻论原系妾而娶为妻仍从妾减科并离异通承上妻妾言盖同姓为婚尚有禁况同宗乎故凡娶同宗无服之亲及无服亲之妻为妻妾者男女各杖一百若娶同宗缌麻亲之妻及舅娶甥妻甥娶舅妻为妻妾者男女各杖六十徒一年娶宗小功以上亲及之妻各以奸

小功以上亲论罪男女各杖一百徒三年盖五服之外服制已尽名分犹存五服之内服制渐重名分愈尊故科罪有轻重如此应死者自依常律其同宗无服亲之妻总麻亲之妻及舅甥妻小功以上亲之妻先曾为夫所出及夫亡改嫁他人本夫虽有义绝之状而其名终系吾族之妇故娶为妻妾者男女各杖八十其视见为妻者则杀之矣若子孙收父与祖之妾及侄收伯叔母为妻妾者不问在家及被出改嫁男女各坐斩若兄亡收嫂弟亡收弟妇为妻妾者不问在家及被出嫁男女各坐绞妾各减二等娶同宗无服亲之妾各杖八十娶总麻亲及舅甥妾各杖九十娶小功以上亲之妾各杖八十徒二年娶被出改嫁之妾者各杖六十收伯叔及兄弟之妾者各杖一百徒三年若娶同宗总麻以上之姑及侄女与已之姊妹为妻妾者亦各以奸总麻以上亲论男女各杖一百徒三年应死自依常律夫同一妾也而父祖妾则坐斩同一妻也而伯叔母则坐斩兄弟妻则坐绞姑侄姊妹则以奸论盖父祖伯叔姑在各名分中为至尊兄弟与侄女姊妹在服属中为最重故耳然自同宗无服之亲以至姑侄姊妹定罪虽有轻重要之均为乱伦故娶之者并离异归宗财礼入官其所以端风化者至矣

按父祖妾伯叔母兄弟妻或谓先曾被出及已改嫁而娶之者宜坐不应事重不知此三项虽在五服之内而其情非小功总麻以上亲可比故律特言之而以被出改嫁置之父祖妾之上明不在此例也若拟不应则与娶同宗义绝之亲无异矣非理也况所谓小功以上亦自可以该伯叔父母及兄弟妻又何必言之耶以意逆之当自得矣

娶部民妇女为妻妾

凡府州县亲民官任内娶部民妇女为妻妾者杖八十若监临官娶为事人妻妾及女为妻妾者杖一百女家并同罪妻妾仍两离之女给亲财礼入官强娶者各加二等女家不坐不追财礼若为子孙弟侄家人娶者罪亦如之男女不坐

纂注妇女之妇兼妻妾亲民官曰部民监临官曰为事人者盖为事人止谓有事与监临相涉者若部民则槩言所统摄之民也女家对男子之称妇家在其中并同罪谓部民同亲民官之罪为事人同监临官之罪两离谓既不给官员又不给夫家俱令归本宗强娶通亲民监临说为子孙等娶者罪亦如之则又通和强言其妇女财礼俱准自取法科断男女不坐谓子孙等及所娶妇女并不坐罪也此言凡府州县与民相亲近之官而于任内和娶所部民人之妻妾或女为妻妾者亲民官杖八十若监临官和娶为事人之妻妾及女为妻妾者监临官杖一百盖府州县官职本近民而监临权能督责其体统虽同但部民尚无事相干而有事人则见在对理其事势实异故罪有差别耳其妻妾之本夫女之父并同罪以妻妾及女与亲民官者亦杖八十以妻妾及女与监临官亦杖一百既属同情亦不得不同罪也其所娶之妻妾仍两离之妻妾归宗女给亲不得给官员亦不得归本夫财礼入官若亲民官及监临官恃其官劫用强以娶部民及为事人之妻妾与女为妻妾者各加二等亲民官杖一百监临官杖七十徒一年半妇之夫女之父不坐罪妇前夫女给亲不追财礼夫曰强则所制在人故特贷之若亲民官与监临官各为其子孙

弟侄及家人而娶部民为事人之妻妾及女与之之为妻妾者亦如亲民监临官自娶之罪和娶者亲民官杖八十监临官杖一百女家并同罪财礼入官强娶者亦加二等亲民官亦杖一百监临官亦杖七十徒一年半女家亦不坐罪不追财礼其子孙弟侄家人及妇女之嫁与官员之子孙弟侄家者俱不坐罪以其有主婚人耳可谓变而不穷法之至善也夫观在任二字则未任之先与既任之后而娶者俱律所不禁矣

按此条府州县官曰部民则非所部者勿论矣若监临官称为事人则不得曰非为事人勿论也观名例称临主守条监临本有二项有常时之监临有暂时之监临如别府州县承委邻境清查钱粮会理词讼相于涉者即为事人而不相干涉者斯与监临无与也若常时之监临如抚按两司于该府州县孰非事也孰非为事人也而无不相于涉者矣故非为事人勿论之说在暂时之监临则可在常时之监临则一可难以执一论也

备考

一此条官员有犯者照行止有亏事例革职为民

一娶为事人妇女而于事有所枉者仍以枉法从重论

娶逃走妇女

凡娶犯罪逃走妇女为妻妾知情者与同罪至死者减一等离异不知者不坐若无夫会赦免罪者不离

纂注犯罪谓妇女自己犯罪已发在官者与在逃子女为事在家者不同与同罪止同其所犯之本罪而妇人自当加逃罪二等此离异与别条不同谓妻妾归前夫女归本宗若妇人所犯罪应与前夫离异者始妇本宗不知情虽不坐罪亦当离异无夫会赦免罪者不离谓既无夫又会赦则是无罪而应改者故听其家聚也妇人免罪不离当包女言此言凡妇女犯罪已发于官而逃亡在外有人娶为妻妾若娶者知其犯罪逃走之情则笞杖徒流各与妇女同罪若妇女犯死罪在逃知其情而娶之者得减妇女一等杖一百流三千里所娶之妇若非犯死罪者归其夫归宗若所犯之罪原应与前夫离异者则归宗财礼入官盖妇女犯罪已为不良况又在逃安得擅娶故既与同罪而复离异耳然此自娶者知情及妇人有夫而罪未遇赦者言之若娶不知其有犯罪逃走之情而娶为妻妾者不坐以罪仍断离异追还财礼若逃走之妇原无本夫而所犯之罪又经赦免则听后夫不在离异之限夫不知不坐原其误犯也无夫会赦不离者矜其无归也其曲尽人情矣乎曰妇人会赦不离则娶者不坐罪可知白曰无夫会赦不离则会赦有夫而离者可知

强占良家妻女

凡豪势之人强夺良家妻女奸占为妻妾者绞妇女给亲配与子孙弟侄家人者罪亦如之男女不坐

纂注势豪有分别豪是豪强势谓有力者强夺二字重看奸占二字或谓当作二项谓奸止是奸宿而不必为妻妾若占则终为已有细详还相连看为是盖用强而不以礼娶故

云奸占也若强夺而奸之则有强奸律矣妇归其夫女归其父故曰给亲此言凡豪强劫力之人不通媒妁不用聘定将良人之妻或女用强夺娶来家奸宿占住为妻妾者劫豪之人坐绞妇归本夫女归其父若用强夺取而配与子孙弟侄及家人为妻妾者罪亦如豪劫之人自奸占律绞盖其迹虽有占与配子孙等之异而强夺之情一也其所奸占之妇女及子孙弟侄家人俱不坐罪

备考

一强夺良家妾奸占者比附此律上请

条例

一凡强夺良人妻女与他人为妻妾及投献

王府并勋戚势豪之家者俱比照强夺良家妻女奸占为妻妾绞罪奏

请定夺

娶乐人为妻妾

凡官吏乐人为妻妾者杖六十并离异若官员子孙娶者罪亦如之附过候荫袭之日降一等于边远叙用其在洪武元年已前娶者勿论

纂注乐人指教坊司妓者官员子孙兼文武并离异谓不给官吏子孙亦不给乐工断离归宗专言袭荫其余以常人论可知此条当与刑律官吏宿娼条参看言文武官吏有娶乐人为妻妾者杖六十依名例犯私罪律职官降等改用未入流官与吏罢职役不叙所娶之乐人并离异归宗财礼入官若官员应该袭荫之子孙娶乐人为妻妾者亦如官员之罪杖六十离异归宗财礼入官仍将附写其过名候荫袭之日于父祖职事上减一等调边远衙门叙用盖文武官吏已受有职之常荫袭子孙亦他日官爵之寄良贱尚难为婚乐人岂所宜娶故立法之严欲其自保之意也若官吏子孙所娶之乐人在洪武元年以前者勿论既不坐罪亦不离异以胡元无禁故耳令有例官吏犯奸及一应行止有亏俱发为民武官照例调卫带俸差操矣

按文曰荫武曰袭条内云候荫袭之曰降一等似专指军官子孙言而文官子孙又无父祖之职可降如有犯合照文官行止有亏革荫为民可也

备考

一娼人知情嫁与者问不应答罪财礼入官

一流娼虽非乐人官吏娶者与此条同拟

僧道娶妻

凡僧道娶妻妾者杖八十还俗女家同罪离异寺观主持知情与同罪不知者不坐○若僧道托亲属或僮仆为名求娶而僧道自占者以奸论

纂注还俗直管至下住持知情虽同罪但因人连累不在还俗之限自占为妻妾者依刑律僧道犯奸加凡人罪二等或泥占字谓夺亲属僮仆之所有当依奸亲属妻妾及义男妇科断不知律文明曰假托则并亲属僮仆或无其人借有其人所娶原未与之成婚也

安得遂以假为真哉奸字兼和强言盖僧道既云出俗婚娶非其所直故凡娶有妻妾者即杖八十断令还俗女家以其女与之为妻妾者与僧道同罪亦杖八十妇女离归宗其本寺观之住持知其娶妻妾之情亦与僧道同罪杖八十既住持其教而不能约束其众其罪之宜也住持不知情者不坐罪若僧道知其不可娶妻而假托亲属或僮仆为名色以求娶人之妇女及娶而自占为妻妾者以奸论系和者以凡奸加二等杖一百系强者以强奸论以僧道而娶妻已为违法娶妻而假托其欺奸甚矣故加重以惩之

良贱为婚姻

凡家长与奴娶良人女为妻者杖八十女家减一等不知者不坐其奴自娶者罪亦如之家长知情者减二等因而入籍婢者杖一百若妄奴婢良人而与良人为夫妻者杖九十各离异改正

纂注罪亦如之谓奴亦杖八十女家亦减一等也因而入籍为婢承家长与奴娶及奴自娶两边入籍为婢国初为奴婢者各有册籍妄以奴婢为良人二句亦指家长妄冒或奴婢自妄冒也各离异总承上说改正谓入籍者改正非如妻妾失序改正之谓此言凡家长主婚娶良人之女与奴为妻者家长杖八十女家主婚者知其为奴而以女与之者减男家罪一等杖七十女家不知其为奴者不坐罪其奴不由家长自娶良人女为妻者罪亦如之奴如家长与娶杖八十女家知情减奴罪一等杖七十家长知奴自娶之情不行禁止者减奴罪二等六十因以良人女附入册籍为婢者由家长入籍者家长杖一百由奴入籍者奴杖一百若妄以奴为良人而与良人女为夫或妄以婢为良人而与良人男妻者由家长妄冒家长杖九十由奴婢妄冒奴婢杖九十其家长与娶或奴自娶及相妄冒而娶者俱离异归宗入籍为婢之女则改正盖夫妻本有敌体之义而良贱则非配耦之宜籍终无从良之期而妄冒乃为欺妄之甚故既坐其罪复离改正立法可谓详尽矣

按奴婢或以律有发付功臣家奴之文遂谓非功臣之家不得有奴婢则此条以专为公侯家设也不知立嫡子违法条内明开庶民之家存养奴婢者杖百是以止禁庶民家不得有奴婢矣言庶民则有官者不禁矣使止许公侯家有之则律中称凡存养奴婢者杖一百何也或明言非公侯之家亦可也而何专言庶民耶盖功臣与官员家俱得存养奴婢言给付功臣家为奴者详其文籍没子女无所看落故钦给功臣家耳详见文献通考今问刑者每遇奴婢殴家长之类辄舍正律乃引用雇工人律亦舛矣

蒙古色目人婚姻

凡蒙古色目人听与中国人为婚姻务要两相情愿不许本类自相嫁娶违者杖八十男女入官为奴其中国人不愿与回回钦察为婚姻者听从本类自相嫁娶不在禁限纂注蒙古即达子色目即回回钦察文回回中之别种回回拳发大鼻钦察黄发青眼其形状丑异故有不愿为婚姻者此言胡元入主中国其种类散处天下者难以遽绝故凡

蒙古及色目人听与中国人之相嫁娶为婚姻文务要两相情愿仗之各得其所可也不许蒙古色目人之本类自相嫁娶如本类中违律自相嫁娶者两家主婚杖八十所嫁娶之男女俱入官男为如女为婢然回回钦察在色目人中为最丑陋中国人有不愿与之为婚姻者则听其本类自相嫁娶又不在不许自相嫁娶之禁限夫本类娶有禁者恐其种类日滋也听其本类为婚者又悯其种类成色也立法严而用心恕所以羁么异类者至回回钦察不愿与为婚姻则愿者固不禁也

出妻

凡妻无应出及义绝之状而出之者杖八十虽犯七出有三不去而出之者减二等追还完聚○若犯义绝应离不离者亦杖八十若夫妻不相和谐而两愿离者不坐○若妻背夫在逃者杖一百从夫嫁卖因而改嫁者绞其因夫逃亡三年之内不告官司而逃去者杖八十擅改嫁者杖一百妾各减二等○若婢背家长在逃者杖八十奴逃者罪亦同因而改嫁者杖一百给还家长○窝主及知情娶者各与罪同至死者减一等不知者俱不坐○若由期亲以上尊长主婚改嫁者余亲谓期亲卑幼及大功以下尊长卑幼主婚改嫁者事由主婚主婚为首男女为从事由男女男女为首主婚为从至死者主婚人并减一等

纂注应出即七出谓无子淫夫不事舅姑多言盗窃妒忌恶疾也三不去谓与更舅姑三年丧前贫贱后富贵有所娶无所归也二者见大明令义绝夫妇之义专自得罪于夫言如殴夫及欲告害夫之类非谓殴舅姑等项也犯义绝当兼七出之犯义绝应离而不离指曾经告官离者言曰两愿离者不坐则非两愿者当各坐不应完聚从夫嫁卖句管至妾各减二等因而改嫁谓因在逃而改嫁也须有灼财礼者方是不然当以和诱刁奸论下二改嫁仿此逃亡是有罪逃去者告官司谓告其夫之逃亡情由非告己之欲逃也言三年者以夫丧服例之故许其改嫁耳须三年之外不坐罪妾各减二等指背夫在逃不告逃去及二改嫁说窝主以下二节通指妻妾与婢在逃改嫁者期亲余亲俱指妻妾婢之亲言男即上知情而娶者此条言夫妻以义合不可以轻出既出文不可以苟容故凡妻非有无子等项应出之事及与本夫无义绝之状而本夫擅出之者杖八十其妻虽犯七出于义有三不可出而擅出之者本夫减二等杖六十以犯七出故经之耳并追与本夫完聚若其妻已犯义绝曾经告官断离而不离者其夫亦杖八十夫不应出而出非情也应离而不离非法也故各罪之若夫与妻不相和谐而两愿离者于情既睽于法无碍故各不坐罪两愿者不坐则夫愿而妻不愿妻愿而夫不愿者均有罪也以上俱自罪在夫者言之至若妇人从一而终背夫已非其义因逃而辄自改嫁于情尤为过甚故夫在而妻背夫逃去者杖一百从夫或嫁或卖因在逃而自嫁他人者即坐绞其因本夫有罪逃亡在外三年之内不以夫之逃亡缘由告明官司听许嫁而辄自逃去者杖八十不告而改嫁者杖百以夫在逃故矜之耳断归前夫从其嫁卖至妾则各减妻罪二等背夫在逃者杖八十因而改嫁者杖一百徒三年不告官司而逃者杖六十擅改嫁者杖八十

妾贱于妻故罪减于妻也若婢背家长在逃者杖八十奴背家长而逃者亦同婢罪杖八十婢因凡在逃而改嫁他人者杖一百给还家长婢贱于妾故罪又轻于妾也婢不言家长逃亡而逃及改嫁之罪以有主母在耳以上俱自罪在妻妾及奴婢者言之夫妻妾奴婢在逃俱系有罪之人他人安得擅为藏匿及擅自婚娶故窝主及知在逃之情而娶为妻妾者各与妻妾奴婢同罪窝藏及娶背夫在逃之妻同杖一百夫亡在逃之妻同杖八十背夫及夫逃亡在逃之妾各减二等窝藏及娶在逃之奴婢同杖八十至死减一等如妻在逃改嫁应绞者窝主及知情娶者则杖一百流三千里不知在逃之情而窝主及娶者俱不坐罪若改嫁之妻妾与婢由妇女本宗之期亲以上尊长如祖父母伯叔父母姑兄弟及外祖父母主婚者罪坐主婚之人如背夫而改嫁系妻主婚人流三年里系妾主婚人徒三年夫在逃而改嫁系妻主婚人杖一百系妾主婚人杖八十妻妾止得坐前项在逃之罪如婢虽嫁主婚人止杖一百其妇女之余亲谓期亲卑幼及大功以下尊长卑幼主婚者其情又有不同如事由主婚起者以主婚人为首所嫁娶之男女为从事由男女起者男女为首主婚人为从如妻因夫亡而改嫁者若由主婚则余亲杖八十男女为从杖七十之类至死者主婚人不问期亲以上及余亲虽为首并得减一等杖一百流三千里此以上又自罪在窝主知情及主婚者言之罪虽不一而法无不同其律之至严正所以全妇之伦也

按察内云窝主及知情娶者谓不知情在娶者则可在窝主则不可不坐在娶者则可在窝主则不可他人之妻及妾奴婢非有背夫及家长而逃者何事而来我家又从而窝藏之而谓其不知情恐无理纵不知情而又可窝藏之耶故不知者不坐似为娶者说为多窝主虽不知情亦当从收留迷失子女条内云隐藏在家者杖八十科断

嫁娶违律主婚媒人罪

凡嫁娶违律若由祖父母父母伯叔父母姑兄弟及外祖父母主婚者独坐主婚亲主婚者余亲谓期亲卑幼及大功以下尊长卑幼主婚者事由婚主婚为首男女为从事由男女男女为首主婚为从至死者主婚人并减一等○其男女被主婚人威逼事不由已若男年二十岁以下及在室之女亦独坐主婚男女俱不坐○未成婚者各减已成婚罪五等○若媒人知情者各减犯人罪一等不知者不坐○其违律为婚各条称离异改正者虽会赦犹离异改正离异者妇女并归宗○财礼若娶者知情则追入官不知者则追还主

纂注婚娶违律总承上诸条而言婚人并减一等通祖父母以下及余亲言男女既科从罪若至死主婚人减一等男女不必又减矣男女被主婚人威逼节意在余亲一边为多盖祖父母等亲可以不用威逼也未成婚者各减五等通绞斩言各减犯人罪一等兼以未成婚财礼虽聘而未成婚者亦依入官还主断此条乃男女婚姻以下诸条之通例皆当此条参之盖所以补诸条之未备而权其轻重之宜者也言凡男女嫁娶而违犯法如同姓尊卑为婚之类必有主张其事者若由祖父母伯叔父母姑兄弟及外祖父母主婚

者与男女无于故违律之罪独坐主婚之人余亲如期亲卑幼及大功以下尊长卑幼主婚者若事由主婚人起则违律之罪以主婚人为首男女为从减主婚人一等事由男女起则违律之罪以男女为首主婚人为从减男女罪一等若嫁娶违律如娶同宗之亲及背夫改嫁之类而罪至斩绞除事由男女自依当律其由主婚人或期亲以上或余亲并得减一等止杖一百流三千里盖祖父母而下其分尊且亲于事得专主故独坐其罪余亲以下其分卑且疎于事不得尽专故分首从科之其二十岁以上之男及夫亡再嫁之女智力虽全而被主婚人威逼娶嫁事不由主若男年十八以下在室之女智力未全事虽可以由已必待人主使者其嫁娶违律虽余亲而独坐主婚在男女不得依为从法坐罪事有所制不得不矜之耳其嫁娶违律已成婚者各依律论罪若虽有期约虽有聘定尚未成婚者男女及主婚人虽律应死得各减已成婚罪五等若媒合人知其违律之情者已未成婚各减犯人罪一等不知情者不坐罪情有可原不得不贷之耳其违律为婚各条妇女有称离异及改正者虽会改在得免其罪应离异者仍离异改正者仍改正其称离者妇女并宗其原聘之财礼若娶者知者其违律之情已未成者俱追入官不知情者已未成婚俱追还主夫女虽会赦必离异改正者法也而离异者犹得归宗财礼知情必入官者法也而不知者犹得还主立法 不严用法实无不善圣人制律之精如此

大明律集解附例卷之七

户律

仓库

钞法

凡印造宝钞与洪武大中通宝及历代铜钱相兼行使其民间买卖诸物及茶盐商税诸色课程并听收受违者杖一百○若诸人将宝钞赴仓场库务折纳诸色课中买盐货及各衙门起解赃罚须要于钞背用使姓名私记以凭稽考若有不行心辩验收受伪钞及挑剗描摹钞贯在内者经手之人杖一百倍追所纳钞贯谓误收伪钞并挑剗摹钞一贯倍追宝钞二贯伪挑钞贯烧毁其民间关市交易亦许使私记若有不行仔细辩验误相行使者杖一百倍追钞贯止问见使之人若知情行使者并依本律

纂注宝钞即古之楮币挑剗描摹谓挑剗字样描摹成张二倍追钞贯不同上追之于经收之人下追之于见使之人也知情行使凡民间买卖货物官府征纳税粮并听收受正以通民用也违者杖一百罪坐不行收受之人此兼官民而言然钞法之行奸弊易生有伪造者有挑剗描补者故军民商贾诸人之以折纳课程中买盐货及各衙门起解赃罚与夫民间关市易皆须于钞背用使姓名私记以凭稽考防诈伪也若官府不行辩验而混收则钞法坏于上矣事发追究原日经收之人坐杖一百倍追所纳钞贯还官伪挑钞贯烧毁若民间不行辩验而误使则钞法坏于下矣亦杖一百倍追钞贯入官止坐见使之人王究所自者防及也不言烧毁者送官类烧毁也以上经收行使自其无心误犯者言之耳右 其伪造及挑剗描摹之情而行使者自依伪造宝钞及以真作伪律减犯人

罪一等科断故曰并依本律

条例

一在外衙门官员通同势要卖纳户口等项课钞问罪卖钞之人发边卫充军钞贯入官官员纵无赃私奏

请降用

钱法

凡钱法设立宝源等局鼓铸洪武通宝铜钱与大中通宝及历代铜钱相兼行使折二当三当五当十依数准算民间金银米麦布帛诸物价钱并依时真听从民使若阻滞不即行使者杖六十○其民军之家除镜子军器及寺观庵院锤磬铙钹外其余应有废铜并听赴官中卖每斤给价铜钱一百五十文若私相买卖及收匿在家不赴官中卖者各笞四十

纂注钱法即古铜钱鼓煽铸造也谓铸时煽炽其火故曰鼓铸折二即当二不言当者因旧号也钱有大小故有折二当三当五当十之名按武初令户部及各行省铸洪武等钱有当十钱重一两当五钱重五钱当三当二各如其数小钱重一钱凡五等依数准算谓以一个当十个之类中卖亦系本处官司给价与盐法不同此见我朝设局铸钱与历代之钱相兼行使其钱有折二当三当五当十等样各依所当之数准算凡民间买卖物货价钱依其时所值之价听从民便欲其流通而不滞也若有人或高抬其价或低估其直使物价不得其平则钱法阻滞不能通行矣故杖六十废铜乃铸钱之所用故民间除合用器且外其余应有废铜听赴官中卖计数给价若有私相买卖及收藏在家不行赴官中卖者各笞四十此与钞法皆以阜财足用而列钞法于前者钱法相沿于历代而钞法首于我

朝故特先之遵时制也

收粮违限

凡收夏税于五月十五日开仓七月终齐足秋粮十月初一日开仓十二月终齐足如早收去处预先收受者不拘此律若夏税违限至八月终秋粮违限至次年正月终不者其提调部粮官吏典分催里长久粮人户各以十分为率一分不足者杖六十每一分加一等罪止杖一百受财者计赃以枉从重论若违限一年之上不足者人户里杖一百迁徙提调部粮官吏典处绞

纂注夏税夏月所收小麦秋粮秋成所收粮米违限一年不足夏税自有月初一日起秋粮自次年二月初一日起又违限二百六十日如名例称年之谓也此不必以分数计虽久一石亦坐绞迁徙说见前此言夏税秋粮其开仓齐足各有一定之限除早收去处预先收受不拘若有违过限期而不完足者在部粮提调官吏分催里长则为玩弛久粮人户则为奸顽各以十分为率一分不足者杖八十每一分加一等罪止杖一百官吏以一州县计里长以一里计人户以所该纳之数计故曰各以十分率若官吏里长受财而故

纵其拖久者各计其入已赃以枉法从重论轻则仍从本条若违限至一年以上不足欠粮人户本管里长各杖一百迁徙提调部粮官吏处绞秋决曰一年之上则未及一年者当以罪止律论

按迁徙处绞

国初庶务草征输为急故其法特重今承平日久藏富于民凡有违限止照例拟斩此律不复用矣

条例

一各处劫豪大户无故恃顽不纳本户秋粮五十石以上问罪监追完日发附近二百石以上发边卫俱充军如三月之内能完纳者照常发落

一各处劫豪大户敢有不行运赴官仓逼军私兑者比照不纳秋粮事例问拟充军如掌印管粮官不即申达区处纵容迟悞一百石以上提问住俸一年二百石以上者提问降二级三百石以上者比照罢软事例罢黜

多收税粮斛面

凡各仓收受税粮听令纳户亲自行槩平斛交收作数支销依令准除折耗若仓官斗级不令纳户行槩踢斛淋尖多收斛面者杖六十若以附余粮数计赃重者坐赃论罪止杖一百提调官吏知而不举与同罪不知者不坐

纂注槩者平斛之依令依大明也令云每米一石除耗米七合谓正数之外多加以防折耗也踢斛使其实淋尖使其满也附余粮数即所多收之粮积出羨余也此条因主守收受粮有虑恐折耗而取盈于斛面者故特立此法听令纳户亲自行槩平斛交收将斛内之数收入仓廩作数支销仍依令于正额之外每石耗七合准除入官以为亏折之备曰亲自行槩则不亏纳户矣曰准除折耗则于累监守矣若仓官斗级不令纳户亲自行槩踢斛淋尖多收斛面米粮在者各杖六十若以多收之粮积出附余之数计赃重于杖六十者照刑律坐赃论罪止杖一百不加重者以虽多收而未曾入已也提调官吏知其多收而觉举者与仓官斗级同罪不知者不坐其附余粮数有主给无主入官另项作正文销仓官斗级入已者以盗监守自盗论

按仓粮守支年久势必耗折故近例每年每石准开耗一升可谓计处停矣但令查盘鲜有照例开者甚月因其耗折而坐以侵盗輒拟永远充军者例昔以其耗而开之今以其耗而罪之民安得无冤也哉

条例

一在京在外并各边一应收放粮草去处若职官子弟积年光棍跟子买头小脚歇家跟官伴当人等三五成群夺筹斛占堆行槩等项打搅仓场及欺凌官攒或挟诈运纳军民财物者杖罪以下于本处仓场门首枷号一个号属军卫者发边卫属有司者发附近俱充军干系外官员奏

请定夺

一各处仓粮每石收耗米三升查盘之时计守支年分每年每石准开耗一升若三年之外原收耗粮已减尽例于正粮内递开一升准作耗粮此若有侵盗者方照律例问罪
隐匿费用税粮课物

凡送本户应纳税粮课物及应入官之物而隐匿费用不纳或诈作损失欺妄官司者并计所亏久物数准窃盗论免刺其部运部官吏知情与同罪不知者不坐

纂注课物如蚕丝铜铁之类诈作失如水火盗贼之类曰本户者以别于在官及他人之税粮也此言本户应纳税粮课物及应入官之既已给文送运必须如数完纳若隐匿在已及私自费用不行交纳或诈言水火盗贼有所损失以欺妄官司者并计其所亏久数准窃盗论免刺不以监守盗论者以其出于本户未经送官收掌且非仓起解之物也其部运官吏明知纳户隐匿费用诈妄之情而纵容不举别无受赃情由者并与犯人同罪系公罪名还职役不知者不坐若受财故纵者以枉法从重论罢黜不叙又不止于同罪而已

备考

一解户粮长领解而侵匿者以监守自盗论小户畸零附搭而侵匿仍依此律准窃盗论揽纳税粮

凡揽纳税粮者杖六十着落仓纳足再于犯人名下追罚一半入官○若监临主守揽纳者加罪二等○其小户畸零米麦因便边数于纳人户处附纳者勿论

纂注揽纳如包揽别户税粮代其交纳以取利也犯人即揽纳者监临如提调部运官吏主守如官攒斗级人等监守不言纳足追罚者蒙上文也畸残田也畸零谓人户零丁不足以成一户如田之残缺不以成亩段也此见揽纳之弊于民未免多取于官未免后输如有犯者均属有罪但犯在凡民不过规取微利故止杖六十犯在监守何以禁察下人故加罪二等皆令人原揽税粮赴仓交足仍于各犯名照原纳米数追罚一半入官若正管小户及附搭畸零该纳米麦因便边数于纳粮人户处附纳者勿论盖在彼劫不能以亲边在此事不同包揽故也

备考

一将钱粮包与他人者问不应杖罪

条例

一各处司府州县每岁将解钱粮起数先后编次在册务要差委的当人员依次起解其兑头水脚等项数交领不许分毫侵克仍将起解日期预先报部以凭查催如有阿徇人情滥差积年无稽之徒及捩称把总杂职阴阳看祭等项名色领解致侵银一千两以上者降一级若应解钱粮不即起解因而别项那用一千两以上者亦降一级五千两以上者照不谨事例罢黜其册报钱粮已经解出违限一年以上不行追取批回者官住俸奉行该吏草役若听内外劫要官豪揽纳者问发民干碍劫豪参究治罪

内府钱粮及内仓场粮草并各处军需等项不拘起运存留但有包揽 骗银一百两粮二百石以上不行完纳事发问罪责限三个月以里完纳者照常发落过期不完者尽其财产倍纳发边卫充军经年不完者仍枷号一个月前发遣各边武职主使家人当跟随交给人员挟劫揽纳作弊者参问降二级听使之人仍照前例问发

一京通并马房仓场等处收受草束若兜揽之徒恃强将不堪水湿小草充数嘱托监收官员收受者受者拏送问罪枷在本处仓场门首三个月发落

新颁条例

一万历二十二年该刑部尚书赵

题为酌议条例未尽事宜恭请

圣断以正法典以永垂人事

题称今后纳税去处有权豪无稽之徒朋谋结党倚势用强措勒客商挟制官吏搅扰商税或恐吓骗客商财物者杖罪以下本处枷号二个月发落徒罪以上及再犯杖罪者免其枷号并发附近卫分充军系军卫者发边卫其包揽侵克虽无搅扰之情但系

国课者一百两以上亦发附近充其不干

国课与不及数及无搅扰之情者止计赃问罪仍枷号一月发落轻重有辨情罪合宜伏惟

勅下本部纂入条例遵行等因奉

圣旨言侵欺国课包揽税粮情罪既有轻重多寡不同其充军枷号着拟行欽此

一在京刁徒光棍访知铺行但与解户交关价银輒便邀集党类数十为群入门噪闹指为揽纳捉要送官其家畏惧罪名厚赂买减所费钱物出在解户以致钱粮累年不完如有犯者听经该及缉事衙门拿送法司查照打搅仓场事例发遣

虚出通关朱砂

凡仓库收受一应系官钱粮等物不足而监临主守通同有司提调吏虚出通关者计所虚出之数并赃皆以监守自盗论○若委官盘点钱粮数本不符同申报备者罪亦如之受财者计赃以枉法从重论○其监守不收本色折收财物虚出朱砂者亦以监守自盗论纳户知情减二等色刺元与之赃入官不知者不坐其赃还主○同僚知而不举者与犯人同罪不知及不同署文案者不坐

纂注钱粮等物如颜料金银段疋竹木柴炭之类一项完全而出给印信长单曰通关仓库逐日截收而给与朱批照票曰朱钞未足而捏作已足虚出皆字指监守及有司提调官吏谓不分首从皆坐全罪也罪亦如之亦计赃并论皆坐监守盗罪也纳户不知情谓受其欺诳或诈说有例或诈称告准而不觉其欺也原之赃即折收之物同僚知而不举上三节说此见钱粮等物皆有定数各有本色有定数者当依数收之若所纳之数本不足备而监临主守通同有司提调官吏虚出足备通关者则与盗不分首从论既言计而又言并者计则其一总虚出之数并则并其各人所分之数皆得全罪非谓但计其入已

久脏也若委官盘点钱粮数本不足而符仓库监守等人捏作完备申报上司者则与虚出通关何异亦计虚报之数并脏皆以监守盗论若委官受财而虚报者则计其入已之脏以枉法从重论所受之脏重则论以枉法所虚报之脏重则论以监守自盗其各项钱粮有者当据实收之若监守之人不本色而折收财物虚出本色朱钞瞒官作弊者亦计所虚出之数以守自盗论纳户知作弊情而听其折收者减罪二等免刺原与之脏入官者彼此俱罪不知者不坐其脏还主者矜其受诬也仍追纳本色同僚官知其虚出关符同申报折收财物等情而不觉举者与同罪至死减一等若虽同署文案不知情及不同署文案者不坐仍依失觉察条科断

按监守虚出通关兼及有司等人而虚出朱钞止罪监守者盖关有司所出必彼此通同而后得之朱钞则仓库有给故也又虚出通关亏折之数当有纳户而不言其罪者散见于隐匿费用诸条也纳户听折财物知情得减二等不知不坐者以所纳者本户钱粮非在官起解之物若系官物自依转解不运本色之律矣

条例

一凡各处巡按御史每年一次委官查盘所属地方钱粮及点闸驿递夫马等项事完之日各委官将查点过缘由并问过罪名通申巡抚知会内有与各差御史事体相关者摘申各差御史知会从一归结不必另委官查点致滋烦扰亦不许委州县正官致妨职业若各委官不悉心查点审究脏数的确但凭吏书故入人罪者听抚按官应提问者提问应参奏者奏

请提问降一级调用情重者革职闲住

附余钱粮私下补码

凡各衙门及仓库但有附余钱粮须要尽实报官明白正收作数若监临主守将增出钱粮私下销补别项事故亏折之数瞒官作弊者并计脏以监守自盗论○若内府承运库收受金帛当日交割未完者许令附簿寄库若有余剩之物本库明白立案正收开申户部作数若朦胧擅将金帛等物出外者斩守门官失于盘获搯检者杖一百

纂注附余即正数之外所积羨余如耗银耗米之类正收作数谓明白开作附余之数另项支销非谓作正数钱粮也事故亏折如安置不如法晒晾不以时不觉被盗之类将物出外兼收纳等人此见附余钱粮虽非正数均系官物故各衙门及仓库除正数之外积有多余者须明白立案正收在官作数支销若监守之人将前项增出附余私下支销补别亏折之数瞒官作弊者并计其所私补之数为脏以监守自盗不分首从论亏折之物着令均赔附余之数作正支销若内府承运库乃严密之地出入有防故纳户运送金帛等物当日交割未完者许令附簿寄库不许将出其所送金帛俱经原衙门封解之数或有剩余者法当正收作数若有朦胧擅将余剩等物出外者斩系杂犯不许脏之多寡者以事干内府故严为之禁也守门官吏失于盘获搯检者杖一百还职金帛入官私借钱粮

凡监临主守将系官钱粮等物私自借用或转借与人者虽有文字并计赃以监守自盗论其非监守之人借者以常人盗仓库钱粮论○若将自己物件抵换官物者罪亦如之纂注等物如金帛之类非下条衣服之类也文字唐律云私贷文记兼文约票批簿籍言监守借者兼自借与转借言此见系官钱粮等物监临主守之人固不得私自借用亦不得私转借与他人也若有借者与借之者并以监守自盗论其非监守之人借者以常人盗仓库钱粮论虽有文字皆不得准理夫官物借且不可而况以自己对象抵换之乎故犯在监守亦以监守自盗论犯在常人亦以常人盗官钱粮论故曰罪亦如之自己物件入官所借所换者还官

按此借钱粮与后条借官物之罪不同者盖钱粮即金银米麦之类借之犹可以原物还故其轻重如此

私借官物

凡监临主守将系官什物衣服毡褥器玩之类私自借用或转借与人及借之者各笞五十过十日各坐赃论减二等若有损失者依毁失官物律坐罪追倍

纂注损失谓损失谓坏遗失也毁失官物见弃毁稼穡等物条此见系官什物衣服毡褥器玩之类乃官府所制以充官用者若监守之人私自借用或转借与人及借之者则是以官物而私相为用矣但比钱粮不同故各笞五十此自其暂借者言之耳若过十日不送还官者则计其所借之物价为赃坐赃论罪减二等虽满贯罪止杖八十徒二年若赃不及三十贯者仍笞五十若将所借之物损坏者依弃毁官物加窃盗一等罪止杖一百流三千里遗失者依遗失官物减弃毁官物罪三等罪止杖八徒二年并验数追陪还官故曰依官物坐罪追陪按此与私借官车船等相类彼计赁钱重者坐赃加一等与此不同者盖车船为利溥可以责庸衣服诸物为利微止可计直故不同耳

那移出纳

凡各衙门收支钱粮等物已有文案勘合若监临主守不正收正支那移出纳还充官用者计赃准监守自盗论罪止杖一百流三千里免刺○若不给半印勘合擅出权帖或给勘合不立文案放古及仓不候勘合或已奉劾合不附簿放支者罪亦如之○其出征守军马经过去处行粮草料明立文案实时应付具数开申合于上司准附不在擅支之限违者杖六十

纂注文案勘合乃提调衙门将应收支各项钱粮附写文案存备照验填入勘合给与仓库监守之人照依勘合所开各项收支是谓之正收支那移出纳如那夏税作秋粮移秋粮作夏税之类还充官用谓充别项公用也权帖谓权宜给发无印之票帖也出征守二项事此言各衙门收支钱粮等物有文案以备照有勘合以行移而仓库凭之以收支正以防其奸弊也若监临主守不行依照勘合逐项正收正支而那东补西依此彼还充官司之用者虽未入已而出纳不明并计所那移之赃准监守自盗论罪止杖一百流三千里免刺若有司官吏不给勘合及不立文案而支放监临主守不候勘合及不立簿籍而

支放事非那移而弊端易起故亦如那移者拟断此皆自常时常放支者言其遇出征及守经过去处虽未奉有勘合但事属紧关许明立案实时应付将支过之数开申合于上司准数开附不在候勘合之限若有违背此律不实时应付者杖六十此又一时变通之权不可以常律拘也

库秤雇役侵欺

凡仓库务场局院库秤斗级若雇役之人侵欺借贷移易系官钱粮并以监守自盗论若雇主同情分赃物者罪亦如之其知情不曾分赃而符同申报瞒官及不首告者减一等罪止杖一百不知者不坐

纂注收粮曰仓收财曰库税物曰务即都税司等衙门积物曰场如草场盐场之类局如织染等局如文思等院移易谓移此易彼即抵换也与那移还充官用不同减一等自五贯以下言之五贯以上虽四十贯亦直坐杖一百也此承上数条侵欺借贷移易止着本役之罪此则以受雇代当者言之见仓库务场局院皆钱粮出入之所而收物之库子秤物之秤子收粮之斗级皆见主守之役雇役之人既受直以主守其事即与正役同若有侵欺或借贷或移易系官钱粮者盗也并计所侵欺等项之赃以监守自盗论若雇主与受雇之人同情分赃者是同盗也亦以监守自盗论若虽知情不曾分赃而与受雇之人符同申报知情不曾分赃而与受雇之人符同申报欺瞒官司及不行首告者是纵盗也减雇一等罪止杖一百不知情者不坐

冒支军粮

凡管军官吏总旗小旗冒支军粮入已者计赃准窃盗论免刺

纂注管军吏总小旗自本管所部者言冒支谓妄冒其名以支粮入已此见军见在卫月粮乃其应得之物若管军官吏总小旗顶名而冒支入已者乃取之于军非取之官也故止计其赃准窃盗论免刺若军已逝故不行扣附而冒支入已者则以常人盗官粮科断备考

一旗军公差或操备及见在营而军官克落月粮等项以官物当给付与人若有侵欺者以监守自盗论

一冒关内府赏赐比此律加一等

新颁条例

一刑部为查发侵饷大奸谨请

门旨处分以清积弊警将来事准都察院咨该总督蓟辽保右都御史兼兵部右侍郎张国彦等会题内参广宁左卫丁兵备道书辨徐仲魁杨翁宗善与管粮卫门并各营哨掌粮写字王国用牟占见等侵欺官军俸钞粮赏马匹料草等项银缘由附仲魁等问拟监守自盗库钱因十贯并赃二百两以上照例真犯斩罪翁善等永远充军议称今后有犯该监守自盗之条者该营将领千把总等官一体坐罪其侵冒之多寡情罪之重轻临时奏

请定夺因奉

圣旨都察院知道钦此该本院看得今后凡将领官虽不得轻发钱粮而造册请支俱由该管千总把总业操等官开造如有冒支伺欺等弊务当一体究赃连坐增入问刑条例覆奉

圣旨徐仲魁等着监候详决翁宗善等发遣李惟萼等巡按御史提问具奏以后冒支侵欺边饷该管将领通同作弊的一体论罪妄抚总兵还会同严加查核其余俱依拟钦此钱粮互相觉察

凡仓库务场官吏攒拦库子斗级皆得互相觉察若知侵欺盗用借贷系官钱粮已出仓库匿而不举及故纵者并与犯人同罪失觉察者减三等罪止杖一百○若官吏虚立文案那出纳及虚出通关其斗级库子拦头不知者不坐

纂注仓场库务解见前攒拦税务之攒典拦头也觉察觉警糾察之意虚立文案二句只一意对虚出通关言此条亦总承诸条而申明之盖侵盗借贷系干钱粮者固各有罪而凡仓库务场之官吏各监临之摃攒拦库子斗级各有主守之责皆得彼此互相觉察若知其侵欺盗用借贷已出仓库而隐匿不觉举及知情而故纵者虽非入已亦同奸也并与侵欺等犯人同罪至死一等失觉察者有疎虞之失而无通同之情故得减犯人罪三等至二十贯五百文之上罪止杖一百若仓库务场官吏将钱粮虚立文案而那移出纳及数本不足而虚出通关以侵欺盗用借贷者则弊在官吏非攒拦等役之所得而觉也故不坐罪

仓库不觉被盗

凡有人从仓库中出守把之人不搜检者笞二十因不搜检以致盗物出仓库而不觉者减盗罪二等若夜直更之人不觉盗者减三等仓库直宿官攒斗级库子不觉盗者减五等并罪止杖一百故纵者各与盗同罪若被强盗者勿论

纂注人指常人直更之人是被盗时所直本更之人也故纵及被强盗通把守直更直宿人言此条亦指以上诸条见仓库乃钱粮之所聚门有守夜有直宿皆以防盗也故凡有人从仓库中出而把守之人不掺检者虽未盗亦为怠弛笞二十若因不掺检以至盗物出仓库而不觉者则怠甚矣减盗罪二等若夜间该直本更之人不觉盗者事在暮夜比日直为轻故各减盗罪三等其余在内直宿官攒斗级库子虽有疎虞之责但非正直本更之人故减盗罪五等把守之人至二十五贯直更之人至三十贯官攒等人至四十贯并罪止杖一百其把守直官攒等知其盗而故纵不举获者是亦盗也故与盗同罪至死减一等若被强盗劫夺者则非势力之所能禁故得勿论

按互相觉察条失觉察与此不觉被盗官吏皆系公罪完日各还职役匿不举故纵与此故纵官吏皆系私罪完日各罢职役不叙

条例

一内外官库被窃盗银至一千两以上一个月不获经该并巡捕官俱各住俸半年不获

提问被盗二三次者奏

请降调其该道分巡分守官参奏罚治不及前数者俱照常发落库子尽其财产均追偿其财产均赔偿候真赃得获照数给还若各官妄拏平人逼认盗贼陪者亦问罪降调守支钱粮及擅开官封

凡仓库官攒斗级库子役满得代所收钱粮官物并令守支尽绝若无短少方许给由其有应相合沿交割之物听提调官吏监临盘点见数不得指廩指库交割违者各杖一百○若官物有印封记其主典不请元封官司而擅开者杖六十

纂注官攒仓官攒典也官攒库斗前言役满而不言任满后言给由而不言宁家者互见也相交割之物如盘出附余钱粮犯禁不应变卖赃之类相传守掌不系经收应支之物也违者通指上二言主典兼官吏原封官司指原印封之衙门不拘于封记之原官也此亦承上诸条言钱粮关系重大凡仓库官攒斗级库子皆有主守之责虽役满得代而原日经收之钱粮并令守攸支放尽绝无有短少方许给由其有应合相沿交之物听从提调官吏盘点明白不得混指其仓某廩虚文交割者恐有欺盗用借贷那移抵换之弊主守既易互相推调故也如有违者或役满不候守支尽绝交割不听盘点见数官攒斗库各杖八十若官物原用印封记者亦防侵盗抵换等弊也其主典官吏不请原封官司阅视而擅者杖六十谓如原封衙门隔远只文移请亦是但因而有所侵欺借贷移易者自从重论

出纳官物有违

凡仓库出纳官物当出陈物而出新物应受上物而受下物之类及有司和雇和买不即给会若给价有增减不实者计所亏欠及多余之价坐赃论○若应给俸禄未及期而预给者亦如之○其监临官吏知而不举与同罪不知者不坐

纂注当出陈物而出新物如仓粮不俟物先放而出新物应受上物受下物如段疋不收坚实而收纒薄之类言凡举类以括其余也和雇买谓和同用价雇买也此自充官用者言之不实谓或增或减不如所值之实价非谓不如领状之数也亏欠多余通一节说第三节总承上二节此见仓库出纳官物自有额例及有司和雇器具工役和买对象当依实价若当出陈物而出新物及雇买不即给价或给价增不以实者各有多余之利当受上物而受下及雇买不即给价或给价或给价减不实各有亏欠之利计所亏欠所多余之价坐赃论以钱粮不系入已雇买非充私用轻之也若官吏人等应给俸禄各有定期以月给者须在本月之内以季给者须在本字之内若未及期而预给亦为有违亦如上季多余之数坐赃论罪其监临之主守官物出纳有违俸禄先期预给有司雇买于民而价不以实故纵而不行举究者各与犯人同罪不知者不坐其所出所受之钱粮并改正多余之价及预给之俸共并还官亏欠之价应还官者还官应给主者给主

条例

一官员监生吏典旗军人等关过俸粮及预支应得粮米还有事故调用等项五斗以上

失于还官者事发止问不应追粮还官五斗以下俱免追问

收支留难

凡收受支給官物其当该官无故留难刁蹬不即收支者一日笞五十每三日加一等罪止杖六十徒一年○守门人留难者罪亦如之○若领物纳物之人到先后主司不依次序收支者笞四十

纂注无故二字须重看曰无故则不中度而不收不依期而不给或别项公务冗并而不暇收给者不在此限矣此言各衙门监临主守收受及支給一应钱粮官物富该官吏无故将纳物领物之人留难刁蹬当收者不即收受当支者不即放支则守候艰难官事阻滞故计日论罪一日笞五十每三日加一等罪止杖六十徒一年若守门之人留难刁蹬不放出入者则与收支留难何异故罪亦如之若领物纳物之人到有先后而主典官司不依次序收支则搀越者众故笞四十

条例

一各处司官府州县并各钞关解到布绢钱钞等项赴部给文送甲字等库验收若有指称权贵名色措勒解户诬诈财物者听巡视库藏科道官及该部委官拏送法司究问不分军民匠役俱发边卫充军干碍内外官员一体参奏处治

起解金银足色

凡收受诸色课程变卖货物起解金银须要色如成色不及分数提调官吏人匠各笞四十着落均陪还官

注纂诸色课程变卖货物二句平说起解句总承上言足色足十分之色不及分数谓不及十分之数也人匠指煎销估计之人此言各衙门收受商税诸色课程及变卖入官职罚等项货物起解金银须要足色如成色不及十分之数者则下多侵欺而官无实用故提调官吏人匠各笞四十仍令均陪补足所亏之数还官

损坏仓库财物

凡仓库及积聚财物主守之人安置不如法晒晾不以时致有损坏者计所损坏之物坐赃论著落均陪还官○延烧盗贼劫夺事出不测而有损失者委官勘覆实迹明白免罪不陪其监临主守若将侵欺借贷那移之数乘其水火盗贼虚捏文案及扣换交单籍册申报官者并计赃以监守自盗论同僚知而不举者与同罪不知者不坐

纂注主守指攒拦库斗等人不承监临者以看守之责非所亲也我火延烧谓他处失火而延及之若仓库失火自有本扣算也扣换交单籍册谓折算钱粮分数改换单册将侵欺等项作损失也此见仓库及各处积聚财物防护之责全在主守若安置不如法晒景不以时致有损坏者是为怠玩故计所损坏之物价坐赃论罪均陪还官若卒遇水火盗劫事出不测则非其所能防也委官勘实免坐不陪其监临主守将侵欺借贷那移之数乘水火盗贼之机虚捏文案及扣换交单籍册申报官者既已作弊复图脱罪致故以监守自盗论若同僚官知其虚捏换作弊之情而不觉举者与同罪不知者不坐不觉举不

及守者以虚捏文案等乃官吏所掌非斗级等人所能与也

按以监守自盗论惟虚出通关言并赃余条止言计赃者盖监守通同提调吏明言并赃以见罪非一人也若补借那移虚捏等项则事或出于一人止言赃设有同犯者依监守自盗不首从律并赃科罪用者当以意之耳

备考

一仓库内失火延烧系官财物依律论失火罪追陪及窃盗原非劫夺者仍依不觉被盗论

转解官物

凡各处微收钱帛买办军需成造军器等物所在州县交收县交收差有职役人员陆续类解本府若本府不即交收差人转解勒令人户就解布政司者当该提调正官首领官吏典各杖八十若布政司不即交收勒令各府就解部者首领官令典罪亦如之○其起运官物长押官及解物人安置不如法致有损失者计所损失之物坐赃论著落均陪还官若船行卒遇风浪及火延烧或盗贼劫夺事出不测而有有损失者申告所在官司委官保勘覆实迹明白免罪不陪若大侵欺计赃以监守自盗论○若起运物不运本色而輒赍财货于所纳去处收买纳官者亦计赃以监守自盗论

纂注钱帛如钱钞金银绢段布疋之类军需如胖袄裤鞋之类军器如弓箭弦纆之类若有所侵欺句或因管解在手或因上项损失之故皆是此见各处民间微收钱粮买办事需成造军器等物其人户各于亲管州县交割收受州县差有职役人员陆续解府府解布政司司解部所以便人情均劳逸也若本府不即与交收而勒令州县原解就解布政司者是委其劳于州县而重累之也故当该提调正官及首领官吏典各杖八十曰各者不在以为首递减之例也若布政司不即交收而勒令该府原解就解部者是委其劳于府而重累之也故首领官令吏典吏罪亦如府官吏各杖八十此皆以暂时差遗者言若原行定长解人户不用此律其起运官物所差长押官及解物人不如法安置致将对象损坏遗失者计所损失之物价坐赃论著令均陪还官若遇水火盗劫事出不测而有损失者则非力之所能及也故听令申告所在官司保勘覆实免罪不陪若有所侵欺者并计赃以监守自盗论若解物之人不运本色而輒赍财货于所纳去处收买纳官者是以官钱易私货而图取盈余之利与侵欺者同故曰亦计赃以监守自盗论论此说本辩疑说对得亦字切当疏议较泛

条例

一漕运把总指挥千百户等官索要运军常例及指以供办等费为由科索并扣附行月粮与船料等项值银三千两以上者问罪立功五年满日降一级带俸差操如未及三千两者此照常科断其跟官书算人等指称使用科索军人财物入已赃至二十两已上发边卫充军

一凡漕运官军敢有水次折干及中途棗卖以玫抵坝起久及临仓挂久者即系侵欺除

正犯查照律例问拟外其余官旗仍各总计名下久数总小旗久一百石问发哨瞭百户镇抚欠二百五十石千户欠五百石指挥及千户等官全帮领运者欠一千石把总官欠三千石俱问罪降一级发原卫所带俸差操有能临时设法买补完足止坐折卖正犯各官旗免罪其虽不系侵盗但有亏折俱照前例拟断若总欠数多及粗恶不堪至三万石以上总督总兵等官另行奏

请定夺

一京通仓完粮违限三个月者把总官以下罚俸半年五个月者罚俸一年蓟州昌密各仓完粮违限者照递减一等止行各该卫所罚俸免其提问违至次年二月终限者俱问罪降级若又挂久数多把总名下三千石或银一千五百两以上指挥名下及千户等官全帮领运者一千石银五百两以上千户五百石银二百五十两以上百户镇抚等官二百五十石银一百二十两以上仍于违限上递降一级每一倍加一等把总指挥千户降至总旗而止百户降至小旗而止不及前数者照常发落有能掌年补完者通免降级如愿下年领运至京补完许奏复原职仍以十分为率能完五以上者准复原降一级三年之内尽数补完准奏复原职其一应提问官旗各省及直隶江南分行各该巡按御史南京并江北卫分行漕运衙门各就近提问便结

一漕运把总指挥千百户等官如有漂流数多把总三千石指挥及千户等官全帮领运者一千石千户五百石百户镇抚二百五十石俱问罪于见在职级上降一级有能自备银两不费别军羨余当年处补完足者免其问降若愿随下年粮运补完亦准复职止完一半准复一级三千内尽数补充完亦准复原职

一卫所官完粮后备造支销数目呈报稽考若看造报不明及侵欺靠损情弊许军指实首告各查照律例从重问拟把总官失于觉察问治罪

一漕运官军如有水次折干沿途盗卖自度粮米短少故将船放失漂流及虽系漂流损失不多乘机侵匿捏作全数贿嘱有司官吏扶同奏勘者前后帮船及地居民有能觉察告首督运官司查实给赏轻赍轻银十两官军不分赃数多少俱照例发边卫永远充军有司官吏从重问拟仍行原卫所将失事之人家产变卖抵偿不许轻扣别军月粮以长奸恶前后帮船知而不举一体连坐仍于正犯所欠钱粮内责令帮陪十分之三

一漕运米漂流万石以上漕运都御史总兵官听科道官糾劾该部具奏

定夺三千石已上提问把总官不及数者止提问本管官旗各该巡抚亦有漕司之责系本境内漂失数多者照漕司事例一体参究出境不必槩及

拟断赃罚不当

凡拟断赃罚财物应入官而给主及应给主而入官者坐赃论罪止杖一百

纂注拟断赃罚如彼此俱罪之赃又犯禁之物入官取与不和用琼森事逼取求索之赃应给主名例给没赃物条备矣若各衙门问刑官拟断一应赃罚财物应入官而给主是谓亏官应给主而入官是谓亏民故各计所给所入之物价坐赃论至八十贯之上罪止

杖一百以事由于错财非入已故恕之也

守掌在官财物

凡官物当应给付与人已出仓库而未给付若私物当供官用已送官而未入仓库但有人守掌在官若有侵欺借贷者并计赃以监守自盗论

纂注二物字所包者广守掌在官四字要重看此指暂时之主守言盖官物已出而未行给付有人守当犹官物也私已输而未曾收入有人掌即官物也若守掌之人侵欺借贷者并计赃以监守自盗论非守当之人借者以常人盗仓库钱粮论其物各还官给主

条例

一各处卫所管军头目人等关出粮料布花等物若指以公用为由因而扣减入已粮料至一百石大布棉花钱帛等物值银三十两以上者问罪追赃完日军职发立五年满日降一级带俸差操旗军人等枷号一个月发极边墩台守哨五年满日踈放

隐瞒入官家产

凡抄没人口财产除谋反谋叛及奸党在十恶依律抄没其余有犯律不该载者妻子财产不在抄没入官之限违者依故入人流罪论○若抄札入官家产而隐瞒人口不报者计口以隐漏丁口论若隐田土者计田欺隐田粮论若隐瞒财物房屋孳畜者坐赃论各罪止杖一百所隐人口财产并入官罪坐供报之人○若里长同情隐瞒及该官吏知情者并与同罪计所隐赃重者坐赃论全科○受财者计赃以枉法各从重论失觉举者减三等罪止答五十

纂注家产即上人口田土财物供报之人即当抄之人也怀科谓依坐赃律照赃全科其罪赃承里长官吏言此见抄没人口财产惩恶之极典惟反叛奸党系干十恶故尽法惩之其余有犯不该载者而擅拟抄没非意也以故入人流罪论杖一百流三千里若律该抄没人家产而供报之人隐瞒人口不报者计口以隐瞒丁口论一口至三口杖六十若隐瞒财产者以欺隐田粮论一亩至五亩答四十隐瞒财产房屋孳畜坐赃论一贯以下答二十各罪止杖一百止坐供报之人所隐之人不坐人口财产入官若里长与供报之人同其隐瞒之情及当该官吏知其隐瞒之情者并与供报之人同罪计所隐赃重者坐赃论于杖一百之上计赃逐节全科罪止杖一百徒三年若里长官吏受财而为之隐瞒者则计其所得之赃重于杖一百及坐赃全科以枉法之重罪论分有禄无禄若赃轻者仍从杖一百及坐赃全科故曰各从重论失觉举者既不受赃又不同情故减供报之人罪三等本犯罪虽加重而失觉之人止于答五十矜其情而恕之也

按刑律故入条未决听减一等则此抄没未入官者亦减一等可知报之人止以坐赃论而加重者以其所隐瞒者自家之丁口财产也

大明律集解附例卷之八

户律

课程

盐法 一十二条

凡犯私盐者杖一百徒三年若有军器者加一等诬指平人者加三等拒捕者斩盐货车船头匹并入官引领牙人及窝藏寄顿者杖九十徒二年半挑担驮载者杖八十徒二年非应捕人告获者就将所获私盐给付告人充赏有能自首者免罪一体给赏

○若事发止理见获人盐当该官司不许展转攀指违者以故入人罪论谓如人盐同获止理见发有确货无犯人者其盐没官不须追究

纂注客商中买有引者曰官盐无引而私自贩卖者曰私盐诬指平人承上文犯私盐有军器二项言引领是指路人引领牙人窝藏寄顿四项人也注云确货谓见获的确之盐货也盖盐课之利

国家赖以足边若私盐行则官盐阻故凡军民有犯私盐者不论盐之多寡俱杖一百徒三年若带有军器随行者加一等恐其有拒捕之意因被获而诬指平人同犯者加三等恶其有害人之心若因追捕而抗拒所捕之人者则其拒敌之情为重故坐以斩以上犯人所贩盐货及驮载之车船头匹并没入官其原引领私贩之人与牙侩人及窝藏寄顿者即是同谋故俱杖九十徒二年半若受雇而为其挑担驮载者未免为从恶故杖八十徒二年若非应捕人役告发而能捕送官者就将所获私盐给捕告获之人充赏若同犯之中及引领等项之人有能自首者免其本罪仍依告获人一体给赏至若私盐事发当该官司止许据见获人盐问理不许听其展转攀指违者官吏以故入人罪论夫告获自首者赏之所以开捕首之门而私贩者庶乎可戢展转攀指者禁之所以防滥及之害而平人不至被诬矣

按名例律云凡犯罪未发而自首者免其罪犹征工赃此云一体给赏何也盖名例就本犯自首者言此就数人有犯而有一人首或因连累致罪如引领以下之人首者而言故盐货一体给赏耳若一人自犯而自首则免罪足矣又何赏之有

凡盐场灶丁人等除正额盐外夹带余盐出场及私煎货卖者同私盐法百夫长知情故纵及通同货卖者与犯人同罪

纂注灶丁者灶户煎盐之人丁也正额盐是灶丁每日所办盐课有额设正数也百夫长如总催头目之类管领灶丁者也货卖承夹带私煎二者而言盖夹带私煎均于盐法有阻故凡各处盐场其灶户盐丁人等除应办本场额设正数课盐外其余剩之盐如有夹带出场及私自煎烧因而货卖者同私盐法坐罪杖一百徒三年若百夫长则有掌管办盐之责者如知灶丁人等夹带私煎之情而故行纵容及与其通同私自货卖与犯人同罪亦依私盐法论夫夹带私煎之法严则与贩者无夤缘之门而私盐自少矣

凡妇人有犯私盐若夫在家或子知情罪坐夫男虽有夫而远出或有子幼弱罪坐本妇纂注曰夫在家虽不知情者亦坐曰子知情则不知者不坐矣幼弱谓十五岁以下者夫远出则势不容于有待子幼弱不可以言知情故罪坐本妇

凡买食私盐者杖一百因而货卖者杖一百徒三年

纂注买食私盐谓知其为私盐买而食用者故杖一百若因买食而转行货卖求刑者则与私贩之情同故杖一百徒三年

凡守御官司及盐运司巡检司巡获私盐即发有司归勘各衙门不许擅问若有司官吏通同脱放者与犯人同罪受财者计赃以枉法从重论

纂注守御官司谓各卫所守御地方之官司也有司谓府州县及问刑衙门即前条官司也各衙门指守御官司盐运司巡检司而言通同脱放谓通同守御等官脱放也此言各行盐地方凡守御官司及盐运司巡检司皆有巡捕私盐之责者若巡获私盐即将人盐发所在官司归结勘问守御等各衙门不许擅自问理此盖一以防其妄拿一以防其脱放也若既送有司归结而有司官吏通同原获衙门脱放盐犯者与犯人同罪各杖一百徒三年若脱放出于受财者计其入已之赃以枉法从其罪之重者论夫上文既云不许展转扳指恐有司缘此以行其私故又严脱放之律也

备考

一各衙门巡获私盐不发有司归勘而擅问者以违制论

凡守御官司及有司巡检司设法差人于槩管地面并附场紧关去处常川巡禁私盐若有透漏者关津把截官及所委巡盐人员初犯笞四十再犯笞五十三犯杖六十并附过还职若知情故纵及容令军兵随同贩卖者与犯人同罪受财者计赃以枉法从重论

○其巡获私盐入已不解官者杖一百徒三年若装诬平人者加三等

纂注透漏谓紧关透漏私盐外出也所委人员即守御等衙门所差委者如巡捕官兵之类知情故纵以下俱指把截官及所差人员而言装诬平人指巡盐者言与前所谓诬指者不同此言私盐之徒踪迹诡秘而巡禁之法不可不严凡守御官司及有司巡检司各当设法差人于境内一槩所管地面并附近盐场紧关去处常川往来巡禁私盐不许透漏若有透漏出外者其关津原设把截之官及守御等衙门所差委巡盐人员初犯笞四十再犯笞五十三犯杖六十并附写过名各还原职然不言四犯以上罪止杖六十也必曰附过还职明其为公罪也此自不知情者言之耳若把截与所委各官知有透漏之情而故纵出外及容令应捕军人弓兵随同私商贩卖者俱与私盐犯人同罪各杖一百徒三年此自未受财者言之耳若受财而故纵出外及容令同贩者则各计入已之赃以枉法从其罪之重者论其把截及巡盐人员若将巡获私盐隐匿入已不解官者是意在私盐矣故即同私盐罪杖一百徒三年若以私盐装诬平人解官者是意在害人矣故加不解官罪三等杖一百流三千里

凡军人有犯私盐本管千百户有失铃束者百户初犯笞五十再犯杖六十三犯杖七十减半给俸千户初犯笞四十再犯笞五十三犯杖六十减半给俸并附过还职若知情容纵及通同贩卖者与犯人同罪

纂注军人指守御官司部内一应军人而言不专谓应捕私盐之军故上言军兵而此言

军人故罪止及本管千百户而不言守御官司也初犯再犯三犯谓千百户所管各军彼此先后有犯非一军而三犯也此言巡禁私盐固守御官司之事若所部军人有犯则又责在本管故凡军人有犯私盐则本管千户百户止因有失铃束而别无他故者如有一次军人犯私盐而初犯百户则笞五十千户笞四十二次为再犯百户则杖六十千户笞五十三次为三犯百户则杖七十千户杖六十若至三犯则全不铃束仍将千百户应得俸钱减半支給然其俸虽减给而罪本因公故并得附过还职若千百户知军人私犯之情而故行纵容初非失于铃束及身自通同军人贩卖又非徒为知情者故即与犯人同罪各杖一百徒三年此则不准还职不待言矣

凡起运官盐每引二百斤为一袋带耗五斤经过批验所依数掣拏秤盘但有夹带余盐者同私盐法○若客盐越过批验所不经掣拏关防者杖九十押回盘验

纂注依数依引目正耗盐之斤数也掣拏谓随手掣取盐袋而掣其轻重若干若盘验则尽盘其盐而验之与掣拏互相备矣此条无非防范夹带私盐之弊盖言凡各场驮运有引官盐每引以二百斤为一袋附带耗盐五斤其经过盐课批验所照依前项每引定数掣拏秤盘如正耗数之外但有夹带余盐者同私盐法论罪杖一百徒三年若客商将官盐越过批验所而不经官掣拏及不曾用使关防者坐杖九十仍押回盘验如盘有余盐者则自当从私盐法论矣

凡客商贩卖官盐不许盐引相离违者同私盐法○其卖盐了毕十日之内不缴退引者笞四十○若将旧引影射盐货者同私盐法

纂注缴退引谓将截过退引赴住卖官司缴纳也影射谓以此冒彼如影之相射而不真也盖官盐凭引而发卖卖毕即缴退引正所以别私贩防影射也故凡客商贩卖官盐不许盐引相离若违此而盐引相离者则官私无辩故虽官盐亦同私盐法论杖一百徒三年其卖盐了毕限十日之内缴纳退引若不缴退引者虽无影射之情亦笞四十若将不缴旧引影射见在盐货贩卖者则其盐即私故亦同私盐之法坐罪

凡起运官盐并灶户运盐上仓将带军器及不用官船起运者同私盐法

纂注此言凡各场起运官盐如今两淮盐场运纳大军食盐之类并灶户运盐上仓若有将带军器随行及不用官船起运者同私盐法论罪如不用官船者杖一百徒三年将带军器者加一等夫用官船所以防夹带禁军器所以防拒捕也

凡客商将官盐插和沙土货卖者杖八十

纂注将官盐而插和沙土货卖则图利一己之私而官盐有壅阻之弊矣故杖八十

凡将有引官盐不于拘该行盐地面发卖转于别境犯界货卖者杖一百知而买食者杖六十不知者不坐其盐入官

纂注拘该行盐地面谓盐运司各有拘定该管行盐地面也如淮盐不许过浙浙盐不许过淮之类此言行盐各有地方贩卖不许犯界所以欲通行盐课禁革奸弊也若客商将有引官盐不于拘定该卖盐之地方发卖而转于别境内犯界货卖者杖一百若别境人

知系越境之盐而买食者杖六十不知者不坐其盐并追入官则不问知情矣
按盐法诸条意以禁革私盐为主故首重犯私盐之律次言引领牙人窝藏寄顿挑担驮
载之罪所以禁诸人之容隐私盐也次言夹带私煎货卖之罪所以禁灶丁人等通同私
贩也次言脱放透漏容纵入已之罪所以禁当该官吏及应捕人之通同私贩也官盐必
经掣摺发卖不许犯界卖毕必缴退引又所以禁客商假官私贩之弊也以此立法而后
官盐之利行官盐之利行而足国便民之政在是矣至若盐运司每岁盐课各有定额客
商中买盐引各有成规又详见会典当与此相参考者也

条例

一各边召商上纳粮草若内外势要官豪家人开立诡名占窝转卖取利者俱问发边卫
充军干碍势豪参究治罪

一凡豪强盐徒聚众至十人以上撑驾大船张挂旗号擅用兵仗响器拒敌官兵若杀人
及伤三人以上者比照强盗已行得财律皆斩为首者仍梟首示众其虽拒敌不曾杀伤
人为首者依律处斩为从者俱发边卫充军若止十人以下原无兵仗遇有追捕拒敌因
而伤至二人以上者为首依律处斩下手之人比照聚众中途行夺罪人因而伤人律绞
其不曾下手者仍为从论罪若贫难军民将私盐肩挑背负易米度日者不必禁捕

一越境兴贩官司引盐至三千斤以上者问发附近卫所充军原系腹里卫所者发边卫
充军其客商收买余盐买求掣摺至三千斤以上者亦照前例发遣经过官司纵放及地
方甲邻里老知而不举各治以罪巡捕官员乘机兴贩至三千斤以上亦照前例问发

一凡两淮等处运司中盐商人必须纳过银两纸价方给引目守支若先年不曾上纳故
掣守支年久等项捏词奏扰者依律问罪仍照各处盐场无籍之徒把持诈害事例发遣
一凡伪造盐引印信贿嘱运司吏书人等将已故并远年商人名籍中盐来历填写在引
转卖胁骗财物为首者依律处斩外其为从并经纪牙行店户运司吏书一应知情人等
但计赃满贯者不拘曾否支盐出场俱发边卫充军

一各盐运司总催名下该管盐课纳完者方许照名填给通关若总催买嘱官吏并覆盘
委官指仓指囤扶同作弊者俱问发边卫充军

一各处盐场无籍之徒号称长布衫赶船虎光棍好汉等项名色把持官府诈害客商犯
该徒罪以上及再犯杖罪以下者俱发边卫充军

盐临势要中盐

凡监临官吏诡名及权势之人中纳钱粮请买盐引勘合侵夺民利者杖一百徒三年盐
货入官

纂注监临官吏谓监临盐法之官吏如布政司盐运司盐课司官吏之类诡名谓不以已
名而诡捏伪名也盖盐所以通商乃民之利也若监临官吏托以诡名及权要势豪之人
各中纳钱粮请买户部盐引勘合则盐利归于此辈而在民之利必微尤其是侵夺民利也

各杖一百徒三年其中买之盐货入官若夫追缴盐引勘合又不言可知矣

备考

一中盐官吏照行止有亏事例具奏定夺

阻坏盐法

凡客商中买盐引勘合不亲赴场支盐中途增价转卖阻坏盐法者买主卖主各杖八十牙保减一等盐货价钱并入官其铺户转买拆卖者不用此律

纂注凡客商中买盐引勘合必亲赴场支盐庶乎首尾相知难于作弊此盐法之定制也若不亲赴场支盐而于中途增添原买之价转卖与人支盐阻抑壤乱盐法者买主卖主各杖八十牙保人减一等所支盐货与原卖价银并追入官其铺户转买客商支出官盐零拆货卖者既于盐法无妨故亦不用此律

私茶

凡犯私茶者同私盐法论罪如将已批验截角退引入山影射照茶者以私茶论

纂注既曰同私盐法则有犯者须尽如私盐之律科断也凡客商贩卖茶货必依例中买茶引照引货卖方为官茶引已经官验过截角即为退引例当缴官不许重冒照茶此行茶一定之法也若有犯兴贩无引私茶者同私盐法论罪杖一百徒三年茶货车船头匹并须入官如有将已经批验所验过截角退引不赴官告缴而入山影射照茶者即系私茶故以私茶论罪盖茶货之利与盐货同故茶法之禁亦与盐法同也

条例

一成化十八年闰八月二十九日节该钦奉

宪宗皇帝圣旨私茶有兴贩夹带五百斤的照见行私盐例押发充军钦此

一凡兴贩私茶潜住边境与番夷交易及在腹里贩卖与进

贡回还夷人者不拘斤数连知情歇家牙保俱发烟障地面充军其在西宁甘肃河州洮州四川雅州贩卖者虽不入番一百斤以上发附近三百斤以上发边卫各充军不及前数者依律拟断仍枷号两个月军官将官纵容弟男子侄家人军伴人等兴贩及守备把关巡捕等官知情故纵者各降一级原卫所带俸差操失觉察者照常发落若守备把关巡捕等官自行兴贩私茶通番者发边卫在西宁甘肃洮河雅州贩卖至三百斤以上者发附近各充军

一陕西洮州河州西宁等处行茶地方但有冒顶番名将老弱不堪马二匹以上中纳支茶者官军调别处极边卫分带俸食粮差操民并舍余人等发附近卫分充军冒支茶斤俱入官参将抚夷等官本身并纵容弟男子侄家人军伴人等冒中二匹以上者一体问调边卫带俸差操医兽通事土民人等通同作弊者枷号一个月发落

一做造假茶五百斤以上者本商并转卖之人俱问发附近原系腹里卫所者发边卫各充军店户窝顿一千斤以上亦照例发遣不及前数者问罪照常发落

私矾

凡私煎矾货卖者同私盐法论罪

纂注私煎谓不系烧矾窑厂及新开山烧矾而不报官办课者皆是同私盐法解见私茶条凡各处煎矾所在皆有额设矾课系官主典给有文凭执照然后许卖若有私自煎出货卖者同私盐法论罪杖一百徒三年盖矾利虽微务隶于官若听私煎则不惟亏国之课程而必起民之争夺故设此律以禁之按会典洪武三年令庐州府黄 昆山安庆府桐城县岁办矾课二十七万七千七百斤每三斤为一引官给工本钱一百五十文此矾课之所由设也

匿税

凡客商匿税及卖酒醋之家不纳课程者笞五十物货酒醋一半入官于入官物内以十分为率三分付告人充赏务官攢拦自获者不赏入门不吊引同匿税法其造酒醋自用者不在此限○若买头匹不税契者罪亦如之仍于买主名下追征价钱一半入官纂注吊者至也此指乃照物投税之引帖旧制府州县城门外各置引帖凡客商货物入城先吊引帖为照然后投税验引收钞入门不吊引谓货物已入城门而引帖不至即引不相随之意盖商税酒榷国课所系若客商隐匿货物而不投税及造卖酒醋之家而不纳应办课程二者均于国课有亏故并笞五十仍将货物酒醋各罚一半入官若系他人告获者则于入官物内以十分为率将三分给付告人充赏若系务官攢拦自获者不赏如有客商将货物已入城门而不吊至原照物投税之引帖恐其漏税之货故同匿税法其造酒醋自用者原无求利之心故不在纳课之限若买头匹而不税契亦系欺官故坐罪亦如匿税之律但头匹非货物可比故追征价钱一半入官

条例

一在京在外税课司局批验茶引所但系纳税去处省令客商人等自纳若权豪无籍之徒结党把持拦截生事搅扰商税者徒罪以上枷号二个月发附近充军杖罪以下照前枷号发落

舶商匿卖

凡泛海客商船舶到岸即将物货尽实报官抽分若停塌沿港土商牙侩之家不报者杖一百虽供报而不尽者罪亦如之物货并入官停藏之人同罪告获者官给赏银二十两纂注海中大船曰舶船抽分即其货物十分而取其一也牙侩牙保会合之人也货物并入官并字指不报及报而不尽者停藏之人承上土商牙侩之家而言凡泛海客商但有舶船到岸即将船中物货尽数从实报官依数抽分然后给照听其货卖若有私自停塌沿港接卖土商及牙侩之家而不报官者杖一百或虽供报到官而有隐漏不尽者罪亦如之其不报不尽之物货并追入官土商牙侩停藏者与犯人同罪若有人告获者官给赏银二十两此条专为舶商匿货者而设盖舶商之利大故其匿货之罪浮于匿税若余商之匿货则当从匿税之条耳然今将船下海通番者有例禁之又慎重海防之意也

人户亏兑课程

凡民间周岁额办茶盐商税诸色课程年终不纳齐足者计不足之数以十分为率一分答四十每一分加一等罪止杖八十追课纳官○若茶盐运司盐场茶局及税务河泊所等宜不行用心办课年终比附上年课额亏兑者亦以十分论一分答五十每一分加一等罪止杖一百所亏课程着落追补还官○若有隐瞒侵欺借用者并计赃以监守自盗论

纂注国初有茶运司以后裁革故此律称茶盐运司也以十分为率以本户该纳之额数言亦以十分论以茶盐运司等官所管之本总数言亏兑亏欠兑缺也着落追补还官止着落亏课之官吏非有及于人户也盖前项人户之亏课者已言追课纳官此则因官不用心办课而言耳于人户果何与哉此条言民间茶盐商税及诸色课程如银两渔课之类每周岁各有定额该办之数在人户所当依期完纳在官府所当用心催征者也若人户于一年已终其一应该纳课程而不交纳齐足者就其该纳之数计所不足之数以十分为率如一分不足者答四十每一分加一等至五分之上罪止杖八十所不足之数追征还官此亏课之罪在民不得不于民追纳耳若茶盐运司盐场茶局及税务河泊所等官其有不行用心催办诸色课程以至年终比附上年所征课额亏允者就其额办之数计所亏允之数亦以十分为率亏一分者答五十每一分加一等至六分之上罪止杖一百所亏课程着落各官追捕还官此亏课之罪在官不得不于官追补耳若前项衙门各官将人户已纳在官课程隐瞒不附簿籍因而侵欺入已或私自借用者并计赃以监守自盗论罪如此则侵盗之源可杜而国课常盈矣

卷八终

大明律集解附例卷之九

户律

钱债

违禁取利

凡私放钱债及典当财物每月取利并不得过三分年月虽多不过一本一利违者答四十以余利计赃重者坐赃论罪止杖一百○若监临官吏于所部内举放钱债典当财物者杖八十违禁取利以余利计赃重者依不枉法论○并追余利给主○其负欠私债违约不还者五贯以上违三月答一十每一月加一等罪止答四十五贯以上违三月答二十每一月加一等罪止答五十二百五十贯以上违三月答三十每一月加一等罪止杖六十并追本利给主○若豪势之人不告官司以私债强夺去人孳畜产业者杖八十若估价过本利者计多余之物坐赃论依数追还○若准折人妻妾子女者杖一百强夺者加二等因而奸占妇女者绞人口给亲私债免追

纂注月利三分如一百贯月取其利三贯也不过一本一利如借本一百贯其取利亦不得过一百贯违禁取利即违此禁限余利即应得本利之外所多取者依不枉法论依即以字之义亦与真犯同也并追余利给主总承上文言违三月违原约日至三月也因而

奸占专指强夺者若准折而奸占即从和论人口给亲二句通承准折强夺而言此条文放债典当本所以相济若取利无禁实所以相病矣故凡民间私放钱债及典当财物每月取利并不得过三分所积年月虽多亦不得过一本一利如有违此而取利三分以上及利钱过于本钱者如多取二十贯以下则笞四十若计所多取余利为赃其罪重于笞四十者则坐赃论如三十贯笞五十每十贯加一等至八十贯之上罪止杖一百若监临官吏于所部内举放钱债典当财物与部民而收取其利者虽未违禁即杖八十若违禁而多取其利者亦计所余之利为赃其罪有重于杖八十者则依受不枉法赃论罪以上庶民官吏凡有违柰而取利者并追余利给主其负私债有故违期约不还者各以负欠多寡计月科罪如五贯以上者违三月笞一十每一月加一等至半年之上罪止笞四十五贯以上者违三月笞二十每一月加一等至半年之上罪止笞五十二百五十贯以上者违三月笞三十每一月加一等至半年之上罪止杖六十其放债之应得本利并追给主夫言违三月者有罪则未及三月者当勿论耳若豪强势要之人因其违约不还不告官司而强夺欠债之人孳畜产业者估价虽未过本利亦杖八十若估价过其本利者计所多余之物坐赃论如多余七十贯则杖九十至五百贯之上罪止杖一百徒三年仍依所多余之数追物还主夫不言准折畜产之罪以两相情愿则从民便耳若因欠私债而将人之妻妾子女准折抵还者杖八十若欠债之人不愿准折而强夺之者加准折罪二等若因强夺而奸占其妇女者绞其准折强夺人口给亲完聚原欠私债免追谨详此条于举放私债典当财物者则严重其典刑于负欠私债违约不还者则宽假其月日盖以放债多豪强之弊而负债有不得已之情故此则抑强扶弱又设律深远之意也

条例

一凡势豪举放私债交通运粮官挟势擅拿官军绑打凌辱强将官粮准还私债者问罪属军卫者发边卫充军属有司者发口外为民运粮官参究治罪

一听选官吏监生人等借债与债主及保人同赴任所取偿至五十两以上者借者革职债主及保人各枷号一个月发落债追入官

一凡举放钱债买嘱各卫委官擅将欠债军官军人俸粮银物领去者问拟诈欺委官问拟受财听嘱罪名

一两京兵部并在外巡抚巡按按察司官点视各卫所印信如有军职将印当钱使用者参问带俸差操执当之人问罪枷号一个月债追入官

一内外放债之家不分文约久近系在京住坐军匠人等揭借者止许于原借之人名下索取不许赴原籍逼扰如有执当印信关单勘合等项公文者提问债追入官

一凡负欠私债两京不赴法司而赴别衙门在外不赴军卫有司而越赴巡抚巡按三司官处各告理及輒具本状奏诉者俱问罪立案不行若两京别衙门听从施行者 一体参究私债不追

费用受寄财产

凡受寄人财物畜产而輒费用者坐赃论减一等诈言死失者准窃盗论减一等并追物还主其被水火盗贼费失及畜产病死有显迹者勿论

纂注并追物还主承輒费用及诈言死失二项言盖受寄他人财物畜产而輒擅费用者犹有倍偿之心故坐赃论减一等如坐赃一贯以下者笞二十减一等则笞一十至五百贯之上罪止杖九十徒二年半若诈言死失者则有欺骗之意故准窃盗论一等如窃盗一贯以下者杖六十减一等则笞五十至一百贯之上罪止杖一百徒三年然不问輒费用与诈言死失并追原寄之物还主其受寄者若被水火盗贼费失及畜产病死各有显迹可据者皆勿论固不坐罪亦免追偿

备考

一若受寄财物而骗赖不认者以诬骗律论

条例

一亲属费用受寄财物并与凡人一体科罪追物还主不必论服制递减

得遗失物

凡得遗失之物限五日内送官官物还官私物召人识认于内一半给与得物人充赏一半给还失物人如三十日内无人识认者全给限外不送官者官物坐赃论私物减二等其物一半入官一半给主○若于官司地内掘得埋藏之物者并听收用若有口器锤鼎符印异常之物限三十日内送官违者杖八十其物入官

纂注遗失之物必有其主故得之者限五日之内送官若系官物则收还官系私物则召人识认如有人识认者则于遗失物内以一半给与得物之人充赏一半给还原失物之人如三十日内无人识认既主无见在故全给得物之人若五日限外不送官者系官物则坐赃论一贯以下笞二十罪止杖一百徒三年不言追物还官者省文也私物则减坐赃罪二等一贯之上至十贯笞一十至五百贯之上罪止杖八十徒二年其物一半入官一半给还失主若无主识认者则自当全入官矣夫送官者无罪而给赏赏其有还人之意也不送官者不赏而有罪罪其有隐匿之情也若于官司地内掘得埋藏之物如金银器玩之类并听掘得之人收用以埋藏之物原无所主也若有古器锤鼎符印及凡异常之物限三十日内送官若违限不送官者杖八十仍追其物入官以异常之物非民间宜有也

大明律集解附例卷之九终

大明律集解附例卷之十

户律

市廛

私充牙行埠头

凡城市乡村诸色牙行及船埠头并选有抵业人户充应官给印信文簿附写客商船户住贯姓名路引字号物货数目每月赴官查照私充者杖六十所得牙钱入官官牙埠头

容隐者笞五十革去

纂注有抵业人户谓其人有家业而可以抵当客货也在城市乡村买卖去处则有牙行在聚泊客船去处则有埠头此二项之人凡客商货物皆凭借以贸易者也故有司必并选有抵业人户充应取其有恒产恒心之意也官给印信文簿令其附写客商船户住贯姓名并路引字号及货物数目每月将文簿赴官查考防客商有越关匿税之意也其有牙行埠头不由官选而私充者杖六十仍追所得牙钱入官若官牙埠头容隐私充者笞五十仍将各牙行埠头名役革去夫禁私充又恐其有罔利害人之意也

市司评物价

凡诸物行人评估物价或贵或贱令价不平者计所增减之价坐赃论入已者准窃盗论免刺○其为罪人估赃不实致罪有轻重者以故出入人罪论受财者计赃以枉法从重论

纂注诸物行人谓诸色货物本行之牙人也受财者或受罪人之财而估赃轻或受事主之财而估赃重也盖凡诸物之价评在行人必平等估计而后买卖两便如有将下物本贱而估作贵或上物本贵而估作贱致令物价不得其平者计所估增减之价坐赃论一贯以下笞二十至五百贯之上罪止杖一百徒三年若因而得所增减之价入已者计所入已之赃准窃盗论免刺一贯以下杖六十至一百二十贯罪止杖一百流三千里凡此莫非欲市物之价得其平而民间有匠利也其行人为犯罪之人估计赃物若价有增减以致犯人以赃入罪有所轻重者则以故出入人罪论若因受财而估赃不入者则计所受之赃以枉法从其罪之重者论凡此莫非欲赃物之价得其平而罪人之无所枉也

把持行市

凡买卖诸物两不和同而把持行市专取其利及贩鬻之徒通同牙行共为奸计卖物以贱为贵买物以贵为贱者杖八十○若见人有所买卖在傍高下比价以相惑乱而取利者笞四十○若已得利物计赃重者准窃盗论免刺

纂注两不和同买主卖主两不情愿之义把持把执持定之意二句语意相承如俗所谓强买强卖而又不许他人买卖也贩鬻谓贩买鬻卖而图利者也在傍高下比价如见人买卖诸物仍将已物诈称高下之价以比之即以贱为贵以贵为贱之意此言凡城市乡村买卖诸物若买物人与卖物人两不和同而任已把持行市不许他人买卖专自取其利息者及贩鬻之徒通同牙行共为奸计于卖已物则高其价而以贱为贵于买人物则低其价而以贵为贱者此二者一以强取人之物一以计取人之利其于人则均也故并杖八十若见人有所买卖在傍将所买卖货物故称高下而比拟价数使买卖人不能专主定见以相惑乱而以此求取余利者此则虽非把持奸计者比而其用心亦诈矣故笞四十凡此皆自未曾得利者言耳若把持行市通同奸计及在傍惑乱之人已得利物而计赃重于杖八十笞四十者则准窃盗论免刺夫言计赃重者准窃盗论则虽已得利物而计赃轻者此从本条可知矣

条例

一光禄寺买办一应物料弘治四年十一月内节该钦奉

孝宗皇帝圣旨奸顽之徒称是报头等项名色在街强赊作弊害人的拏来枷号三个月满日还从重发落钦此

一会同馆内外四邻军民人等代替夷人收买违禁货物者问罪枷号一个月发边卫充军

一凡夷人朝

贡到京会同馆开市五日各铺行人等将不系应禁之物入馆两平交易染作布绢等项立限交还如赊买及故意拖延骗勒夷人久候不得起程者问罪仍于馆门首枷号一个月若不依期日及诱引夷人潜入人家私相交易者私货各入官铺行人等照前枷号通行守边官员不许将曾经违犯夷人起送赴京

一弘治十一年二月十五日节该钦奉

孝宗皇帝圣旨迤北小王子等差使臣人等赴京朝贡官员军民人等与他交易止计光素纁丝绢布衣服等件不许将一应兵器并违禁铜铁等物敢有违犯的都拿来处以极刑钦此

一甘肃西宁等处遇有番夷到来本都司委官关防提督听与军民人等两平交易若势豪之家主使弟男子侄家人头目人等将夷人好马奇货包收逼令减价以贱易贵及将粗重货物并瘦损头畜拘收取觅用钱方许买卖者听使之人问发附近卫分充军干碍势豪及委官知而不举通同分利者参问治罪

一成化十四年十一月初四日节该钦奉

宪宗皇帝圣旨辽东开设马市许令海西并朵颜等三卫夷人买卖开元每月初一日至初五日开一次广宁每月初一日至初五日十六日至二十日开二次各夷止将马匹并土产物货赴彼处委官验放入市许斋有货物之人入市与彼两平交易不许通事交易人等将各夷欺侮愚弄亏少马价及偷盗货物亦不许拨置夷人指以失物为由扶同诈骗财物分用敢有擅放夷人入城及纵容官军人等无货者任意入市有货者在内过宿规取小利透漏边情事发问拟明白俱发两广烟瘴地面充军遇赦并不原宥钦此

一各处客商辐辏去处若牙行及无籍之徒用强邀截客货者不论有无诬赊货物问罪俱枷号一个月如有诬赊货物仍监追完足发落若监追年久无从陪还累死客商属军卫者发边卫属有司者发附近俱充军

一杨村蔡村河西务等处如有用强拦截民运粮船在家包雇车辆逼勒多出脚钱者问追给主仍发边卫充军

一凡捏称

皇店在于京城内外等处邀截客商措勒财物者俱拏送法司问罪就于害人处所枷号三个月发极边卫分永远充军

私造斛斗秤尺

凡私造斛斗秤尺不平在市行使及将官降斛斗秤尺作弊增减者杖六十工匠同罪
○若官降不如法者杖七十提调官失于较勘者减一等知情与同罪○其在市行使斛斗秤尺虽平而不经官司较勘印烙者笞四十○若仓库官吏私自增减官降斛斗秤尺收支官物而不平者杖一百以所增减物计赃重者坐赃论因而得物入己者以监守自盗论工匠杖八十监临官知而不举者与犯人同罪失觉察减三等罪止杖一百
纂注斛斗秤尺不平谓大小轻重长短之不平即不如法之意下文收支官物而不平谓其多收少支之不平也私自增减如斲削贴补之类提调监临止言官见罪不及吏也减三等罪止杖一百者谓如减至杖一百以下则听减三等如虽减而犹该杖一百以上则亦罪止杖一百也此言斛斗秤尺民风所系故官降有一定之式民当依式制造赴官较勘印烙而后行使此所以同风俗而定民制也故凡民间私造斛斗秤尺有不均平而在市行使及将官司原降斛斗秤尺私下作弊或增或减者其行使之人杖六十私造增减之工匠与同罪若官降斛斗秤尺不如原颁法式者所造之工匠杖七十提调官失于较勘者减一等若知情而故不较勘者与工匠同罪罪其非立法齐民之意也其在市行使斛斗秤尺虽平而不曾经官司较勘印烙者亦笞四十罪其开私造不平之端也此皆犹自民间行使者言耳若在仓库之斛斗秤尺则出纳钱粮所系也故若主守仓库官吏私自增减官降斛斗秤尺以致收支官物不均平者杖一百以所增收或减支之物计赃重于杖一百者坐赃论至一百贯杖六十徒一年每一百贯加一等至五百贯之上罪止杖一百徒三年若因而得所增减之物入己者以监守自盗不分首从并赃论罪工匠为其增减者杖八十其监临官知其收支不平及得物入己之情而故不举者并与犯人同罪若不知情而失觉察者减犯人罪三等罪止杖一百如犯人以监守自盗论满贯者该斩失觉察者减三等则虽该杖九十徒二年半而亦罪止杖一百是也

器用布绢不如法

凡造器用之物不牢固真实及绢布之属纰薄短狭而卖者各笞五十其物入官
纂注器用之物不牢固真实则易坏布绢之属纰薄短狭则难用故造此而卖者二项之人各笞五十器用布绢入官

大明律集解附例卷之十终

大明律集解附例卷之十一

礼律

祭祀

祭享

凡大祀及

庙享所司不将祭祀日期预先告示诸衙门者笞五十因而失误行事者杖一百其已承告示而失误者罪坐失误之人○若百官已受誓戒而引丧问疾判署刑杀文书及预筵

宴者皆罚俸钱一月其知有缌麻以上丧或曾经杖罪遣充执事及令陪祀者罪同不知者不坐若有丧有过不自言者罪亦如之其已受誓戒人员散斋不宿净室罚俸钱半月致斋不宿本司者罚俸钱一月○若大祀牲牢玉帛黍稷之属不如法者笞五十一事缺少者杖八十一座全缺者杖一百○若奉大祀牺牲主司喂养不如法致有瘦损者一牲笞四十每一牲加一等罪止杖八十因而致死加一等○中祀有犯者罪同余条准此纂注大祀谓郊祀天地庙享四孟时享所司指太常寺行事助祭陪祭之事也誓戒備见职掌然职掌止言致斋而律兼言散斋者盖古者大祀散斋七日致斋三日今止共斋三日律云致斋散斋疑仍旧文也牛羊豕曰牲牢者牲之体不如法谓宰割失序烹调失节陈设失序之类一事一件也牲之未宰曰牺主司如牺牲所官之类瘦损以平时言观下致死字可见中祀如山川岳渎历代帝王先师孔子是也此见祀为国之大事而天地宗庙尤祀之大者太常寺先将日期告示各衙门知会斋戒前二日太常寺官宿于本司次早具本奏闻又次早上殿传制百官受誓戒不饮酒不茹荤不问疾不吊丧不听音乐不理刑名不与妻妾同处敬之至也若太常寺不先将祭祀日期告示各文武衙门虽不误事亦笞五十因不告示而失误行事者杖一百已承告示而失误行事则各衙门失误者之罪也亦坐杖一百若百官已受誓戒而吊丧问疾或判署刑杀文书或预筵宴则非敬斋之意罚俸钱一个月夫吊丧问疾判署等事且不可而况有缌麻以上丧及曾经杖罪者乎故太常寺知其丧罪而遣令执事陪祀及各官身有丧罪而不自言回避者皆罚俸钱一个月故曰罪同曰罪亦如之散斋不宿净室致斋不宿本司均为不敬而罚有轻重者以散斋于外与致斋于内不同也上二节以礼仪之违怠者言若大祀之牲牢玉帛黍稷及豚膾果品之类与夫所供之牺牲皆祭物也如太常寺陈设宰烹有不如法式者笞五十若一事缺少或一座全缺者则无以备物不特不如法而已故一则杖八十一则杖一百主司将牺牲喂养不如法致有瘦损及至死者亦为不敬但与在祭之物不同故一则计牲科罪罪止杖八十一则加罪一等罪止杖九十上二节以品物之缺损者言若中祀与大祀虽为有间均之国家大典如有犯前项数事者亦依前项所定罚俸笞杖科断故曰罪同注云余条准此如下条大祀丘坛毁损及弃毁大祀神御罪各有差若中祀坛场御物有犯者亦依大祀同论故曰准此又因大祀而及于中祀者如此或谓余条字所该者广欲兼刑律盗大祀神御物按盗大祀神御物坐斩若盗中祀神御物亦拟斩罪似涉太重还依疏议止指下条为是余字不必太拘

毁大祀丘坛

凡大祀丘坛而毁损者杖一百流二千里墼门减二等○若弃毁大祀神御之物者杖一百徒三年遗失及误毁者各减三等

纂注丘坛者祭天圆丘祭地方丘丘必有坛故曰丘坛大坏曰毁小坏曰损墼门坛外之垣有门以通出入者也神御之物如床几帷幔祭器之类遗失句承本节各字指遗失误毁言此见大享丘坛乃祭神之处最为尊严故但有毁损者即杖一百流二千里墼门乃

迎神之所视丘坛有间故毁损者减二等杖九十徒二年半不论故误者郊祀重地非可以误而轻之也若大祀神御之物用之以成明荐若有损弃毁坏者出于有意杖一百徒三年如遗失误毁者出于无心得减三等杖七十徒一年半此不计赃者礼神重器非可以赃论也中祀有犯者同罪

条例

一

天地等坛内纵放牲畜作践及私种籍田外余地并夺取籍田禾把者俱问罪牲畜入官犯人枷号一个月发落

致祭祀典神祇

凡

社稷山川风云雷雨等神及圣帝明王忠臣烈士载在祀典应合致祭神祇所在有司置立牌面开写神号祭祀日期于洁净处常川悬挂依时致祭至期失误祭祀者杖一百其不当奉祀之神而致祭者杖八十

纂注社稷土谷畝神曰等神如五岳四渎之类此皆指在外府州县所祭者与上条所云中祀不同载祀典是朝廷岁祭有定额者不当奉祀之神凡祀典所不载者皆是不必专指淫祠此见社稷山川风云雷雨等神如五岳四渎之类及圣帝明王忠臣烈士凡载在祀典应合致祭神祇所在有司须当立牌列号依时举祭所以报功德而劝忠义也若有逾期遗忘而失误不致祭者是曰慢神坐杖一百若祀典无文礼所不祭而祭之者是曰不经坐杖八十一惩其怠一恶其渎也

历代帝王陵寝

凡历代帝王陵寝及忠臣烈士先圣先贤坟墓不许于工樵采耕种及牧放牛羊等畜违者杖八十

纂注山陵寝庙谓之陵寝帝王葬处也土高曰坟封植曰墓此见帝王尝临制天下忠烈圣贤足以师世范俗其人虽系先代而其陵寝坟墓乃其体魄所藏若于上樵采薪葛耕种禾黍等物及纵放牛羊等畜践害则失国家尊崇褒表之意而褻慢甚矣故杖八十褻渎神明

凡私家告

天拜斗焚烧夜香燃点天灯七灯褻渎神明者杖八十妇女有犯罪坐家长若僧道修斋设醮而拜奏青词表文及祈禳火灾者同罪还俗若有官及军民之家纵令妻女于寺观神庙烧香者笞四十罪坐夫男无夫男者罪坐本妇其寺观神庙住持及守门之人不为禁止者与同罪

纂注告天者告祭天地拜斗者拜礼北斗天灯天象之灯七灯布列日月五星之象非谓北斗七星之灯盖天灯七灯即告天拜斗之灯也僧曰修斋道曰设醮青词用青纸表文用黄纸僧道修斋及祈禳俱重用青词表文上此见天帝北斗皆神明之至尊者故私家

告天拜斗焚香燃灯者皆为褻渎坐杖八十妇人犯罪坐夫男其青词表文乃用之以达于天帝者若僧道修设斋醮而拜奏青词表文及用之以祈禳火灾者同为褻渎亦并杖八十各还俗寺观神庙乃僧道所居若官与军民之家纵令妻女烧香则溷渎甚矣故笞四十罪坐夫男无夫男者罪坐本妇住持守门之人听其出入不为禁止亦笞四十故曰同罪

条例

一凡僧道军民人等于各寺观神庙刁奸妇女因而引诱逃走或诓骗财物者俱发附近充军若军民人等纵令妇女于寺观神庙有犯者问罪枷号一个月发落

禁止师巫邪术

凡师巫假降邪神书符咒水扶鸾祷圣自号端公太保师婆及妄称弥勒佛白莲社明尊教白云宗等会一应左道乱正之术或隐藏图像烧香集众夜聚晓散佯修善事扇惑人民为首者绞为从者各杖一百流三千里○若军民装扮神像鸣锣击鼓迎神赛会者杖一百罪坐为首之人○里长知而不首者各笞四十其民间春秋义社不在禁限

纂注师者即今行法之人称法师者巫者降神之人端公太保男巫之伪号师婆女巫之伪号弥勒佛白莲社明尊教白云宗是四样凡此烦其名不一故以等会该之人道尚右非正道曰左道隐藏图像五句最重总承上文盖必有此隐藏集众夜聚晓散扇惑人民等事然后坐以绞罪里长知而不首承上二节此言异端足以惑人小民易于愚弄邪术一倡祸炽天下古有明鉴故凡师巫假降邪神扶鸾祷圣自号端公太保师婆等项名色及妄称西方弥勒佛远公白莲社牟尼尊明教释氏白云宗等会一应反经左道乱正之术或隐藏其佛老宗师之图像而烧香集众夜则会聚晓则分散诈为修崇善果以鼓扇迷惑人民使之归投其教者祸将延蔓为害不细故为首者绞为从者流若军民人等装扮神像鸣锣击鼓迎神赛会者虽亦不正之事而与隐藏图像夜聚晓散扇惑人民者不同故止杖一百罪坐为首之人不言为从者罪难加众故也其里长明知师巫惑众军民赛会之情而不举首者各笞四十不言不知者以此等事非一人一家所为无不知之理也其民间所建义社而乡人春祈秋禳应有迎赛者虽有锣鼓及集众不在禁限

条例

一各处官吏军民僧道人等来京妄称谳晓扶鸾祷圣书符咒水一切左道乱正邪术扇惑人民为从者及称烧炼丹药出入内外官家或擅入皇城夤缘作弊希求进用属军卫者发边卫充军属有司者发口外为民若容留潜住及荐举引用邻甲知情不举并皇城各门守卫官军不行关防捺拏者各参究治罪

一凡左道惑众之人或烧香集徒夜聚晓散为从者及称为善友求布施至十人以上军民人等不问来历窝藏接引或寺观住持容留披剃冠簪探听境内事情及被诱军民舍与应禁铁器等项事发属军卫者俱发边卫充军属有司者发口外为民

大明律集解附例卷之十二

礼律

仪制

合和御药

凡合和御药误不依本方及封题错误医人杖一百料理拣择不精者杖六十若造御膳误犯食禁厨子杖一百若饮食之物不洁净者杖八十拣择不精者杖六十不品尝者笞五十监临提调官各减医人厨子罪二等○若监临提调官及厨子人等误将杂药至造御膳处所者杖一百所将杂药就令自吃门官及守卫官失于掺检者与犯人同罪并临时奏闻区处

纂注天子所用之药曰御药食曰御膳本方谓合用之方封题错误谓不明开药名品味分两之类或虽开而有遗皆错误也料理炮制熬洗也拣择选取精美也食禁谓食经所忌品尝每品先尝而后进也监临提调如太医院使院判御医医人之监临提调也御膳所官厨子之监临提调也各减字与下并临时字总承上数事言此条重误字此见药各有方其品味分两亦各不同若合和御药而失误不依本方及虽依方而包封上题写错误者杖一百若止是料理拣择不精者杖八十皆坐医人食各有禁如干脯不得入黍米猪鳖肉不得和姜茺之类若造进御饮膳而误犯所忌者杖一百止是不洁净者杖八十拣择不精者杖六十食必品尝欲其调和也不品尝者笞五十皆坐厨子其太医院使等官与御膳所官皆有监临提调之责而不行检点各减医人厨子前项所犯罪二等若御膳所非用药之地而监临提调官及厨子人等误将杂药至造膳处所者杖一百所将之药即令自吃防隐祸也其直日门官及守卫官失于掺检而致其将入者是为疎虞亦杖一百故曰罪亦如之以上所犯并临时奏闻区处或依本律或有别议取自上裁盖所关者大故致其慎重如此

乘輿服御物

凡乘輿服御物收藏修整不如法者杖六十进御差失者笞四十其车马之属不调习驾驭之具不坚完者杖八十○若主守之人将乘輿服御物私自借用或转借与人及借之者各杖一百徒三年若弃毁者罪亦如之遗失及误毁者各减三等○若御幸舟船误不坚固者工匠杖一百若不整顿修饰及在船篙棹之属缺少者杖六十并罪坐所由监临提调官各减工匠罪二等并临时奏闻区处

纂注乘輿解见名例服御物如衣服衾褥之类当进者不进而进所不当进者曰差失车马如象辂马鞞之类驾驭之具如衔轡辕策之类监临提调如提举司及工部委官之类此见乘輿服御物乃天子所用而主守之人收藏修整不如法者是为玩忽杖六十止是进御差失者笞四十其所乘车马之属不行调习惯熟者则不可乘驾驭之具不坚固完备者则不可用其罪不止差失而已故杖八十若主司之人将乘輿服御物私自借用或借与人及借之者则为僭妄杖一百徒三年若故意毁弃者则为无忌亦杖一百徒二年止是遗失及误毁者与故毁者有间故各减三等若御幸舟船天子行幸所驾而工匠造

作误不坚固者则与驾馭之具不坚完者无异亦杖一百若止是不整顿修饰及在船篙棹桅帆之属缺少不完者杖六十罪坐所由经手造作之人不得一槩治罪其监临提调官不行检点致不坚固不修饰及缺少者各减工匠罪二等前项所犯并临时奏闻区处不许輒自断决按释义云并临时奏闻区处惟此与上条有之此则有深意也盖此二条皆关圣躬所定罪名皆就其误者论之若或所犯出于有意既不忍言岂得止以此罪治之故必待临时奏闻又再区处也

收藏禁书及私习天文

凡私家收藏玄象器物天文图讖应禁之书及历代帝王图像金玉符玺等物者杖一百若私习天文者罪亦如之并于犯人名下追银一十两给付告人充赏

纂注玄象器物谓象天之器如璇玑玉衡浑天仪之类天文谓推步测验之书以占休咎如统天历之类图讖 谓图像讖纬之书预推治乱谓推背图透天经之类图像帝王神像也符制用金半判以示信玺制用玉完形以行制亦历代所遗也此见玄象器物以着天运与夫天文图讖足以惑世诬民皆应禁之书帝王图像与夫金玉符玺等物皆非民间所宜有故有私藏者杖一百若天文以推验休咎非凡人所习故非天文阴阳生而私自习学者亦杖一百故曰罪亦如之其前项所犯若有人首告者并于犯人名下追银拾两给付告人克赏开乐告之门正以禁私藏私习之渐也器物等项并追入官私习之人术业已成者决讫送钦天监充天文生其私藏器物见在者准首不在者及私习天文者俱不准首

御赐衣物

凡御赐百官衣物使臣不行亲送转附他人给与者杖一百罢职不叙

纂注衣物如衣服金币之类盖御物衣服朝廷赐予之重典所遣之官既已受命不行亲自赍送而展转寄附他人给与者是为惰弃君命罢职不叙

失误朝贺

凡朝贺及迎接诏书所司不预先告示者笞四十其已承告示而失误者罪亦如之

纂注朝谓朝见贺谓庆贺所司在内如礼部鸿胪寺在外如布政司府州县俱兼官吏盖朝贺接诏皆朝廷之大礼须预先告示知会庶无失误若不先告示是所司之罪也笞四十已承告示而临时自行失误失误人之罪也罪亦如之亦笞四十按失误告示一也此止笞四十而祭享笞五十者以天地宗庙为尤重也

失仪

凡祭祀及谒拜

园陵若朝会行礼差错及失仪者罚俸钱半月其纠仪官应纠举而不纠者罪同

纂注祭祀即祭享条所载大祀中祀也帝王陵寝之处有园田故曰园陵指国朝言不曰陵寝而曰园陵别于历代以示敬也行礼差错如拜伏登降之类失仪如落冠开带跌扑乱班唾咦偶语之类纠仪官指监察御史鸿胪寺官此见承奉祭祀谒拜园陵朝会皆朝

廷大礼若有行礼差错及失仪者是不敬也纠仪官应纠不纠者是私纵也故皆罚俸钱半月按差错犯者止依律罚俸不坐罪名若奉旨推问者不应从重

奏对失序

凡在朝侍从官员特承顾问官高者先行回奏卑者以次进对若先后失序者各罚俸钱半月

纂注侍从官员如宰执大臣史馆谏垣之类皆是此见侍从之臣以备顾问而职有高卑或特承顾问经史治道等事高者先行回奏卑者以次进对若应先者而后之应后者而先之是为失序不问高卑各罚俸钱半月此罚俸亦不坐罪若奉旨推问者问违制按特承顾问亦是当时所问者官多故其奏对以高卑为先后若独问一人或因奏事而特问则其承问者自当回奏又不专以高卑为先后而以失序槩论之也

朝见留难

凡仪礼司官将应朝见官员人等托故留难阻当不即引见者斩大臣知而不问与同罪不知者不坐

纂注仪礼司国初掌礼衙门后改为鸿胪寺留难阻当句要重看大臣泛指在朝者盖朝见官员人等仪礼司奏名引见不致留阻则上下通达无间若该司官假托事故留难阻当则有壅蔽之情故斩在朝大臣知其留难阻当之情而不究问恐有党恶之意故与同罪杖一百流三千里不知者不坐按律中称留难者不一而此条独重者以别条留难稽缓之害小此则壅蔽之渐其害大故特重之按国初官员人等朝见间于陛前亲承宣问或令奏陈利病非止泛然一见而已

工书陈言

凡国家政令得失军民利病一切兴利除害之事并从五军都督府六部官面奏区处及听监察御史提刑按察司官各陈所见直言无隐○若内外大小官员但有本衙门不便事件许令明白条陈实封进呈取自上裁若知而不言苟延岁月者在内从监察御史在外从按察司纠察○若百工技艺之人应有可言之事亦许直至御前奏闻其言可用即付

当者鞫问明白斩○其陈言事理并要直言简易每事各开前件不许虚饰繁文○若纵横之徒假以上书巧言令色希求进用者杖一百○若称诉冤枉于军民官司借用印信封皮入递者借者及借与者皆斩

纂注政谓政事令谓令令付所司施行如赋役则付户部刑名则付刑部之类各开前件谓明开某事如何施行某事如何裁革之类此条前三节欲人直言开言路防壅蔽之意后三节戒人泛言远佞人禁诈冒之意盖国家政令得失军民利病凡一切兴利除害之事关系朝廷者甚大并从督府六部官于御前面奏请旨区处及听丈按察司官各陈所见或得失或利害或兴革直言无隐不言区处者蒙上文而言省文耳若内外大小衙门官员但有本衙门不便事件许令明白逐条陈说实封进呈取自上裁若知其不便而不奏言者是因袭长弊在内从监察御史在外从按察司纠察若百工技艺之人应有可言

之事如得失利病兴革之类亦许直至御前奏闻如有可用即付所司施行若各衙门但有阻当不容奏闻者鞫审明白斩秋后处决其前项府部御史按察司内外大小官员百工技艺虽得陈言但其所言事理并要简约平易每事逐件开款如何兴革如何处置不许虚饰浮泛繁文若纵横之徒其辩给足以倾动人主之听假以上书为名干求进用则辩言乱政势所必至故禁之杖一百若有人称诉冤枉事情而军民官司借用印信封皮入递进呈御前者是以私情而冒用公式欺君乱法甚矣借者及借与者皆斩系杂犯准徒五年按本衙门不便事件知而不言不着其罪者疏议谓纠察是实论以事应奏不奏杖一百陈言事理虚饰繁文亦不着其罪者疏议谓审其奏情如有希求进用意者坐杖一百如情轻者止以违令论笞五十

见任官輒自立碑

凡见任官实无政迹輒自立碑建祠者杖一百若遣人妄称已善申请于上者杖八十受遣之人各减一等

纂注申请是亦立碑建祠之事各减一等只承遣人一边观文势自见盖妄称已善即今里老保称贤能之事而申请于上则当该吏典之所为故曰各减见任字最重此见碑以纪功祠以报功皆其官在任之时实有善政及去任之后民思慕而为之建立非见任官得以假饰而冒为之者也夫曰实无曰妄称皆为假饰以要名曰輒自曰遣人皆非民心之爱慕但輒自建立者全无顾忌故杖一百其遣人妄称已善申请于上以求建立者视輒自建立者有间故杖八十受遣而妄称申请者不过阿顺扶同而已故各减一等杖七十前碑祠拆毁申文立案不行

禁止迎送

凡上司官及使客经过若监察御史按察司官出巡按治而所在各衙门官吏出郭迎送者杖九十其容令迎送不举问者罪亦如之

纂注上司是本管上司统属衙门官使客泛言凡奉钦命者皆是城外曰郭此见出郭迎送非惟谀佞成风抑且妨废政务故凡上司官及奉命制使经过道途若监察御史按察司官出巡按治地方而所在有司军卫各衙门官吏畏威取悦出郭迎送及上司使客分巡御史按察司容令迎送不行举问者皆杖九十

公差人员欺凌长官

凡公差人员在外不循礼法欺凌守御官及知府知州者杖六十附过还役历过俸月不准若校尉有犯杖七十祇候禁子有犯杖八十

纂注公差人员指在京差使者言如监生承差之类守御官即各卫所指挥之类亦指掌印正官而言欺凌只是言语礼貌傲慢不逊非殴打之事不准谓不准实历心此见守御官持权阍外知府知州高品正官职任专重若或欺凌则有损观望故凡公差人员奉差在外不循礼法肆行欺凌者杖六十附过还役所历过支俸粮月日不准从新役起犹得还役者以其有事相关也若校尉与监生承差不同有犯者杖七十祇候禁子又与校尉

不同有犯者杖八十校尉祇候禁子俱不言还役者蒙上文而言省文耳按欺凌不及县令并府州佐贰官者以县令佐职与所差之人终有公事铃督而欺凌又不过傲慢小过故畧之苦有殴打自依公使人殴有司律治罪

服舍违式

凡官民房舍车服器物之类各有等第若违式僭用有官者杖一百罢职不叙无官者笞五十罪坐家长工匠并笞五十○若僭用违禁龙凤文者官民各杖一百徒三年工匠杖一百连当房家小起发赴京籍充局匠违禁之物并入官○首告者官给赏银五十两

○若工匠能自首者免罪一体给赏

纂注房舍车服器物等项等第详见大明令式谓制度违式如庶民僭品官卑官僭尊官之类龙凤文御用之物非官民所宜有而僭用之故曰违禁首告节只承违禁一边此言官民房舍车輿服式冠带器品之类如大明令所载者其尊卑上下各有等第定式故凡不遵令制而僭用者皆曰违式但犯在有官者杖一百罢职不叙军官降充总旗责备贤者之意犯在无官者矜其无知笞五十罪坐家长事由专制故也违式之物责令改正其工匠不问为官民之家造作并笞五十若龙凤文用以饰乘輿服御物者官民之家违禁擅用则僭拟天子不但违式而已杖一百徒三年不言罢职者蒙上文而言举轻以该重也工匠杖一百连当房家小起发赴京抄隶各局充匠违禁之物并入官如有首告僭用龙凤文者给银五十两充赏若其所作之工匠能自赴官首告者免其本罪与凡人一体给赏按违禁之物入官而违式不言入官者盖违式止是不依式样犹可改正又非御用之比而违禁之物非官民之家所当有自宜入官故不同耳其父祖有官身没非犯除名不叙子孙许居原造房屋不得以无官违式论

备考

违禁者工匠自首免罪给赏若违式自首虽不给赏亦得免罪

条例

一各王府郡主仪宾该钹花金带胸背狮子县主仪宾钹花金带郡君仪宝光素金带胸背俱虎豹县君仪宾钹花银带乡君仪宾光素银带胸背俱彪故违僭用者革去冠带戴平头巾于本处儒学读书习礼三年方许复职

一两京堂上文职四品以下及五府管事并在京在外镇守守备等项公侯伯都督等官不分老少俱不许乘轿违者恭问其余军职若上马拏交床出入台小轿者先将服役之人问罪指挥以下参问京卫调外卫外卫调边卫俱带俸差操

一军民僧道人等服饰器用俱有旧制若常服僭用锦绮纒丝绫罗彩绣器物用戗金描金酒器纯用金银及将大红销金制为帐幔被褥之类妇女僭用金绣闪色衣服金宝首饰镯钏及用珍珠缘缀衣履并结成补子盖额缨络等件倡妓僭用金首饰镯钏者事发各问以应得之罪服饰器用等物并追入官

一官吏军民人等但有僭用玄黄紫三色及蟒龙飞鱼斗牛器皿僭用朱红黄颜色及亲

王法物者俱比照僭用龙凤文律拟断服饰器物追收入官

僧道拜父母

凡僧尼道士女冠并令拜父母祭祀祖先丧服等第皆与常人同违者杖一百还俗○若僧道衣服止许用紬绢布疋不许用纁丝绦罗违者笞五十还俗衣服入官其袈裟道服不在禁限

纂注丧服等第谓斩衰期功緦麻之类轻重等第也违者谓不拜父母不祭祖先不服本等丧服也此见僧尼道士女冠虽已出家并令归拜其父母祭祀其祖先而丧服等与常人同不得以异教废礼若有违者是弃亲灭伦人道绝矣故杖一百还俗若僧尼道士女冠衣服止许用紬绢布疋不得妄用纁丝绦罗者以贱流故禁之违者笞五十亦还俗衣服追收入官其本等袈裟道服旧有定制听以绦罗纁丝为之不在禁限

失占天象

凡天文垂象钦天监官失于占候奏闻者杖六十

纂注天文如日月五纬二十八宿之属垂象如日重轮云五色及旄头彗孛景星庆云日月珥蚀之类此见天文垂象以示祥异遇异奏闻则知恐惧修省遇祥奏闻则知益勉修德关于朝廷者不小若钦天监失于占候奏闻则非设官之意而有旷职矣故杖六十术士妄言祸福

凡阴阳术士不许于大小文武官员之家妄言祸福违者杖一百其依经推算星命卜课者不在禁限

纂注祸福以关于国家言此见阴阳术数之士其言祸福休咎之理多涉妄诞易于惑人而内外大文武官员之家与凡民不同尤当禁绝故违者杖一百亦防微杜渐之意其依经推算星命及卜筮卦课者不在所禁之限

匿父母夫丧

凡闻父母及夫之丧匿不举哀者杖六十徒一年若丧制未终释服从吉忘哀作乐及参预筵宴者杖八十若闻期亲尊长丧匿不举哀者亦杖八十若丧制未终释服从吉者杖六十○若官吏父母死应丁忧诈称祖父母伯叔姑兄弟姊妹之丧不丁忧者杖一百罢职役不叙无丧诈称有丧或旧丧诈称新丧者罪同有规避者从重论○若丧制未终冒哀从仕者杖八十○其当该官司知而听行各与同罪不知者不坐○其仕宦远方丁忧者以闻丧月日为始夺情起复者不拘此律

纂注期亲尊长谓祖父母伯叔父母兄弟姊妹未嫁姊妹之类规避兼不丁忧诈丁忧二项说此见子于父母妻于夫皆服丧三年若子女闻父母丧及妻妾闻夫丧而隐匿不即举哀者是为忍心害理故杖六十徒一年若父母与夫之丧制未终而释服从吉忘哀作乐及参预筵席宴会者皆非居丧之礼故杖八十嫡孙承祖与父母同言子于父母则妇于舅姑该之矣若期亲尊长虽与父母有间皆有恩义联属之情故闻其丧而隐匿不即举哀者亦杖八十若于期亲丧中释服从吉者杖六十称期亲尊长祖父母者曾高同若官吏父

母死者应解任离役守制丁忧有诈称祖父母伯叔姑兄姊之丧不丁忧者是诈丧而恋职非人子也父母见在本无丧而诈称有丧父母已没本旧丧而诈称新丧妄冒丁忧者是诈丧而去位非人臣也故杖一百罢职役不叙若有所规避而不丁忧与诈丁忧罪重于杖一百者则从所规避之本罪论若父母丧制未终而冒哀从仕者杖八十言官则吏该之矣按文官犯私罪非至杖一百律不罢职今例官吏犯一应行止有亏者俱发为民则此冒哀入仕者亦从例罢职若当该官司明知官吏匿诈冒哀之情而听从施行者各与犯人同罪不知者不坐其职官仕宦远方应合丁忧以闻丧月日为始不计闰二十七月服阙起复不复以亲死之日为断若朝廷有不得已事夺情起复者则以王事为重从权制而无避也不用此律

条例

一文职官吏人等若将远年亡过父母诈作新丧者问发为民若父母见在诈称死亡者发口外独石等处充军其父母丧计原籍程途每千里限五十日过限匿不举哀不离职役者俱发口外为民

弃亲之任

凡祖父母父母年八十以上及笃疾别无以次待丁而弃亲之任及妄称祖父母父母老疾求归入待者并杖八十○若祖父母父母及夫犯死罪被囚禁而筵宴作乐者罪亦如之

纂注此见亲年八十以上及笃疾皆待人以为养若子于父母孙于祖父母年老及笃疾其家别无以次人丁可以奉侍而辄忍违弃之任者是以亲为路人而有违亲之恶及亲本未老疾而妄称年老有疾求归侍养者是以亲为诈本而非致身之义故杖八十若祖父母父母及夫犯罪至死见被囚禁为子若孙及妻忍于肆筵张宴因以为乐者罪亦如弃亲之任者杖八十按旧云弃亲之任者仍令归养候亲终服阙仍听叙用

丧葬

凡有丧之家必须依礼安葬若惑于风水及托故停柩在家经年暴露不葬者杖八十○其从尊长遗言将尸烧化及弃置水中者杖一百卑幼并减二等若亡歿远方子孙不能归葬而烧化者听从其便○其居丧之家修斋设醮若男女混杂饮酒食肉者家长杖八十僧道同罪还俗

纂注丧字指轻重之丧而言依礼者据礼所定葬之月也风水如近世龙穴沙水之法及支干生克之说人死以葬为安故谓之藏不藏者即谓之暴露卑幼并减二等谓尊长从卑幼遗言而将尸烧弃者并杖八十也其曰并减者盖祖父母父母弃毁子孙死尸者故杖八十尊长毁弃缌麻以上卑幼死尸者递减一等此则不论缌麻以上卑幼如递减之法但从其遗言而将尸烧弃者俱于杖一百上减二等亦杖八十故曰并减二等末节只重男女混杂饮酒上非罪其修斋设醮也谨按大明集礼职官庶民三月而葬故凡有丧之家必须依礼安葬若有惑于阴阳家风水之说及假托他故为辞而停丧在家经年暴

露不安葬者杖八十夫暴露且不可况烧弃者乎故虽奉有尊长遗命而将尸烧化及弃置水中者杖一百言尊长则自祖父母以下至缌麻以上皆是若尊长有从卑幼遗言而将尸烧弃者并减从尊长遗命烧弃尊长罪二等杖八十若有亡没远方不能归葬而烧化其尸归葬者情非得已故并从其便若居丧之家为亲修斋设醮而男女混杂无耻及违礼饮酒食肉者罪坐家长杖八十僧道并与同罪亦杖八十还俗凡比皆正风俗之意若无遗言烧弃者自依发冢律

乡饮酒礼

凡乡党叙齿及乡饮酒礼已有定式违者笞五十

纂注乡党叙齿谓民间岁时相见宴会之礼以齿相尚长者居前少者居后指平日行坐而言乡饮酒礼即今有司与学官率士大夫之老者行之学校指官府所一行而言此见乡党老少聚会之间以年齿为序及府州县乡饮酒礼载在职掌已有定式若乡党而不循齿序乡饮酒而不依定式者是为乱理均属有违故并笞五十

大明律集解附例卷之十三

兵律

宫卫

太庙门擅入

凡擅入太庙门及山陵兆域门者杖一百太社门杖九十未过门限者各减一等守卫官故纵者各与犯人同罪失觉察者减三等

纂注太庙门谓外门非太庙之殿门也山陵天子之墓谓其高大故曰山陵兆域言卜得宅兆周以为营域门限阃域也故纵与失觉察俱总承上二项说此太庙山陵帝王祖考之所藏而太社者天子祀五土之神之所各有守御官以防护之也故凡非应入之人而擅入太庙之门及山陵兆域之门者杖一百擅入太社之门者杖九十此已过门限者若虽至三者之门而尚未过门限者各减一等未过太庙山陵门限者杖九十太社门限者杖八十其各门守御官员知情故纵不举者各与犯人同罪擅入太庙山陵亦杖一百太社杖九十未过门限者亦各减一等若非故纵只是失于觉察者减三等太庙山陵门杖七十太社门杖六十未过门限通减四等太庙山陵门杖六十太社门笞五十盖太庙等门皆为尊崇之地而许德擅入恐致褻慢之嫌故关防之不得不严如此唐律疏议曰其入太庙室既律无罪名合减御在所一等杖一百流三千里若无故登山陵亦同入太庙室坐罪

宫殿门擅入

凡擅入皇城午门东华西华玄武门及禁苑者各杖一百擅入宫殿门杖六十徒一年擅入御膳所及御在所者绞未过门限者各减一等○若无门籍冒名而入者罪亦如之○其应入宫殿未着门籍而入或当下直而辄入及宿次未到而辄宿者各笞四十○若

不系宿卫应直合带兵杖之人但持寸刀入宫殿门内者绞入皇城门内者杖一百发边卫充军○门官及宿卫官军故纵者各与犯人同罪失觉察者减三等罪止杖一百军人又减一等并罪坐直日者余条准此

纂注午门东华西华玄武皆皇城四门也禁苑谓禁中之苑囿一曰苑囿之有禁制者宫门如干清等宫之门殿门如奉天等殿之门御膳所供造御食之所御在所天子所驻之处闯入是本无门籍而冒有门籍人名姓而入者罪亦如之亦兼已入及未过门限者言辄入辄宿是应入之人但非其时耳持刃不言未过门限湏入门乃坐门官以下通承上言罪坐直日通指军官军人言注云余条做此谓后凡言连坐守卫者皆当坐直日也此条与擅出入宫殿门条恭看言凡无故而擅入皇城之午门东华门西华门玄武门及擅入禁中之苑囿者各杖一百擅入各宫门各殿门者杖六十徒一年擅入供造御膳之所及圣驾临御之所者即绞地以渐而加严故罪以渐而加重若虽及门而未过门限者各减已入罪一等午门等门及禁苑杖九十宫殿门杖一百御膳所及御在所杖一百流三千里若本无著名门籍之人而妄冒他人有门籍者之名而入皇城宫殿等门者亦各如擅入之律科断皇城禁苑亦各杖一百宫殿门亦杖六十徒一年御膳御在所亦绞未过门限者亦各减一等盖擅入闯入其事虽殊而故犯禁地其情则一故曰罪亦如之以上皆不应入而入者也至应入之人必待门籍有名及应直应宿者而后可入若虽应入宫殿宿直之人未著名门籍而擅入或入直日期已满本当下直而辄复入及入宿班次未到而越次辄宿者各答四十以上应入而入不以期者也至本应宿卫入直之人方计悬带兵仗者所以防不测也若不系宿卫应直合带兵仗之人但持寸刀入宫殿门内者即绞入皇城门内者即杖一百发边远充军擅入禁门法已不宥而悬带兵仗意欲何为不得不重惩之此皆自犯人自犯者言之其守门官员及宿卫之官与军若知情而故纵犯人进入者各与犯人同罪至死减一等谓故纵其擅入闯入午门等门同杖一百宫殿门同杖六十徒一年御膳及御在所罪止杖一百流三千里故纵其应入而未着门籍或下直而辄入及宿次未到辄宿者同答四十故纵其寸刀入宫殿门内者杖一百流三千里入皇城门内者边远充军若无故纵知情而止于失觉察者则门官及宿卫官减犯人三等罪止杖一百守卫军人又减官罪一等通减犯人罪四等罪止杖九十如擅入御膳御在所及持刃入宫殿门内者犯人虽坐绞而门官及宿卫官各止杖一百守卫军人各止杖九十失察之情比之故纵为轻故得减等而军人之责比之军官为尤轻故又得减一等然官军守卫各有日期而罪坐所由斯不滥及故又并罪坐直日者其法中之至仁也按故纵持刃入皇城或谓止该杖一百不必拟充军恐反重于故纵持刃入宫殿门之减等流三千里也不知律称同罪止至死减一等其余皆全况名例军官军人犯罪徒五等皆发二千里内卫分充军流三等照依地里远近发各卫充军则徒流罪亦未尝不充军也而何轻重之有

宿卫守卫人私自代替

凡宫禁宿卫及皇城门守卫人应直不直者笞四十以应宿卫守卫人私自代替及替之人各杖六十以别卫不系宿卫守卫人冒名私自代替及替之人各杖一百百户以上各加一等○若在直而逃者罪亦如之○京城门减一等各处城门又减一等亲管头目知而故纵者各与犯人同罪失觉察者减三等有故而赴所管告知者不坐

纂注宿卫守卫有别宿卫自在内者言如防护宫禁内使奸慝无所容也守卫则把守各门稽察其出入者也应宿不宿应守不守是谓应直不直也私自对下告知者看百户以上指镇抚千户指挥言京城各处城门皆兼应直不应直以下各项说故纵失觉察通管宫禁各皇城京城各处城门言此言凡宫禁中应宿卫之人及皇城应守卫之人班次轮该直日而不上直宿卫守卫者笞四十自己不直而以本卫应宿卫守卫下直之人私自代替者上直及代替之人各杖六十自己不直而以别卫不系宿卫守卫之人妄冒己名私自代替上直及代替之人各杖一百盖应直不直止于旷职而私自代替则相隐为奸故罪难同若宿卫守卫之官其责视军人又重矣故有犯者百户以上各加一等应直不直笞五十私自代替各杖七十冒名代替各杖六十徒一年若宿卫守卫官军有在直而私逃者罪如军人应直不直笞四十百户以上亦加一等笞五十此皆是宫禁皇城门至严谨者言之若在京城九门视皇城则又得减一等应直不直与在直而逃者在京城笞三十各处城门笞二十私自代替及替之者京城门笞五十各处城门笞四十冒名代替及替之者京城门杖九十各处城门杖八十百户以上亦加一等自宿卫守卫人以至百户以上则由轻以入重自宫禁以至各处城门又由重以减轻其得轻重之权如此至管军官即军之头目管百户以上者即为官之头目若亲管头目明知其应直不直或私替及在逃之情而故纵不举者各与犯人同罪不直及在逃者同笞四十私自代替者同杖六十冒名代替者同杖一百百户以上同百户以上加一等之罪京城门同减一等各处城门又同减一等其非故纵而失于觉察者减犯人罪三等宫禁皇城不直笞一十自代笞三十冒名自代杖七十百户以上不直笞二十自代笞四十冒名自代杖八十京城及外城门不直俱减尽无科自代者京城门笞二十外城门笞一十冒名自代者京城门杖六十外城门笞五十其宫禁及皇城京城外等门宿守之人遇有疾病等项事故而先赴亲管头目处告知者不坐不置之罪其所以通人情者至矣或谓有故自公差言若公差则头目人自当别拨补直又何待本人赴告耶

条例

一皇城各门各铺上直守卫该管官旗铃束不严及容情故纵所管军人离直点视不到十名以上者各杖一百指挥降千户千户降百户卫镇抚降所镇抚百户及所镇抚各降总旗总旗降小旗小旗降军俱调边卫带俸食粮差操若受财卖放者不分人赃多寡问罪亦照前降调其留守五卫昼夜轮流点城官员但受财卖放者一体参问降调若止是巡点不严以致军士不全问罪还职其各该直宿官旗军人点视不到一二次者送问三次以上者问发边卫差操

从驾稽违

凡应从车驾之人违期不到及从而先回还者一日笞四十每三日加一等罪止杖一百百户以上各加一等○若从车驾行而逃者杖一百发边远充军百户以上绞○亲管头目故纵者各与犯人同罪失觉察者减三等罪止杖一百

纂注此条自平时巡幸者言故坐罪与从征不同故纵及失觉察通管不到先回在逃三项说此言凡应合扈从车驾巡幸之人启行而违期不到及从行不候驾而先回还者一日即笞四十每三日加一等至十九日之上罪止杖一百百户以上若镇抚千户指挥有犯者各加一等违期及先回一日笞五十九日之上罪止杖六十徒一年若应从之人从车驾行幸中途而私自逃回者即杖一百发边卫充军百户以上犯者即坐绞违期不到然犹到也从而先还是犹从也故计日以定罪若从行而中逃则有背去之意故从重以加刑若军人或军官之亲管头目知情故纵者各与犯人同罪违期及先回一日同笞四十每三日通加一等罪止杖一百百户以上同加一等内行而逃者同杖一百充军百户以上至死者头目人减一等杖一百流三千里若止失于觉察者减犯人罪三等军人不到及先回者一日笞一十百户以上一日笞二十军人逃者杖七十百户以上逃罪止杖一百事出无心斯罪从轻拟也

直行御道

凡午门外御道至御桥除侍卫官军导从车驾出入许于东西两傍行走外其余文武百官军民人等无故于上直行及輒度御桥者杖八十若于宫殿中直行御道者杖一百守卫官故纵者各与犯人同罪失觉察者减三等若于御道上横过系一时经行者不在此限

纂注御桥谓承天门外之中桥至正阳门俱是金水桥不在内观外字与至字可见无故故字即是侍卫导从也横过兼午门外及宫殿中御道言此条言凡午门外之御道至御桥皆至尊出入之路非臣民之所得由故除侍卫官军或导引或随从车驾出者许于御道御桥东西两傍随走外其余文武百官军民人等无有侍卫导从之故于御道上直行及輒度御桥者杖八十至宫中及殿中之御道乃宸极之地视午门外为更亲近若无故于上直行者杖一百地渐尊严故罚亦加重也若内外直日守卫官员故纵其直行者及輒度者各与犯人同罪午门外者杖八十宫殿中者杖一百但失于觉察者减犯人罪三等午门外者笞五十宫殿中者杖七十若于午门外及宫殿中之御道上横过系一时径行者非直行之比故曰不在禁限所以重朝廷尊体统之意也

按律称午门外之御道御桥而不及午门内又称宫殿中之御道加午门外二等则午门内之御道御桥宜加午门外一等而减宫殿中一等可也若同杖八十则不必明称午门外矣

备考

一凡在外衙门龙亭已设仪仗已陈而直行者亦准御道科断杖八十

内府工作人匠替役

凡诸色工匠行差拨赴内府及承运库工作若不亲身关牌入内应役雇人冒名私自代替及替之人各杖一百雇工钱入官

纂注工匠行人谓工匠各有本色作行如木匠行针匠行之类不可作二项看以行人属承运库也关牌各工匠俱有悬带牌面以便稽查者冒名关牌串说若止冒名而不关牌恐亦不得入也此言凡诸色工匠如营造织染兵仗等各项人役所司差拨送赴内府各监局及承运库上办工作若工匠行不亲身关领牌面入内应役而有雇情人冒为己名关牌私自代替及受雇代替之人各杖一百所受雇工钱合追入官庶惩戒严而工集易关防密而弊不生也

宫殿造作罢不出

凡在宫殿内造作所司具工作姓名报门官及守卫官就于所入门首逐一视放入工作至申时分仍须相视形貌照数点出其不出者绞监工及提调内使监官门官守卫官军点视如名数短少就便搵捉随即奏闻知而不举者与犯人同罪失觉察者减三等罪止杖一百

纂注所入门即宫殿门点则知其名数视则识其面目即下相视形貌照数点出句也此条言凡宫殿之内有所造作所该管官司先将差拨过诸色工匠行人姓名逐一开报守门官及守卫官知会其守门官守卫官就于所入宫殿门首逐一照先报名姓点其数目视其形貌放入宫殿内工作至申时罢工分散门官及守卫官仍须一一相视其原来形貌照先名数点出其有停留宫殿内不出者即无他故亦坐绞罪其宫殿内监工官及提调内使监官守门官守卫官与军点视放出之时如于原入工匠名数内或有短少及非原来形貌者就便于宫殿内搵捉即便奏闻听候处分如监工等官明知工匠名数短少而不即举搵捉者与犯人同罪减等杖一百流三千里但失于觉察者得减犯人绞罪三等罪止杖一百亦不用杖九十徒二年半之律名例所谓罪止者仍依本法是也盖宫殿本为严密之地非外人所得隐藏苟稍纵之是长奸也安得不重惩之哉

輒出入宫殿门

凡应出宫殿而门籍已除輒留不出及被告劾已有公文禁止籍虽未除輒入宫殿者各杖一百○若宿卫人已被奏劾者本司先收其兵仗违者罪亦如之○若于宫殿门虽有籍至夜皆不得出入若入者杖一百出者杖八十无籍有入者加二等若持仗入殿门者绞

纂注此条专自宿卫人言凡军士以上都督以下皆是应出宫殿谓差遣给假患病下直之类持仗不言入宫门有犯亦坐绞观上诸条俱以宫殿并言自当一例论矣此言凡宫禁中宿卫之人有下直及差遣给假等项事故应出宫殿之人门籍既已除名则不得复留矣而輒留不出及应入直之人被人或告或劾已有公文禁止勿入其门籍虽未除名亦不得复入矣而輒入宫殿者各杖一百若宿卫人已被奏劾本管官司当先收其兵仗

以防不测若违律不先收兵仗者亦如輒留輒入之罪杖一百此言不得留不得入者之罪其致谨于昼者如此然应直之人犹得出入其间也至于夜则虽应直之人于宫殿门虽有名姓在籍皆不得出入矣若有至夜而在外輒入者杖一百在内而出者杖八十若非应直之人而宫殿门无名在籍与应入者有间也故加二等杖七十徒一年半若将兵仗乘夜入殿门者与不应入者又有间也不问有籍无籍之人俱坐绞其所以致谨于昏夜者又如此因地而人各坐罪因时而罪各有差防微杜渐之中不失宽严得宜之意律之善而又善者也

按此条与前宫殿门擅入条大意相同而此条不言门官及宿卫官军之罪有犯宜准前料断

关防内使出入

凡内使监官并奉御内使但遇出外各门官须要收留本人在身关防牌面于簿上印记姓名字号明白附写前去某处干办是何事务其门官与守卫官军搽检沿身别无夹带方许放出回还一体搽检给牌入内以凭逐月稽考出外次数但搽出应干杂药就令自吃若不服搽检者杖一百充军若非奉旨私将兵器进入皇城门内者杖一百发边远充军入宫殿门内者绞门官及守卫官失于搽检者与犯人同罪

纂注此条专为内官而设内使监官各监库局所隶奉御内使则长随大驾者也各人俱有关防牌面其兵器非奉旨者不敢悬带不服搽检兼出入言此言凡内使监官谓太监少监监丞等官并长随之奉御内使但遇出入皇城门者各守门官员须要收留本人在身悬带关防牌面随于门簿上印记本人姓名及牌面字号明白附写前去某处地方干办是何事务其门官与同守卫官军将本人搽检沿身别无夹带官私器物方许放出及其回还官军一体如前搽检亦无夹带然后给与原带牌面许放入内以凭本管衙门逐月稽查各内使监丞及奉御内使一月之内出入次数多寡但搽检出应干杂药就令带药之人自吃以观其意之所主若内使监官及奉御内使出入之间不服门官及守卫官军搽检者即杖一百充军其内使监官及奉御内使若非奉旨意许令悬带兵仗而私将兵器进入皇城门内者即杖一百发边远卫分充军入宫殿门者即绞盖皇城宫殿禁地也兵仗凶器也私将入内罪自不得不严如此其直日门官及守卫官员于内使监官及奉御内使进入之时失于搽检者与犯人同罪将兵仗入皇城门者同杖一百发边远充军入宫殿门者减犯人绞罪一等杖一百流三千里夫出入严则无扰害之弊搽检密斯无隐伏之奸其所以肃宫禁者至矣门官及守卫门官不言故纵其同罪可知

向宫殿射箭

凡向太庙及宫殿射箭放弹投砖石者绞向太社杖一百流三千里但伤人者斩

纂注曰向者则不论其及与不及矣但伤人者斩总承上言人字指在太庙宫殿太社内者但字即但得财但字之意此言凡有人故向太庙及宫殿内或射箭或放弹或投砖及石者即坐绞故向太社内射箭放弹投砖石者即坐杖一百流三千里盖太庙等处皆为

严肃之地而射箭等事实无忌惮之心其重惩之宜也若射箭放弹投砖石而伤太庙宫殿太社内之人者则又甚矣故曰但伤人者斩夫伤人者斩则杀人者可知举轻以示义与故向城市者异矣

宿卫人兵仗

凡宿卫人兵仗不离身违者笞四十輒离职掌处所笞五十别处宿杖六十百户以上各加一等亲管头目知而不举者与犯人同罪失觉察者减三等

纂注此俱是宿卫在直之人言职掌处所谓宿卫者人各分有定所也輒离谓暂特离者耳若别处宿又不止輒离矣此条言凡应宿之人各有悬带兵器所以防不测也须常川悬带不许离身违者即坐笞四十其兵仗虽不离身而輒离各人职掌所直之次者即笞五十其离次因而在别处宿歇者即杖六十百户以上各加军人罪一等兵仗离身者笞五十輒离职掌者杖六十别处宿者杖七十夫兵仗离身犹在直也而擅离职掌斯不直矣故加一等輒离职掌犹知返也而别处宿者斯不返矣故又加一等耳若亲管头目有知而故纵不举者与犯人同罪知其兵仗离身而不举同笞四十离职掌同笞五十别处宿者同杖六十百户以上头目亦同百户以上各加一等失于觉察者亲管头目各减军人及百户以上罪三等如兵仗离身失察者笞一十百户以上笞二十离职掌者笞二十百户以上笞三十别处宿者笞三十百户以上笞四十盖故纵失察情有轻重而同罪减等律亦有差也按宿卫人应直不直笞四十在直而逃者罪亦如之今輒离职掌是在直之人较之不直者其罪轻而别处宿亦与不直者等耳而罪反重何也盖应直之人未有无故而不直亦未有在直而无故逃者及本条又云有故而赴所管告知者不坐则不直在逃之罪悯其有故而罪其不直耳若既在直矣而輒离职掌及别处宿者则非有故者也安得与应直不直及在逃者同拟耶其加重宜也

禁经断人充宿卫

凡在京城犯罪被极刑之家同居人口随即迁发别郡住坐其亲属人等并一应经断之人并不得入充近侍及宿卫守把皇城京城门禁若朦胧充当者斩其当该官司不为用心详审或听人嘱托及受财容令充当者罪同○若有特旨选充曾经覆奏明立文案者不在此限

纂注极刑谓绞斩凌迟同居人口指同财共居者亲属人等是极刑同居迁发之外者经断之人不分罪名轻重曾经覆奏谓特旨选充之人所司仍须将极刑亲属及曾经决断情由覆奏也盖刑人不近君侧所以远嫌也故凡在京城内军民有犯死罪见被极刑之家同财共居人口所司随即迁发别郡地方住坐其非同居应迁发之亲属人等并一应犯笞杖罪名曾经决断之人并不得入内充当近侍及宿卫宫禁或把守皇城京城门禁若有隐匿前项情由朦胧充当近侍及宿卫守把等役者即坐斩其当该官司选充之时不为用心详审来历容令经断人入充近侍及宿卫守把门禁者亦坐斩故曰罪同盖近侍宿卫守把皆防范之人而宫禁城门至严密之地以刑人而充任使不惟有褻尊严亦

恐潜生奸宄故尽法以处之若极刑亲属及经断之人奉有特旨选充而当该官司曾经具由覆奏明白立有文案可照者所选充之人及官司俱不在所禁之限

冲突仪仗

凡车驾行处除近侍及宿卫护驾官军外其余军民并须回避冲入仪仗内者绞若在郊野之外一时不能回避者听俯伏以待其文武百官非奉呼唤无故辄入仪仗内者杖一百典仗护卫官军故纵者与犯人同罪不觉者减三等

纂注俯伏以待谓车驾过也文武百官谓随行者典仗专典仪仗之官此条不言罪止者以车驾行处典仗护卫之责比平时守卫不同故止曰减三等其云不觉而不言察者以冲突出于仓卒有不及察耳此言凡车驾行幸之处仪仗之内即为禁地故除近侍及宿卫护从车驾官军外其余军民如遇驾过并须回避有无故冲入驾前所列仪仗之内者即坐绞若在郊野之外卒遇车驾一时不能回避者听许俯伏道傍以待驾过其随行之文武百官不系近侍等项必待宣唤无故辄入仪仗内者杖一百盖军民一为无事之人而文武百官有扈从之役故坐罪虽均而轻重各别也其典仗护卫官军故纵者与犯人同罪故纵人冲入仪仗内减本犯一等杖一百流三千里故纵官员入仪仗内与本犯同杖一百本非故纵而但不觉其入仪仗内者减犯人罪三等冲入者杖九十徒二年半辄入者杖七十车驾行处尤为严谨故不用罪止之律所以重责以警其怠也

凡有申诉冤抑者止许于仗外俯伏以听若冲入仪仗内而所诉事不实者绞得实者免罪

纂注俯伏以听谓听旨发落不实者绞是罪其冲突非罪其不实也免罪免其冲突之罪此言凡军民人等于车驾行处有申诉一应冤抑事情者止许于仪仗之外俯伏以听圣旨发落若有冲入仪仗内而所申诉事情有不实者仍坐冲突仪仗之绞所诉事情得实者免其冲突仪仗之罪夫冲入仪仗一也必察事情之虚实以定罪其所以达民隐者至矣按此条典仗护卫官军不觉者本减犯人罪三等本犯既以得实免罪则典仗护卫人亦得免科盖名例所谓因人连累致罪者若罪人自首告及遇原免或蒙特恩减等收赎者亦准罪人原免减等赎罪论

凡军民之家纵放牲畜若守卫不备因而冲突仪仗者杖八十冲入皇城门内者杖一百纂注此条专言守卫人之罪纵放谓平时纵放在外者言凡军民之家牧养牲畜纵放在外若车驾行处而守卫之人不行堤备因致牲畜冲突仪仗内者守卫之人杖八十若平时守卫不备致牲畜冲入皇城内者守卫人杖一百盖驾行而冲突事或出于卒然若皇城禁地岂牲畜所宜冲突哉故罪有轻重如此

备考

一军民之家纵放牲畜冲突仪仗者并以不应事重论

条例

一圣驾出郊冲突仪仗妄行奏诉者追究主使教唆捏写本状之人俱问罪各杖一百发

边卫充军所奏情词不分虚实立案不行

行宫营门

凡行宫外营门次营门与皇城门同若有擅入者杖一百内营牙帐门与宫殿门同擅入者杖六十徒一年

纂注车驾行幸驻蹕之处曰行宫此不言未过门限与门官宿卫官军故纵及失觉察之罪当一依宫殿门擅入条拟断此言凡车驾行幸所止必有行宫其制度与大内虽有不同然至尊所在即为禁地故外营门次营门并与皇城各门同若有擅入二营门者即杖一百其内营牙帐门与宫殿门同若有擅入牙帐门内者即杖六十徒一年地既尊严法难假借也

按疏议云行幸处无离宫别殿牙帐门即御在所不可更引擅到御所之律不知律止称牙帐门而门之内尚有圣躬所止宿处安得不为御在所耶宜用擅入御膳所及御在所者绞之律方为详尽

越城

凡越皇城者绞京城者杖一百流三千里越各府州县镇城者杖一百官府公廨墙垣者杖八十越而未过者各减一等若有所规避者各从重论

纂注越城兼出入言凡不由门者皆是镇城所指者广如各处巡检司及边镇去处多有镇城有规避者从重论谓计所规避与越城罪之重者论此言在内之皇城京城在外之府州县及镇城均有禁约关防不密奸从生矣故凡有人踰越皇城者绞京城者杖一百流三千里越在外各府州县及各镇城者杖一百若官府公廨墙垣虽非禁城亦系屏卫有越之者杖八十干系不同罪难一律也若越城而未及过城者各减已过罪一等皇城杖一百流三千里京城杖一百徒三年府州县镇城杖九十公廨墙垣杖七十若于事有所规避而越城者各从其罪之重论规避重者从规避论越城重者从越城论曰各减一等轻其所不得不轻曰各从重论重其所不得不重法立而不滞法之至善者也

门禁锁钥

凡各处城门应闭而误不下锁者杖八十非时擅开闭者杖一百京城门各加一等其有公务急速非时开闭者不在此限○若皇城门应闭而误不下锁者杖一百发边远充军非时擅开闭者绞其有旨开闭者勿论

纂注各处城门即上条之各府州县镇城也误不下锁是亦关矣但未下锁耳非时开闭不但谓昼夜凡应开而闭应闭而开俱谓之非时此言凡在外各处府州县锁之城门时已应闭而守门之人误不下锁者杖八十时不应开而擅开及时不应闭而擅闭者杖一百盖锁钥不严奸无以杜开闭不时民不知守其罪之宜也至京城门又非各处城门可比故各加一等误不下锁者杖九十非时开闭者杖六十徒一年其禁又加严矣其各处城门及京城有公务急速势难稽缓而非时开闭者不在此限又所以通变也若皇城门又非京城可比故应闭而误不下锁者杖一百发边远充军非时擅开闭者坐绞其禁愈

为严矣若奉有旨意非时开闭者不论又得勿论者所重君命耳条内两言误者原其无心也若非误而有心不下锁者又当从重论矣

悬带关防牌面

凡朝恭文武官及内官悬带牙牌铁牌厨子校尉入内各带铜木牌面如有遗失官罚钞二十贯厨子校尉罚钞一十贯若有拾得随即报官者将各人该罚钞贯充赏有牌不带无牌輒入者杖八十借者及借与者杖一百事有规避者从重论隐藏者杖一百徒三年首告者于犯人名下追钞五十贯充赏诈带朝恭及在外诈称官员台号有所求为者绞伪造者斩首告者于犯人名下追钞一百贯充赏

纂注军官上直悬带铁牌无牌輒入是原有牌者因遗失或质当故无牌耳二首告上只就隐藏者下兼诈带诈称及伪造者言之凡借牙牌是指有官者若拾牌诈带朝恭则兼无官者此言凡朝恭文武官及内官各要悬带牙牌铁牌其光禄寺厨子锦衣卫校尉进入内府各带铜木牌面所以关防诈伪者如有遗失前项牌面者文武官及内官罚钞二十贯厨子校尉罚钞一十贯若有拾得官员人等牙牌铁牌铜木牌面能随即报官者即将各人该罚钞贯或二十贯或一十贯给与充赏夫遗失者有罚报官者有赏明劝惩所以重信器使不失也然此止自遗失者言之耳若文武内官或厨子校尉原有牌而不带入内或因牌有遗失无牌朦朧入内者杖八十若无牌而借人牌以入及有牌而借与人入内者杖一百其有牌不带无牌輒入或借牌而入若于事有所规避者自从重者论其有拾得官员人等遗失牌面而隐藏不报官者杖一百徒三年有人知其隐藏之情而能赴官首告者于隐藏牌面之名下追钞五十贯给与充赏盖无牌輒入以牌相借则与遗失者异矣得牌隐藏则与报官者异矣是以法益严而罪益重也然犹未到为奸耳若本无官而将所隐藏牌面诈带朝恭及在外诈称有牌官员名号有所求为于人者即坐绞若伪造官员人等牌不问牙铁铜木者即坐斩若有人知其诈带诈称伪造之情而首告于官者于绞斩罪犯人名下追钞一百贯给与充赏诈带称则欺罔有过伪造诈牌则紊乱制器其情又不止相隐藏者故法愈严而赏愈重耳

备考

一凡盗官员牌面有所求为者依诈假官论断

条例

一凡各卫直宿军职使令上直军人内官使令上直校尉各悬带铜牌出百里之外营干私事者恭问奏请军职降一级调边远卫分带俸差操内官发充净军军人校尉俱发边卫充军若由各官挟势逼勒者军人校尉照常发落

大明律集解附例卷之十四

兵律

军政

擅调官军

凡将帅部领军马守御城池及屯驻边锁若所管地方遇有报到草贼生发实时差人体探缓急声息须先申报本管上司转达朝廷奏闻急降御宝圣旨调遣官军征讨若无警急不先申上司虽已申上司不待回报輒于所属擅调军马及所属擅发与者各杖一百罢职发边远充军○其暴兵卒至欲来攻袭及城锁屯聚军马之处或有反叛或贼有内应事有警急及路程遥远者并听从便火速调拨军马乘机剿捕若贼寇滋蔓应合会捕者邻近卫所虽非所属亦得调发策应并即申报本管上司转达朝廷知会若不即调遣会合或不即申报上司及邻近卫所不即发兵策应者并与擅调发罪同○若亲王所封地面有警调兵已有定制其余上司及大臣将文书调遣将士提拨军马者非奉御宝圣旨不得擅离信地若军官有改除别职或犯罪取发如无奏奉圣旨亦不许擅动违者罪亦如之

纂注屯驻屯营驻扎也缓急二字是一条张本下无警急及事有警急皆从此二字生出凡将帅至调遣官军征讨止泛言常法如此二节曰暴兵卒至曰反叛曰内应曰路程遥远是四事四者有一即听从便调拨非谓有是四者而后可调拨也滋漫二字是两样如水之滋长草之蔓延也并即申报转达知会二句总管上文调拨调发二字谓一面调兵一面申报也定制谓镇守官须得御宝圣旨又得亲王令旨比对相合方许发兵详载皇明祖训其余上司大臣泛言该辑将帅者擅离自军马言擅动自将帅言此言凡各处将帅统领所部军马或守御城池或屯聚驻扎边锁之地若所该管地方遇有报到草野贼寇生发实时差遣间谍之人体探声息缓急须先将缓急之情申本管上司转达朝廷奏闻给降御宝圣旨即今玺书方许调官军征讨若虽寇贼本无警急而将帅官不行先申达上司及虽已申达上司不待转达回报而輒于所属衙门擅自调拨军马及所属官司明知不曾回报而擅拨与军马者将帅及所属官各杖一百罢职发边远充军此自其声息之缓者言之若所管地方贼寇暴兵突至欲来攻击掩袭及城池边镇屯聚军马之处我军或有反叛或贼有内应事势警急及上司相离路程遥远一时不能申报转达回报并听将帅从便火速调拨军马乘其机会剿杀擒捕若寇贼滋蔓猖獗势不能敌应合会兵剿捕者邻近卫所虽非所属亦得便宜调发军马策应其原调官及邻近卫所官并即将调发过缘由申报本管上司转达朝廷知会若本应会捕而不即调遣军马会合举兵或已调发彼此不即申报上司及邻近卫所已承调发不即发兵策应者并与擅调发罪同亦各杖一百发边卫充军此自声息之急者言之曰不得擅调曰待报后发御将帅之权也曰从便调遣曰先发后闻应事变之机也若亲王所封地面遇有警急调兵已有原定旧制外其余无亲王地面但军职之本管上司及典兵大臣有将文书调遣将士及提拨军马者若其文书中非明奉给降御宝圣旨其御屯驻及各卫所官军不许擅离所守信地应其调拨若守御屯驻军官有改除别项职事或已犯罪名行文取发推问者若公文内如无奏奉圣旨字样亦不许擅动而离其本处如有违此擅离信地及擅动者

罪亦如之杖一百发边卫充军盖无旨不许擅离则他变不生无旨不许擅动则军马有统意有轻重而罪则同其防之者至矣

申报军务

凡将帅恭随总兵官征进如总兵官分调攻取城寨克平之后随将捷音差人飞报一申总兵官一申五军都督府一行兵部另具奏本实封御前○若贼人数多出没不常如所领军人不敷须要速申总兵官添发军马设策剿捕不速飞申者从总兵官量事轻重治罪○若有来降之人即便送赴总兵官转达朝廷区处其贪取来降人财物因而杀伤人及中途逼勒逃窜者斩

纂注恭随者参赞随从之谓征进者征讨之法有进无退故曰征进捷音得胜消息也飞报即下申总兵官四句从总兵官治罪自未至失误者言若有失误仍依失误军机常律其贪取来降人财物以下不专指是将帅杀伤人人字指来降者此言凡各处将帅官员参随本管总兵官征进如总兵官分投调遣攻取大城小寨其克复平定之后将帅官务要随将克复之捷音即速差人飞报知会一申本管总兵官一申五军都督府一行兵部衙门三者之外另具克平缘由奏本实封御前开拆若攻取之时贼人数多其出没又不常如将帅官所部军人数不敷足势难支敌须要作速申请总兵官添拨军马设立计策剿捕如有不速飞报申请者听从总兵官酌量事情重轻明治其罪盖有功而不速申奏则忌功者得以壅蔽有警而不速申请则僨事者得以借口其功明其罪当将帅之权也盖攻取城寨而贼人有来降顺者将领即便差人送赴总兵官处转达朝廷区处若将帅人等有贪取来降人财物因而杀死或伤残来降人或中途因有别故逼勒来降人逃窜以灭口者斩招降纳叛兵法之常杀伤逼窜是阻其来也故坐斩

备考

一凡于来降止是贪取财物而无杀伤等情者依吓骗律科断

条例

一凡临阵报有斩获贼级纪功官从公审验若用钱买者卖者俱问罪官旗就在本卫军发边卫民并军丁人等发附近俱充军若强夺他人首级及妄割被杀汉人首级冒功者军民舍余人等亦照前发遣官旗降原职役一级京卫调外卫外卫调边卫边卫调极边卫俱带俸差操将官及守备把总等官替人冒报功次者亦奏请降调若擅杀平人及被虏逃回人口冒作贼级报功者俱以故杀论本管将官头目失于铃束者五名口以上降级调卫十名口以上罢职充军

飞报军情

凡飞报军情在外府州差人一申布政司一申都指挥使司及行移本道按察司其守御官差人行移都指挥使司都指挥使司差人一行本管都督府一具实封布政司一差人行移兵部一具实封俱至御前开拆按察司差人具实封直奏在内直隶军民官司并差人申本管都督府及兵部另具实封各自奏闻若互相知会隐匿不速奏闻者杖一百罢

职不叙因而失误军机者斩

纂注在外指十三省下在内则两直隶也本道按察司谓本道之按察司国初监察御史称十三道非谓今之守巡两道也并字各字总承军民官司言谓军申督府民申兵部也互相知会以下总承上在外在内二项律不言充军止依本律杖断罢职若系军官仍依名例不论大小降充总旗此言凡各处飞报军务其在外府州如闻该县巡司等报即行差人一申本管布政司一申都指挥使司及行移本道之按察司其卫所守御官差人行移本管都指挥使司若都指挥使司得报差人一行本管都督府一具军情奏本实封布政司得报一差人行移兵部一具实封与都指挥之实封俱至御前开拆如按察司得报不必转申即差人特具实封径直陈奏此专自在外者言若在内直隶管军管民之官司原无都布按二司所辖者如有军情并差人军官径申本管都督府民官径申兵部衙门军民官司俱另具实封奏本各自奏闻此专自在内者言夫必申布按都司及督府兵部者则体统不紊而必实封奏闻则壅蔽不生此相维相制之道也若在外在内军民衙门已将军情行移布按都司及督府兵部互相知会门白乃上下相与符同隐匿军情不速奏闻朝廷不惟欺君亦且长寇故无所失误者杖一百罢职官仍降充总旗因不奏以致失误军机者坐斩军情至重其处置得宜如此

边境申索军需

凡守边将帅但有取索军器钱粮等物须要差人一行布政司一行都指挥使司再差人一行五军都督府一行合干部分及具奏本实封御前其公文若到该部五军都督府须要随即奏闻区处发遣差来人回还若稽缓不即奏闻及各处不行依式申报者并杖一百罢职不叙因而失误军机者斩

纂注军器钱粮之外若车马头疋之类故曰等物合干该部如军务该隶兵部军器隶工部钱粮隶户部是也并杖一百指稽缓不奏申报违式二事言稽缓不可专就府部如将帅稽缓不即具奏亦是此言凡屯守边镇将帅但遇军器钱粮等物缺少应合取索者须要差人在外一行本管布政司一行都指挥使司再差人在内一行五军都督府一行合干部分如军器行工部钱粮行户部之类既行申报又必开具缺少应用奏本实封至御前其将帅申索公文若已到该部及五军都督府须随具本奏闻如钱粮军器若何区处将议定缘由奏准随即发遣各边原差人役回还若边将应有取索稽缓不即实封奏闻或府部已承边将申报乃稽缓不即奏闻区处及边将于各处不行依实一一申报如在外不申报布政司都司在内不申报督府该部者并杖一百罢职军官降充总旗若因不奏不申以致军前缺乏从而失误军机者坐斩庶惩戒既严怠惰知警军需不致缺乏而有备斯可无患也

失误军事

凡临军征讨应合供给军器行粮草料违期不完者当该官吏各杖一百罪坐所由○若临敌缺乏及领兵官已承调遣不依期进兵策应若承差告报军期而违限因而失误军

机者并斩

纂注临军征讨是临出军之时也若下临敌则军至境矣违期不完是有司原征派者罪坐所由稽迟之人缺乏通指军器等项已承调遣是承总兵官调遣也临敌以下作三事因而失误军机句则总承之此言凡临敌官军有事征讨其有司应合供给将士军器行粮及马匹草料若有违误期限不完备者有司当该官吏各杖一百俱罪坐所由如上司移文稽迟则罪坐上司下司已承移文而征办不完则罪坐下司此自其初出军未至失误者言之若军马已临敌境其有司随征军器粮草不完致有缺乏者及领兵已承总兵官调遣而逗遛观望不依会兵之期进兵策应者若军中告报会兵日期而承差之人稽迟所定之限者因上三事而致有失误军机者并斩军需缺乏而失误者供给之人坐斩不依期策应而失误者承调之人坐斩告报违限而失误者承差之人坐斩而与上违期不完杖一百者相远矣盖军旅均为大事但军马初行时非危急或有不完犹可措置若军临敌境呼吸存亡稍有失误辱国丧帅安得以易视耶按军机未至失误者当各依本律供给军器粮草缺乏者依供给违期及管送违限不依期策应者依从征违期律告报军期违限依驿使稽程军情加三等律

从征违期

凡军官军人临当征讨已有起程日期而稽留不进者一日杖七十每三日加一等若故自伤残及诈为疾患之类以避征役者各加一等并罪止杖一百仍发出征○若军临敌境托故违期一日不至者杖一百三日不至者斩若能立功赎罪者从总兵官区处

纂注凡律中称军人当兼旗役言之若明言总小旗则军人自为军也故名例但云军官军人犯罪免徒流各加一等自未至杖一百者言若既至杖一百则用罪止律矣伤残至笃疾不堪征进者依律科杖一百之罪仍依名例收赎开役不在仍发出征之限律称一日三日不言二日者同一日法也此言凡一应已承调遣军官军人临当出军征讨已有起程日期而故于私家稽留不进者是玩令也故一日即杖七十每三日递加一等若本无疾而故意自伤残其身体及本无事故而诈伪疾患之类以避从征之役者各加稽留罪一等一日即杖八十每三日亦加一等其稽留至十日之上伤残诈疾至七日之上各罪止杖一百决讫仍发出征若师行已临敌境正将士效死之日而军官军人有推托事故迁延有违期限是有避难之心矣一日不至者杖一百三日不至者坐斩若军官军人应合决杖处斩有能自愿建立事功准赎前罪者听总兵官从宜区处夫违限期一也视事之缓急以轻重其罪其纪律之严如此然听许立功赎罪斯有法外之仁鼓舞激劝之一机也按诸书俱谓伤残至笃废疾者开役定勾本人壮丁补役起发此律外意也不知必欲勾取本人壮丁补役不惟有误期限而新补之役恐又不教之兵不若一面于别伍见役内拨补出征一面勾取本人壮丁补伍庶期限不误而军有实用耳

军人替役

凡军人不亲出征雇倩人冒名代替者替身杖八十收籍充军正身杖一百依旧充军若

守御军人雇人冒名代替者各减二等其子孙弟侄及同居少壮亲属自愿代替者听若果有老弱残疾赴本管官司陈告验实与免军身○若医工承差关领官药随军征进转雇庸医冒名代替者各杖八十雇工钱入官

纂注守御军人雇人代替不言收籍充军止坐其罪其子孙弟侄以下皆兼从征守御言与免军身必勾丁补伍如无次丁则免老军终身医本技艺故曰工雇工钱入官止就庸医言其替人从征守御若替身收籍充军者免追雇工钱不收充军者追入官此言凡军人已承调遣不行亲身出征雇倩他人冒顶己名代替出征者受雇替身杖八十收入军籍各另允军正军杖一百依旧充军仍发出征若守御城池军人不亲着役雇人冒顶己名代替守御者各减代替出征罪二等替身杖六十正身杖八十依旧充军守御盖守御之责视之出征者为稍轻故守御代替之罪亦轻于出征代替之罪也其出征守御军人之子孙弟侄及同财共居但系年少力壮之亲属非系雇倩自行情愿代替出征守御者听许代替至亲休戚相关必无妨碍非雇倩代替者比故听之耳其出征守御军人本身果有老弱及残疾不堪征守者许赴本管官司陈告官司查验的实与免军身别勾壮丁补役可谓体恤之至也至军中必有医工若已承差遣关领在官药物随军征进其有身不亲行转雇庸医冒名私自代替及替之人各杖八十庸医所得雇工钱合追入官雇倩代替己为欺公况为庸医于事何济彼此俱罪法之尽也

按守御代替各减等或谓律文有若字当会上意俱减杖仍收籍充军且引婚媾律居父母及夫丧嫁娶者并离异若居祖父母伯叔父母等丧而嫁娶者虽律无文亦当离异为证不知若者固曰文虽殊而会上意然有会上之重而入轻者有会上之轻而入重者有会上之相类而附言之者若守御代替则会上之重而入轻者耳充军减死罪一等岂容妄拟律法之精此独无文苟泥若字如下纵军掳掠条当拟将帅罢职充军矣而听使官军总旗递减一等此更同一圈者亦当拟充军耶至若律称离异凡非婚媾之正俱得离异律因无文者多故于末条总言以申明之安得与此并论

又失误军事条临军征讨军器等违期不完者杖一百至临敌缺乏亦用若字者而何又曰并斩耶事有大小罪有轻重读律者逆其意焉可也

条例

一凡各处清解军丁选拣精壮亲丁金点相应长解批内明开相貌年甲籍贯在京者起解两京兵部在外者径解该卫若不系同宗子孙顶替起解及将长解正身卖放在家执批前来顶名者正军问调别卫顶军就收本卫长解并受雇之人俱发附近各充军里老邻佑知情不首者各治以罪受财者照长解受雇之人一体发遣

一各处备倭贴守其把总等官纵容舍余人等代替正军者正军问调沿海卫分舍余人等就收该卫充军把总等官参问治罪

一在京在外各都司卫所勾到新军官吏旗甲附写名数半月内帮支月粮各照地方借房安插存恤三个月方许送营差操如有指称使用等项名色勒要财物逼索在逃者不

问指挥千百户镇抚俱照卖放正军事例计一年之内所逃人数多寡降级充军拟断若不及数及不曾得财者照常发落

一京卫及在外卫所解到新军以投文日为始不过十日将收管批回给付长解若刁蹬留难者该吏军吏总小旗提问卫所掌印并本管官不拘曾否得财参问带俸差操

主将不固守

凡守边将帅被贼攻围城寨不行固守而輒弃去及守备不设为贼所掩袭因而失陷城寨者斩若与贼临境其望高巡哨之人失于飞报以致陷城损军者亦斩若被贼侵入境内掳掠人民者杖一百发边远充军○其官军临阵先退及围困敌城而逃者斩

纂注掩袭谓乘其无备而袭取之也因而失陷城寨句承上两下说失于飞报罪坐望高巡哨之人故也被贼入境掳掠人民二句承上守御不设为贼所掩袭失于飞报二项围困敌城谓我师围彼也此言将帅责在守御义当效死然必守御以严哨望以时而后保无虞故凡屯守边镇将帅被贼攻围城堡营寨不行戮力固守輒自弃城寨而去及守城而备寇之具不设为贼人所掩袭因其守城无备而失陷所守城寨者将帅坐斩若官兵与贼临境其望高巡哨之人遇有敌兵侵犯而失于飞报使将帅不知先事防御以致陷城损军者哨望之人所事虽不同失机一也故亦斩若将帅守备不设及哨望失于飞报被贼人侵入境内掳掠人民者视致有失陷者有间也故止杖一百发边远充军其征进官军已临战阵与贼交锋而先自退缩及我军围困敌城已将取胜而官军輒自逃遁先退则令敌乘胜而支我先逃则众或观望而解体不忠之甚者故处以斩耳

条例

一失误军机除律有正条者议拟监候奏请外若是贼拥大众入寇官军卒遇交锋损伤被虏数十人之上不曾亏损大众或被贼众入境虏杀军民数十人之上不曾虏去大众或被贼白昼夤夜突入境内抢掠头畜衣粮数多不曾杀虏军民者俱问守备不设为贼侵入境内虏掠人民本律发边远充军若是交锋入境损伤虏杀四五人抢去头畜衣粮不多者亦问前罪以上各项内情轻律重有碍发落者仍备由奏请处置其有被贼入境将爪探夜不收及飞报声息等项公差官军人等一时杀伤捉去事出不测者俱问不应杖罪还职如或境外被贼杀虏爪探夜不收非智力所能防范者免其问罪

一凡各边及腹里地方遇贼入境若是杀虏男妇十名口以上牲畜三十头只以上不行开报者军民职官问罪降一级加前数一倍者降二级加二倍者降三级甚者罢职其上司及总兵等官知情扶同事发参究治罪

一凡沿边沿海及腹里府州县与卫所同住一城及卫所自住一城者若遇大虏及盗贼生发攻围不行固守而輒弃去及守备不设为贼攻陷城池劫杀焚烧者卫所掌印与专一捕盗官俱比照守边将帅失陷城寨者律斩府州县掌印并捕盗官与卫所同住一城及设有守备官驻扎本城者俱比照守边将帅被贼侵入境内虏掠人民律发边远充军其兵备守巡官驻扎本城者罢职为民若非驻扎处所兵备守巡及守备官俱降三级调

用若府州县原无设有卫所但有专城之责者不分边腹遇前项失事掌印捕盗官照前比律处斩兵备守巡官亦照前罢职降调其有两县同住一城及府州县佐贰首领但有分守城信地各以贼从所管城分进入坐罪若无城池与虽有城池被贼潜踪隐迹设计越城进入劫盗随即逃散不系失陷者止以失盗论俱不得引用此例

纵军掳掠

凡守边将帅非奉调遣私自使令军人于外境掳掠人口财物者杖一百罢职充军所部听使军官及总旗递减一等并罪坐所由小旗军人不坐○若军人不曾经由本管头目私出外境掳掠者为首杖一百为从杖九十伤人为首者斩为从杖一百俱发边远充军若本管头目铃束不严杖六十附过还职○其边境城邑有贼出没乘机领兵攻取者不在此限○若于已附地面掳掠者不分首从皆斩本管头目铃束不严各杖八十附过还职○知情故纵者各与犯人同罪

纂注此条全重在私自二字一节二节俱言外境是未附地面第四节言已附地面则境内矣所部谓将帅之部下必有指挥千百户总小旗军人也递减一等谓军官减将帅一等总旗减军官一等军官不言指挥千百户镇抚不以品级递减科罪也罪坐所由指所由听使之人俱发边远充军诸书谓从者多故言俱不知将帅使令军人掳掠已杖一百充军军人私自掳掠反止坐杖恐失轻重还当通掳掠伤人为从及不伤人首从俱发充军纔是不然律当用皆各字可也或以俱字用在杖一百之上亦可本管头目兼总小旗而律止言还职举其重者言之其边境城邑三句承上二节若已附地面节专承军人自掳节知情故纵第一第二四节此言御虏之道来则拒之去则勿追也况可生事以开边衅乎故凡屯守边镇将帅官员非奉总兵官调遣出征而有私自使令所部军人于外境未附地方掳掠人口及财物者将帅杖一百罢职充军所部军官及总旗受将帅之命而使令军人出境掳掠者递减一等军官减将帅一等杖九十总旗减军官一等杖八十并罪坐所由主意听使之人其所使小旗军人俱不坐罪盖将帅三军首领军官总旗受命于将帅小旗军人又听令军官总旗者故或治或不治也以上皆言将帅官旗之罪若所部军人不曾经由本管头目如指挥千百户等使令而私自出外掳掠人口财物者以造意者为首杖一百为从者杖九十因掳掠而致伤人口为首者斩为从者杖一百其伤人为从及不伤人之首从俱发边远充军若本管头目虽不知情素无纪律铃束不严以致军人出境掳掠伤人者杖六十附过还职役其边境城邑去处有贼出没而将帅官旗能乘机领兵攻取者此应敌之权也在将帅不谓之私使在军官总旗不谓之听使在头目不谓之铃束不严故曰不在此限若军人于已归附地面而不经头目私自掳掠虽不伤人不分首从皆斩其本管头目铃束不严者各杖八十附过还职掳掠一也外境犹为敌国不禁恐其构怨已附即为吾民扰之如何招来其罪自不容同科耳若将帅及本管头目明知军人私出外境及于已附地面有所掳掠而容情故纵不举者各与犯人同罪至死减一等止杖一百流三千里庶几令不弛而兵有制也

按条内两称铃束不严而下杖八十乃用各字夫各者彼此同科此罪之谓军人各有部伍某伍军人掳掠当坐某伍头目不严之罪与别伍头目无干似难用各字或者其误用之耳

条例

一轮操军人军丁沿途劫夺人财杀伤人命占夺车船作践田禾等项许被害之人赴所在官司具告拏解兵部转送法司究问除真犯死罪外徒罪以上俱调发边卫充军其管操指挥千百户等官往回不许与军相离若不行铃束并故纵劫夺杀人等项者参问调卫

一土官土合纵容本管夷民头目为盗聚至百人杀掳男妇二十名口以上者问罪降一级加前数一倍者奏请革职另推土夷信服亲枝土舍袭替若未动官军随即擒获解官者准免本罪

不操练军士

凡各处守御官不守纪律不操练军士及城池不完衣甲器仗不整者初犯杖八十附过还职再犯杖一百指挥使降充同知同知降充佥事佥事降充千户千户降充百户百户降充总旗总旗降充小旗小旗降充军役并发边远守御○若堤备不严无驭无方致有所部军人反叛者亲管指挥千户百户镇抚各杖一百追夺发边远充军若弃城而逃者斩

纂注纪律兵家之纪纲法律也初犯如一次查点有失谓之初二次即为再犯附过还职兼叛言抚驭谓抚绥驾驭也弃城而逃者指挥以下因军反叛而逃也此言凡各处不拘腹里边境地方一应守御军官有不守兵家之纪律而无节制控驭之权不操练所部之军士使知坐作进退之节城池不能完固使可守军士所用之衣甲器仗不能整顿使可战此皆守御官之责也初次查点有犯上数者不问指挥千百户总小旗各杖八十附过还职二次为再犯杖一百指挥使降充同知同知降充佥事佥事降充千户千户降充百户百户降充总旗总旗降充小旗小旗降充军役指挥以下发边远地方守御原系边远发极边此在平时无事者则然若守御官员堤防御备之不严抚绥驾驭之无方致有本部之军人或乘其无备或愤其苛刻大而反逆次而背叛者亲管之指挥千户百户镇抚各杖一百追夺其原授之诰徠永不许袭替发边远充军若因军士反叛不能安抚剿捕乃背弃城守而逃者坐斩其反叛以谋反大逆条论情以渐而重法以渐而严其所以责成守御者至矣

条例

一各卫所京操官员故行构讼不赴操者除犯该死罪并立功降调罪名另行更替外其余悉听掌印官申呈巡抚巡按衙门锁项差人解兵部发操若有抗违不服或挟私排陷者参奏问调边卫带俸差操掌印官纵容不举参究治罪

一各边关堡墩台等项守备去处若官军用钱买闲者官员问罪调极边卫分守御旗军

人等发沿边枷号一个月常川守哨若原在关营官军逃回原籍潜住及架炮夜不收守墩军人夤夜回家轮班不去者俱照前项调卫枷号守哨发落

一凡赴京操军一班不到者罚班三个月军两班官一班不到者罚班六个月军三班官两班以上不到者罚班一年俱先送法司问罪完日发本营罚班其该班不到月日各另扣补若有能自首者免其问罪送营照前罚补前项失班并承批管解扶同捏故各军职俱不必参提径自送问

一各边备御官军失班不来者各行各该巡按御史督属拏获问罪差人解送各边镇巡官查审军一班不到者在原备边处罚班三个月军两班官一班不到者改拨本处沿边城堡罚班六个月军三班官两班以上不到者极边城堡罚班一年其补班月日各另扣算若来迟不曾失班者止补来迟月日

一中都山东河南各都司卫所掌印官将原额京操班军实在正身照名查点督发赴班如有缺少者以十分为率卫所掌印官三分以上问罪住俸五分以上降一级八分以上降二级调卫都司掌印官五分以上参问住俸八分以上降级若已照数点发致有中途不到者领班都司并卫所札付官俱照前例问降若全班不到者不分掌印领班札付官俱提解来京一体问罪降一级调发边卫中间或有受财卖放者以卖放正军事例从重论

激变良民

凡牧民之官失于抚字非法行事激变良民因而聚众反叛失陷城池者斩
纂注此言凡牧养小民之官其职以安民为尚若有平时失于抚绥字爱而又行非法之事以暴虐之乃至激变其无罪之良民因而聚集大众谋为反叛临时又不能收复平定致有所失陷城池者牧民之官坐斩盖其无惠民之心常行暴虐势必至乱重法以惩之使为民牧者知所以深省也激变良民须失陷城池方坐斩罪若止反叛而城池未陷者比依守御官抚驭无方致所部军人反叛充军律奏请

私卖战马

凡军人出征获到马疋须要尽数报官若私下货卖者杖一百军官卖者罪同罢职充军买者笞四十马匹价钱并入官军官军人买者勿论

纂注曰私下货卖则报官后货卖者不禁买者指常人言军官军人买者勿论止科卖者之罪价钱入官或谓卖者亦得勿论观律文下买者二字可见此言凡军人随从出征其有获到敌人马匹随其所获从实尽数报官听从官司区处其有克留私下得价货卖与人者即杖一百若军官获得敌马而卖者与军人罪同亦杖一百罢职充军常人买者笞四十其马匹及价钱并追入官若军官军人买得马匹者不坐罪马不入官故曰勿论夫同一卖也而军官罪重以其有钤束之责也同一买也而军官军人勿论以其还充官用耳其法之得中如此

私卖军器

凡军人关给衣甲鎗刀旗帜一应军器私下货卖者杖一百发边远充军军官卖者罪同罢职充军买者笞四十应禁者以私有论军器价钱并入官军官军人买者勿论

纂注此条与上私卖战马同意但军器关给于官与战马获于敌人者不同故罪有轻重应禁者以私有论罪止就买者言言凡军人有将自己关给于官司衣甲鎗刀旗帜一应军器私下货卖与常人者无复战守之心故杖一百依律发边远卫分充军若军官私卖军器者与军人罪同亦杖一百罢职发附近充军与军人杖同而充军不同者官降为军则已贱之矣民间买者笞四十所买系应禁军器如人马甲傍牌火筒火炮旗纛号带之类买者照下私有条论罪一件杖八十每一件加一等罪止杖一百流三千里所买之军器不论应禁与否与所得之价钱并追入官若同出征及守御之军官军人买者不问应禁与否俱不坐罪以其备征守之用耳惟卖者仍坐罪追价还官卖军器与夷人有例见私出外境条

按下条将帅关拨军器事讫还官此言卖与军官军人买者勿论又似不还官者恐此指在卫之军平时关给以备操练不复还官耳

毁弃军器

凡将帅关拨一应军器征守事讫停留不回纳还官者十日杖六十每十日加一等罪止杖一百○若輒弃毁者一件杖八十每一件加一等二十件以上斩遗失及误毁者各减三等军人各又减一等并验数追陪其曾经战阵而有损失不坐不陪

纂注各减三等各字指遗失误毁言军人各又减一等总承弃毁以下言此条以征守事讫一句贯看盖凡将帅出征守备其合用一应军器皆将帅关领拨散事讫之日必须将帅收回还官所以慎擅弃防毁失也若征守事已完讫将原关拨军器停留在外不回纳还官者以事讫日为始十日不纳者杖六十每十日加一等至五十日之上罪止杖一百若将帅征守事讫将军器輒自弃毁者此有心之罪也故一件杖八十每一件加一等至二十件以上者斩若偶有遗失及错误毁者此无心之失也故各减弃毁军器罪三等如一件笞五二十件以上杖九十徒二年半此专言将帅之罪耳若军人有将军器弃毁遗失误毁者则各又减将帅之罪一等如弃毁至二十件以上则杖一百流三千里遗失误毁至二十件以上则杖八十徒二年以上将帅军人所弃毁遗失误毁之军器并验数追陪还官其将帅军人曾经战阵而致军器有损失者则事在不测故不坐罪不追陪盖关拨军器责在将帅故事讫停留者独罪将帅而不及军人也

私藏应禁军器

凡民间私有人马甲傍牌火筒火炮旗纛号带之类应禁军器者一件杖八十每一件加一等私造者加私有罪一等各罪止杖一百流三千里非全成者并勿论许令纳官其弓箭鎗刀弩及鱼叉禾叉不在禁限

纂注私有自其旧有者言私造自其新造者言非全成者谓或私有而形体不全或私造而工制未就如旗无竿之类是也盖人马甲傍牌火筒火炮旗纛号带之类皆为应禁

军器非民间所宜有若私有而不送官者止有藏匿之情故一件杖八十每一件加一等若非旧有而私造者必有僭用之意故加私有罪一等其私有私造虽至十件以上者各罪止杖一百流三千里所谓不得加至于死者此也若军器非全成系所不堪用之物故并勿论而许令纳官其弓箭鎗刀弩及其鱼叉禾叉皆民间之所宜有故从其有而不在禁限

纵放军人歇役

凡管军百户及总旗小旗军吏纵放军人出百里之外买卖或私种田土或隐占在己使唤空歇军役者一名杖八十每三名加一等罪止杖一百罢职充军若受财卖放者以枉法从重论所隐军人并杖八十若私使出境因而致死或被贼拘执者杖一百罢职发边远充军至三名者绞本管官吏知情容隐不行举问及虚作逃亡符同报官者与犯人同罪若小旗总旗百户纵放军人其本管指挥千户镇抚当该首领官吏知情故纵或容隐不行举问及指挥千户镇抚故纵军人其百户总旗小旗知而不首告者罪亦如之○若铃束不严致有违犯及失于觉举者小旗名下一名总旗名下五名百户名下十名千户名下五十名各答四十小旗名下二名总旗名下十名百户名下二十名千户下一百名者各答五十并附过还职不及数者不坐○若军官私家役使军人不曾隐占歇役者一名答四十每五名加一等罪止杖八十○并每名计一日追雇工钱六十文入官○若有吉凶借使者勿论

纂注军吏解见名例律空歇军役总承上言并杖八十并者指所纵放隐占卖放各军也本管官吏如指挥千户百户及卫所该吏是也罪亦如之之字指上文纵放之人言谓容隐纵放军人者其罪亦如纵放之犯人之罪并每名之并指隐占使唤及私家役使而言此条之罪有五一曰纵放一曰隐占一曰卖放一曰私使一曰私役夫军以守卫若五者有一则军伍空虚故凡管军百户及总旗小旗军吏但有纵放军人出百里外或买卖或私种田土或隐占在己使唤空歇本军身役者计所纵放隐占之军有一名杖八十每三名加一等罪止杖一百百户罢职与总小旗军吏俱发附近卫分充军若受财卖放军人出外者以枉法从重论如赃罪重于本罪者坐以赃罪赃罪轻者则坐本罪也所隐军人不问纵放卖放并杖八十若前项百户人等私使军人出边境之外因而致死及被贼拘执者杖一百百户亦罢职与总小旗军吏俱发边远充军若致死及被执至三名者绞其百户人等之本管官吏知其私使军人出境致死被执之情容隐不行举问及将致死被执之军虚作逃亡符同报官者与百户总小旗军吏各犯人同罪夫称与同罪则致死者减一等若总小旗百户纵放军人歇役其本管指挥千户镇抚当该首领官吏知情故纵或容隐不行举问及指挥千户镇抚故行纵放军人歇役其百户总小旗知而不行首告者并罪亦如纵放者科断若干户总小旗铃束不严致有军人违犯法度故出百里之外或出外境及失于觉察而原无纵放之情者小旗名下一名总旗名下五名百户名下十名千户名下五十名各答四十小旗名下二名总旗名下十名百户名下二十

名千户名下一百名者各笞五十并附过还职不及数者不坐罪若指挥以下军官私家役使军人其军犹隶行伍不曾歇役者一名笞四十每五名加一等罪止杖八十其隐占私役者并每名计一日雇工钱六十文入官若军官之家有吉凶而暂借军人使用者勿论按此条隐占卖放军人者不言本管不举之罪以知情故纵该之也铃束不严者不言指挥之罪以指挥总管千百户总小旗而非亲管军之官也若军官私役军人在军人既无歇役故罪不及军人也

条例

一各处总兵官并分守守备等官精选能通书算军余各一名令其跟随书办与免征操奏本公文内俱照令典金书以防欺弊其余官军号称主文干预书办者听巡抚巡按并按察司官举问俱调极边卫所带俸食粮差操

一凡各处镇守总兵官跟随军伴二十四名协守副总兵二十名游击将军分守参将十八名守备官十二名都指挥六名指挥四名千百户镇抚二名不管事者一名但有额外多占正军至五名余丁至六名以上俱问罪降一级正军六名以上余丁十名以上降二级正军十名以上余丁二十名以上止于降三级其卖放军人包纳月钱者正军五名至十名余丁六名至二十名俱问罪照前分等降级若正军至二十名以上余丁至三十名以上俱罢职发边卫充军其役占卖放纪录幼军者照余丁例役占卖放备边壮勇者照正军例各拟断

一军职卖放并役占军人二罪俱发其卖放已至十名以上役占不及数者依卖放例罢职充军役占已至十名以上卖放不及数者依役占例降三级卖放役占俱至十名以上者从重发落俱不及十名者并数通论降级役占军人五名又占余丁十名及包纳月钱满贯者从重降级仍发立功满日照所降品级于原卫所带俸差操

一五军围子手并皇城内外守卫军士及红盔将军下班之日其本管官员及守门内官把总指挥等官不许擅拨与人做工等项役使违者参问虽不系自己占用亦照私役军人事例发落

新颁条例

一为营官占军太多申明律例成宪以守画一事该山东司呈李镗占役缘由本部题以后法司比拟占军多数者俱照十三年重修大明律删定明例军伴数目拟罪不许以未采入占军数多例妄行擅比求脱罪者参奏重治仍行沿边沿海军卫处所问刑衙门一体遵行等因具题奉圣旨是李镗占役营军包纳月钱数多该部查照十三年事例从重拟罪毋得轻纵以启效尤钦此

公侯私役军官

凡公侯非奉特旨不得私自呼唤各卫军官军人前去役使违者初犯再犯免罪附过三犯准免死一次其军官军人听从及不出征时輒于公侯之家门首伺立者军官各杖一百罢职发边远充军军人罪同

纂注三犯准免死一次盖以公侯受封皆有钦给铁券于内量其功勋开写免死次数如原开免死三次者至三犯则准作免死一次止存二次之类也凡公侯位高势重若许其私唤官军役使恐有恣肆之患故初犯再犯者犹得免罪附过至三犯则准其铁券内免死一次是虽未坐罪而罚之亦重矣若军官军人听从其唤使及不系出征时而輒自于其门首伺立者军官各杖一百罢职发边远充军军人之罪与军官同科此又防官军附势之意也

按此条不言伯者有犯亦与公侯同

从征守御官军逃

凡军官军人从军征讨私逃还家及逃往他所者初犯杖一百仍发出征再犯者绞知情窝藏者杖一百充军里长知而不首者杖一百若军还而先归者减五等因而在逃者杖八十若在京各卫军人在逃者初犯杖九十发附近卫分充军各处守御城池军人在逃者初犯杖八十仍发本卫充军再犯并杖一百俱发边远充军三犯者绞知情窝藏与犯人同罪罪止杖一百充军里长知而不首者各减二等本管头目知情故纵者各与同罪罪止杖一百罢职充军其在逃官军一百日内能自出官首告者免罪若在限外自首者减罪二等但于随处官司首告者皆得准理○若各卫军人转投别卫充军者同逃军论○其亲管头目不行用心钤束致有军人在逃小旗名下逃去五名者降充军人总旗名下逃去二十五名者降充小旗百户名下逃去一十名者减俸一石二十名者减俸二石三十名者减俸三石四十名者减俸四石逃至五十名者追夺降充总旗千户名下逃去一百名者减俸一石二百名者减俸二石三百名者减俸三石四百名者减俸四石逃至五百名者降充百户其管军多者验数折算减降不及数者不坐若有病亡残疾提拨等项事故者不在此限

纂注还家指原籍之家窝藏里长俱指原籍及他所之人自本卫千百户总小旗统管而言谓之本管自各人分管而言谓之亲管同逃军论者其初犯再犯三犯俱同也管军多者验数折算减降谓如千户名下逃百名者减俸一石至五百名降充百户百名是自其管军一千名为率也若管军多至一千五百名则以逃一日五十名折算为百名方坐减俸至七百五十名方降充百户其百户总小旗管军多者并以此推之盖从征官军所系重于守御而京卫军人所系重于外卫故凡军官军人随从大军征讨而私逃还家及逃往他所者初犯杖一百仍发出征再犯者绞有知系从征在逃之情而窝藏者不论官军初犯再犯并杖一百充军其逃所里长知而不首者并杖一百若征讨事讫军还而先归者减从征在逃杖一百之罪五等笞五十因先归而在逃者杖八十若在京各卫军人在逃者初犯杖九十发在外附近卫分充军在外各处守御城池军人在逃者初犯杖八十仍发本卫充军再犯者不分在京在外军人并杖一百俱发边远充军三犯者俱处绞知情窝藏者与在逃犯人同其杖九十八十一百之罪但虽窝藏再犯三犯而亦罪止杖一百发附近充军不在发边远与绞之限里长知而不首者各减逃军之罪二等

罪止杖八十以上从征官军及在京各处军人之本管头目知其逃之情而故纵者各与犯人同罪但虽故纵再犯三犯者而亦罪止杖一百罢职充军其在逃官军自逃日为始一百日内能自出官首告者不问初犯再犯俱免坐罪若在限外自首者亦减逃罪但于随处官司首告者皆得准理限内皆准免罪限外皆准减罪二等若在京在外各卫军人不着本伍而转投别卫充军者同逃军论京初犯者杖九十发附近卫充军在外初犯者杖八十仍发本卫充军至于再犯三犯莫不一体坐罪其在京在外军人之亲管头目不行用心铃束致有军人在逃者自小旗而上至千户皆计其逃军名数之多寡坐以减俸降等之轻重其管军多者验其多管在逃之数与正管在逃之数折算相当然后减俸降等其正管在逃不及数者不坐罪若军人有病亡残疾提拨等项事故以致军数不足者不在此减俸降等之限按在京各卫与各处守御军人但言在逃而不言还家及往他所者省文也百户言追夺者以其原有封勅千户不言追夺者以其降百户而犹为军官也

条例

一军官军人遇有征调点选已定至期起程不问已未关给赏赐若有避难在逃者依律问断其征期已过送兵部编发宣府独石等处沿边墩台哨瞭半年满日放回原卫还职着役若仍发出征及哨瞭在逃者依从征私逃再犯者律处绞

一轮操军逃在京城内外潜住者俱照奉宪宗皇帝钦定初犯打七十再犯打一百送操事例发落官旗无力纳钞者就在原问衙门单衣决打若逃回原籍原卫者以越关论其在逃三次者不分革前革后各免决打纳钞京卫调外卫外卫调边卫俱带俸食粮差操

优恤军属

凡阵亡病故官军回乡家属行粮脚力有司不即应付者迟一日答二十每三日加一等罪止答五十

纂注阵亡谓敌战阵而亡者病故则从征在营因病而故者凡此等军官军人之家属回乡例应给与行粮脚力盖优恤之意也若经过有司不即依例应付者自家属到日为始违一日答二十每三日加一等迟十日以上者罪止答五十

夜禁

凡京城夜禁一更三点钟声已静五更三点钟声未动犯者答三十二更三更四更犯者答五十外郡城锁各减一等其公务急速疾病生产死丧不在禁限○其暮钟未静晓钟已动巡夜人等故将行人拘留诬执犯夜者抵罪○若犯夜拒捕及打夺者杖一百因而殴人至折伤以上者绞死者斩

纂注遇夜禁人行走谓之夜禁拒捕自犯夜之人而言打夺自傍人劫夺犯夜者而言凡盗贼率起于夜禁之不严夜禁不严则盗贼多矣故一更三点钟声已静之后五更三点钟声未动之前而有人在街行走者谓之犯夜在京城犯者答三十在外郡城

镇犯者减一等笞二十二更三更四更尤为夜深此时有犯者在京城则笞五十在外郡城锁则减一等笞四十其暮钟未静晓钟已动是不系禁人行之时而巡夜人故将人拘留诬执为犯夜者抵罪诬执京城者笞三十诬执外郡城锁者笞二十若二更三更四更之时则不得谓之诬执矣若犯夜人被巡夜人拘执而拒捕不服及有殴打巡夜人而将犯夜人夺去者杖一百因打夺而殴巡夜人至折伤以上者绞至死者斩若被夺之人未曾行殴则犯夜之罪矣

大明律集解附例卷之十五

兵律

关津

私越冒度关津

凡无文引私度关津者杖八十若关不由门津不由渡而越度者杖九十若越度缘边关塞者杖一百徒三年因而出外境者绞守把之人知而故纵者同罪失于盘诘者各减三等罪止杖一百军兵又减一等并罪坐直日者余条准此○若有文引冒名度关津者杖八十家人相冒者罪坐家长守把之人知情与同罪不知者不坐○其将马骡 私度冒度关津者杖六十越度杖七十私度谓人有引马骡无引者冒度谓马骡冒他人引上马骡毛色齿岁者越度谓人由关津马骡不由关津而度者

纂注守把人如守御巡检之官吏军兵者则如守御官之军人巡检司之弓兵也知而故纵及失于盘诘俱承私越二者而言家人相冒谓如兄冒弟引叔冒侄引之类家长非一家之长即家人相冒中之长也注云余条准此谓余条凡言把守之罪皆准此条而坐直日者盖关津之设所以防奸故凡度关津者必给文引为照若无文引而窃过关津者为私度也则杖八十若因无文引而关不由门津不由渡别从间道而过者为越度则杖九十若越度缘边关塞者杖一百徒三年因越度关塞而潜出外境者绞其关津及缘边关塞守把之人知其无引及越度而故纵者并与犯人同罪如私度杖八十越度杖九十缘边关塞杖一百徒三年出外境者罪止杖一百流三千里失于盘诘者各减犯人之罪三等如私度笞五十越度杖六十缘边关塞及出外境者并罪止杖一百守把之军兵又减失盘诘之罪一等如私度笞四十越度笞五十越关塞出外境俱罪止杖九十前项守把之罪并坐应直本日之人若虽有文引原系他人名字而冒顶度过者与无引者同故亦杖八十家人互相冒度者罪坐家长长冒少名罪固坐长少冒长名罪亦坐长也守把之人知冒名之情者与同罪亦杖八十不知情者不坐其人有引马骡无引而将马骡私度关津或将马骡冒他人引上马骡毛色齿岁而度者并杖六十若人由关津却将马骡不由关津而越度者杖七十

按缘边关塞止言越度而不言私冒度者盖关塞之外非腹里之关可出入者比故但有犯度者即谓之越度矣

备考

一守把之人受财故纵者计赃以枉法从重论

条例

一官吏旗校舍余军民人等有因为事问发为民充军或罢职冠带闲住与降调出外各来京潜住者问拟明白除充军并口外为民照逃例改发外文官降调者革职冠带闲住闲住者发原籍为民为民者改发口外为民武官带俸者革职随舍余食粮差操原随舍余食粮差操者发边卫差操其知情容留潜住之人各治以罪

一居庸山海等关隘引送口外边卫逃军过关并守把盘诘之人卖放者俱问发边卫充军

诈冒给路引

凡不应给引之人而给引及军诈为军民诈为军若冒名告给引及以所给引转与他人者并杖八十若于经过官司停止去处倒给路引及官豪势要之人嘱托军民衙门擅给批帖影射出入者各杖一百当该官吏听从及知情给与者并同罪若不从及不知者不坐○若巡检司越分给引者罪亦如之○其不立文案空押路引私填与人者杖一百徒三年○受财者计赃以枉法及有所规避者各从重论○若军民出百里之外不给引者军以逃军论民以私度关津论

纂注不应给引之人如注云僧道及各卫旗军与凡不许自由远行之人皆是倒给谓倒其旧引而给换新引也规避专指给引之人言如犯罪将发而冒名给引以避之类上条言度关津之当给引此条防给引者之诈冒也盖凡不应给路引之人而欲给引及军诈为军民诈为军若自己不应给引冒顶他人之名告给及以自己所给之引转与他人者并杖八十若本有文引或因年深违限或欲转往他处而于经过之官司停止之去处倒给路引及官豪势要之人嘱托军民衙门擅给印信批帖影射出入者倒给与嘱托之人各杖一百其管引当该官吏听从不给引之人与倒给嘱托及知军民相诈冒名告给之情而给与者并与给引给批之人同罪若不从及不知者不坐若巡检司非系给引衙门而有越分给引者亦如当该官吏听从及知情给与之罪其本应给引衙门若不将告引之人贯址姓名明立文案而将空纸押成路引私下填注与人者杖一百徒三年若前项不应给冒给倒给擅给之当该官吏及巡检司给引并有司空押路引但受财者则计赃以枉法及给引之人有所规避者则以所规避各从其罪之重者论若军民出本境地界百里外不给路引者军则以逃军之初犯再犯三犯论民则以私度关津论若出本家百里之外而犹系境内地方者不在给引之限

关津留难

凡关津往来船只守把之人不即盘验放行无故阻当者一日笞二十每一日加一等罪止笞五十○若官豪势要之人乘船经过关津不服盘验者杖一百○若撑驾渡船稍水如遇风浪险恶不许摆渡违者笞四十若不顾风浪故行开船至中流停船勒索船钱者杖八十因而杀伤人者以故杀伤论

纂注盘验者盘诘其来历辨验其文引也然关津盘验本以御暴若遇往来船只而守把之人不即盘验放行无故阻当者则未免有妨于人故阻当一日者守把之人笞二十每一日加一等至四日之上罪止笞五十但罪坐直日者若官豪势要之人乘船经过关津特强不服守把之人盘验者杖一百若撑驾渡船稍水如遇风浪险恶不许摆船载人过渡违者笞四十然非出于有意故其罪犹轻若不顾风浪故行开船至中流乘险停船勒索船钱者则有心吓人矣故杖八十若因停船勒索被风浪以致杀伤人者以刑律故杀伤条论杀人者斩伤人者验伤之轻重坐罪
递送逃军妻女出城

凡在京守御官军递送逃军妻女出京城者绞民犯者杖一百若各处守御城池及屯田官军递送逃军妻女出城者杖一百发边远充军民犯者杖八十受财者计赃以枉法从重论其逃军买求者罪同守门之人知情故纵者与犯人同罪失于盘诘者减三等罪止杖一百军人又减一等○若递送非逃军妻女出城者杖八十有所规避者从重论

纂注递送谓接递引送如假作自己妻小之类守门之人兼官军言失于盘诘专指军人故下文另言军人之罪逃军妻女所 广如故军妻及军在卫而妻女私 犯罪该起解妻小之类盖军 军有统属之责与民人不同而在京之逃军乃禁兵所系与在外不同故凡在京守御军官军人递送逃军妻女出京城者则坐杂犯绞罪准徒五年民犯递送者杖一百若在外各处守御城池及屯田官军递送逃军妻女出城者杖一百发边远充军民犯递送者杖八十若军官与民因受财而为其递送者则计赃从重者论其计赃重于本条从赃论轻则仍坐本条若逃军用财买求者罪与军官同曰罪同以见至杂犯绞罪亦同科也若守门之人知递送之情而故纵其妻女出城者与递送犯人同罪曰同罪以见至杂犯绞罪则减等也若守门人失于盘诘者在军官则减犯人罪三等如递送出京城民犯者杖七十递送出各处守御城池民犯者笞五十军官递送者在京在外俱罪止杖一百在军人则又于官罪减一等如递送出京城民犯者杖六十递送出各处守御城池民犯者笞四十官军递送者在京在外俱罪止杖九十若官军与民递送非系逃军之妻女出城者不问在京在外并杖八十有所规求回避而为之递送者从所规避之重罪论

盘诘奸细

凡缘边关塞及腹里地面但有境内奸细走透消息于外人及境外奸细入境内探听事情者盘获到官须要鞫问接引起谋之人得实皆斩经过去处守把之人知而故纵及隐匿不首者并与犯人同罪失于盘诘者杖一百军兵杖九十

纂注奸细即周官所谓邦谍今俗云奸人细作是也境内者指中国之人言境外者指外寇之人言消息事情所包者广谓凡军情机密重大之事皆是此言凡缘边关塞及腹里地面乃边务城池所系匪轻则盘诘奸细不可不严故于此处但有境内奸细私出而走透消息于外人及境外奸细私入境内而探听事情者若盘获到官须要推鞫

究问其接引出入及原行起谋之人如果事得其实不分首从皆斩其奸细出入经过去处若守把官吏军兵人等知情而故行纵放及有隐匿在家而不首官者并与奸细犯人同罪减一等杖一百流三千里若非故纵而失于盘诘者守把之官杖一百军人弓兵杖九十俱罪坐直日之人

按此条与漏泄军情大事条参看盖彼自闻之而漏泄者言故有先传传至之分此自专作奸细之人言故接引起谋者无宥也

条例

一川广云贵陝西等处但有汉人交结夷人互相买卖借贷诓骗财物引惹边衅及潜住苗寨教诱为乱贻害地方者除真犯死罪外俱问发边卫永远充军

一沿边关塞及腹里地面盘诘奸细处所有归复乡土人口被获到官查审明白即照例起送有妄作奸细希图冒功者以故入人罪论若真正奸细能首降者亦一体给赏安插

私出外境及违禁下海

凡将马牛军需铁货铜钱段疋絀绢丝绵私出外境货卖及下海者杖一百挑担驮载之人减一等物货船车并入官于内以十分为率三分付告人充赏若将人口军器出境及下海者绞因而走泄事情者斩其拘该官司及守把之人通同夹带或知而故纵者与犯人同罪失觉察者减三等罪止杖一百军兵又减一等

纂注军需铁货作一句读谓可为军需之铁货未成军器者耳因而走泄事情承将马牛等物及将人口军器二项言失觉察者主拘该官司及守把之人言夫马牛与军需铁货及铜钱段疋絀绢丝绵皆中国利用之物不可有资于外国者也若有此等货物私出外国境内货卖及私下泛海者杖一百其挑担驮载货物之人减一等杖九十所获货物船车并收入官于货物内以十分为率将三分给付告人充赏若将兴贩人口与应禁军器出境及下海货卖者向敌之心可恶故坐以绞若私将马牛等物人口军器出境下海之人因而走泄中国事情于外夷者与奸细之情不殊故坐以斩其出境下海犯人应该拘管之官司及守把关津官吏军兵人等如有通同夹带马牛等物人口军器出境下海或知其出境下海而故行纵放者并与犯人同罪至死者减一等杖一百流三千里若失于觉察以致有人出境下海拘该官司及守把之官减犯人罪三等罪止杖一百军人弓兵又减官军一等通减四等罪止杖九十

条例

一各边将官并管军头目私役及军民人等私出境外钓豹捕鹿砍木掘鼠等项并把守之人知情故纵该管里老官旗军吏扶同隐蔽者除真犯死罪外其余俱调发烟瘴地面民人里老为民军丁充军官旗军吏带俸食粮差操

一凡守把海防武职官员有犯受通番土俗哪哒报水分利金银物货等项值银百两以上名为买港许令船货私入串通交易贻患地方及引惹番贼海寇出没戕杀居民

除真犯死罪外其余俱问受财枉法罪名发边卫永远充军

一凡夷人贡船到岸未曾报官盘验先行接买番货及为夷人收买违禁货物者俱发边卫充军

一凡沿海去处下海船只除有号票文引许令出洋外若奸豪势要及军民人等擅造二桅以上违式大船将带违禁货物下海前往番国买卖潜通海贼同谋结聚及为向导劫掠良民者正犯比照谋叛已行律处斩仍梟首示众全家发边卫充军其打造前项海船卖与夷人图利比照私将应禁军器下海因而走泄事情律为首者处斩为从者发边卫充军若止将大船雇与下海之人分取番货及虽不曾造有大船但纠通下海之人接买番货与探听下海之人番货到来私货贬卖苏木胡椒至一千斤以上者俱发边卫充军番货并入官其小民撑使单桅小船给有执照于海边近处捕鱼打柴巡捕官军不许扰害

一私自贬卖硫黄五十斤焰硝一百斤以上者问罪硝黄入官卖与外夷及边海贼寇者不拘多寡比照私将军器出境因而走泄事情律为首者处斩为从者俱发边卫充军若合成火药卖与盐徒者亦问发边卫充军两邻知而不举各治以罪

一各边夜不收出境探听贼情若与夷人私擅交易货物者除真犯死罪外其余问调广西烟瘴地面卫所食粮差操

一凡官员军民人等私将应禁军器卖与进贡夷人图利者比依将军器出境因而走泄事情者律斩为从者问发边卫充军

私役弓兵

凡私役弓兵者一人笞四十每三人加一等罪止杖八十每名计一日追雇工钱六十文入官当该官司应付者同罪罪坐所由

纂注凡府州县巡检衙门皆设有弓兵本为地方守把盘诘之用若有人私借而役使者一人笞四十每三人加一等私役至十三人以上者罪止杖八十仍每名计役过一日追雇工钱六十文入官若当该官司听从役使应付者同犯人私役之罪科断但罪坐于所由应付之人而不槩及于同僚官吏盖弓兵隶役公家与部民夫匠不同故私役者在彼追雇工钱给主在此追雇工钱入官

大明律集解附例卷之十六

兵律

厩牧

牧养畜产不如法

凡牧养马牛驼骡驴羊并以一百头为率若死者损者失者各从实开报死者实时将皮张鬃尾入官牛觔角皮张亦入官其群头群副每一头各笞三十每三头加一等过杖一百每十头加一等罪止杖一百徒三年羊减马三等驴骡减马牛驼二等若胎生不及日

时而死者灰腌看视明白不坐若失去赔偿损伤不堪用减死者一等坐罪其死损数目并不准除

纂注一百头为率谓大率一百头论是即为一群而群头群副即管牧一群之头目也此谓凡牧养系官马牛驼骡驴羊等畜并以一百头为率若每等一百头内有倒死者损伤者失去者各要从实报官欲凭坐罪赔偿也故以死者言则六畜皆有皮张而马之鬃尾牛之角觔并须实时入官其管牧之群头群副于一百头内每马牛驼有死一头者各笞三十每三头加一等至二十二头杖一百过此则每十头加一等至三十二头方加入杖六十徒一年至七十二头之上罪止杖一百徒三年羊死者减马死罪三等则四头减尽无科四头笞一十每三头加一等至三十一头杖一百过此每十头加一等五十一头之上罪止杖七十徒一年半驴骡死者减马牛驼死罪二等至二十八头杖一百过此每十头加一等至五十八头之上罪止杖八十徒二年若马牛驼骡驴羊有胎生不及时日而殍死者灰腌送官看视明白不坐以罪若六畜有失去而赔偿还官与损伤而不堪承用者各减本畜倒死之罪一等马牛驼失损一头者笞二十每三头加一等过杖一百每十头加一等罪止杖九十徒二年半羊失损四头者减尽无科至七头笞一十亦每三头加一等罪止杖六十徒一年半骡 驴失损一头者减尽无科至四头者笞一十亦每三头加一等过杖一百亦每十头加一等罪止杖九十徒二年半其马牛驼骡驴羊死损数目并令买补还官不准除豁盖失去既云赔偿则必不准除死损者不准除则必赔偿互文以见之也

按此条专言群头群副而牧养人户律文无载设有犯者系马牛驼问不应事重系骡驴羊问不应笞罪并验死损失之数着落赔偿

孳生马匹

凡群头管领骡马一百匹为一群每年孳生驹一百匹若一年之内止有驹八十匹者笞五十七匹者杖六十都群所官不为用心提调者各减三等太仆寺官又减都群所官罪二等

纂注凡太仆寺都群所各群头一名管领系官骡马一百匹为群每年计该孳生驹一百匹若一年之内不及其数止有驹八十匹者群头笞五十止有七十匹者杖六十其该管都群所官则有提调之责若不为用心提调以致孳生不及数者各减群头之罪三等有驹八十匹笞一十七匹笞三十太仆寺亦有巡视之责故又减都群官罪二等有驹八十匹减尽无科七十匹笞一十夫言止有八十匹笞五十见有八十匹以上者不坐罪不言七十匹以下者之罪见罪止杖六十也

按国初太仆寺所属设十四牧监九十八群职掌孳生马牛等畜至洪武二十八年革群监官令有司提调将马俱发民间孳牧矣永乐二十二年令民养官马者二岁纳驹一匹今民间养马骡驹者亦如永乐间例也

验畜产不以实

凡相验分拣官马牛驼骡驴不以实者一头笞四十每三头加一等罪止杖一百验羊不以实减三等若因而价有增减者计所增减价坐赃论入己者以监守自盗论各从重科断

纂注相验分拣是一义谓相验其美恶而分别拣选以定其高下之等也不以实如本美而称恶以为下等本恶而称美以为高等之类此盖泛以官畜产有应该相验分拣者言非专为官司牧买畜产而设至下文因而价有增减始及估价值者言耳谓凡相验分拣官马牛驼骡驴而不以实报官者一头笞四十每三头加一等虽至十九头以上者罪止杖一百其验官羊不以实者减前罪三等一头笞一十亦每三头加一虽至十九头以上者罪止杖七十若因相验分拣不实而致畜产之价有增减者坐赃论若因而得所增减之价入己者以监守自盗并赃论凡此须各从其罪之重者科断如不实之罪重者从不实坐赃之罪重者从坐赃自盗之罪重者从自盗论也

条例

一州县起解备用马匹各要经由该管官验中起解若有马贩交通官吏医兽人等兜揽作弊者问罪枷号一个月发边卫充军再犯累犯者枷号一个月发极边卫分充军

一大同三路官旗舍人军民人等将不堪马匹通同光棍引赴该管官处及管军头目收买私马诡令伴当人等出名请嘱各守备等官俵与军士通同医兽作弊多支官银者俱问罪官旗军人调别处极边卫所带俸食粮差操民并合余人等俱发附近充军引领光棍并作弊医兽及诡名伴当人等各枷号一个月发落干碍各官奏请提问

养疗瘦病畜产不如法

凡养疗瘦病马牛驼骡驴不如法笞三十因而致死者一头笞四十每三头加一等罪止杖一百羊减三等

纂注此条专为医兽人役疗养系官瘦病之畜而言凡瘦病马牛驼骡驴并须养饲医疗不如法者笞三十不计头数之多寡也惟因而致死者则计头科罪矣养疗羊不如法者减三等自致死之罪减之也若未致死者则减无科矣

乘官畜脊破领穿

凡官马牛驼骡驴乘驾不如法而脊破领穿疮围绕三寸者笞二十五寸以上笞五十若牧养瘦者计百头为率十头瘦者牧养人及群头群副各笞二十每十头加一等罪止杖一百羊减三等典牧所官各随所管群头多少通计科罪太仆寺官各减典牧所官罪三等

纂注各笞二十各字指群头群副各随所管与各减典牧各字承牧养马牛驼骡驴及牧养羊者二项而言此乘官畜者亦系应乘之人若不应乘者则系私借官畜矣谓凡官马牛驼骡驴若乘坐不如法而致脊破驾用不如法而致领穿其疮围绕三寸者笞二十五寸以上者止于笞五十若牧养马牛驼骡驴不如法而致有瘦者计百头为率十头瘦者牧养之人及该管群头群副各笞二十每十头加一等至九十头以上罪止杖一百牧养

羊瘦者减三等二十头瘦者则减尽至三十头者方笞一十亦每十头加一等罪止杖九十典牧所官各随所管群头多少通计科罪如管群头五名则计马牛驼骡驴共五百头为率若五十头瘦者笞二十每五十头加一等亦罪止杖一百若羊亦减三等一百头瘦者则减尽至一百五十头者笞一十每五十头加一等亦罪止杖七十太仆寺守又各减典牧所官罪三等如马牛驼骡驴瘦一百头者则减尽至一百五十头方笞一十罪止杖一百羊瘦二百五十头者则减尽至三百头方笞一十罪止笞四十若典牧所官所管群头更有多此者各当以此类推科罪矣

条例

一下班官军将原领马匹兑与见操缺马官军领骑餵养若有擅骑回卫者问罪罚马一匹解兵部给操其原领马匹倒失者追陪

官马不调习

凡牧马之官听乘官马而不调习者一匹笞二十每五匹加一等罪止杖八十

纂注牧马之官如典牧所牧马所官调如使驰骤疾徐之有节也夫牧马之官官马听其乘坐须常乘以调习之若马不调习则不堪时用故一匹笞二十每五匹加一等罪止杖八十

宰杀马牛

凡私宰自己马牛者杖一百驼骡驴杖八十误杀者不坐若病死而不申官开剥者笞四十觔角皮张入官○若故杀他人马牛者杖七十徒一年半驼骡驴杖一百若计赃重于本罪者准盗论谓故杀他人马牛估价计赃得罪重于杖七十徒一年半驼骡驴价计赃得罪重于杖一百者并准窃盗断罪系官者准常人盗官物断罪并免刺追价给主若伤而不死不堪乘用及杀猪羊等畜者计减价亦准盗论各追陪所减价钱价不减者笞三十减价谓马牛等畜直钱三十贯杀讫止直钱一十贯是减二十贯价损伤不死止直钱二十贯是减一十贯价即以所减价钱计赃亦准窃盗断罪系官者亦准常人盗官物断罪之类仍于犯人名下追征所减价钱赔偿价不减者谓畜产直钱一十贯虽有杀伤估价不减仍直钱一十贯止笞三十罪无所陪偿其误杀伤者不坐罪但追陪减价○为从者各减一等○若故杀缌麻以上亲马牛驼骡驴者与本主私宰罪同杀猪羊等畜者计减价坐赃论罪止杖八十其误杀及故伤者俱不坐但各追陪减价○若官私畜产毁食官私之物因而杀伤者各减故杀伤三等追陪所减价畜主陪偿所毁食之物○若放官私畜产损食官私物者笞三十赃重者坐赃论失者减二等各陪所损物○若官产畜毁食官物者止坐其罪不在陪偿之限○若畜产欲触抵踢咬人登时杀伤者不坐罪亦不陪偿

纂注第一节言私宰自己畜产之罪误杀者不坐兼马牛驼骡驴言不申报开剥兼误杀与病死者言盖若者文殊而会上意也觔角皮张入官通承私宰误杀及病死者言觔角独牛有之皮张则通马牛驼骡驴而言也

第二节言故杀伤及误杀他人畜产之罪虽人者对己之称其实兼官畜产言观律注可见计赃以生时价计之与计窃赃同注云系官者准常人盗官物断罪亦谓故杀官马牛计赃得罪重于杖七十徒一年半故杀驼骡驴计赃得罪重于杖一百者是也伤而不死不堪乘用作一页看承故杀说来计减价亦准盗论兼官私言系他人者准窃盗论系官者准常人盗官物论也价不减则但笞三十不追陪亦不准盗论此皆自故杀伤者言之也其误杀伤者不分官私俱不坐罪但追陪减价而已

第三节为从者各减一等承故伤他人马牛以下而言盖为故杀伤者之从也第四节言故杀缙麻以上亲畜产之罪缙麻凡内外尊卑有服之亲皆是各追陪减价通承故杀误杀及故伤者而言所杀伤之畜产俱给亲属虽故杀不全追陪者以其异于他人之物也第五节言官私畜产毁食官私之物物主因而杀伤之罪系畜则牧养之人即畜主也各减故杀伤罪三等如减故杀马牛杖七十徒一年半则杖九十减故杀驼骡驴杖一百则杖七十若计赃重于杖九十者亦各从其重者论之减故杀伤而不死及杀猪羊等畜计赃价如一贯以下准盗论减三等则笞三十系官者准常人盗官物论则笞四十以上减加之价不减者则减尽无科于物主名下追陪所减价给畜主于畜主名下追陪所毁食之物给物主此不罪畜主者盖其畜产已为人所杀伤故特原之止责其赔偿而已第六节言故失放官私畜产损食官私物而物主不曾杀伤之罪谓如故放官畜产损食官私物故放私畜产损食官私物俱笞三十计赃重于笞三十者坐赃论失放官畜损食官私物失放私畜损食官私物者俱减二等笞一十计赃重亦坐赃论故者失者各追所损物陪物主

第七节言若失放官畜产毁食官物者则牧养人止坐赃减二等笞一十之罪不计赃不赔偿故曰不在赔偿之限诸说俱兼故失言愚见独承失者言盖故放出于有意虽官畜毁食官物岂有不赔偿之理此承失者言无疑细玩上文自见

第八节言畜产欲伤人而登时杀伤者则人为重物为轻不坐罪不赔偿责令畜主领回开剥而已畜产兼官私言

条例

一凡宰杀耕牛并私开圈店及知情贩卖牛只与宰杀者俱问罪枷号一个月发落再犯累犯者免其枷号发附近卫充军若盗而宰杀及货卖者不分初犯再犯枷号一个月照前发遣

畜产咬踢人

凡马牛及犬有触抵踢咬人而记号拴系不如法若有狂犬不杀者笞四十因而杀伤人者以过失论若故放令杀伤人者减鬪杀伤一等○其受雇医疗畜产及无故触之而被杀伤者不坐罪○若故放犬令杀伤他人畜产者各笞四十追陪所减价钱

纂笔记号谓截耳锯角不如法记号不明拴系不牢也故放令杀伤是放咬踢人非不拴系也观令字可见各笞四十各字指杀与伤言各减价详见杀牛马条注此见马牛及犬

有触抵踢咬人者必加防制狂犬必须杀除恐其杀伤人故也若有记号不明拴系不牢及有狂犬而不杀者虽未杀伤人即笞四十如因记号拴系不如法及不杀而致有杀人伤人者以过失论准鬪殴杀伤罪依律收赎给付其家若故意将马牛及狂犬纵放令其杀伤人者则出于有意减鬪殴杀伤罪一等若系亲属亦以尊卑相殴律减等科断若兽医受雇为人医疗畜产而无控制之术及畜产本无触抵踢咬之状而人无故触之致被杀伤者则与畜主无与故不坐罪若故放犬噬令杀伤人畜产者不论杀与伤各笞四十追陪所减价钱

按畜产因而杀伤尊贵律无异文总依凡断其故放杀伤尊长卑幼依相殴条应加减为罪若伤者仍作他物伤保辜二十日并出唐律疏议

隐匿孳生官畜产

凡牧养系官马骡驴等畜所得孳生限十日内报官若限外隐匿不报计赃准窃盗论因而盗卖或抵换者并以监守自盗论罪其都群所太仆寺官知情不举与犯人同罪不知者俱不坐

纂注等畜驼牛羊之类都群所官原隶太仆寺非今在外管马之官此言群头群副牧养系官马骡驴驼牛羊等畜其孳生驹犊羔之类皆国家之利若十日限外隐匿不行报官者则有自利之私但本物见在其情犹轻计其孳生所值之赃准窃盗论一百二十贯罪止律免刺若因不报而盗卖与人以取财抵换以图利者则其情为重并以监守自盗并赃论四十贯律斩系杂犯其都群所太仆寺官知其隐匿盗卖抵换之情而不觉举者与犯人同罪至死减等不知者不坐

按买主知情依故买盗赃科断或以常人盗论非也其隐匿盗卖抵换孳生等畜并还官私借官畜产

凡监临主守将系官马牛驼骡驴私自借用或转借与人及借之者各笞五十验日追雇赁钱入官若计雇赁钱重者各坐赃论加一等

纂注追雇钱即名例律照依犯时雇工价直为是或云依雇人一日雇钱六十文非也此见监临官吏及主守人役掌养马牛等畜以备公家之用得以掌之不得私自借用亦不得转借与人人亦不得而私借之也故有犯者不论久近多寡即笞五十验其所借日数追雇价之钱入官若或借数少而日多或借数多而日少计其工价之钱重于笞五十者则以坐赃论加一等科断如借马一匹计三十日每日该雇钱价五贯共该一百五十贯坐赃论该杖六十徒一年是重于笞五十矣则加坐赃一等杖七十徒一年半余可类推其雇赁验数虽多不得过畜产本价

按借所部马牛见求索条

备考

一借官畜产而死者依弃毁器物系官者论若在场公然牵去者依常人盗论
条例

一在京坐营管操内外官并把总以下官若将马匹私占骑用及拨与人骑坐至五匹者降一级六匹以上降二级其各边分守守备把总管队等官将骑操并驿传走递官马擅拨与人骑坐及私用伺候等项亦照前例问拟

一官军将所领官马耕田走驿驮载物件及雇与人骑坐问罪俱罚马一匹

公使人等索借马匹

凡公使人等承差经过去处索借有司官马匹骑坐者杖六十驴骡笞五十官吏应付者各减一等罪坐所由

纂注罪坐所由谓同僚官吏内系主意应付之人为坐盖公使人等承差遣经过去处其应给驿者自有本衙门应付脚力而又索借系官有司马匹骑坐者是额外多取杖六十索借骡驴者非马匹之比笞五十当该官司听行应付者各减一等与马匹笞五十骡驴笞四十罪坐所由不泛及同僚官吏

大明律集解附例卷之十七

兵律

邮驿

递送公文 三条

凡铺兵递送公文昼夜须行三百里稽留三刻笞二十每三刻加一等罪止笞五十其公文到铺不问角数多少须要随即递送不许等待后来文书违者铺司笞二十

凡铺兵递送公文若磨擦及破坏封皮不动元封者一角笞二十每三角加一等罪止杖六十若损坏公文一角笞四十每二角加一等罪止杖八十若沉匿公文及拆动元封者一角杖六十每一角加一等罪止杖一百若事干军情机密文书不拘角数即杖一百有所规避者各从重论其铺司不告举者与犯人同罪若已告举而所在官司不即受理施行者各减犯人罪二等

凡各县铺长专一于槩管铺分往来巡视提调官吏每月一次亲临各铺刷勘若失于检举者通计公文稽留及磨擦破坏封皮不动元封十件以上铺长笞四十提调吏典笞三十官笞二十若损坏及沉匿公文若拆动元封者与铺兵同罪提调吏典减一等官又减一等府州提调官吏失于检举者各递减一等

纂注十里有铺以递送公文谓之急递铺设铺兵以走递设铺司以总管府州县额设司吏一名往来巡视诸铺谓之铺长沉匿谓沉没藏匿也军情机密只承沉匿拆封一边观即字可见铺司不告举以下通承磨擦等项言府州县提调官吏递减一等谓州官吏减县官吏府官吏减州官吏各一等也若县不隶州则府官吏止准见设减县一等此见国家置铺专以递送文书昼夜兼行欲其速达而无滞也若公文已经入递而在途延缓有违则稽留之罪在铺兵计刻论笞罪止笞五十若已经到铺不即附历遣令铺兵递送则稽留之罪在铺司坐笞二十各铺兵将所送公文封皮磨擦及破坏而原封不动者其情

尤轻若将公文损坏者其情稍重然止是失于谨慎故皆计角论笞或罪止杖六十或罪止杖八十若将公文沉匿则非特损坏而已原封拆动则不特破坏而已故计角论杖罪止杖一百此皆以常事言若所沉匿拆动文书事干军情机密者则不论角数多少即以杖一百之罪坐之此特以无规避言若有所规避而沉匿拆动者则不论常事及军情机密各从其事之重者科断其磨擦破坏封皮损坏沉匿文书拆动原封而铺司不告举者或笞或杖或从重各与犯人同罪若已告举而所在官司不即与之受理施行者各减犯人罪二等亦通磨擦以下而言其县铺长以巡视槩管铺分为责县提调官吏以每月亲临各铺刷勘为责若有前项稽留及擦损破坏封皮十件以上不觉举者铺长笞四十提调吏笞三十官笞二十若损坏及沉匿拆动文书不觉举者铺长与兵同罪损坏亦罪止杖八十沉匿拆动及干军机亦杖一百提调减铺长一等官减吏一等曰十件以上则不及数者不坐矣府州县官吏亦各有提调之责若有稽留磨擦等项而不觉举各递减县官吏一等或云铺长以下不言机密者非是盖机密文书是律于沉匿拆动中摘出其罪应重者言之今泛言沉匿拆动与铺兵同罪则军情之事亦在其中矣

按吏律私开官司文书印封看视事干军情重者以泄漏论此拆动军机文书止杖一百盖彼以常人先知有机密文书因而私开看视者言之此自铺兵先因拆动而后见是军情机密事者言之其情异故其罪亦不同耳然此云有所规避者从重论则亦未始拘于杖一百也

条例

一各铺司兵若有无稽之徒不容正身应当用强包揽多取工钱致将公文稽迟沉匿等项问罪旗军发边卫民并军丁人等发附近俱充军其提调官该吏铺长各治以罪

邀取实封公文

凡在外大小各衙门官但有入递进呈实封公文至御前而上司官令人于中途急递铺邀截取回者不拘远近从本铺铺司铺兵赴所在官司告举随即申呈上司转达该部追究得实斩其铺司铺兵容隐不告举者各杖一百若已告举而所在官司不即受理施行者罪亦如之○若邀取实封至五军都督府六部察院公文者各减二等

纂注上司凡军民衙门相统属者皆是该部如选法钱粮制度属吏户礼军马刑名工作属兵刑工之类或谓专指兵部大泥各减二等通指上司铺兵及所在官司而言为从及听使之人各减一等此见下情上达全凭公文邀截取回实为壅蔽故在外大小衙门官入递实封公文进呈御前而上司官令人于中途铺内邀截取回者从本铺司兵赴所在官司举告申呈上司转达该管部分追究得实主意为首者斩秋后处决为从者杖一百流三千里若该铺司兵容隐而不告举或虽告举而所在官司不受理者皆杖一百若宝封至督府部院公文则与进呈御前者有间故邀取之罪得减二等上司为首者杖一百徒三年为从者杖九十徒二年半该铺司兵不举告所在官司不受理杖八十故曰各减二等

备考

一下司邀取上司公文律无异文有犯比附上司邀截律奏请

一邀截进贺表文比依上司邀截进呈实封论

铺舍损坏

凡急递铺舍损坏不为修理什物不完铺兵数少不为补置及令老弱之人当役者铺长笞五十有司提调官吏各笞四十

纂注按每铺设铺兵四名铺司一名须要少壮正身每铺什物十二时辰转子一个及灯烛夹板油绢回历之类详见大明令盖铺舍损坏则司兵无所居什物不完则应用无其具铺兵数少则走递无其人而老弱之人则力不能以供其事此皆铺长之罪而有司与有责焉故铺长笞五十提调官吏各笞四十

私役铺兵

凡各衙门一应公差人员不许差使铺兵挑送官物及私已行李违者笞四十每名计一日追雇工钱六十文入官

纂注铺兵之设专以递送公文而差使供役必致妨碍故凡各衙门一应公差人员如有差使铺兵挑送官物及私已行李者笞四十每役一名计一日追雇工钱六十文入官

按旧云设若公差人员出雇工钱与铺兵虽是雇工名色终是买求合迫入官仍将铺兵问不应笞罪

驿使稽程

凡出使驰驿违限常事一日笞二十每三日加一等罪止杖六十军情重事加三等因而失悞军机者斩若各驿官故将好马藏匿推故不即应付以致违限者对问明白罪坐驿官其遇水涨路道阻碍经行者不坐○若驿使承受官司文书误不依题写去处错去他所而违限者减二等事干军务者不减若由公文题写错者罪坐题写之人驿使不坐

纂注出使驰驿谓奉使之人应驰驿者也常事重事即出使之事事干军务不减兼失悞斩罪而言盖事有定限驿有常程若出使驰驿而惰慢延缓过违期限即为稽程但事有轻重在常事则计日决笞罪止杖六十军情重事则加常事三等罪止杖九十因稽程而失心悞军机致陷城损军者斩若各驿官故将好马藏匿推托他故不即应付以致违限者则非驿使之罪也对问明白前项应得笞杖斩罪并坐驿官其所经之处或遇水涨路没阻碍难行因而违限者亦非其罪也照勘明白不坐若驿使承受官司文书误不依文书上题写去处错去他所展转路程以致违限者则事出于悞与怠缓故违者不同故减二等常事一日笞二十罪止笞四十其事干军务者不减仍前加三等科之罪止杖九十失误亦斩若由原行文书题写差错以致误往他处而违限者前项罪名祇罪原行衙门题写之人驿使不坐

条例

一各处水马驿递运所夫役巡检司弓兵若有用强包揽不容正身着役多取工钱害人

揽扰衙门者问罪旗军调发边卫民并军丁人等发附近俱充军其官吏通同纵容者各治以罪若不曾用强多取工钱者不在此例

一南北直隶山东等处各属马驿金到马头情愿雇募土民代役者听若用强包揽者问罪旗军发边卫民并军丁人等发附近俱充军其有光棍交通包揽之徒将正身姓名捏写虚约投托官豪勋戚之家前去原籍妄拏正身家属逼勒取财者所在官司应提问者提问应奏人员羁留奏请提问俱照前例充军该管官司坐视纵容者参究治罪

一会同馆夫供役三年转发该管官司收当民差另金解补不许过役更易姓名捏故金补违者官吏一体坐罪若五年以上不行替役及近馆无籍军民人等用强揽当者俱问发边卫充军

多乘驿马

凡出使人员应乘驿船驿马数外多乘一船一马者杖八十每一船一马加一等若应乘驴而乘马及应乘中等下等马而勒要上等马者杖七十因而殴伤驿官者各加一等若驿官容情应付者各减犯人罪一等其应乘上等马而驿官却与中等下等马者罪坐驿官本驿如无上等马者勿论○若枉道驰驿及经驿不换船马者杖六十因而走死驿马者加一等追偿马匹还官○其事非紧急不曾枉道而走死驿马者偿而不坐○若军情紧急及前驿无船马倒换者不坐不偿

纂注一船一马谓但有多乘者即坐非兼乘也殴伤各加一等兼上二项言不由当行之路曰枉道事非紧急对下军情紧急言末节只承倒死马匹一边疏议说是盖出使人员水路则乘船陆路则乘马与夫应乘驴马及上中下马匹皆有原来定规在使人不得多乘勒要在驿官不得容情应付若使数外多乘船马或应驴而乘马及应乘中下马而要上等马者皆乘所不当乘而为驿递之害故或杖八十或杖七十或计船马加等因而打伤驿官者比之多乘勒要之情为尤重各于所犯本罪上加一等坐之若驿官容情应付者其间容有不得已之情比多乘勒要之人为稍轻故减犯人罪一等坐之其有应乘上等马而故与中下等马者则反坐驿官杖七十如该驿原无上马者勿论若枉道驰驿及经驿而不倒换船马者是适己自便而不恤劳伤于物杖六十若因枉道及不倒换而驰死驿马者加一等杖七十追马还官若事非紧急不曾枉道致马倒死者是驰骤太过而非枉道致之也故止令偿马而不坐罪若事干军情紧急则势不容缓及虽常事前驿无马则无可倒换因而驰死驿马者则非其得已也故人不坐罪马不追偿

按殴驿官伤重至折齿以上依鬪殴法论

条例

一凡指称勋戚文武大臣近侍官员姻党族属家人名目虚张声势扰害经过军卫有司驿递衙门占宿公馆索取人夫马匹车辆财物等项及奸徒诈称势要衙门乘坐黑楼等船只悬挂牌面希图免税诓骗违法者徒罪以上俱于所犯地方枷号一个月发边卫充军杖罪以下枷号一个月发落

多支廩给

凡出使人员多支廩给者计赃以不枉法论当该官吏与者减一等强取者以枉法论官吏不坐

纂注按廩给旧例经过三升宿顷五升今例经过二升公干去处仍旧此见出使人员应支廩给皆有常数若额分外多支是亦赃也但其间有和取强取不同和取者计赃以不枉法论有禄人一百二十贯无禄人减一等一百二十贯之上各罪止杖一百流三千里各主折半科罪当该官吏听行多与者减犯人罪一等恶其容情也强取者则计赃以枉法论有禄人八十贯无禄人减一等一百二十贯各绞各主通算全科当该官吏与者不坐恕其不得已矣

条例

一各处地方如遇夷人入贡经过驿递即便查照勘合应付不许容令买卖连日支应违者重治若街市铺行人等私与夷人交通买卖者货物入官犯人问罪枷号一个月发落文书应给驿而不给

凡朝廷调遣军马及报警急军务至边将若边将及各衙门飞报军情诣朝廷文书故不遣使给驿者杖一百因而失误军机者斩○若进贺表笺及赈救饥荒申报灾异取索军需之类重事故不遣使给驿者杖八十若常事不应给驿而故给驿者笞四十

纂注给驿者谓给符验驰驿亲赍者也各衙门在外都布按凡军民衙门皆是常事对上重事言重事给驿常事入递也此见事莫重于调遣军马及警急军务飞报军情必遣使给驿者欲其速达也前项文书或自朝廷而达于边方或自边方各衙门而达于朝廷关系至大若应给驿而不遣使给驿者杖一百因不给驿以致失误军机者斩若进贺表笺及赈救饥荒申报灾异取索军需之类一应重事视军机有间不遣使给驿者杖八十若官司常行之事应合入递而故行遣使给驿者笞四十

公事应行稽程

凡公事有应起解官物囚徒畜产差人管送而輒稽留及事有期限而违者一日笞二十每三日加一等罪止笞五十若起解军需随征供给而管送违限者各加二等罪止杖一百以致临敌缺乏失误军机者斩若承差人误不依题写去处错去他所以致违限者减二等事干军务者不减若由公文题写错者罪坐题写之人承差人不坐

纂注事有期限事字泛指凡事而上项事亦在其中各加二等各字指稽留及违限二项减二等以加二等列之至四日皆不坐罪至七日笞二十如疏议说是此见承差不可稽留期限不可过违故凡各衙门公事有应起解系干钱粮等物或流徒等囚或牛马等畜而承差管解之人无故而輒自稽留不去及一应事务官司原有定限而故违之者皆属怠玩计日决笞罪止笞五十若起解成造军需随征钱粮供给又非寻常钱粮畜产之比而管送之人有稽留不去及违限者各加一等计日决笞罪止杖一百此皆以不误事者言若因不去及违限以致军需供给临敌缺乏失误军机者斩若承差之人失误不依公

文上题写去处错往他所展转路程而违限者非故违者之比减二等至七日笞二十罪止笞三十若事干军务者或笞或斩照前料罪不在减等之限若由公文错写以致转展他处而违限者则题写者之过也或笞或杖或斩即以其罪罪之承差人不坐

占宿驿舍上房

凡公差人员出外干办公事占宿驿舍正厅上房者笞五十

纂注承差人员指在京员役故曰出外解见公差人员欺凌长官条此见正厅上房以待品官上客若公差人员承遣在外干办公事经过驿舍占宿正厅上房者是为越理犯分笞五十

乘驿马赍私初

凡出使人员应乘驿马除随身衣仗外赍带私物者十斤杖六十每十斤加一等罪止杖一百驿驴减一等私物入官

纂注应乘驿马谓出使给颁符验驰驿者也衣谓衣服仗谓弓矢器仗之类皆随身应带之物盖出使人员虽得乘坐驿马若衣仗外赍带私物必致妨损驿马故计斤数定罪如所乘者马则十斤杖六十罪止杖一百所乘者驴则减一等罪止杖九十前项私物追没入官

私役民夫抬轿

凡各衙门官吏及出使人员役使人民抬轿者杖六十有司应付者减一等若豪富之家役使佃客抬轿者罪亦如之每名计一百追给雇工钱六十文○其民间妇女若老病之人及出钱雇工者不在此限

纂注人民非在官之人佃客佃种田地之人也追雇工钱总上官吏人员豪富私役者言盖各衙门官吏出入其脚力自有常例而出使人员亦有应乘驿马若役使人抬轿者是为越分劳民故杖六十所在有司听 应付者减 等笞五十若豪富之人役使佃客抬轿虽势有相关而分非所宜故罪亦如役民人者杖六十其所役民人佃客每一名一日追给工钱六十文其民间妇女若老病之不能自行或虽非妇女老之人自出钱雇人抬轿者不问民人佃客俱不在禁限之内

病故官家属还乡

凡军民官在任以理病故家属无力不能还乡在所在官司差人管领应付脚力随程验口官给行粮递送还乡违而不送者杖六十

纂注以理病故如以理去官之云非犯刑罪而卒于任所者也脚力谓人夫马匹此见凡军民衙门官员见在任所以理病故既有可悯之情所遗家属不能还乡又有当周之义所在官司必须差人管领应付人夫马匹随程口给与行粮递送还乡盖念其效劳于生前而体恤于没后者如此若有违而不送者则失朝廷厚臣之意故杖六十

承差转雇寄人

凡承差起解官物囚徒畜产不亲管送而雇人寄人代领送者杖六十因而损失官物畜

产及失囚者依律各从重论受寄受雇人各减一等○甚同差人自相替放者各笞四十取财者计赃以于枉法论若有事有损失者亦依损失官物及失囚律追断不在减等之限

纂注前段受雇寄系常人后段替放则同差之人也损失官物见户律转解官物条失囚见刑律不觉失囚条追断谓追其损失等物还官而断以应得罪名也此见官司起解一应官物囚徒畜产既以承受差遣必须亲行管送若承产之人雇倩他人或转寄与人代替领送者杖六十因而损坏遗失官物畜产及失囚者依律各从其重者论罪谓损失重者以损失科之轻则仍以雇寄科之损失重者如起官物安置不如法致有损失者坐赃论罪止杖一百徒三年不觉失囚者一名杖六十罪止杖一百其受雇寄之人代其领送及有所损失者各减寄之人代其领送及有所损失者各减承差之人一等承差之人以损失科罪受寄雇者亦自损失之罪减之若同承差遣起解官物囚徒畜产之人自相替放其替者及放者各笞四十如承替之人私取放者贴解之财则计赃以不枉法论若事有损失者亦依损失官物及失囚律与放者一体追断不在减等之限以其均有受差遣之责与雇寄常人不同也不言畜产者统在官物中也凡雇寄替放而有所损失着落均陪其囚徒亦责限同捕若侵欺故纵各依律科罪其不亲管送不知侵欺故纵之情仍以损失科断

乘官畜产车船附私物

凡因公事应乘官马失驼骡驴者除随身衣仗外私驮载物不得过十斤违者五斤笞一十每十斤加一等罪止杖六十不在乘驿马之条○其乘船车者私载物不得过三十斤违者十斤笞一十每二十斤加一等罪止杖七十家人随从者皆不坐若受寄私载他人物者寄物之人同罪其物并入官当该官司知而容纵与同罪不知者不坐若应合递运家小者不在此限

纂注不得过十斤谓附带私物十斤不坐至十斤外多五斤乃笞五十也车船载私物不得过三十斤亦然注云不在乘驿马之条谓本条所载非指乘驿马者如扈从车驾关拨头匹皆不许多带私物之类家人随从者不坐谓罪止公差之人不及其家人也当该官司通承上言应合递运家小如阵亡病亡官军及军民官在任以理病故属之类此见官司马牛驼骡驴与官车船皆以给公差之往来非驮载私物者也若公使人等承衙门公务差遣应乘马牛等畜者除随身衣服器仗之外或有贳私物不得过十斤其乘官车船者私载物不得过三十斤过此均谓之违故皆计斤数科罪一则止杖六十一则罪止杖七十家人随从者皆不坐承差人当之不滥及也若乘船车而受他人寄附私载物货者寄物之人与受寄人同罪亦计斤数蒙上而言省文耳所带人之私物并追入官当该官司知其自带之情而纵容不举者与前项受寄之人同罪不知者不坐若应合递运家小者虽有私带不论故曰不在此限

条例

一运军土宜每船许带六十石沿途过浅盘剥责令旗军自备脚价例外多带者照数入官监兑粮储等官水次先行掺检督押司道及府佐官员沿途稽查经过仪直听攒御史盘诘淮安天津听理刑主事兵备道盘诘经盘官员徇情卖法一并参治其余衙门俱免投文盘诘

一漕运船只除运军自带土宜货物外若附搭客商劫要人等酒面糯米花草竹木皮片器册货物者将本船运军并附载人员参问发落货物入官其把总等官有犯降一级回卫带俸差操民船不在此例

一黄船附搭客货及夹带私物者小甲客商等俱问发极边卫分永远充军货物入官若客商等止是空身附搭者亦连小甲俱发附近充军其马快船只附搭客货及夹带私物者小甲客商等俱发口外充军货物亦入官若客商等止是空身附搭者照常发落

一沿河一带省亲祭丁忧起复并升附外任及内外公差官员若有乘坐马快船只与贩私盐起拨人夫并带去无籍之徒辱骂锁绑官吏勒要银两者巡抚按河巡盐管河管闸等官便拏问干碍应奏官员奏请提问其军卫有司驿递衙门若有惧劫付者参究治罪私借驿马

凡驿官将驿马私自借用或转借与人及借之者各杖八十驿驴减一等验日追雇赁钱入官若杖计雇钱重者各坐赃论加二等

纂注马曰驿马驴曰驿驴皆官司以待公差人员不得私自相为用若驿官私自借用或转借与人及借之者则其罪一矣所借者马杖八十所借者驴减一等杖七十皆验日数照犯时追收赁钱入官若计赁钱重于杖八十七十者或马或驴各坐赃论加等

大明律集解附例卷之十八

刑律

贼盗

谋反大逆

凡谋反谓谋危社稷及大逆谓谋毁庙卜陵及官阙但共谋者不分首从皆凌迟处死祖父子父子孙兄弟及同居之人不分异姓及伯叔父兄弟之子不限籍之同异年十六以上不论笃疾废疾皆斩其十五以下及母女妻妾姊妹若子之妻妾给付功臣之马为奴财产入官若女许嫁已定归其夫子孙过房与人及聘妻未成者俱不追坐下条准此知情故纵隐藏者斩有能捕获者民授以民官军授以军职仍将犯人财产全给充赏知而首告官为获者止给财产不首者杖一百流三千里

纂注谋反大逆解见名例律不分异姓谓同居之人如本宗无服亲属及外祖外孙妻父女婿之类至奴婢雇工人凡同居者皆坐不限籍之同异谓不分同籍异籍各居期亲之伯叔皆坐年十六以上谓自此至老皆斩即名例九十以上犯反逆者不用此律是也财产乃共谋人自家者其分居兄弟俱不籍没下条仿此指女许嫁以下而言也知情二字

直贯下故纵四字谓知其反逆之情而故纵其事藏匿其人也此言谋危社稷及谋毁庙山陵官阙以行篡夺之祸者罪大恶极故不分首从皆凌迟处死其至亲则祖父父子孙兄弟其同居则不分同姓异姓其亲则怕叔及兄弟之子不分同籍异籍但年十六以上不论笃疾皆斩称祖父则曾高同称孙则曾玄同不限姓者其居同不限籍者其亲同男子十五以下及母女妻妾姊妹若子之妻妾皆给付功臣之家为奴家财产业入官不言谋而未行者但谋即坐与下条不同也若女已许嫁而未过门子孙曾过房与人为后而不知谋情或已聘之妻而未成婚者皆为外人不在皆斩为奴之律此皆指不共谋者言然但言兄弟之子而不言兄弟之孙言母及子之妻妾而不言祖孙伯叔父兄弟侄之妻妾言伯叔而不言姑则俱不连坐可知矣既曰女许嫁归其夫则姊妹缘坐者亦以在室者言出嫁与许嫁者亦不追坐矣言女许嫁而不及姊妹者在室之通称姊妹兼之矣若知其叛逆之情而故纵之及隐蔽而藏匿之者则与之同恶矣故斩此又言党恶之诛有能捕获其人送官者民授民官军授军职仍将犯人家产全给充赏不言品级者临时奏裁也知而首告官为捕获者止与财产若知而不首者虽无故纵之情亦杖一百流三千里此又广首捕之门按名例注谋反逆叛未行而亲属首告或捕送到官者其正犯人俱同自首免罪若非亲属首告虽未行亦依律坐罪不在未行减等之限又按律解云丈人反女婿窝藏者依知情隐藏斩子孙为僧道及女为僧尼冠者亦不追坐

谋叛

凡谋叛谓谋背本国潜从他国但共谋者不分首从皆斩妻妾子女给付功臣之家为奴财产并入官父母祖孙兄弟不限籍藏者绞有能若捕者将犯人财产全给充赏知而不首者杖一百流三千里若谋而未行为首者绞为从者皆杖一百流三千里知而不首者杖一百徒三年○若逃避山泽不服追唤者以谋叛未行论其拒敌官兵者以谋叛已行论

纂注上言财产入官而此言并入官者盖此为奴之家口与反逆异而应没之财产仍与反叛者皆全入官故曰并入逃避山泽乃负恃险固之劫而不服拘唤非暂时逃避者此条前一节言谋叛之罪后一节言逃叛之罪而谋叛之中又分已行未行盖罪莫重于反逆而谋叛次之故罪亦差异已行者其本犯与缘坐之家属及知情故纵隐匿知而不首者俱减一等捕告者止是一体充赏不与官职惟应没之家产亦全入官许嫁之女与过房之子孙已聘未成婚之妻亦俱不追坐与上条同其谋而未行者与已行者又为有间证状明白则为首者绞为从者不论众寡皆杖一百流三千里家口不缘坐财产不入官知而不首者杖一百徒三年若军民人等有粮差役罪名等故耳逃避山泽不服官府追唤还业者虽有负固国不服之迹而无潜从他国之情以谋叛未行论为首者绞为从者流其有官兵追捕而敢行拒敌者则与叛何异故依谋叛已行论不分首从皆斩家口财产亦入官为奴按旧云谋叛未行不言知情故纵隐匿犯者以知情藏匿罪人科罪非也盖知情藏匿律减犯人罪一等若依此断则杖一百徒三年与知而不首者一矣窃详

谋叛未行事尚隐秘又何故纵隐藏之有此律所以略而不言也旧说恐凿

造妖书妖言

凡造讖纬妖书妖言及传用惑众者皆斩皆者谓不分首从一体科罪余条言皆者并准此若私有妖书隐藏不送官者杖一百徒三年

纂注讖符也纬棋也谓以符讖之说棋乱正道如赤伏符卯金刀之类妖者怪异不祥之类成帙谓之书而言即未成帙者也传用惑众谓传播而信用之以惑乱众人也私藏妖书乃他人所传而未用者盖讖纬妖书妖言皆妄谈国家存亡世道兴废人已休咎与凡灾祥吉凶之事其说易以感人流祸甚大故凡有始作及传用其说以欺世惑众者不分首从皆斩若私有他人传造妖书而隐藏在家斩若私有他人传妖书而隐藏在家不首送官司者虽非行用亦恐其或传于人故杖一百徒三年以示禁绝之意按唐律不及众者流三千里今不同

盗大祀神御物

凡盗大祀神祇御用祭器帷帐等物及盗飨荐玉帛牲牢饌具之属者皆斩谓在殿内及已至祭所而盗者其未进神御及营造未成若已奉祭讫之物及其余官物皆杖一百徒三年若计赃重于本罪者各加罪一等谓监守常人盗者各加监守常人盗罪一等并刺字

纂注大祀解见祭祀律天曰神地曰御用者神祇所御用也祭器如筮豆簠簋之类帷帐施于神座者玉如仓璧黄琮之类牲亦解见祭祀律饌具如脯醢豚膊之类此见祭莫大于天地庙而祭器帷帐等物乃神祇之所御用者玉帛牲牢饌具乃飨荐于神祇者而盗之谓之大不敬但其间亦有二等若御用之物已在殿内飨荐之仪已至祭所而盗者则

慢已极不分首从皆斩其前器品诸物或未进于殿内及祭所或营造而未成或飨荐已讫及其余官物如釜甑之属虽大祀所用而非应荐之物有盗者与盗殿内祭所者有间故杖一百徒三年皆不计赃者以所犯非仓库官物之比也若计赃重于杖一百徒三年者如监守则加监守盗罪一等如常人则加常人盗罪一等并刺字或谓加罪止杖一百流三千里不入于死殊不知监守常人盗满贯俱坐斩绞况大祀等物又非仓钱粮之比者耶

盗制书

凡盗制书及起马御宝圣旨起船符验者皆斩○盗各衙门官文书者皆杖一百刺字若有所规避者从重论事干军机钱粮者皆绞

纂注制书解见名例起马御宝圣旨起船符验解见公式律盖书所以诏令天下而圣旨符验亦给驿之所取信三者系国家大事故盗之者不分首从皆斩其各衙门文书则与制书等有间故盗之者杖一百刺字比皆以无所规避及不干军机者言若有所规避而盗其罪重于杖一百者则以所规避之重罪坐之若事干调遣军马机务供给军需钱粮者则未免失误故皆坐绞按制书以初出有宝者言若官司传写若书中有备云制书及

圣旨与盗征收钱粮文书非干军机者皆指以盗官文书论又盗制书与盗印信同坐斩罪而分作二条与弃毁条并载不同者盖盗制书云斩者决不待时盗印信云斩者秋后处决故别而言之若弃毁者俱待秋后故载同

盗印信

凡盗各衙门印信及夜巡铜牌者皆斩盗关防印记者皆杖一百刺字

纂注印信铜牌解见公式律关防印记流外官掌者及鸿胪寺入朝通政司出入公文关防并内外杂职衙门条记与各衙门公差等项官员私记关防皆是盖印信及铜牌与各衙门关防印记不同故盗之者一则处斩一则杖一百刺字皆不分首从

盗内府财物

凡盗内府财物者皆斩盗御宝及乘舆服御物皆是

纂注府藏也凡皇城之内皆曰内府财物如金帛器服及十库粮光禄寺品物之类乘舆服御物如尚监及銮驾库者亦是比皆不计赃者事关禁地但盗即坐故不论多寡亦不分首从也今例盗内府财物斩罪系杂犯准徒五年盗乘舆服御物者仍作真犯死罪旧云盗御马监粮草两长安门俚库或监守或常人各从本律以其皆在皇城之外故也

条例

一凡盗府内财物系乘舆服物者仍作真犯死罪其余监守盗银三十两钱帛等物值银三十两以上常人盗银六十两钱帛等物值银六十两以上俱问发边卫永远充军内犯奏请发充净军

一凡盗内府财物系杂犯及监守常人盗窃盗掏摸抢夺等项但三次者不分所犯各别曾否刺字前革后俱得并论比照窃盗三犯律处绞奏请定夺

盗城门钥

凡盗京城门钥皆杖一百流三千里盗府州县城关门钥皆杖一百徒三年盗仓库门等钥皆杖一百并刺字

纂注钥开锁匙也京城京都之城也仓库言等钥者钱粮财物非一处所故曰等盖门设锁钥正以防奸盗钥者必有窃发之意但京城严密之地所系甚重与府州县镇城有间府州县城亦有人民货狱系一方不小与仓库有间至于仓库则钱粮文卷在焉三者不同故有犯者随地拟罪在城则流府州县镇则徒仓库等则杖门虽未开但盗即坐皆不分首从并刺字按旧说云盗六部等衙门钥依盗仓库门等钥论为是或以盗官物计赃论则钥匙所值无几计赃不多失之轻矣

盗军器

凡盗军器者计赃以凡盗论若盗应禁军器者与私有罪同若行军之所及宿卫军人相盗入已者准凡盗论还充官用者各减三等

纂注首言军器乃军士关领在家者故曰军器曰以凡盗论若民间私置如弓箭鎗弩之类则是私物以窃盗坐之故云以凡盗论各字指行军及宿卫二项此条凡四段首言盗

军器者以凡盗论盖军器虽系官物而关领在家者则与私物无异故以凡盗论刺字次言盗应禁军器与私有罪同如人马甲傍牌火筒火炮旗纛号带之类乃民间不当有者事主已得私有之罪故盗者亦与私有罪同依兵律私有军器条论件定罪仍尽本法刺字若行军征讨及各镇城官禁宿卫之所其军人彼此相盗入已者其器仗原未收藏故但计赃准凡盗论不刺字其因盗而充官用者则与入已者不同故不问行军宿卫各减盗而入已罪二等按在官府军器库内盗者以盗官物论在内府盗者以盗内府财论或云盗应禁军器计赃重于私有之罪者仍以凡盗论恐非盖凡盗计赃私有计件皆罪止杖一百流三千里故也若监守盗者亦以监守自盗论凡盗园陵内树木者皆杖一百徒三千若盗他人坟莹内树木杖八十若计赃重于本罪者各加盗一等

盗园陵树木

凡盗园陵内树木者皆杖一百徒三年若盗他人坟莹内树木者杖八十若计赃重于本罪者各加盗罪一等

纂注园陵解见礼律计赃是计其各人入已之赃非若窃盗并赃论也不言刺字者郊野之物也此见盗园陵树木较诸官物为重不问多寡不分首从即坐杖一百徒三年盗他人坟内树木较诸窃盗为重故为首者即坐杖八十若计其入已之赃重于徒三年杖八十者皆不计其本条徒杖之罪直于监守常人盗罪上加一等如巡山官军盗园陵树木值二十贯依监守盗论该杖一百流二千里是计赃重于杖一百徒三年矣则加监守盗罪一等杖一百流二千五百里余可类推如盗园陵值五十贯依常人盗官物律杖一百流二千五百里是计赃重于杖一百徒三年矣则加盗官物罪一等杖一百流三千里如盗他人坟莹树木值五十贯依窃盗律该杖六十徒一年是计赃重于杖八十矣则加窃盗罪一等杖七十徒一年半

条例

一凡凤阳皇陵泗州祖陵南京孝陵天寿山列圣陵寝承天府颍陵山前山后各有禁限若有盗砍树株者验实真正桥植比照盗大祀神御物斩罪奏请定夺为从者发边卫充军取石开窑烧造放火烧山者俱照前拟断其孝陵神烈山铺舍以外去墙二十里敢有开山取石安插坟墓筑凿台池者枷号一个月发边卫充军若于凤阳皇城内外耕种牧安歌歇作践者问罪枷号一个月发落该巡守人役拾柴打草不在禁限但有科敛银两馈送不行用心巡视及守备留守等官不行严加约束以玫下人恣肆作弊者各从究治天寿山仍照旧例锦衣卫轮差的当官校往来巡视若差去官校卖放作弊及托此妄挈平人骗害者一体治罪

监守自盗仓库钱粮

凡监临主守自盗仓库钱粮等物不分首从并赃论罪并赃谓如十人节次共盗官钱四十贯虽各分四贯入已通算作一处其人共盗五贯皆杖一百之类并于右小臂膊上刺盗官钱粮物三字每字各方一寸五分每画各阔一分五厘上不过肘下不过腕余条准

此

一贯之上至二贯五百文杖九十

五贯杖一百

七贯五百文杖六十徒一年

一十贯杖七十徒一年半

一十二贯五百文杖八十徒二年

一十五贯杖九十徒二年半

一十七贯五百文杖一百徒三年

二十贯杖一百流二千里

二十二贯五百文杖一百流二千五百里

二十五贯杖一百流三千里

四十贯斩

纂注监临主守解见名例律官物二字所该者广不言得财者专制在已无不得之理也二人以上引并职不分首从全文如一人盗止引监守盗仓库钱粮等物若干贯该某罪满贯斩系杂犯准徒五年徒流以上但经刺字要充警三犯刺字者处绞问真犯下条仿此

条例

一凡仓库钱粮若宣府大同甘肃宁夏榆林辽东四川建昌松潘广西贵州并各沿边沿海去处有监守盗粮四十石草八百束银二十两钱帛等物值银二十两以上常人盗粮八十石草一千六百束银四十两钱帛等物值银四十两以上俱问发边卫永远充军两京各衙门及漕运并京通临淮徐德六仓有监守盗粮六十石草一千二百束银三十两钱帛等物值银三十两以上常人盗粮一百二十石草二千四百束银六十两钱帛等物值银六十两以上亦照前拟充军其余腹里但系抚按等官查盘去处有监守盗粮一百石草二千束银五十两钱帛等物值银五大两以上常人盗粮二百石草四千束银一百两钱帛等物值银一百两以上亦照前拟充军以上人犯俱依律并赃论仍各计入已之赃数满方照前拟断不及数者照常发落若正犯逃故者于同爨家属名下追陪不许滥及各房亲属其各处征收在官应该起解钱粮有侵盗者俱照腹里例拟断

一凡沿边沿海钱粮有侵盗银二百两粮四百石草八千束钱帛等物值银二百两以上漕运钱粮有侵盗银三百两粮六百石以上俱照本律仍作真犯死罪系监守盗者斩系常人盗者绞奏请定夺

新题例

万历十五年正月题奉钦依除系真正监守自盗与宜盗官物者不论杂犯俱行刺配如系查盘侵及非真盗而以盗而以监守自盗论者照依节年会议杂犯准徒仍行免刺

新颁条例

一十四年十二月本部题为遵明旨酌情法以便通行事奉圣旨盗犯赃贯原有正律但近来问刑官失于详审任情拟断以致罪有枉滥法碍遵行部里既参酌适中以后真盗实赃不论犯徒减徒务遵前旨行其查盘坐侵等项照旧免刺不必引用新例

一万历十八年五月内四川司问过犯人张进等偷盗库银缘由大理寺题奉圣旨张进赵保鲍举都着锦衣卫用二号大枷于工部门首枷号两个月满日发遣以后偷盗银两的照言例行

常人盗仓库钱粮

凡常人盗仓库钱粮等物不得财杖六十免刺但得财者不分首从并赃论罪并赃谓如十人节次共盗官钱八十贯虽各分八贯入已通算作一处其十人各得八十贯罪皆绞若十人共盗一十贯皆杖九十之类并于右小臂膊上刺盗官钱粮物三字

一贯以下杖七十

一贯之上至五贯杖八十

一十贯杖九十

一十五贯杖一百

二十贯杖六十徒一年

二十五贯杖七十徒一年半

三十贯杖八十徒二年

三十五贯杖九十徒二年半

四十贯杖一百徒三年

四十五贯杖一百流二千里

五十贯杖一百流二千五百里

五十五贯杖一百流三千里

八十贯绞

纂注常人非但军民人等虽在官不系监守皆是言但得财者谓不必以分赃为断也此见常人盗仓库一应系于钱粮等物已行而为人所觉或就捕执而不得财者杖六十免刺为从减一等但已得财不分首从次数并赃论至八十贯绞赃多者查例发遣须参监守及直宿之人不觉察之罪

备考

一盗矿偷采珠池与盗库船所载官粮本管官旗冒支逃军月粮及侵欺已死军人布花钞锭者俱依此条

一各处解钱粮人自行及主令子弟家他人包揽钱粮将正价侵分花费者问常人盗若包头人于正价外多要盘缠使用等项或指脚价为由多索财物入已者问诓骗

新题例

万历二十二年二月题奉钦依凡监守常人盗以后侵人犯但有赃至二十两以上者限

一个月二百两以上者限三个月困能尽数通完例该永戍者止照本律发落真犯死罪者减等免死充军以着伍后所生子女替役如过期不完各依本等律例从复位拟强盗

凡强盗已行而不得财者皆杖一百流三千里但得财者不分首从皆斩○若以药迷图财者罪同○若窃盗临时有拒捕及杀伤人者皆斩因盗而奸者罪亦如之共盗之人不曾助力不知拒捕杀伤人及奸情者止依窃论○其窃盗事主知觉弃财逃走事主追逐因而拒捕者自依罪人拒捕律科断

纂注得财谓得事主之财非分赃入己之谓盖强盗所犯之罪本以强论不以赃论故虽未分受亦斩观下条共谋者行而不分赃皆斩可见近来皆以不分赃为不得财误矣行盗之时也二字直贯下以拒捕于临时全无畏忌故以强论又事起于临时容有不知者故以窃盗论杀伤者皆是助力不必加功如在外瞭把风在傍讖张威皆是此言强盗明火执仗功劫居民或啸聚拥兵夺商贾其凶计已行而不得事主财物者皆杖一百流三千里但得财者不分首从不论多寡皆斩以药迷人而图取财物者其情与强无异故同罪不得财者皆流得财皆斩若窃盗临窃之时为事主捕捉而抗拒及杀伤人者不分首从皆斩此须看时字盖临时不逃而敢拒捕即强矣虽不杀伤人亦斩观及字可见若因盗而奸污人妻女者则与临拒捕杀伤人者无异故罪亦如拒捕者不论成奸与否皆斩以上亦不论得财与不得财其共盗之人不曾助力格鬪或在外未入或得财先去而不知拒捕杀伤人及奸情者同伴事主证佐明白止依窃盗得财不得财首从论如谋盗之时曾有定约则未行之时已知其情乃同恶之人亦当坐斩不得以临时不知而槩以窃盗论也若窃盗为事主知觉弃财逃走而事主追逐因而拒捕者是不过一时规脱之计与临时拒捕者不同则亦罪人而已故止依罪人拒捕律科断如弃财逃走不得财笞五十加二等则杖七十折伤以上绞杀人者斩为从者各减一等盖临时拒捕是捍鬪于取财之处追逐拒捕是求脱于弃财之后情异而罪亦异之然此及药迷人均非强盗而附于其下者以近于强故也或谓强盗不得财而杀人依罪人拒捕科断非也盖窃盗拒捕不分首从皆斩况强盗乎有临时拒捕杀伤人及奸而不得财者即以窃盗拒捕杀伤人及行奸律比附上请可也

备考

- 一强盗谋不行又不分赃者坐不应事重若造意者仍依窝主律
- 一强盗再犯及侵损于人不准出首家人盗以凡人首从论
- 一军职犯强盗系父祖功勋仍许子孙承袭调卫差操自己功勋不袭
- 一窃盗拒捕伤人自首者但免其盗罪仍依鬪殴伤人法

条例

- 一强盗杀人放火烧人房屋奸污人妻女打劫牢狱仓库及干系城池衙日井积至百人以上不分曾否得财俱得财律斩随即奏请审决梟示若止伤人而未得财比照抢夺伤

人律科断

一响马强盗执有弓矢军器白日邀劫道路赃证明白俱不分人数多寡曾否伤人依律处决于行劫去处梟首示众

新题例

万历十六年正月题奉钦依各处巡按御史今后奉单强盗必须审有赃证明确及系当时见获者照例即决如赃迹未明招扳续缉涉于疑似者不钊再审其问刑衙门以后如遇鞫审强盗务要审有赃证方拟不时处决或有被获之时伙贼供证明白年久无获赃亦花费伙贼已决无证俱吊秋后处决

劫囚

凡劫囚者皆斩但劫即坐不须得囚若私窃放囚人逃走者与囚同罪至死者减一等虽有服亲属与常人同窃而未得囚者减二等因而伤人者绞杀人者斩为从各减一等

○若官司差人追征钱粮勾摄公事及捕获罪人聚众中途打夺者杖一百流三千里因而伤人者绞杀人及聚至十人为首者斩下手致命者绞为从各减一等其率领家人随从打夺者止坐尊长若家人亦伤人者仍以凡人首从论

纂注凡已招服罪而锁扭拘禁者曰狱囚已审取供未招服罪而散行拘禁者曰罪囚犯罪事发勾摄拘捕犹未拘禁者曰罪人劫强取也征取勾拘摄收也谓追其人以征取应纳之钱粮勾其人以收摄未完之公事捕获罪人泛犯罪者而言三人为众家人谓弟子侄凡同居者皆是此条名曰劫囚而附于强盗之类故其文义亦与前条相类盖凡戈犯罪拘系在狱或解发在途而其同类之人或打开监门或中途邀截用强劫夺者不问得囚与否不分首从皆斩私窃放囚或穿壁踰墙或松解锁欺人不见而放囚逃走者则与强劫者有间故所放之囚系流罪以下为首者与本囚同罪至死者减一等虽所窃之人与囚为有服亲属亦与常人一体科断不得以他律递减以其为在官拘系之人也若窃而未成囚罪二等但伤人则绞杀人则斩虽杀伤人被窃之囚亦坐以前罪盖窃而杀伤人即有用强之情故也为从者各减为首者罪一等若官司差人追征钱粮勾摄公事及拘捕罪人其人已为差人所得而聚众于中途殴打差人将其人夺去者则与在官拘系者不同故止杖一百流三千里打夺而伤差人者绞杀人及聚至十人为首者各斩其杀人者为首之人虽非致命即坐斩罪又于内揆究下手致命之人亦坐绞处杀人之罪为重不得槩以为从论也称聚至十人则虽九人亦止依前三人以上律论矣为从者各减为首罪一等亦通承聚众打夺人以下此皆指凡人而言其家长率领家人随众于中途打夺前项所拘征收钱粮等项人犯虽聚至十人止坐家长杖一百流三千里伤人者绞杀人者斩家人不曾助打下手者依兵犯免科以其受制于人故也若家人亦曾助打伤人者仍以凡人首从论家长坐斩为从坐流观仍字可见不言杀人者举轻以该重也或云率领有威力主使之义家人虽下手致命当与威力条下手之人同科罪也盖为首聚众打夺杀人虽不下手亦斩是明与主使殴常人之绞罪不同深疾之也故家人亦曾伤

人犹以凡论况下手致命者乎坐绞为是按律中称中途打夺须中途夺去者方是盖比律附于劫囚之下故也若不于中途而在家打夺者其打夺之人原非拘捕者自依威力于私家拷打律主使人殴者依主使律若即系所拘捕之人则有罪者以罪人拒捕论无罪者以拒殴追摄人论不得槩引此律者也

备考

一因私窃而过失杀伤所窃之囚或他人因打夺而过失杀伤所夺之人或傍人仍用此条杀伤者律

一此条比照前条窃囚拒捕者依劫囚律弃囚拒捕因追逐而拒捕者依罪人拒捕律
条例

一凡官司差人追征钱粮勾摄公事并捕获罪人但聚众至十人以上中途打夺为从者如系亲属并同居家人照常发落若系异姓同恶相济及槌师打手俱发边卫充军
白昼抢夺

凡白昼抢夺人财物者杖一百徒三年计赃重者加窃盗罪二等伤人者斩为从各减一等并于右小臂膊上刺抢夺二字○若因失火及行船遭风着浅而乘时抢夺人财物及拆毁船只者罪亦如之○其本与人鬪殴或勾捕罪人因而窃取财物者计赃准窃盗论因而夺去者加二等止杖一百流三千里并免刺若有杀伤者各从故鬪论

纂注白昼白日也争取曰抢攘取曰夺计夺赃非计入已之赃亦如窃盗并赃论本与人鬪殴最重故鬪二字平看此言白昼抢夺财迹近于强故但犯者赃之多寡即杖一百徒三年若计赃重于杖一百徒三年者于窃盗律科之应杖一百流二千里则加二等罪止杖一百流三千里因抢夺而伤人即斩不言杀人者止于斩也俱坐为首者为从各减一等该流徒以下者并刺字若因人家失火及因人行船遭风着浅而乘时抢夺财物及因其遭风着浅人不船而将其船拆毁者则与白昼抢夺者无异故其罪亦如之赃轻者亦杖一百徒三年赃重者亦加二等伤人者亦斩该徒流以下者亦刺字以上白昼及乘失火遭风而夺者其初意为图财其情重犯即坐徒伤即坐斩其有本因与人鬪殴及拘捕罪人因而窃取其财物者虽在白昼然原无谋财之心其情稍轻故窃取者则计赃准窃盗论强夺者则加窃取罪二等罪止杖一百流三千里并免刺窃盗字夺去者免刺夺字也若有杀伤者各从故鬪论如其人不敢与争而杀之则从故杀律斩其人与争而杀之则从鬪杀律绞伤则从鬪殴条论不在前伤即坐斩之限然此亦因抢夺财物而杀伤者方依此坐之若因鬪殴勾捕自有本律又不在故鬪之列矣夫例云白昼邀劫道路与此白昼抢夺者情迹相似而实不同人少而无凶器者抢夺也人众而有凶器者强劫也然抢夺惟言白昼若犯在昏夜则亦有藏形隐貌之意止以窃盗论掏摸亦系白昼而以窃盗论者出其不意而阴勾之与窃无异故也其抢夺再犯者照例与右臂膊重刺三犯者照例拟绞请若抢夺而未得财者问不应事重抢夺财就事主者依自首仍问不应事重

条例

一凡号称喇唬等项名色白昼在街撒泼口称圣号及总甲快手应捕人等指巡捕勾摄为由各殴打半平人抢夺财物者除真犯死罪外犯该徒罪以上不分人多人少若初犯一次属军卫者发边卫充军属有司者发口外为民虽系初犯若节次抢夺及再犯累犯笞杖以上者俱发原抢夺地方枷号一个月照前发遣若里老邻佑知而不举所在官司纵容不问各治以罪

窃盗

凡窃盗已而不得财笞五十免刺但得财者以一主为重并赃论罪为从者各减一等以一主为重谓如盗得二家财物从一家赃多者科罪并赃论如十人盗得一家财物计赃四十贯虽各分得四贯通算作一处其十人各得四十贯之罪造意为首该杖一百余人从各减一等止杖九十之类余条准此初犯并于右小臂膊上刺窃盗二字再犯刺左小臂膊三犯者绞以曾经刺字为坐○掏摸者罪同○若军人为盗虽免刺字三犯一体处绞

一贯以下杖六十

一贯之上至一十贯杖七十

二十贯杖八十

三十贯杖一百

五十贯杖六十徒一年

六十贯杖七十徒一年半

七十贯杖八十徒二年

八十贯杖九十徒二年半

九十贯杖一百徒三年

一百贯杖一百流二千里

一百一十贯杖一百流二千五百里

一百二十贯罪止杖一百流三千里

纂注窃潜取也谓欺人不觉而取之也未得财物财解见强盗律犯谓发于官已经问断者方是择便取物曰掏以手取物曰摸如今白昼阑入人家因便取其财物及割人荷包之类军人为盗兼掏摸言此言窃盗已至盗所或以穿壁踰墙为事主觉逐而不得财为首笞五十免刺但窃得主家财物者虽所盗不止一主只以一主所得多者为重并赃论罪为首一贯以下杖六十每十贯加一等罪止杖一百流三千里为从者各减一等各字指上得财不得财言初犯于右小膊再犯于左小膊不分首从刺窃盗字仍充警三犯并绞所犯次数以曾经刺字为坐如自首及赦免收赎或盗田野谷麦亲属相盗之类得免刺者亦不充警俱不在次数之限其掏摸人财物者与窃盗无异故其科罪或笞或杖或徒流或刺字及为从减等俱与窃盗同仍并入窃盗次数通论三犯坐绞若军人犯窃或

掏摸虽免刺字三犯文案明白与民人一体处绞免刺字不独军人如军官总小旗军丁识字军吏军斗军匠军厨舍人舍余局匠勇士力士校尉将军老幼妇女有犯俱不刺字按旧解云掏摸并入窃盗通论者其罪同而抢夺监守常人盗不并入窃盗论者其罪异也或云总累三次问绞非是又窃盗不许赎罪惟老幼妇女犯者依律收赎

备考

一窃盗不得财如在昏夜者依夜无故入人家律杖八十

一掏摸临时拒捕及弃财逃走而拒捕者依窃盗拒捕律

条例

一正统八年七月十一日节该钦奉英宗皇帝圣旨今后窃盗初犯刺右臂的革后再犯刺左臂若两臂俱刺赦后又犯的准三犯论还将所犯赦前赦后期明白开奏定夺钦此新题例

万历十六年正月题奉钦依今后审录官员凡遇三犯窃盗中有赃数不多或在赦前一次赦后二次或赦前二次赦后一次者俱遵照恩例并入矜疑辩问疏内参酌奏请改遣

盗马牛畜产

凡盗马牛驴骡猪羊鸡犬鹅鸭者并计赃以窃盗论若盗官畜产者以常人盗官物论

○若盗马牛而杀者杖一百徒三年驴骡杖七十徒一年半若计赃重于本罪者各加盗罪一等

纂注盗马牛而杀兼官私言不言刺字者蒙上文以窃盗常人盗论不待言也按马牛驴骡猪羊鸡犬鹅鸭今有值钞定例然物价一也而在人家者与在官者不同故盗他人所养计赃以窃盗论为首者一百二十贯罪止杖一百流三千里为从减一等若盗在官者以常人盗官物论不分首从八十贯绞并刺字若盗官私马牛而杀者即杖一百徒三年盗驴骡而杀者即杖七十徒一年半独言马驴骡不计赃者盖四者比犬羊等物为重而杀之情重于盗故也若计官马牛赃四十五贯以上私马牛赃一百贯以上重于杖一百徒三年计官驴骡赃三十贯以上私驴骡赃七十贯以上重于杖七十徒一年半本罪者各加盗罪一等亦刺字或言加罪之赃虽满贯不入于死殊不知盗官畜产八十贯坐绞盗而杀之仍止于流失常重矣如有犯者仍以常人盗官物论绞不必用加盗罪一等律按国初钞重每贯值银一两此律犹得用之今钞轻每马一疋定八百贯牛三百贯驴三百五十贯骡五百贯是但犯窃盗常人盗者计赃俱该坐流绞罪名若然则盗而杀之者岂复有重于本罪乎则所谓盗马牛驴骡而杀计赃重于本罪加盗罪一等者皆不得用矣或云计所杀产畜皮肉为赃恐非律意

备考

一马牛等畜若系收养人盗者以监守盗论若盗马牛驴骡而杀计赃重于本罪亦加盗罪一等

条例

一凡盗御马者问罪枷号三个月发边卫充军若将自己及他人骑操官马盗卖者枷号一个月发落盗至三疋以上及再犯不拘疋数俱免枷号属军卫者发边属有司者发附近卫所各充军五疋以上属军卫者发极边卫属有司者发边卫各永远充军若养马人户盗卖官马至三疋以上亦问发附近充军

一凡冒领太仆寺官马至三匹者问罪于本寺门首枷号一个月发边卫充军
盗田野谷麦

凡盗田野谷麦菜困及无人看守器物者并计赃准窃盗论免刺○若山野柴草木石之类他人已用工力斫伐积聚而擅取者罪亦如之

纂注无人看守谓原不 及不待守之物方是若偶因无人

山野柴草木石谓无主得共采者特他人用工斫伐积聚之耳若有主即系无人看守之物矣然必搬移他处方坐非如钱粮之据入手为证也此见凡盗人田野穀麦菜果及无人看守器物者与在家积贮者不同并计所值之价为赃准窃盗免刺若山野柴草木石之类本无物主但他人已用工力斫伐积聚而擅取之是亦取非其有者故其罪亦如盗田野谷麦科断不曰盗而擅取者以其非看守严密之地不必藏形隐面而盗之也

条例

一凡盗掘金银铜易水银等项矿砂每金钞一斤抄钞二十贯银砂一斤折钞四贯铜锡水银等砂一斤折钞一贯俱比照无人看守物准窃盗论若在山洞捉获者分为三等持杖拒捕者为一等不论人数矿数多寡及初犯再犯不分首从俱发边远充军若杀伤人为首者比照窃盗拒捕杀伤人律斩其不曾拒捕若聚至三十人以上者为二等不论矿数多寡及初犯再犯为首者发边远充军为从者枷号三个月照罪发落若不曾拒捕又人数不及三十名者为三等为首者初犯枷号三个月罪发落再犯亦发边远充军为从者止照罪发落凡非卜洞捉获止是私家收藏道路背负者惟据见获论罪不许巡捕人员逼令展转攀指违者参究治罪

一成化十年九十八日节该钦奉宪皇帝旨都城外四围沿河居住军民人等越入墙垣偷鱼割草窃取砖石等项轻则量情惩治重则参奏拏问枷号众若该城恁情纵容不理及四邻知而不首的都治以罪其守门官军亦不许于城外河边栽种蔬菜牧放头畜因而引惹外人入内作践违者一体治罪钦此

亲属相盗

凡各居亲属相盗财物者期亲减凡人五等大功减四等小功减三等缌麻减二等无服之亲减一等并免刺若行强盗者尊长犯卑幼亦各依上减罪卑幼犯尊长以凡人论若有杀伤者各依杀伤尊长卑幼本律从重论○若同居卑幼将引他人盗已家财物者卑幼依擅用财物论加二等罪止杖一百他人减凡盗罪一等免刺若有杀伤者自依杀伤尊长卑长幼本律科罪他人纵不知情亦依强盗论若他人杀伤人者卑幼纵不知情亦

依杀伤尊长卑幼本律从重论○其同居奴婢雇工人盗家财物及自相盗者减凡盗罪一等免刺

纂注各居亲属谓不同门户不共财产者兼本宗外姻言期亲以下五服俱兼尊长卑幼言若有杀伤总承上强窃二项杀伤尊长卑幼本律见后殴大功以下尊长及殴期亲尊长谋杀祖父母条盗罪重则从盗论杀伤罪重则从杀伤论若同居卑幼将引他人盗己家财物虽有共财之义但引他人盗之故加私擅用财二等他人为卑幼所引故或为首或为从得减凡盗一等若将引各居亲属同盗者其人亦依本服降减卑幼杀伤人他人不知亦坐强盗法者罪其从恶也他人杀伤人卑幼不知亦依杀伤尊长法者罪坐所由也本言卑幼行盗而云依杀伤尊长卑幼本律者盖谓行盗所杀伤之人闲或其卑幼即以其律坐之不得如前递减也其行强者有例他人以凡人论若奴婢与雇工人与卑幼终是不同但系同居或盗家长或自相盗者俱自减凡盗罪一等为从者又减一等免刺此不言将引他人及从他人同盗设有犯者奴婢雇工人自依本律他人依凡盗刺字所谓首从本罪各别者也不言别者也不言强盗者即以强盗罪坐之若有杀伤罪重于强盗者则以杀伤罪坐之此见亲属恩义联属虽系各居与凡人终是不同如有尊长盗卑幼或卑幼盗尊长者俱得减科但系期亲者减凡盗凡盗五等如凡盗者一百二贯杖一百流三千里减五等财杖六十徒一年大功减四等则杖七十徒一年半小功减三等则杖八十徒二年缙麻减二等则杖七十徒二年半无服减一等则杖一百徒三年并免刺字不得财者从笞五十上减之若有从而服属不同者各依本服降减为从者又减一等言窃盗则掏摸抢夺该之矣若行强盗者如尊长犯卑幼其分尊仍依上五等减科卑幼犯尊长则同凡人论以上亦兼得财未得财言若杀伤者各依杀伤尊长卑幼本律如卑幼强窃盗及强盗未得财而杀伤期亲尊长已伤者依谋杀期亲尊长律皆斩已杀者皆凌迟处死缙麻以上尊长已伤者绞已杀者斩尊长强窃盗而杀伤卑幼者大功以下非折伤勿折伤以上缙麻减凡人一等小功二等大功减三等至死者绞期亲殴伤者勿论已杀者依故杀法杖一百三十里各从重论

备考

一亲属相盗若系被盗之家亲属告发并论如律不在名例得相容隐之人为首及相告言免科减等之限

一卑幼盗自家财物不曾将引他人者止依私擅用财本律

条例

一同居卑幼将引他人盗己家财物如系强功比依各居亲属行强盗卑幼犯尊长以凡人论罪奏请定夺

恐吓取财

凡恐吓取人财物者计赃准窃盗论加一等免刺○若期亲以下自相恐吓者卑幼犯尊长以凡人论尊长犯卑幼亦依亲属相盗律递减科罪

纂注恐吓谓以声势恐喝使人畏惧而取其财也计赃者各主以一为重二人恐吓亦并赃论律凡言计赃准窃盗论者准此盖恐吓取财其情甚于窃盗故加盗一等以其异于真盗故得免刺若自期以下亲属相恐吓者如卑幼犯尊长以凡人论亦准窃盗加一等免刺尊长犯卑幼亦依亲属相盗律期亲减五等大功减四等小功减三等缌麻减二等无服之亲减一等科罪皆于加罪上减之以其有恐吓之情故也如被吓之人告发或得相容隐之人代首告言者亦不在免科减等之限

备考

一恐吓不得财者问不应重罪

一监临恐吓所部取财者依挟势求索强者准枉法论

一知人犯罪不虚而恐吓取财者合计赃以枉法论出唐律

条例

一凡将良民诬指为盗及寄买贼赃捉拏拷打下诈财物或以起赃为由沿房拶检枪夺财物淫辱妇女除真犯死罪外其余不分首从俱发边卫永远充军

诈欺官私取财

凡用计诈欺官私取财物者并计赃准窃盗论免刺若期亲以下自相诈欺者亦依亲属相盗律递减科罪○若监临主守诈取所监守之物者以监守自盗论未得者减二等

○若冒认及诓赚局骗拐带人财物者亦计赃准窃盗论免刺

纂注官私二字平看诈欺官如知人有事在官乃诡指官府名色取人财物诈欺私如知人有事乃诡设代伊营干而取人财物之类并字指官私言期亲兼同居各居律不言卑幼犯尊长有犯亦得递减未得减二等只就监守言律解云通承上文非也盖窃盗得财止笞五十而诈取至满贯者罪止杖一百流三里未得财乃杖九十徒二年半是浮于真盗之罪矣监守本律不言未得财而此以监守盗论乃言未得财何也监守之人财自己掌既曰盗无不得财者今曰诈欺则庸或有取者或已取而未出仓库则财物有定数矣事发则据数依监守自盗论减二等科罪监守之物字兼字冒认以下四平说冒妄也诓哄也赚者得人财物而不还之谓局曲也骗者跃然去而不雇之意诓骗局骗二者大略相似而实不同诓赚者诱之以言局骗者诱之以术也以手夹物曰拐带者如诈说与人寄物不送到诈冒替人借物而不还之类或云寄物不还是受寄财产内诈言死失律殊不知受寄是人托与他物虽不在而人犹在也若拐带则诱言与人寄物竟去而不见矣此言凡用计策诡诈欺罔或以官为名或以私为名而骗取人之财物者不问官私并计其所诈取之赃以一主为重并赃分首从准窃盗论一贯以下杖六十至一百二十贯罪止杖一百流三千里为从者减一等免其刺字若期亲以下不问同居异居及尊长卑幼有相诈以官私而取财物者亦计赃依上亲属相盗律递减科罪期亲减凡人诈欺之罪五等大功减四等小功减三等缌麻减二等无服之亲减一等盖窃盗者窥事主之不见而窃之诈欺者欺事主之不觉而取之事虽非盗其心实盗故准盗论至监守之财物则

官财物也若监临官吏及主守之人用计诈欺同监守之人而取所监守之官物者难准盗论矣故以监守自盗不分首从并赃论至四十贯斩不满贯并刺字若诈计已行而财未入手则据所诈说之数依监守自盗论减二等科罪免刺字与上有轻重之分以财物有官私之别也至若原非已物而妄冒他人之物为已物曰冒认及以巧言喷诱他人因取其财而不还曰诓赚或妆成圈套使人入其中而不得不与之财物曰局骗或夹取人之财物而顺带以去曰拐带四者其事不同要之心迹诡秘是亦盗也故亦计其所得之赃准窃盗论为从者亦各减一等免刺

备考

一凡诈欺取财及冒认等项而未得财者止坐不应答罪

条例

一凡诓骗选官吏及举人盗生生员等财物指称买官卖缺及买求式等项俱问罪不分首从于该衙门门首枷号三个月发烟瘴地面充军其央浼营干致被诓骗者免其枷号亦照前发遣

一凡指称内外大小官员名头并衙门打点使用名色诓骗财物计赃犯该罪以上者俱不分首从发边卫充军情重者仍枷号二个月发遣

新颁条例

一刑部等卫门署部事右侍郎私官臣沈等谨题为科场事完磨出奸弊谨用检举认罪并祈皇上严究改正以肃大典事该本部会同都察院左副都御史詹等大理寺卿郑等题今后凡乡会试揭晓毕日尽将取中及下第朱墨卷都发与本生自行查检明白续将中式卷送部科等衙门磨对如有诓骗人财物割卷换包许中式情弊俱鞫问于该衙门门首将大号枷枷号三个月满日发极边烟瘴地面充军其央浼营干之人致诓骗者无论知情不知情中式不中式一槩照前枷号发遣等因于万历三十四年十一月初四日具题初八日奉圣旨是这科场裁割一款最可痛恨依拟添载条例求革弊端钦此已经备行部科等衙门及各省直抚按衙门遵奉去后至十二月初四日续该刑科都给事中纠举前事至三十五年正月二十一日节奉圣旨郑汝矿情罪虽例所不载自应奏请夺何得拘泥常例还着枷号三个月满日发遣以雪公慎仍改入例中永绝奸弊钦此遵即改入具本题知纂入条例讫于二月十七日奏圣旨是钦此

略人略卖人

凡设方略而诱取良人及略卖良人为奴者皆杖一百流三千里为妻妾子孙者杖一百徒三年因而伤人者绞杀人者斩被略之人不坐给亲完聚○若假以乞养过房为名买良家子女转卖者罪亦如之○若和同相诱及相卖良人为奴婢者杖一百徒三年为妻妾子孙者杖九十徒二年半被诱之人减一等未卖者各减一等十岁以下虽和亦同略诱法○若略卖诱他人奴婢者各减略卖和诱良人罪一等○若略卖子孙为奴婢者杖八弟妹及侄侄孙外孙若已之妾子孙之妇者杖八十徒二年子孙之妾减二等同堂姊

堂侄及侄孙者杖九十徒二年半和卖者减一等未卖者又减一等被卖卑幼不坐给亲完聚○其卖为婢及卖大功以下亲为奴婢者各从凡人和略法○若窝主及买者知情并与犯人同罪牙保各减一等并追价入官不知者俱不坐追价还主

纂注此条者三节以凡人言第四节以奴婢言五节六节以子孙妻妾亲属言未节则总承之然凡人奴婢俱兼自己及他人乞养过房与子孙以下则专言卖与人也首二节略卖为奴婢者不分首从其余俱分首从首节方术略谋谓以计取之也伤人杀人人字说得广杀伤平人虽各有本律此重在略人上故坐绞斩观强窃盗伤人律自可类推二节买良家子女转卖是随买随卖者若买来长成而卖者难用此律三节和同谓两相情愿心如妻妾与夫不和与人私约逃走而诱之之类相诱相卖平说自顶和同来未卖者句止就本节言甘略卖不言未卖者恶者其略取之情不复从未减耳被诱之人不言给亲完聚彼既有罪自当改正归宗故不言也四节亦兼为自己之奴婢妻妾子孙及卖与人两下说五节专言卖为奴婢而不及妻妾子孙者盖卖姊妹与人为妻妾是嫁娶常事卖妻妾与人为妾自有卖休律而卖子孙为子孙者亦自有乞养律也五节未卖者承上略卖和卖说又减一等又字因上有减一等之文故云又减一等非止承和卖者或疑上未卖有各字而此用又字者何上以诱人之人与被诱人俱有罪故云各若被卖卑幼则无罪者安得用各字也卖卑幼子孙以下俱是六节二卖字俱兼和略言大功以下亲通尊卑七节牙保者谓说合保领之人也追价指卖者所得之价牙保窝主所得之钱故曰并追入官此言凡设为方术谋略而诱取良人子女在已为奴婢及略诱良人子女卖与人为奴婢者不分首从皆杖一百流三千里诱取在已及卖与人各为妻妾子孙者造意杖一百徒三年若因略诱不从而殴伤其人或殴在傍之人及被略之父母者绞杀人者斩为从者各减一等其略之子女不坐罪给亲完聚若假以乞养过房为名色买良家女转卖与人者亦如略卖之罪卖为奴婢者皆杖一百流三千里卖为妻妾子孙者为首者亦杖一百徒三年盖上事同而罪亦同也若虽非略卖但和同或投其所欲或乘其所便与良人两相情愿诱来在已为奴婢及相和卖与人为奴婢者杖一百徒三年相诱在已及相卖与人为妻妾子孙者杖有徒二年半被诱之人既已听从安得无罪故止减犯人一等奴婢者杖九十徒二年半为妻妾子孙者杖八十徒二年若将所和诱之人隐藏递寄而犹未卖诱之人与被诱者为奴婢者杖九十徒二年半被诱之人杖八十徒二年为妻妾子孙者杖八十徒二年被诱之人杖七十徒一年半盖与上情异而罪也若被和诱之人年在十岁以下者无所知识易为欺骗虽系和同而诱人亦同上略诱法科断为奴婢者皆杖一百流三千里为妻妾子孙者为首杖一百徒三年被诱之人不坐以上俱以凡人言若设方略而诱取他人奴婢在已及卖与人各为奴婢者皆杖一百徒三年诱取在已及卖与人各为妻妾子孙者为首者杖九十徒二年半殴伤人者杖一百流三千里杀人者仍依良人故杀他人奴婢律绞被诱之人不坐若和诱他人奴婢为奴婢为奴婢及卖与人为奴婢者杖九十徒二年半为妻妾子孙者杖八十徒二年被诱之人减一等

未卖者各减已卖之罪一等故曰各减略卖和诱良人罪一等曰略卖包诱言之曰和诱包卖言之互相备也其奴婢十岁以下虽和亦同略诱之罪以上专以奴婢言若父略卖自己之子孙为奴婢者杖八十卖已之弟妹及侄侄孙若已之妾子孙之妇者视子孙为稍疏矣八徒二年略卖子孙之妾者减子孙之妇二等杖六十徒一年卖同堂大功弟妹小功堂侄及缌麻堂侄为奴婢者视弟妹以下则又疏矣杖九十徒二年半若和同相卖为人奴婢者各减略卖之罪一等子孙杖七十弟妹及侄侄孙外孙已之妾子孙之妇杖七十徒一年半子孙之妾杖一百同堂弟妹堂侄及侄孙者杖八十徒二年未卖者又减略卖和卖之罪一等未卖子孙者杖六十弟妹以下杖六徒一年子孙之妾杖九十同堂弟妹以下杖七十徒一年半被卖卑幼以其专制于专长故不坐罪给亲完聚若有杀伤各从专长殴卑幼本法不在略殴之限其略卖及和卖自己之妻与人为婢及和略卖大功以下亲与人为奴婢者各从凡人和略法其略卖者皆杖一百流三里和诱者为首杖一百徒三年和诱而未卖者各减已卖一等其有殴伤依夫殴及殴大功以下专长卑幼本条科断夫奴婢而凡人一等良贱之分也减其所不得一减弟妹而下至大天以下亲渐加于子孙亲疏之别也加其所不得不加矣若窝主及买者知其和略之情者或为奴婢或为妻妾子孙并与犯人同罪至死减一等牙保引领知情而卖为奴婢妻妾子孙者各减犯人之罪一等并追价入官其窝主及买者并牙保不知其和略之情不坐罪仍追本价还主

按此律略卖为首之人当引例充军若买良家子女转卖者律虽曰罪亦如之然不得引例充军凡律罪同者例不得而同焉以作律时未有例也与律文原有充军者不同

条例

一凡设方略而诱取良人与略卖良人子女不分已卖俱问发边充军若略卖三口以上及再犯者用一百斤枷枷号一个月照发遣三犯者不分革前发极边卫分永远充军其窝主与买主并牙保人等知情者各依律治罪妇人有犯罪坐夫男若不知情及无夫男者止坐本妇照常发落

将腹里人口用强略卖与境外土官土人峒寨去处图利杀伤人律该处死外若未曾杀伤人比依将人口出境律绞为从者文官问革武官调烟瘴地面卫分带俸差操军民人等发边卫永远充军原系边卫者改发极边卫分

发冢

凡发掘坟冢见棺槨者杖一百流三千里已开棺槨见尸者绞发而未至棺槨者杖一百徒三年招鬼而葬亦是若冢先穿陷及未殡埋而盗尸柩者杖九十徒二年半开棺槨见尸者亦绞其盗取器物砖石者计赃准凡盗论免刺○若卑幼发尊长坟冢者同凡人论开棺槨见尸者斩若弃尸卖坟者罪亦如之买地人牙保知情者各杖八十追价入官地归同宗亲属不知者不坐若尊长发卑幼坟冢开棺槨见尸者缌麻一百徒三年小功以上各递减一等发子孙坟冢开棺见尸者杖八十其有故而依礼迁葬者俱不坐○若残

毁他人死尸及弃尸水中者各杖一百流三千里谓死尸在家或在野未殡葬将尸焚烧支解之类若已殡葬者自依发冢开棺椁见尸律从重论若弃毁缙麻以上尊长死尸者斩弃而不失及髡发若伤者各减一缙麻以上卑幼依凡人递减一等毁弃子孙死尸者杖八十其子孙毁弃祖父母父母及奴婢雇工人毁弃家长死尸者斩○若穿地得死尸不即掩埋者杖八十若于他人坟墓熏狐狸因而烧棺椁者杖八十徒二年烧尸者杖一百徒三年若缙麻以上尊长各递加一等卑幼各依凡人递减一等若子孙于祖父母父母及奴婢雇工人于家长坟墓熏狐狸者杖一百烧棺椁者杖一百徒三年烧尸者绞○若平治他人墓为田园者杖一百于有主坟地内盗墓者杖八十勒限移葬○若地界内有死人里长地邻不申报官司检验而辄移他处及埋藏者杖八十以致失尸者杖一百残毁弃尸水中者杖六十徒一年弃而不失及髡发若伤者各减一等因而盗取依服者计赃准窃盗论免刺

纂注招鬼而葬谓棺椁中具有衣冠木主而葬者亦是二字承上三者说尸柩谓尸在柩也不可分或以尸柩二字承上殡埋二字言未殡盗尸未埋盗柩不知殡者宾也礼曰以棺入于殓中而涂之谓殡说文曰死棺椁将迁葬柩宾遇之谓死将殡故以宾礼处之安得谓未殡而盗其尸耶卑幼发此尊长祖父母父母皆在其中卖坟地而未弃尸止依发冢见棺椁律发卑幼子孙坟不言见棺椁及下不言弃而不失与髡发若伤之罪俱得勿论三节子孙与雇工人虽不言弃而不失等项有犯即坐斩不论其失与不失也四节各递加一等宜照上烧棺烧尸各递加之与官内忿争条殿内递加同例或谓当依丧服递加之若然烧大功棺者已加入于流而烧祖父母棺者反止坐徒耶恐倒置也五节残毁以下俱就地邻里长言前言残毁及弃尸者杖一百流三千里而地邻里长止杖六十徒一年者盖前之弃毁或有讎隙别故有心以残弃此出故其罪不同耳琐言以致一字贯下数句而残毁等项俱属之他人而里长地邻止坐所因之罪若里长地邻自行残毁仍坐流罪此又深一层矣此言冢坟死者之所藏非人可发掘者凡无故发掘他人坟冢但见棺椁者杖一百流三千里已开棺椁而见尸者绞发冢而未到棺椁者杖一百徒三年其招鬼而葬者虽曰无尸发之者亦以有尸论未到棺椁者杖一百徒三年见棺椁者杖一百流三千里开棺椁者绞若人之坟冢或年远土崩已先穿陷及尸在柩未殡或在殡未埋有因而盗取尸柩则与发冢者异矣故杖九十徒二年半若开棺椁见尸者斩明其与凡人论见尸者斩其买坟地人及牙保人知其弃尸之情者各杖八十卑幼所得之价牙保所得之钱俱追入官地归卑幼同亲属主管不归原主者尸已弃置无可复葬也买地人牙保不知情者不坐罪若尊长发卑幼坟冢开棺椁见尸者卑幼系缙麻杖一百徒三年小功杖九十徒二年半大功杖八十徒二年期亲杖七十徒一年半虽弃而不失及毁而但髡发若伤者缙麻杖九十徒二年半小功杖八徒二年大功杖七十徒一年半期亲杖六十徒一年若祖父弃子孙死尸者杖八十其子孙毁弃祖父母父母及奴婢雇工人弃毁家长死尸者不论失不失及伤否俱坐斩以上俱自未殡埋而弃毁者言之若穿

凿自山地土得他人死尸不实时掩埋而暴露之者虽出无心即杖八十若于他人坟冢内用火熏烧以取狐狸因而烧毁棺槨者杖八十徒二年烧及其尸者杖一百徒三年于总麻以上至期亲尊长坟内熏狐狸者各递加一等烧棺槨者杖九十徒二年半烧尸者杖一百流三千里尊长于总麻以上卑幼坟内熏狐狸者各依凡人递减一等烧棺槨者总麻杖七十徒一年半小功杖六十徒一年大功杖一百期亲杖九十烧尸者总麻杖九十徒二年半小功杖八十徒二年大功杖七十徒一年半期亲杖六十徒一年若子孙于祖父母父母及奴婢雇工人于家长坟墓熏狐狸者杖一百烧棺槨者杖一百徒三年烧及其它尸者绞而弃毁者则有间矣若将他人坟墓平治为田园种植未见棺者不论有主无主即杖一百于他人有主坟地内不令得知而将已棺槨盗葬其中者以未侵其坟地故杖八十官司勒期迁葬别处若地主界限内若某都里有死人身尸本管之里长地邻即当申报官司差人检验挨究致死根由明白方可移徙别处或系无主许令领埋若不申报官司检验而辄擅移他处及私自埋葬者杖八十埋藏不固以致本尸失去者杖一百若残毁其尸及弃置水中者杖六十徒一年虽弃而不失及髡发若伤者各减弃毁一等杖一百若因移埋毁弃而盗取其尸穿衣服者计赃准窃盗论免刺其视发冢者则有间矣

备考

一凡于他人及尊长坟冢内熏狐狸未烧棺槨者并以不应事重论按律不载妻妾弃毁夫尸有犯比依总麻以上尊长律上请

条例

一凡发掘王府将军中尉夫淑人等郡县主郡县乡君及历代帝王名臣先贤坟冢开棺为从与发现棺槨为首者俱发边卫发见棺槨为从与发而未至棺槨为首及发常人冢开棺见尸为从与发现棺槨为首者俱发附近各充军如有纠众发冢起棺索财取赎者比依强盗得财律不分首从皆斩

夜无故入人家

凡夜无故入人家内者杖八十主家登时杀死者勿论其已就拘执而擅杀伤者减鬪杀伤罪二等至死者杖一百徒三年

纂注此条全重在无故登时四字杀伤是有伤而未至死言凡昏夜无有事故而进入他人家内者杖八十其主家知觉实时格杀而死者勿论盖无故而来其意莫测登时被事出卒然故宥之耳若其人已就拘住执缚即当送官岂得擅杀而有自杀伤者减鬪杀律鬪而杀伤罪二等如以他物殴人成伤者笞四十已执而他物伤之者笞二十如殴至笃疾者杖一百流三千里已执而殴至笃疾者杖九十徒二年半之类若已执而殴至死者止杖一百徒三年而不用至死者绞之律矣

按罪人拒捕条已就拘执而杀以鬪杀伤与本条不同何也盖曰罪人以属在官不过欲得其人耳若此条虽就拘执尚在本家非在官之人也情有不同罪难一律

盗贼窝主

凡强盗窝主造意身虽不行但分赃者斩若不行又不分赃者杖一百流三千里共谋者行而不分赃及分赃而不行皆斩若不行又不分赃者杖一百○窃盗窝主造意身虽不行但分赃者为首论若不行又不分赃者为从论以临时主意上盗者为首其为从者行而不分赃及分赃而不行仍为从论若不行大不分赃笞四十○若本不同谋相遇共盗以临时主意上盗者为首余为从论○其知人略卖和诱人及强盗后而分赃者计所分赃准窃盗为从论免刺○若知强窃盗赃而故买者计所买物坐赃论知而寄藏者减一等各罪止杖一百其不知情误买及受寄者俱不坐

纂注窝藏强窃盗之主若不知盗情只是暂时停歇者不得用此律问不应可也造意谓谋始于窝主也共谋则相与商议之耳二节其为从者亦指窝主谓先有造意者而后窝主从之也从之也三节相遇共盗泛言不必专为窝主四节言分盗赃之事分赃通略卖和诱及强窃盗言诸书俱谓知盗后分赃不论和同有所取予及求索骗诈俱是以求索吓诈系常人之赃法应还主盗赃自当人官故耳不知各依本律问拟而赃自入官亦无妨也此言凡强盗窝藏之主其起谋倡人为盗者身虽不行但曾分赃者即斩若但造意而不行又不分赃者杖一百流三千里窝主不造意而止共与盗谋者或行而不分赃分赃而不行者其为强盗得财一也不分首从皆斩观共谋者行而不分赃亦坐斩在造意者可知矣其虽系共谋若不行又不分赃者止杖一百若窃盗窝主其有造意为盗者身虽不行但分赃者即为窃盗首论若虽系起谋而不同行又不分赃者为窃盗论减一等邻以临行盗之时主意上盗即主强行事者为窃盗首其窝主初不造意而但预于随从而之列者若同行而不分赃者及不行而分赃者以其始谋也仍得为从论减造意者一等刺字若虽系预谋而不行又不分赃者止笞四十以上皆自造意与共谋者言之若本不同谋卒然遇合相率为窃盗俱以相遇之时初举意上盗之人为首余人各为从论减一等其知人设方略或和诱人转卖得财及行强窃盗得财之后而分其所得之赃者并计其所分入已之赃准窃盗为从论免刺若知强窃盗之赃而故买者计所买本物应值坐赃论折半抖罪若知系强窃盗赃而为其寄放隐藏者减故买者一等如故买者七十贯坐赃该杖九十寄藏者七十贯减一等杖八十之类各罪止杖一百计赃未至杖一百故买者依本律断寄藏者减一等若赃重该杖一百以上者俱用止杖一百之律矣其不知系是强窃盗赃而误买及受寄者俱不坐买

按强盗律已行而不得财者杖一百流三千里今窝主行而不分赃亦坐斩何也盖自失主言之曰财自盗言之曰赃律曰不分赃是已得财矣若未得财又何赃可分耶况始则窝藏中则共谋于又同往其情之可恶孰甚焉故加盗一等

备考

一凡监守常人知情分受监守常人盗赃及故买者仍以监官钱粮科断
条例

一各处大户家人佃仆结构为盗杀官劫库劫狱放火许大户随即送官追问若大户知情故纵除真犯死罪外其余徒流杖罪属军卫者发边卫属有司者发附近各充军

一皇亲功臣管庄家仆佃户人等及诸色军民大户勾引来历不明之人窝藏强盗二名以上窃盗五名以上坐家分赃者俱问发边卫充军若有造意共谋之情者各依律从重科断干碍勋戚秘究治罪

一各处无籍之徒引贼劫掠以复私讎探报消息致贼逃窜者比照奸照奸细律条处斩梟首宗众

一知强窃盗赃而接买受寄若马骡等畜至二头匹以上银货坐赃至满贯者俱问罪不分初犯枷号一个月发落若三犯以上不拘赃数多寡与知强盗后而分赃至满贯者俱免枷号发边卫充军

一弘治十八年三初四日节该钦奉孝皇帝圣旨今后捕获强盗不许私下擅自拷打俱送问刑衙门务要推究得实若徇情扶同致有冤枉一体重罪不饶钦此

共谋为盗

凡共谋为强盗临时不行而行者郟为窃盗共谋者分赃造意者为窃首余人并为窃盗从若不分赃造意者为窃盗余人并笞五十以临时主意上盗者为窃盗首○其共谋为窃盗临时不行而行者为强盗其不行之人造意者分赃知情不知情并为窃盗首造意者不分赃及余人分赃俱为窃盗从以临时主意及其为强盗者不分首从论

纂注此条专主共谋为盗而临时不行之人言非窝主也所称造意及余人皆指临时不行之人或以余人兼行与不行者言非也知情不知情指所分之赃窃盗窝主不行不分赃止笞四十今共谋者反笞五十其罪更重者恶其共谋为强盗也此条称窃盗首从皆刺字言凡有人共谋原欲强盗临上盗之时数内一人不行而行者郟为窃盗彼共谋而不行之人若分其窃盗之赃则不行者系比先造意为强盗之人并赃为窃盗首若非造意但系共谋之余人则并为窃盗从若不行者又不分赃系造意为窃盗从若系共谋之余人并笞五十然造意不行者已为窃盗之从郟于行于行者之内以临时主意为窃盗者为窃盗首其余皆为窃盗从矣其本共谋为窃盗临上盗之时数内一人不行而行者郟为强盗若不行者原系造意为窃盗之人而分受其强盗之赃不问其知为强盗不知为强盗并以所分赃一主为重并为窃盗首若不行之人系造意而不曾分赃或不造意止是共谋之余人而郟分赃俱为窃盗从亦以临上盗之时主意为强盗及随从而共为强盗者不分首从皆斩夫共谋为强盗行者为窃而不行者即从窃盗论共谋为窃盗行者为强而不行者仍从窃盗论一则原始一则与其终所以启人自新者至矣按律大不言窃盗余人不分赃之罪以上余人例之当笞四十或疑同窃盗窝主当勿论为是不知共谋为盗而置之勿论岂设律之意哉

公取窃取皆为盗

凡盗公取窃取皆为盗公取谓行盗之人公然而取其财窃取谓潜行隐面私窃取其财

皆名为盗器物钱帛之类须移徙已离盗所珠玉宝货之类据入手隐藏纵未将行亦是其木石重器非人力所胜虽移本处未驼载犹未成盗马牛驼骡之类须出阑圈鹰犬之类须专制在已乃成为盗若盗马一匹别马随不合并计为罪若盗其母而子随者皆并计为罪贼盗

纂注此条乃以上盗贼诸条之通例公取若强盗抢夺之类私居若窃盗掏摸之类器物钱帛以下俱兼公私言未成盗而有显迹证见者依已行而未得财科断此言凡律称盗云者如行盗之人不畏事主公然而取其财曰公取或畏人之知而潜形隐面私窃取其财曰窃取二者所取不同其心一也故皆谓之曰盗然盗不可一概论如盗官私一应器物钱帛之类必须移动迁徙已离行盗之所乃谓之盗若珠玉宝货物轻易藏者但据其已盗入手隐藏纵在盗所尚未将去者亦谓之盗若树木砖石重器非人力所胜虽离本处未及驼载而去犹未成盗不得以盗论其盗马牛驼骡之类必须已出本家阑圈之内及鹰犬之类俱已就羈繫或收或放专制在已者乃作为盗凡若此者皆依律以得财科断合公私以盗论者诛其心也权事物而坐罪者原其情也以此刑人自无不当者矣起除刺字

凡盗贼曾经刺字者俱发原籍收充警迹该徒者役满充警该流者于流所充警若有起除原刺字样者杖六十补刺

纂注警是巡警之意迹如踪迹之迹谓充巡警之役以踪迹盗贼之徒盖以盗捕盗之法也警迹之说不一而此说近是观大月令中许其拏获别贼与其起除字可见此警迹之人俱有册籍故曰收充此言凡盗系官钱粮及窃盗掏摸抢夺之类一应盗贼事在官曾经刺字者杖罪以上决讫俱发原籍地方收充警迹犯该徒罪者照徒年限满放发原籍充警犯该流罪者即于配所充警若有非应起除而私自用药或火灸去原刺背膊上字样者虽不为盗亦杖六十补刺其原刺字样既刺字以辱其身又充警以熄其类弥盗之法至是其曲尽矣

大明律集解附例卷之十九

刑律

人命

谋杀人

凡谋杀人造意者斩从而加功者绞不加功者杖一百流三千里杀讫乃坐○若伤而不死造意者绞而加功者杖一百流三千里不加功者杖一百徒三年○若谋而已行未曾伤人者杖一百徒三年为从者各杖一百但同谋者皆坐○其造意者身虽不行仍为首论从者不行减行者一等○若因而得财者同强盗不分首从论皆斩

纂注谋字说得广凡有讎嫌设计定谋而杀害之者俱是谋与故字不同商量谓之谋有意谓之故从造意者之谋加功谓杀人时为之助力者加功谓杀人时为之助力者加功即下手之谓诸书谓瞭望喝采推拥恐吓但助一言者俱为功夫推拥其情较重坐以加

功犹可若瞭望喝采凡同行皆有之若坐加功虽自十人俱坐绞矣恐太重只作同谋可也三节为从是同谋同行者又云但同谋者皆坐则虽不同行者亦坐其造意一节总承上言以上诸条谋杀虽有不同其论首从亦当依此言凡谋者人或谋诸心以杀害人者必要追究起初谋之人坐以斩罪若从其谋而功力下手者绞但与谋同行不曾加功者杖一百流三千里然必其人杀讫乃坐此律若谋杀人其人已伤而犹幸不死者造意者坐绞从而加功者杖一百流三千里不加功者杖一百徒三年若友饮谋已行而其人犹未伤者造意杖一百徒三年为从者各杖一百但与同谋者皆坐杖一百以未伤人故无加功不加功之别也此乃谋而同行者之罪若造意谋之人其身虽不亲行仍为首论已杀者斩伤人者绞未伤人者杖一百徒三年若从其谋而不行者减行而不加功者一等杀人者杖一百徒三年伤人者杖九十徒二年半未伤人者杖九十此乃谋而不行者之罪然皆未得财故分首从论若谋杀人因而得所杀人财物者无问杀人与否并同强盗不分首从论皆斩其造意同谋者行而不分赃而不行者皆依强盗论罪按律云因而得财同强盗不分首从论其同谋不行之人不分赃者仍依谋杀论为是以所谋者原为杀人而不在得财也观共谋为盗条可推矣

新颁条例

一刑部题为议处难结人命事该四川司呈本部题犯人王和吴仲金奸杀张氏狱情无证难结今后重辟如吴仲金王和类者照依本律先拟成狱请旨监候待决少缓其如证佐续获仍请明旨处决如证佐不获备每年矜疑之用等因具题奉圣旨是钦此

谋杀制使及本管长官

凡奉制命出使而官吏谋杀及部民谋杀本属知府知县军士谋杀本管指挥千户百户若吏卒谋杀本部五品以上长官已行者杖一百流二千里已伤者绞已杀者皆斩纂注制使如巡按行人等长官及凡奉制命出使者皆是部民曰本属军士曰本管吏卒本部何也盖属者有附属之意府州县官以牧民为责为斯民所附属者故曰本属若军官止管束军士部官止役使卒者也义各不同耳此言凡奉朝廷制命出使于外而官吏有谋杀之者及所部之民谋杀本属提调知府知州知县者军士谋杀本管指挥千户吏卒谋杀本部五品以上长官者其事虽殊其情则一故其谋已行未曾伤人造意者杖一百流三千里为从者杖一百徒三年已伤而不死造意者绞为从者杖一百流三千里已杀者不分首从皆斩观曰本属本部则非本属本管本部及府州县佐贰首领官与本部六品以下长官律不着其罪但依谋杀人科断可知

谋杀祖父母父母

凡谋杀祖父母父母及期亲尊长外祖父母夫夫之祖父母父已行者皆斩已杀者皆凌迟处死谋杀缌麻以上尊长已行者杖一百流二千里已伤者绞已杀者皆斩○其尊长谋杀卑幼已行者各依故杀罪减二等已伤者减一等已杀者依故杀法依者谓各依鬪殴条内尊长故杀卑幼律论罪○若奴婢及雇工人谋杀家长及家长之期亲外祖父母

若缙麻以上亲者罪与子孙同

纂注首节言已行者皆斩包已伤者言尊长谋杀卑幼祖父母父母在其中或云谋杀缙麻以上尊长俱照律拟断惟弟妹谋杀兄之妻当依鬪律依凡人论坐绞非也盖彼自殴言此则重在谋杀故曰皆斩若下明开依鬪殴条律论斯无复可疑矣末言期亲及缙麻以上期亲俱兼尊卑言此言凡子孙谋杀祖父母父母期亲尊长外孙谋杀外祖父母父母妻妾谋杀夫及夫之祖父母父母纲常之变罪莫大焉故已行者不问伤人未伤人不问首从皆斩已杀讫者皆凌属处死若卑幼谋杀本宗外姻缙麻以上尊长已行而未伤人造意者杖一百流二千里已伤者绞为从者各减一等已杀者不分首从皆斩此节言为从之人有服属不同各依服论无服者依凡已行已伤各依首从犯论若尊长谋杀本宗及外姻有服卑幼其已行而未曾伤人者各依鬪殴本条故杀罪减二等已伤者减一等已杀者依故杀法如祖父母父母故杀子孙该杖六十徒一年谋杀已行减二等则杖九十已伤减一等杖一百已杀则杖六十徒一年祖父母父母故杀子孙之妇兄姊妹故杀弟妹伯叔故杀侄侄孙外祖父母故杀外孙该杖一百流二千里谋杀已行减二等则杖九徒二年半已伤减一等则杖一百徒三年已杀亦杖一百流二千里缙麻以上尊长故杀同堂弟妹堂侄及侄孙者绞谋杀已行减二等杖一百徒三年已伤减一等杖一百流三千里已杀者亦绞也若奴婢及雇工人谋杀家长之期亲外祖父母若缙麻以上亲者罪与子孙同谋杀外祖父母以上已行者该斩已杀者皆凌迟处死谋杀缙麻以上亲已行为首者杖一百流三千里已伤为首者绞为从者各减一等已杀者皆斩盖奴婢雇工人虽无伦理而名分之重与子孙不异故也

新题例

万历十六年正月题奉钦依今后在外衙门如有子孙谋杀祖父母父母者巡按御史会审情真即单详到院院寺即行单奏决单到日御史即便处决奴有监在狱者仍戮其尸杀死奸夫

凡妻与人奸通而于奸所亲获奸夫奸妇登时杀死者勿论若止杀死奸夫者奸妇依律断罪从夫嫁卖○其妻妾因奸同谋杀死亲夫者凌迟处死奸夫处斩若奸夫自杀其夫者奸妇虽不知情绞

纂注此条全要看奸通所反登时字样若止是调而未成奸成奸而奸所捕获者皆不得拘律妻妾谋杀亲夫须杀讫乃坐若伤而不死奸妇依谋杀夫已行者斩奸夫依谋杀人造意或为从科断此言凡妻妾与人奸通而本夫于行奸之所亲自捉获奸夫妇登时于奸所杀讫者勿论其杀人之罪和奸有夫杖九十刁奸杖一百奸妇听从本夫嫁卖其妻妾因与人通奸而奸夫同谋杀死亲夫妻妾凌迟处死奸夫处斩若奸夫不与奸妇通谋而自杀其夫者奸妇虽不知情亦坐绞罪盖祸之所由阶也

备考

一奸妇自杀其夫而奸夫原不与谋者自依常律科断

条例

一本夫拘执奸夫奸妇而殴杀者比照夜无故入人家已就拘执而擅杀至死律条科断谋杀故夫父母

凡妻妾谋故夫之祖父母父母者并与谋杀舅姑罪同○若奴婢杀旧家长者以凡人论谓将自己奴婢转卖他人者皆同凡人余条准此

纂注律明言夫则犯夫而被出者不得用此律二节不言雇工人举重以见义耳奴婢或云凡转卖及逐出另居者俱以凡论不知律注止开转卖他人则不得兼别项可知此言凡妻妾夫亡改嫁他人而谋杀故夫之祖父母父母者并与谋杀见奉舅姑同罪以其义未绝也谋已行者皆斩已杀者皆凌迟处死若奴婢已转卖与他人而谋杀旧家长者以凡人谋杀人律论造意者斩从而加功者绞不加功者杖一百流三千里盖转卖他人则义已绝故同凡人也

按律止着妻妾谋杀故夫之祖父母父母之罪而不言舅姑谋杀已故子孙改嫁妾之罪有犯当依故杀法科断盖改嫁之妇既不绝于舅姑而舅姑安得独绝其改嫁之妇观鬪殴律云舅姑殴已故子孙改嫁妻妾者亦与殴子孙妇同又安得于谋杀而独异也

杀一家三人

凡杀三家非死罪三人及支解人者凌迟处死财产断付死者之家妻子流二千里为从者斩

纂注此条要看一家及非死罪字眼此杀字活看不专指谋故杀如放火行盗而杀之皆是一家谓同居共财不限籍之同异离奴婢雇工人亦准三人之类若不同居困系父弓兄弟至亲亦是然须三人皆无应死之罪者方用此律若三人之内有一人犯该死罪或不系一家者皆不得用此律止依谋故鬪杀科断支解人谓将活人支解如五马分尸之类不必三人亦不必非死罪若将人杀死良久或焚剉其尸以灭迹者非支解矣言凡杀人一家非死罪者三人及将人四支解拆以致死者二者罪大恶极故为首者凌迟处死财产断付杀之家收掌其妻与子流二千里地面不言女者不得缘坐矣其为从者不问加功不加功皆斩财产妻子不在断付应流之限

按初本谋杀一人临时不行而行者杀三人其不行系造意者依谋杀人律斩若为余人则减行而不加功一等杖一百徒三年而以临时主意杀三人者为首论依本论

条例

一杀一家非死罪三人及支解人为首监故者将财产断付被杀之家妻子流二千里仍剉碎尸梟首众

一支解人如殴杀故杀人杀死之后求避罪割碎死尸弃置埋没原无支解之心各以殴杀故杀论若初人本欲支解其人行凶之时或势力不遂乃先行杀随又支解恶状昭著者支解论俱奏请定夺

采生折割人

凡采生折割人者凌迟处死财产断付死者之家妻子及同居家口虽不知情并流二千里安置为从者斩若已行而未曾伤人者亦斩妻子流二千里为从者杖一百流三千里里长知而不举者杖一百不知者不坐告获者官给赏银二十两

纂注采生折割人是一事谓取人耳目脏腑之类而折割其肢体也此与支解事同但支解者欲杀其人而已此则杀人而为妖术以惑人故又特重之首言采生折割人兼已杀及伤者言观下文又言未曾伤人可知告获谓告官而获之律又有告捕获二样文意俱不同告捕谓事迹明白人伙众多告官以捕之捕获自行捕得也此言凡为妖术而采取生人折割其肢体者为首者凌迟处死财产断付被杀而死者又当别论其妻子及同居家口不限籍属之同异虽不知采生之情并流二千瑞安为从者斩财产家口不在断付安置之限若谋计已行而未曾伤人者为首者亦斩妻子流二千里财产及同居家口不在断付连坐之限为从者杖一百流三千里其本管里长知其采生之情而不举首者杖一百不知不坐若有人知其情而告官捉获者官司给银二千两充赏重其刑法则法不易犯厚其赏则奸无所容矣

造畜蛊毒杀人

凡造畜蛊堪以杀人及教令者斩造畜者财产入官妻子及同居家口虽不知情并流二千里安置若以虫毒毒同居人其杀毒之人父母妻妾子孙不知造蛊情者不在远流之限若里长知而不举者各杖一百不知者不坐告获者官给赏银二十两○若造魇魅符书咒诅欲以杀人者各以谋杀论因而致死者各依本法欲令人疾苦者减二等其子孙于祖父母父母奴婢雇工人于家长者各不减○若用毒药杀人者斩买而未用者杖一百徒三年知情卖药者与同罪不知者不坐

纂注造制也畜藏也曰堪以杀人则已杀未杀皆坐此律魇魅符书咒诅是两件事魇魅谓魇胜鬼魅之事图刻人形像钻心钉眼系缚手足以魇之令人疾病死亡之类符书咒诅谓书画篆以咒诅人如今之术士书符时必念咒语也观唐律云诸有所憎恶而造魇魅及造符书咒诅可见其各以谋杀论或谓指凡人与亲属不知其云各者皆承魇魅及咒诅言之而凡人亲属自在其中毒药与蛊毒不同凡药性能杀人者皆是此言凡有人于私家造畜蛊毒之物堪以杀人者及教令人造畜者虽未至杀人并坐斩然其罪虽同但造畜者实有其物教令者止有其方故惟造畜者本身财产入官妻子及同居家口虽不知情并流二千里地面穴置若以所造畜之蛊毒而毒其同居亲属其被毒之人父母妻妾子孙皆其讎也若不知造蛊毒之情不在远流之限若系知情虽被其毒仍从缘坐法论若里长知其造畜及教令之情而不行举发者杖一百不知者不坐凡人有能告捕者官司给银二十两充赏着里长之罪斯有所长畏而不敢隐藏悬告获之赏斯有利而乐于首告也若造魇魅之术或为符书咒诅之事其心欲以杀人者各以谋杀人已行论如凡人依谋杀凡人已行者杖一百徒三年子孙奴婢雇工人依谋杀祖父母父母及家长已行者斩卑幼依谋杀缌麻以上专长已行者杖一百流三千里尊长依谋杀卑幼已

行者各依故杀罪减二等之类若因魘魅咒诅而致人身死者各依本杀法如凡人依谋杀凡人致死斩子孙奴婢与雇工人依谋杀祖父母父母及家长已杀者皆凌迟处死尊长依谋杀卑幼已杀者依故杀法之类若魘魅咒诅但欲令人疾病困苦而无杀人之心者凡人与尊长卑幼俱得减欲以杀人者之罪二等惟子孙于祖父母父母奴婢雇工人于家长者仍依谋杀已行论斩各不得减等此言妻妾于夫之祖父母父母者举子孙足以见义矣若用毒孽而杀人者坐斩但买尚未用者杖一百徒三年知其欲杀人之情故卖与毒药者与犯人同罪其未用者亦杖一百徒三年至死者减一等杖一百流三千里然药虽毒亦或可以疗病故有不知而卖者不坐罪盖魘咒毒药其害可以杀人而视蛊毒其情稍为有间故止论及其身而无妻子财产之律律不言药而不死者之罪依谋杀已伤论

备考

一凡尊长卑幼相毒各依谋杀律论

鬪毆及故杀人

凡鬪毆杀人者不问手足他物金刃并绞○故杀者斩○若同谋共毆人因而致死者以致命伤为重下手者绞元谋者杖一百流三千里余人各杖一百

纂注鬪毆故杀俱出自一人一时之事故律不着为从者之罪或谓律不言皆若分首从不知以一人而敌一人曰鬪若两戈鬪一人则为共毆也有意而杀之曰故意非人所知若人得与知则为同谋非故杀也故下遂言同谋共毆之罪以终止两节之意同谋共毆有三意同谋终又共毆者有共毆而不同谋者有始既同谋终不共毆者余各杖一百各字兼人数多寡及伤之轻重言盖两人相毆俱无欲其死之心一人偶而伤重而死则曰鬪毆杀人先持杀人之心乃与人相毆而杀之则曰故杀若与人同谋共一人未欲杀人而其人乃因伤而死则曰同谋共毆人因而致死三者致人于死虽同而惟故杀之情为重故鬪毆杀人者不问其手足或他物或金刃杀之者并坐绞故杀者则坐斩若同谋共毆人因而致人于死者其伤虽多而以致命去处之伤为重则究其手下毆此致命伤之人坐以绞罪其原先造谋者即系下手之人斯矣若不系伊下手则不论其共毆与否坐以杖一百流三千里罪其为祸端耳至若不系下手致命又非原谋皆为余人虽毆有别处重伤止各杖一百而不滥及也

按鬪毆条云同谋共毆伤人者各以下手伤重者为重罪是各据伤科罪矣而此乃云余人杖一百何也盖本条重在死字谓既已抵其命则死者瞑目故余人得宥之鬪毆条重在伤字谓不尽科之则伤者何辜故各以下手伤论意各有所在罪不同科然余人至折伤以上亦止杖一百实为太轻故又有执持凶器及致命伤痕之例而律始无遗法矣

备考

一凡余人既不与谋又不助力临时不行观阻者问不应

条例

一凡同谋共人殴人除下手致命伤者依律处绞外其殴之人审系执持鎗刀等项凶器亦有致命伤痕者发边卫充军

新题例

万历十六年正月题奉钦依今后审录官员凡审共殴下手拟绞人犯果于未结之前遇有原谋助殴重伤之人监毙在狱与解审中途因而病故者准其抵命若系配发事结之后在家病亡者不得滥改抵偿仍将下手之人依律处决

屏去人服食

凡以他物置人耳鼻及孔窍中若故屏去人服用饮食之物而伤人者杖八十谓寒月脱去人衣服饥渴之人绝其饮食登高乘马私去梯辔之类致成残废疾者杖一百徒三年令至笃疾者杖一百流三千里将犯人财产一半给付笃疾之人养贍至死者绞○若故用蛇蝎毒虫咬伤人者以鬪殴伤论因而致死者斩

纂注他物谓一应伤人之物如沙石针铁之类孔窍所指者广非专谓耳鼻二节以鬪殴伤自癈疾以上俱与上节同但止节伤人者俱坐杖八十而此自杖九十徒二年半以下俱照鬪殴律科断此言凡以一应能伤人之物安置人耳鼻中及孔窍中若故意屏除人服用或饮食之物因此二项以致损伤人者不问伤之轻重俱杖八十若因而致成残癈疾者杖一百徒三年令至笃疾者杖一百流三千里将犯人财产一半给付笃疾之人养贍因而致死者坐绞若故意用蛇蝎毒虫咬人而成伤者验伤之轻重以鬪殴伤论如青赤肿伤笞四十之类至笃疾者亦给财产养贍因而致死者斩盖屏去服食以他物置人孔窍中原无致人于死之心而蛇蝎毒虫咬人则明有致人于死之理原情论罪故有绞斩之别也

戏杀误杀过失杀伤人

凡因戏而杀伤人及因而鬪殴而误杀伤傍人者各以鬪杀伤论其谋杀故杀人而误杀傍人者以故杀论○若知津河水深泥泞而诈称平浅及桥梁渡船朽漏不堪渡人而诈称牢固诳令人过渡以致陷溺死伤者亦以鬪杀伤论○若过失杀伤人者各准鬪杀伤罪依律收赎给付其家过失谓耳目所不及思虑所不到如弹射禽兽因事投掷砖瓦不期而杀人者或因升高险足有蹉跌累同伴或驾船使风乘马惊走驰车下坡劫不能止或共举重物力不能制损及同举物者凡初无害人之意而偶致杀伤人者皆准鬪殴杀伤人罪依律收赎给付被杀被伤之家以为营葬及医药之资

纂注诳令人过渡句顶上二诈字过失小注详明然弹射投掷须是正事方用此律若戏玩非道又自有弓箭车马等律此条准与准窃盗准枉法之义不同此止准其罪不在至死减等之列也此言凡两相和戏如较拳舞棒之类而杀伤人及因与人鬪殴而误杀伤傍人者戏虽与殴不同傍人虽非敌手但其杀伤实由我下手也故各以鬪殴条杀伤论死者并绞伤者验伤轻重坐罪若本欲谋杀及故杀人而误杀傍人者所杀虽非所谋而已先有杀人之心故以故杀论死者处斩不言伤者仍以鬪论殴论若明知津河水源

而不可渡泥泞而不可行乃诈称平浅及明知桥梁已朽渡船实漏不堪渡人乃诈称牢固诳哄令人过渡以致人陷溺或死或伤者其事与戏杀者相等亦以鬪杀伤论若耳目所不及思虑所不到而过失过失伤人者是事出偶然较之戏杀为愈轻各准鬪杀人法伤者准鬪殴条内徒流笞杖定罪死者依鬪殴杀人绞罪各依律收赎铜钱给付被杀伤者之家以为营葬及药之资则过失者以警而死者以安伤者以情不拂而法亦行也今例过失杀人死罪八分追钞二分仍征铜钱矣

按律解云谋杀卑幼误至尊长以尊长论谋杀尊长以尊长论谋杀尊长误至卑幼亦以尊长论余依此条例推之盖恶其谋也若后条弓箭车马出于不意者只以凡论明例所谓犯时不知也其说可从

又按二人过失杀一人或谓分首从俱收赎非也盖同谋殴人致命下手者绞余人止杖一百况过失乎当以为首准罪收赎余人俱依应事重科断如工律备虑不谨误杀人亦止所由为罪是也

条例

一应该偿命罪囚遇蒙赦宥俱照大月令追银二十两给付被杀家属如果十分贫难者量追一半

一收赎过失杀人绞罪追钞三十三贯六百文铜钱八贯四百文与被杀之家营葬共折银十二两四钱二分

夫殴死有罪妻妾

凡妻妾因殴骂夫之祖父母父母而夫擅杀死者杖一百○若夫殴骂妻妾因而自尽身死者勿论

纂注二节若字或谓当蒙上文来若妻妾殴骂夫之祖父母父母而夫殴骂之也似太拘然须有罪而殴骂之方得勿论若无罪而殴仍依后夫殴妻妾律科罪此言妻妾殴夫之祖父母父母者斩骂者绞其有应死之罪然须告官以治之可也若其夫不告官司而擅杀其妻妾者杖一百盖原其有罪而不责其擅杀也若夫殴骂有罪之妻妾而妻妾因而自尽身死者既为有罪又非擅杀故曰勿论

备考

一妻有他罪不致死而夫擅杀之者仍问殴妻至死律绞

杀子孙及奴婢图赖人

凡祖父母父母故杀子孙及家长故杀奴婢图赖人者杖七十徒一年半○若子孙将已死祖父母父母奴婢雇工人将家长身尸图赖人者杖一百徒三年期亲尊长杖八十徒二年大功小功缌麻各递减一等○若尊长已死卑幼及他人身尸图赖人者杖八十○告官者随所告轻重并依诬告平人律论罪○若因而诈取财物者计赃准窃盗论抢去财物者准白昼抢夺论免刺各从重科断

纂注此条子孙依名例律所谓称子者男女同称孙者曾玄同也尊长将已死卑幼图赖

人之尊长兼祖父母父母及期亲以下至缌麻者而言已死身尸乃病死而未葬者若已葬则当从发冢律盖凡祖父母父母故杀子孙及家长无罪而杀奴婢者律各止杖六十徒一年此则既以故杀而又图赖人如赖作人杀死或逼死之类故比故杀加一等杖七十徒一年半若子孙将已死祖父母父母奴婢雇工人将已死家长各身尸图赖人杖一百徒三年若卑幼将已死期亲尊长身尸图赖人杖八十徒二年将大功尊长图赖人减期亲一等杖七十徒一年半将小功尊长图赖人减一等杖六十徒一年将缌麻尊长图赖人减小功一等杖一百故曰各递减一等若尊长将已死卑幼身尸图赖人则不论祖父母父母期亲大小功缌麻及凡将他人身尸图赖人者并八十凡前项图赖人系未曾告官而被赖之人告发者俱依上拟断其已告官则随其所告轻重或逼死或杀死之类并依诬告平人律论罪反科若因图赖而诈取人财物者计所诈取之赃准窃盗论一贯以下杖六十至一百二十贯罪止一百流三千里其因图赖而抢去人财物者准白昼抢夺律论一百徒三年如计赃重者亦加窃盗二等亦罪止杖一百流三千里并免刺字须各从其所犯之重罪科断如图赖之罪重于诬告财抢夺则从图赖科罪若诬告诈财抢夺重于囚赖则从诬告诈财抢夺科罪按此条专为亲属以尸图赖人者而设然不言舅姑故杀子孙之妇及家长故杀雇工人与期亲以下亲属相杀图赖人者皆以其本条之罪重于图赖设有犯者止各依本条科断

备考

一有服亲属互相以尸诬柄者依干名犯义律论

一妻将尸图赖人比依卑幼将期亲尊长图赖人律若夫将妻尸图赖人者依不应从重其告官司诈财抢夺者比依本律科断

条例

一故杀妾及弟妹子孙侄侄孙与子孙之妇图赖人其俱问罪属军卫者发边卫属有司者发附近各充军

弓箭伤人

凡故城市有人居止宅舍放射箭投掷砖石者笞四十伤人者减凡鬪伤一等因而致死者杖一百流三千里

纂注故者非因事而故意之谓也盖城市人湊集所在宅舍亦人所居住若有故向此等之处放弹射箭投掷砖石者虽不伤人亦笞四十若伤人者验其轻重减凡鬪伤之罪一等若因伤人而致死者杖一百流三千里按殴人成伤律亦笞四十此云伤人必伤至内损吐血以上者故赃减等论之若止成伤则不必拟减凡鬪而仍坐笞四十之本法若伤人虽至笃疾者亦不在断付家产之限以原非系鬪殴之情故也若所伤系亲属须依名例律本应重罪而犯时不知者依凡人论本应轻者听从本法

车马杀伤人

凡无故于街市镇店镇店驰骤车马因而伤人者减凡鬪伤一等致死者杖一百流三千

里若于乡村无人旷野地内驰骤因而伤人致死者杖一百并追埋葬银一十两○若因公务急速而驰骤杀伤人者以过失论

纂注无故对公务急速言因公务急速而驰骤杀伤人总承上文而约言之云伤者专指街市镇店之伤人云者指二项之伤人至死者疏议等诸书将因公务急速伤人兼乡村而言盖不知无故于乡村驰骤者既不着伤人之罪岂有因公务而伤人者反以过失论哉此谓凡在城街市在乡镇店去处若有人无公事故而于此驰骤车马以致伤人者减凡鬪殴伤人罪一等科断若伤人致死者杖一百流三千里乡村无人旷野地内与街市镇店不同若于此无故驰骤车马因而伤人至死者杖一百凡前项车马伤人致死者不分街市镇店村并追埋葬银一十两若因官府公务急速驰骤车马或于街市镇店因而伤人而致死者或于乡村旷野因而伤人至死者俱以过失杀伤人论准鬪殴杀伤罪科断依律收赎给付被杀伤之家以为营葬医药之资

庸医杀伤人

凡庸医为人用药针刺误不如本方因而致死者责令别医辨验饵穴道如无故害之情者以过失杀人论不许行医○若故违本方诈疗疾病而取财物者计赃准窃盗论因而致死及因事故用药杀人者斩

纂注此条不许行医以上以庸医误杀人者言故违本方以下以能医故杀人者言诈疗疾病即承故违本方说来谓如本方一药可愈恐其取财不多而故违本方使病难愈以图多取人财之意凡庸常医人为人疗病或用药饵或用针刺有错误不依本方因而致人身死者官府责令别医辨验其原用药饵及针刺穴道如果系错误而无故意害人之情者以过失杀人论准鬪殴杀律坐罪依律收赎给付死者之家其庸医不许行医若其用明于针药知有本方而故违之乃以诈为疗病而取财物者计所得之赃准窃盗论免刺若因而致人于死及因病人有讎嫌之事而故用反症之药杀人者则与谋杀之情无异故坐以斩按因事故用药杀人但故违本方药人致死者即是若用毒药杀人者见造畜蛊毒条

窝弓杀伤人

凡打捕户于深山旷野猛兽往来去处穿作坑窞及安置窝弓不立望竿及抹眉小索者笞四十以致伤人者减鬪殴伤二等因而致死者杖一百徒三年追征埋葬银一十两

纂注坑窞窝弓怙所以陷取猛兽则当防其伤人故于近坑窞弓之处必立有望竿及设抹眉小索庶使往来之人见而知避也若打捕户于深山旷野既设有坑窞窝弓而不立望竿小索虽未伤人亦笞四十以致伤人者验其轻重减鬪殴伤人罪二等若因伤人而致死者杖一百徒三年追征银一十两给付死者之家埋葬若非深山旷野作坑窞安窝弓以致杀伤人者当从杀伤律

威逼人致死

凡因事威逼人致死者杖一百若官吏公使人等非因公务而威逼平民致死者罪同并

追埋葬银一十两○若威逼期亲尊长致死者绞大功以下递减一等○若因奸盗而威逼人致死者斩

纂注事如户婚田宅钱债等项之事威逼致死谓以威逼致死谓以威劫凌逼以致其人或乘气或畏威因而自尽身死者坐杖一百此为凡人而言若官吏公使人等非因公务而以私事威逼平人致死者罪同亦杖一百与凡人威逼致死者各追埋葬银一十两给付死者之家盖言非因公务威逼平人则因凡公务而威逼有罪之民致死者勿论矣若卑幼因事逼期亲尊长致死者绞威逼大功以上尊长致死者递减一等犯大功者杖一百流三千里小功杖一百徒三年总麻杖九十徒二年半不言无服之亲者有与凡人同科若因奸盗而威逼人致死如因强奸不拘已未成奸威而威逼妇女致死或和奸因有阻碍将奸妇本夫及其亲属威逼致死之类又如因行强盗虽未得财而财主惊惧自尽身死或窃盗因财主欲告而设计威逼致死之类二者并坐以斩

备考

一尊长因事威逼期亲以下卑幼致死者依不应从重或谓因和奸而威逼人致死者男女同罪非也盖律文虽未专言奸夫窃详威之一字及言人而不言本夫实为奸夫而设况律无皆斩之文岂得同引此律盖奸夫奸妇本应分首从而奸妇则情重罪轻故近时内外问刑衙门俱比依威逼期亲尊长致死之律奏请定夺所以惩淫恶而重夫网也若本夫闻知妇人与人和奸而羞愧自尽在奸夫原无威逼之情者奸夫止拟和奸之罪奸妇仍比依前律拟绞庶不失情法轻重之宜也

条例

一凡因事用强殴打威逼人致死果有致命重伤及成残废笃疾者虽有自尽实迹依律追给埋葬银两发边卫充军

一凡因威逼人致死一家二命及非一家但至三命以上者发边卫充军若一家三命以上发边卫永远充军依律各追给埋葬银两

一凡子孙威逼祖父母父母妻妾威逼夫之祖父母父母致死者俱比依殴者律斩其妻妾威逼夫致死者比依妻殴夫至笃疾者律绞俱奏请定夺

一妇人夫亡愿守志别无主婚之人若有用强求娶逼受聘财因而致死者依律问罪追给埋葬银两发边卫充军

一凡军民人等因事威逼本管管致死为首者比依威逼期亲尊长致死律绞为从者枷号半年发边卫充军

尊长为人杀私和

凡祖父母父母及夫若家长为人所杀而子孙妻妾奴婢雇工人私和者杖一百徒三年期亲尊长被杀而卑幼私和者杖八十徒二年大功以下各递减一等其卑幼被杀而尊长私和者各减一等若妻妾子孙及子孙之妇奴婢雇工人被杀而祖父母父母夫家长私和者杖八十受财者计赃准窃盗论从重科断○常人私和人命者杖六十

纂注为人所杀指谋杀故殴杀戏杀误杀各该抵命者言之也若威逼者止杖一百过失者律得收赎并不在此限也私和不专谓不告官虽告而复和因妄自招诬者亦是卑幼被杀而专长私和此卑幼专长亦兼期亲大功以下言各减一等谓各减尊长被杀而卑幼私和之罪一等也此言凡人祖父母父母及夫若家长以情则至亲以分则至尊设若为人所杀则讎为至重故子孙妻妾奴婢雇工人敢有行杀之人私和者并杖一百徒三年若期亲尊长以下其股渐杀其讎渐轻则其罪亦渐减故尊长被杀而卑幼私和者系期亲杖人八十徒二年大功杖七十徒一年半小功杖六十徒一年总麻杖一百故曰各减一等其卑幼被杀而尊长私和者系期亲杖七十徒一年半大功杖六十徒一年小功杖一百总麻杖九十故曰各减一等若妻妾子孙及子孙之妇奴婢雇工人被杀而祖父母父母夫家长私和者杖八十凡此皆自其未受财者言之故犹论分之尊卑而定罪之轻重若受财而私和者则不问祖父母父妾子孙婢雇工人及尊长卑幼并计所受之赃准窃盗论如赃罪重于私和者从赃罪科断赃罪轻者从私和科断其赃系彼此俱罪者并追入官若常人为人私和人命者杖六十按此条设有亲属共犯私和者虽照服制坐罪其共犯卑幼须依家人免科若系受财则准窃盗为从论减等科断又律既云妻妾及子孙之妇被杀而下文不言夫与舅姑言家长兼夫之意也

备考

一常人私和人命受财者以枉法赃论

同行知有谋害

凡知同伴人欲行谋害他人不即阻当救护及被害之后不首告者杖一百

注纂凡与人同行或同居住知同伴内有造意及共谋杀害其它人于其末行而不即阻当已行而不即救护及日前不分知与不知而谋害者之后知其谋状不赴官司首告追捕者杖一百按称谋者二人以上若同伴止一人而杀害人但其谋状显迹明白者虽一人同二人之法

大明律集解附例卷之二十

刑律

鬪殴

鬪殴

凡鬪殴相争为鬪相打为殴

以手足殴人不成伤者笞二十成伤及以他物殴人不成伤者笞三十成伤者笞四十青赤肿为伤非手足者其余皆为他物即兵不用刃亦是拔发方寸以上笞五十若血从耳自中出及内损吐血者杖八十以秽物污人头面者罪亦如之

折人一齿及手足一指眇人一目抉毁人耳鼻若破人骨及用汤火铜铁汁伤人者杖一百以秽物灌入人口鼻者罪亦如之

折二齿二指以上及髡发者杖六十徒一年折人肋眇人两目堕人胎及刃伤人者杖八

十徒二年坠胎者谓辜内子死及胎九十日外成形者乃坐其虽因殴若辜外子死及胎九十日之内未成形者各从本殴伤法不坐坠胎之罪

折跌人肢体及瞎人一目者杖一百徒三年○瞎人两目折人两肢损人二事以上及因旧患令至笃若断人舌及毁败人阴阳者并杖一百流三千里仍将人财产一半断付被伤笃疾之人养贍损二事以上谓或殴人一目瞎又折一肢之类及因旧患令至笃疾如人旧瞎一目为残疾更瞎一目成笃或先折一脚为废疾更折一脚成笃断人舌谓将人舌割断令人全不能说话毁人阴阳谓割去男子茎物破损外肾者并杖一百流三千里将犯人家产一半断付被伤笃疾之人养贍若将妇人阴门非理毁坏者止料其罪不在断付财产一半之限

同谋共殴伤人者各以下手伤重者为重罪元谋减一等○若因鬪互相殴伤者各验其伤之轻重定罪后下手理直者减二等至死及殴兄姊伯叔者不减

纂注凡人因事忿争两相殴打其手足殴人不成伤者笞二十若成伤及以他物殴人不成伤者并笞三十他物殴人成伤者则笞四十所殴之处或青或红而肿起皆名为伤殴人除手足外其余皆为他物即用兵器之柄而非以刃者亦是他物难同刃伤论也若拔人发周围至方一寸以上者笞五十其殴伤人有血从耳目中出及内损吐血丈杖八十若非耳目及吐出者止以伤论以不洁秽物而污入头面者罪亦如之若殴而致折人一齿及折其手足之一指或眇人一目但亏损而见物及抉毁人耳鼻若破伤人骨及用汤火或铜铁之汁伤人者杖一百以秽物灌入人口鼻内者罪亦如之若折人二齿二指以上及髡秃人发者杖六十徒一年若断折人肋骨眇人二目坠人三月外成形之胎孕而在辜限内子死者及以大小刀刃伤人者并杖八十徒二年若殴而至折跌人手足之一肢或其身体令成废疾不能举动及瞎一目全不能视者杖一百徒三年若瞎人两目折人两肢或损人二事以上如瞎人一目又折一肢之类及因其旧患令至笃疾如本瞎一目又瞎一目之类若断人之舌致令哑及毁败人阴阳致绝生育者并杖一百流三千里仍将犯人财产一半断付被伤笃疾之人养贍若将妇人阴门非理毁坏者止科其罪不在断付财产之限为其不专废生道故也自此下二节则言上文鬪殴之通例如二人以上同谋共殴人或瞎人一目则以下手伤重者杖一百徒三年其原造谋之人不曾下手或下手而伤轻俱减一等杖九十徒二年半也若为从而不曾下手或下手而伤轻亦俱以不应事重论设乙瞎一目甲后又折一肢亦当以因旧患令成笃疾坐甲流三千里矣若甲乙互鬪殴甲被瞎一目乙被折一齿则甲伤为重当坐乙以杖一百徒三年乙伤为轻当坐甲以杖一百若甲系下手而理又直则于杖一百上减二等止杖八十乙后下手理直则于杖一百徒三年上减二等止杖徒二年其或至笃疾已减一等亦不断财养贍也若殴人至死自抵命及弟殴兄姊侄殴叔伯有关伦理则虽后下手理直亦不得减等也凡鬪殴杀伤人者各随其伤定罪不用名例依首从法其凡鬪殴不下手伤人者惟殴杀人乃以不行劝阻为名罪非至死者勿论若同谋殴人至死虽不下手及同行知有谋

害不行救阻者则各依本律并杖一百若乱殴不知先后轻重者以谋首及鬪者为重罪又如共殴人伤皆致命以最后下手重者当其重罪也

条例

一凶徒因事忿争执持鎗刀弓箭铜铁筒剑鞭斧扒头流星骨朵麦穗秤锤凶器但伤人及误伤傍人与凡剜瞎人眼睛折跌人肢体全抉人耳鼻口唇断人舌毁败人阴阳者俱问发边卫充军若聚众持凶器伤人及围绕房屋抢检家财弃毁器物奸淫妇女除真犯死罪外徒罪以上俱不分首从发边卫永远充军

保辜限期

凡保辜者责令犯人医治辜限内皆须因伤死者鬪殴杀人论谓殴及伤各依限保辜然伤人皆须因殴乃是若打人头伤风从头疮而入因风致死之类以鬪殴杀人科罪○其在辜限外及虽在辜限内伤已平复官司文案明白别因他故死者各从本殴伤法谓打人头伤不因头疮得风别因他病而死者是为故各依本殴伤科罪若折伤以上辜内医治平复者各减二等堕胎子死者不减辜内虽平复而成残废笃疾及辜限满日不复者各依律全科○手足及以他物殴伤人者限二十日○以刃及汤火伤人者限三十日

○折跌肢体及破骨堕胎者无问手足他物皆限五十日

纂注保养也辜罪也凡伤人者官司随其伤之轻重立限责令所殴之人医治候限满之日定罪故曰保辜惟过失伤者不令保辜凡人于辜限内不问手足他物金刃汤火皆须因其原殴之伤而致死者乃以鬪殴杀人论其在辜限之内及虽在限内若本伤各已平复而官司文案明白未及论决被殴之人复因别恙身死者谓之他故各从本殴伤法科断难坐以绞也若殴人至于折伤以上其辜限内医治平复各减原折伤之罪二等惟堕胎子死不减此但言折伤以上而不言伤则其平复者亦应减矣若辜限内伤虽平复而已成残笃疾及辜限已满而伤不平复者各依折伤本罪全科然则保辜之限若何凡以手足及他物殴伤人者限二十日不复以刃及汤火伤人者限三十日而平复折跌肢体及破骨堕胎者无问手足他物皆限本十日而平复也其后下手理直者仍于本罪上又减辜内平复二等是为犯罪得累减此条盖论伤定罪之通例也

条例

一鬪殴伤人辜限内不平复延至限外若手足他物金刃及汤火伤眼外十日之内折跌肢体及破骨堕胎限二十日之内果因本伤身死情真事实者方拟死罪奏请定夺此外不许一概滥拟渎奏

官内忿争

凡于官内忿争者笞五十声彻御在所及相殴者杖一百折伤以上加凡鬪伤二等殿内又递加一等

纂注禁城以内为宫殿则皇极文华诸所视官尤为严近者也凡人于官内有互相忿争者即笞五十其声彻于御在之所反于官内相殴者并杖一百殴而至于折伤一齿以上

者加凡鬪伤之罪二等若于殿内忿争者杖六十其声彻于御在之所及殿内相殴者杖六十徒一年殴而至于折伤一齿以上者加官内折伤之罪一等又加凡鬪伤罪二等共加三等故曰殿内各递加一等言视宫内所定之罪而递加之也虽至笃疾并罪止杖一百流三千里至死者依常律断其相殴之人虽被伤重亦坐以笞五十杖一百之罪为官殿之内不得与人相殴也

皇家袒免以上亲被殴

凡皇家袒免亲而殴之者杖六十徒一年伤者杖八十徒二年折伤以上重者加凡鬪二等总麻以上各递加一等笃疾者绞死者斩

纂注袒免五服外无服之亲凡系天潢皆是也有人殴皇家袒免之亲者即杖六十徒一年但成伤者则杖八十徒二年若折伤以上而本罪于徒二年者则加凡殴伤二等如凡人相殴杖八十徒二年加二等则杖一百徒三年之类也凡律言重皆入加等通论为重其折齿折指轻者止依伤者律断总麻以上各递加一等如殴总麻之亲杖七十徒一年半小功杖八十徒二年大功杖九十徒二年半期亲杖一百徒三年殴总麻之亲伤者杖九十徒二年半小功杖一百徒三年大功一百流二千里期亲杖一百流二千五百里至折伤而本罪有重于徒流者如折伤以上总麻功期之亲则各于加凡鬪二等又递加一等并罪止杖一百流三千里不得加至于死其殴袒免总麻以上亲至笃疾者并绞死者并斩盖皇家之亲与凡人不同故其罪尤重如此盖敬君以及其亲也

殴制使及本管家长

凡奉制命出使而官吏殴之及部民殴本属知府知州知县军士殴本管指挥千百户若吏卒殴本部五品以上长官杖一百徒三年伤者杖一百流二千里折伤者绞若殴六品以下长官各减三等殴佐贰官首领官又各递减一等减罪轻者加凡鬪一等笃疾者绞死者斩○若流外官及军民吏件殴非本管三品以上官者杖八徒二年伤者杖一百徒三年折伤者杖一百流二千里殴伤五品以上官者减二等若减罪轻及殴伤九品以上官者各加凡鬪伤二等○其公使人在外殴打有司官者罪亦如之从所属上司拘问

纂注奉天子制命出使于外而官吏殴之知府知州知县为州府之主而本部子民殴之指挥千户百户为卫所之主而本管军士殴之本部五品以上衙门正官为吏卒之主而吏卒殴之皆以下犯上不义之甚者也故各杖一百徒三年至于成伤则杖一百流二千里折二齿以上伤则绞不言笃疾者亦止于绞也若吏卒殴本部六品以下衙门长官各减殴五品以上长官之罪三等杖七十徒一年半伤者杖八十徒二年折伤者杖九十徒二年半盖吏卒者或民人拨充于军卫或邻境来役于有司不过有一时事之义与本部本管军民不同故复以官之崇卑论心若殴左贰及首领官民吏卒又各递减一等如部民殴州县军人殴本卫所及吏卒殴本部五品以上衙门各佐贰官减殴长官之罪一等杖九十徒二年半伤者杖一百徒三年折伤者杖一百流三千里殴各首领官者又减殴佐贰官之罪一等杖八十徒二年伤者杖九十徒二年半折伤者杖一百徒三年或以民

殴丞尉只依六品以下佐贰首领官科断是佐职比长官递减一等非也若吏卒殴本部六品以下衙门佐贰官亦减长官非罪一等殴首领官又减佐贰一等盖惟吏卒视五品六品衙门递减军民则不论品级殴佐贰直减长官一等殴首领官直减佐贰一等也若减罪轻于殴伤者各加凡鬪一等如吏卒殴六品以下长官折伤止该杖九十徒二年半军民殴本属首领止该杖一百徒三年皆比之凡鬪折伤人肢体之加罪为轻则不论递减而直于凡鬪罪上加二等杖一百流三千里也此言减罪轻者当并入加罪通论不然则下降殴非本管官其加鬪反重矣至笃疾者谓殴六品以下长官及军民殴门各佐贰首领官并绞若官吏殴制使军民卒殴本属知府州知县本管指挥千百户本部五品以上六品以下长官若佐贰首领官至死者并斩若内外未入流品杂职官员及军民卒其有殴非本管三品以上不相统属衙门如各军卫有司等官不问长官丘贰并杖八十徒二年伤者杖一百徒三年折伤者杖一百流二千里若殴伤五品以上非本管官各减殴三品以上罪二等杖六十徒一年伤者杖八十徒二年折伤者杖九十徒二年半若减罪轻者如殴非本管五品以上官其折肋刃伤加罪重于杖八徒二年及流外官军民吏卒殴伤九品以上官者各加凡鬪伤罪二等不言笃疾及至死者并依鬪殴杀人常律此三品五品以上皆指官之品级非若上段明云长官佐贰专主衙门言也或因此无笃疾至死之文遂会上文解亦绞斩非是盖官非本管其义既轻罪至笃疾其刑已重故只以凡人论耳其公使人如在京办事官监生在外承差之类殴打布政司府州县官者罪亦如流外官殴非本管三品五品九品以上官之罪而从有司官之所属上司拘问也凡殴官长但下手殴者即坐首从罪同盖凡殴人手足不成伤者且各得笞二十故也惟伤人者乃随重异科若同殴而一殴一伤者亦然如同谋共殴官长亦依本殴伤杀法减下手重者一等余杀准此

条例

一凡因事聚众将本管及公差勘事催收钱粮等项一应监临官殴打绑缚者俱问罪不分首从属军卫者发极边卫分充军属有司者发口外为民若止是殴打为首者俱照前充军为民问发若是为从毁骂者武职并总小旗俱改调卫所文职并监生生员冠带官吏典承差知印革去职役为民军民舍余人等各枷号一个月发落其本管并监临官与军民人等饮酒赌博宿娼自取凌辱者不在此例

佐职统属殴长官

凡本衙门首领官及所统属官殴伤长官者各减吏卒殴伤长官二等佐贰官殴长官者又各减二等减罪轻者加凡鬪一等骂疾者绞死者斩

纂注凡本衙门不问内外诸司但首领官及所属下司官其有殴伤长官者各减上条吏卒殴伤本部长官之罪二等谓殴五品以上长官则杖八十徒二年伤者杖九十徒二年半折伤者杖一百徒三年殴六品以下长官杖一百伤者杖六十徒一年折伤者杖七十徒一年半若本衙门佐贰官有殴长官者又各减首领官之罪二等谓殴五品以上长官

杖六十徒一年伤者杖七十徒一年半折伤者杖八十徒二年殴六品以下长官杖八十伤者杖九十折伤者杖一百若减罪轻者各加凡鬪一等如凡人折人肢体该杖一百徒三年而首领官殴伤长官肢体若减等论则五品以上长官亦止杖一百徒三年六品以下长官止杖七十徒一年半皆是轻于凡人罪矣故不复减而直于凡鬪罪止加一等各杖一百流三千里也若首领统属及佐贰殴长官其伤至于笃疾者绞死者斩此不言佐贰首领自相殴者以凡鬪论

上司官与统属官相殴

凡监临上司佐贰首领官与所统属下司官品级高者及与部民有高官而相殴者并同凡鬪论若非相统属官品级同自相殴者亦同凡鬪论

纂注监临上司如县称府府称布政司之类谓内外诸司统摄所属有文案相关涉者其佐式及首领官有与所统属下司官之品级高于已者相殴及与所部之民有高官而相殴者并同凡鬪论其爵之尊可与所属相将也若非相统属而品级相同如运副与知府太仆寺丞与通判之类既非所辖官爵又均故亦以凡鬪论若非统属而品级尊卑则下文言之矣

九品以上官殴长官

凡流内九品以上官殴非本管三品以上官者杖六十徒一年折伤以上及殴伤五品以上若五品以上殴伤三品以上官者各加凡鬪伤二等

纂注流外官殴非本管流内官前已备矣此则言流内官尊卑相殴也九品以上官自九品至六也殴非本管三品以上至一品官者杖六十徒折伤以上加凡鬪二等若殴非本管五品四品官或五品四品官殴伤三品以上官亦各加凡鬪伤二等盖虽无统属之分而尊卑自不可踰也然虽笃疾并罪止杖一百流三千里死者自依鬪殴杀人常律余无该载者以凡鬪论

拒殴追摄人

凡官司差人追征钱粮勾摄公事而抗拒不服及殴所差人者杖八十若伤重至内损吐血以上及本犯重者各加二等罪止杖一百流三千里至笃疾者绞死者斩

纂注凡官司差人追征收其应纳之钱粮勾管摄应办集之公务而纳户及应办之人抗拒不服追摄及反殴其所差人者并杖八十若殴而至于内损吐血以上至于废疾及所殴差人或系职官系大功以下尊长本犯殴罪重于凡人鬪殴者各于本犯应得重罪上仍加二等各罪止杖一百流三千里至笃疾者绞死者斩此与拒捕不同盖纳户及应办公务之人皆为无罪者但以其殴官司所差之人故加二等坐之若以本犯重者为税粮违限之类则即系有罪之人自有罪人拒捕之律安得附于鬪殴下耶

殴受业师

凡殴受业师者加凡人二等死者斩

纂注儒与艺皆有师惟僧道女冠尼僧于其受业师与伯叔父母不用此律

备考

一云儒师终身如一艺者据见受业并详之

威力制縛人

凡争论事理听经官陈告若以威力制縛人及于私家拷打监禁者杖八十伤重至内损吐血以上各加凡鬪伤二等因而致死者绞若以威力主使人殴打而致死伤者并以主使人为首下手之人为从论减一等

纂注设官置吏所以为民故民有争论须听断于官若恃威势气力将人拘制捆縛及拿至私家拷打之监禁之皆所谓强凌弱众暴寡也故不问有伤无伤并杖八十若拷打伤重至内损吐血以上则于凡鬪罪上加二等罪止杖一百流三千里因其制縛拷打监禁而致死者统此不言从者自本身下手者言若以威力主使他人殴人而致其死若伤者并以主使之人为首但殴即杖八十伤重至吐血以上亦加鬪二以凡鬪二等死则坐绞下手之人以为从论殴及死伤各减主使之罪一等盖威力主使与同谋共殴不同此乃威力能使人而不敢不听其使者也故不以下手致命者为重耳其余人随从而不下手者止以不应从重论

条例

一在京在外无籍之徒投托势要作为心腹诱引生事绑縛平民在于私家拷打胁骗财物者枷号一个月发烟瘴地面充军

良贱相殴

凡奴緝殴良人者加凡人一等至笃疾者绞死者斩其良人殴伤他人奴婢者减凡人一等若死及故杀者绞若奴婢自相殴伤杀者各依凡鬪伤杀法相侵财物者不用此律

○若殴缙麻小功亲奴婢非折伤勿论至折伤以上各减杀伤凡人奴婢罪二等大功减三等至死者杖一百徒三年故杀者绞过失杀者各勿论○若殴缙麻小功亲雇工人非折伤勿论至折伤以上各减凡人罪一等大功减二等至死及故杀者并绞过失杀者各勿

纂注奴者男子婢者妇女缘坐而为奴婢与无罪良民自不同则其相殴岂可与凡人槩哉故奴婢殴良人则加凡鬪一等殴至笃疾则斩良人殴他人之奴婢或殴或伤或刃杀而未死皆减凡鬪一等至死及故杀则坐以绞也杀伤得减一等则不可引凶器伤人之例矣奴婢与奴婢相殴均贱人也故其或殴或伤或刃杀及杀死者各依鬪论若良人奴婢相侵财物如窃盗强夺诈欺冒认诬骗拐带恐吓求索之类因而有所杀伤不用此加减之律谓奴婢因良人侵已财物而殴伤之者不在加等至死者俱绞其良人因侵奴婢财物而反殴之者不在减等故杀者亦斩也此上言良贱相殴之罪也若良人殴缙麻大功小功亲之奴婢非折伤勿论至折伤以上减杀伤他人奴婢罪系缙麻小功者减二等大功者减三等如折人奴婢者一指减凡人罪一等杖九十若系缙麻小功奴婢则杖七十大功则杖六十也殴至死不问缙功亦止杖一百徒三年惟故杀者始绞过失杀亦勿

论若雇情工之人与奴婢终身服役者不同而与良善等辈之人亦异故异殴缙麻小功大功之雇工人者非折伤亦勿论折伤以上缙麻小功者减凡鬪罪一等大功减二等如折凡人一指杖一百殴缙麻小功雇工人则减杖九十大功则杖八十也至死及故杀并论绞惟过失杀则勿论盖罪轻于良人而重于奴婢也不言殴期亲奴婢雇工人者下条云奴婢无罪而家长之期亲若外祖父母杀之者罪止杖六十徒一年则殴与伤皆勿论明矣又殴他人雇工人者以凡鬪论故律不及也

奴婢殴家长

凡奴婢殴家长者皆斩杀者皆凌迟处死过失杀者绞伤者杖一百流三千里若殴家长之期亲及外祖父母父母者绞伤者皆斩过失杀者减殴罪二等伤者又减一等故杀者皆凌迟处死殴家长之缙麻亲杖六十徒一年小功杖七十徒一年半大功杖八十徒二年折伤以上缙麻加殴良人罪一等小功二等大功加三等加者加入于死死死者皆斩
○若雇工人殴家长及家长之期亲若外祖父母者杖一百徒三年伤者杖一百流三千里折伤者绞死者斩故杀者凌迟处死过失杀伤者各减本杀伤罪二等殴家长之缙麻亲杖八十小功杖九十大功一百伤重至内损吐血以上缙麻加凡人罪一等大功加二等死者各斩○若奴婢有罪其家长及家长之期亲若外祖父母不告官司而殴杀者杖一百无罪而杀者杖六十徒一人当房人口悉放从良○若家长及家长之期亲若外祖父母殴雇工人非折伤勿论至折伤以上减凡人三等因而致死者杖一百徒三年故杀者绞○若违犯教令而依法决罚邂逅致死及过失杀者各勿论

纂注凡奴婢家长者罪无首从皆斩但殴即坐不言伤杀者凡预殴之人皆凌迟处死过失杀者绞过失伤者杖一百流三千里若殴家长尊卑期服之亲及外祖父母者绞为从减一等名例称期亲者曾高同但伤者预殴之人皆斩至死亦止于斩过失杀者减殴罪二等杖一日徒三年过失而伤者又减一等杖九十徒二年半故杀者预谋之人皆凌迟处死若殴家长内外尊科缙麻之亲者杖六十徒一年小功杖七十徒一年半大功杖八十徒二年 内兼伤惟殴而至于折伤一齿以上者缙麻加良人罪一等小功加二等大功加三等加者加入于死但绞不至于斩如折人一枝者奴婢加凡人一等杖一百流二千里缙麻则杖一百流二千五百里小功杖一百流三千里大功加入于绞若殴缙功之亲而至死者预殴之人皆斩不言故杀亦止于斩也若雇工人则与奴婢不同故凡殴家长及家长之期亲若外祖父母者杖一百徒三年伤者杖一百流三千里折伤者绞至死者斩故杀者凌迟处死此伤杀俱不言皆则同殴及伤者各依本法若过失而杀及伤者各减本杀伤罪二等谓过失杀者杖一百徒三年伤者杖九十徒二年半若泥伤者减绞罪二等则伤杀同罪且与奴婢过失伤减杀罪一等者背矣若殴家长之缙麻亲杖八十小功杖九十大功杖一百伤亦在内若所殴伤重至内损吐血以上则各验伤定罪缙麻小功加凡人一等大功加二等不加至死虽为笃疾亦罪止流三千里至死者不问缙麻功之亲各斩不言故杀亦止于斩也若奴婢有罪其家长之期亲若外祖父母不执告官

司而擅自殴杀者杖一百若无罪而非理殴杀或故纵之者杖六十徒一年其无罪见杀奴婢之当房人口如奴之妻婢之子悉给放从良若家长及家长之亲若外祖父母殴雇工人者非折伤勿论至折伤一该以上者各减凡人罪三等因非理殴伤而至死者杖一百徒三年殴而故杀者绞若奴婢雇工人违犯家长及家长之期亲若外祖父母教令而依法于臀腿受杖去处决罚其有邂逅致死及过失而杀者各勿论

新题例

万历十六年正月题奉钦依今后官民之家凡倩工作之人立有文券议有年限者以雇工人论止是短雇月日受值不多者依凡论其财买义男如恩养年久父配有室家者照例同子孙论如恩养未久不曾配合者士庶之家依雇工人论缙绅之家比照奴婢律论妻妾殴夫

凡妻殴夫者杖一百夫愿离者听须夫自告乃坐至折伤以上各加凡鬪伤三等至笃疾者绞死者斩故杀者凌迟处死○若妾殴夫及正妻者又各加一等加者加入于死○其夫殴妻非折伤勿论至折伤以上减凡人二等须妻自告乃坐先行审问夫妇如愿离异者断罪离异不愿离异者验罪收赎至死者绞殴伤妾至折伤以上减殴伤妻二等至死者杖一百徒三年妻殴伤妾与夫殴妻罪同亦须妾自告乃坐过失杀者各勿论○若殴妻之父母者杖一百折伤以上各加凡鬪伤罪一等至笃疾者绞死者

纂注凡妻殴夫者杖一百但殴即坐故不言伤其夫愿离者听权归于所天也殴而至折伤以上者各加殴凡人罪三等如折一旋即杖八十徒二年之类是也笃疾者绞死者斩故杀者凌迟处死若妾殴夫及正妻者又加妻殴夫之罪一等加者止入于绞如殴夫及正妻者杖罪同其夫殴妻者非折伤勿论殴而至于折伤以上者减凡人罪二等如折一该杖八十至笃疾则杖九十徒二年半是也先行审问夫妇如愿离异者依律断夫之罪其妻离异归宗恩义已绝故正其法也如能惩忿相宥不愿携离者则验其夫折伤应坐之罪全准收赎以与完聚情义未断复顺其情也要皆所以全夫之网也若夫殴伤妾者不止言殴则伤亦勿论至折伤以上者减殴伤妻罪二等如折一齿则杖六十至笃疾则杖七十徒一年半殴而致死者杖一百徒三年若妻殴伤妾者与夫殴妻之罪同折伤以上亦减凡人二等至死者亦绞也若夫过失杀其妻妾及正妻杀妾者各勿论若妻妾过失杀夫还当比依子孙过失杀父母妾过失杀正妻亦比依杀期亲尊长论比句另在一节似不可扯上条同论也若女婿殴妻之父母者杖一百但殴即坐至折伤一齿以上者各加凡鬪伤罪一等笃疾者绞死者斩凡亲属相殴皆不言亲告乃坐而独言之者以夫妇之间非他人可与且生离间之谋故特指之若至死则他人皆可告矣

同姓亲属相殴

凡同姓亲属相殴虽五服已尽而尊卑名分犹存者尊长减凡鬪一等卑幼加一等至死者并以凡人论

纂注凡本宗同姓袒免亲属相殴虽五服已尽戚疎远而甚世系之尊卑名分犹存终与

凡人不同故尊长犯卑幼则减凡鬪罪一等卑幼犯尊长则加凡鬪罪一等皆所以谨名分也死则其罪已重故并以凡人论其不言过失杀伤者盖准本条论赎之法凡无服之亲相殴相盗恐吓诈欺故相为容隐等项在本律皆得减一等科断其犯罪而有为首及相告言者则依名例犯罪自首律减之

殴大功以下尊长

凡卑幼殴本宗及外姻缌麻兄姊杖一百小功杖六十徒一年大功杖七十徒一年半尊长属又各加一等尊属与父母同辈者如同堂伯叔父母姑及母舅母姨之类折伤以上各递加凡鬪伤一等笃疾者绞死者斩○若尊长殴卑幼非折伤勿论至折伤以上缌麻减凡人一等小功减二等大功减三等至死者绞其殴杀同堂弟妹堂侄及侄孙者杖一百流三千里故杀者绞

纂注凡卑幼殴本宗及外姻之缌麻兄姊谓同堂高祖兄姊同曾祖出嫁姊妹及姑舅两姨之子为表兄表姊者杖一百小功则同曾祖兄姊同祖出嫁姊殴者杖六十徒一年大功则同祖兄姊同父出嫁姊殴者杖七十徒一年半但殴即坐故不言伤此自己同行长者而言若尊属则与父母同辈如大功则父之出嫁姊妹父母同辈者小功则父之同祖兄弟在室姊妹母之同父兄弟在室姊妹缌麻则父之同曾祖兄弟在室姊妹是也父之同祖出嫁姊妹其它若曾祖之兄弟姊妹祖之堂兄弟姊妹服缌麻祖之兄弟姊妹服小功皆为尊属凡若此者又各加一等缌麻杖六十徒一年小功杖七十徒一年半大功杖八十徒二年其殴至于折伤以上者各递加凡人鬪殴之罪一等如折凡人一齿本杖一百折缌麻兄姊一齿则杖六十徒一年小功加一等杖七十徒一年半大功又加一等杖八十徒二年若折缌麻尊属一齿又加折兄姊齿一等杖七十徒一年半小功杖八十徒二年大功杖九十徒二年半之类其加罪并止于流三千里殴而至于笃疾不问犯缌功兄姊尊属并绞死者并斩若从鬪有服属不同及但殴死者并斩若从鬪有服属不同及但殴或伤者各依本法其不言故杀罪止于斩也若大功以下尊长不问兄姊尊属惟兄之妻及伯叔母不与其殴本宗外姻有服卑幼者非折伤勿论至折伤一齿以上缌麻减凡人鬪殴罪一等小功减二等侄妇侄女大功减三等殴而至死者并绞然其间如同堂弟妹堂侄堂孙又卑幼之最亲者故虽殴伤与诸卑幼同罪而至死则不坐绞止于杖一百流三千里至于故杀始坐绞也其余故杀故杀卑幼亦止于绞不言过失杀者盖准本条论赎之法此卑幼谓本宗外姻弟妹及其卑属虽然若弟之妻卑幼之妇则不论服制非此律也凡出嫁女以降服论被出者及无夫与子者同在室论又殴同母异父姊妹律无明条犯者依大明令大小功服科断

殴期亲尊长

凡弟妹殴兄姊姐杖九十徒二年半伤者杖一百徒三年折伤者杖一百流三千里刃伤及折肢若瞎其一目者绞死者皆斩若侄殴伯叔父母姑及外孙殴外祖父母各加一等其过失杀伤者各减本杀伤罪二等故杀者皆凌迟处死若与外人谋杀亲属者外人造

意下手从而加功从而不加功自依凡人故杀律科罪余条准此○其兄姊弟妹及伯叔姑殴杀侄并侄孙若外祖父母殴杀外孙者杖一百徒三年故杀者杖一百流二千里过失杀者各勿论

纂注凡期亲弟妹殴同父之兄与其在室之姊者杖九十徒二年半但伤者杖一百徒三年折伤一齿以上者杖一百流三千里若刃伤不论轻重及折肢若瞎其一目者绞不言笃疾举重足以见义矣此上不言皆者各依首从法惟至死则罪无首从皆斩若期亲侄殴其伯叔父母与其在室姑及外姪殴其外祖父母者以系尊属故各殴兄姊之罪一等杖一百徒三年但伤者杖一百流三千里至折伤一齿以上亦罪止杖一百流三千里其刃伤及折肢瞎目者亦止于绞至死亦不分首从斩其过失杀伤者各减本杀伤罪二等不在论赎之限伤兄姊者杖八十徒二年杀者杖一百徒三年伤伯叔父母姑者杖九十徒二年半杀者亦杖一百徒三年若因殴而故杀兄姊伯叔父母姑外祖父母者凡预殴之人皆凌迟处死如为从有服属不同者仍各依本法其期之兄在室姑殴杀其侄并小功侄孙若外祖父母殴杀外孙者俱杖一百徒三年殴而故杀者杖一百流二千里若过失杀者各勿论其殴不言折伤及笃疾亦勿论明矣卑幼与外人同谋故杀兄姊伯叔父母姑外祖父母者卑幼不论主谋首从兵凌迟处死外人自依凡人主谋为从加功不加功坐罪不在凌迟之限他条有称卑幼谋故杀尊长亦以此例之故曰余条准此

条例

一凡卑幼殴期亲尊长执有刀刃赶杀情状凶恶者虽未成伤依律问罪发边卫充军
一凡兄与伯叔谋夺弟侄财产官职等项故行杀害者问罪属军卫者发边卫充军属有司者发口外为民仍断给财产一半与被杀家属养贍

殴祖父母父母

凡子孙殴祖父母父母及妻妾殴夫之祖父母父母者皆斩杀者皆凌迟处死过失杀者杖一百流三千里伤者杖一百徒三年○其子孙违犯教令而祖父母父母非理殴杀者杖一百故杀者杖六十徒一年嫡继慈养母杀者各加一等致令绝嗣者绞若非理殴子孙之妇及乞养异姓子孙致令废疾者杖八十笃疾者加一等并令归宗子孙之妇追还嫁妆仍给养贍银一十两乞养子孙拨付合得财产养贍至死者反杖一百徒三年故杀者各杖一百流二千里妾各减二等○其子孙殴骂祖父母父母及妻妾殴骂夫之祖父母父母而殴杀之若违犯教令而依法决罚邂逅致死及过失杀者各勿论

纂注孙殴祖父母子殴父母妻妾殴夫之祖父母父母皆人伦之大变故即坐斩不论其伤之轻重也因殴而故杀之者无分首从皆凌迟处死其预谋服属不同者各依本法若过失伤杀者虽出于无心亦由于不敬故杀者杖一百流三千里伤者杖一百徒三年其子孙违背侵犯教令而祖父母父母不能理喻法罚而横加殴打以致其死者杖一百非有违犯而故杀之者杖六十徒一年嫡继慈养母终于与亲母不同故各加一等因违犯而非理殴杀之者杖六十徒一年故杀者杖七十徒一年半致令绝嗣者绞为其无后也其

祖父母父母或嫡继慈养母非理殴子孙之妇及乞养异姓子孙致令废疾者杖八十笃疾加一等杖九十并令归宗未至于笃疾废疾各勿论也废疾笃疾不能自养故子孙之妇则追还原嫁妆奁仍给养贍银一十两子孙则拨付合得财产养贍其身殴至死则各杖一百徒三年故杀者亦各杖一百流二千里若殴子孙之妾非废疾勿论致令废疾则杖六十笃疾杖七十至杖八十徒二年故杀者杖九十徒二年半故曰各减二等不在归宗追给嫁妆贍银之限也若子孙殴骂祖父母父母及子孙之妇妾殴骂夫之祖父母父母则非罪已不容死因而殴杀之及违犯教令依决罚不意邂逅致死与失而杀之者各勿论

条例

一继母告子不孝及伯叔父母兄姊伯叔祖同堂伯叔父母兄姊奏告弟侄人等打骂者俱行拘四邻亲族人等审勘是实依律问断若有诬枉即与辩理果有显迹伤痕输情服罪者不必行勘

一凡养子过房在十五岁以下恩养年久或十六岁以上曾分有财产配有室家若于义父母及义父之祖父母父母有犯殴骂侵盗恐吓诈欺诬告等项即同子孙取问如律若义父母及义父之祖父母父母殴杀故杀者并以殴杀故杀乞养异姓子孙论若过房虽在十五以下恩养未久或在十六以上不曾分有财产配有室家及于义父之期亲并外祖父母有违犯者并以雇工人论义子之妇亦依前拟岁数如律科断其义子后因本宗绝嗣或应继军伍等项有故归宗而义父母与义父之祖父母无义绝之状原分家产原配若犯义绝及夺其财产妻室与其余亲属不分义绝与否并同凡人论

妻妾与夫亲属相殴

凡妻妾殴夫之期亲以下缌麻以上尊长与夫殴同罪至死者各斩○若妻殴伤卑属与夫殴同至死者绞○若殴杀夫之兄弟子杖一百流三千里故杀者绞妾犯者各从凡鬪法○若尊长殴伤卑幼之妇减凡人一等妾又减一等至死者绞○若弟妹殴兄弟之妻加凡人一等○若兄姊殴弟之妻及妻殴夫之弟妹及弟之妻各减凡人一等若殴妾者各又减一等○其殴姊妹夫妻之兄弟及妻殴夫之姊妹夫者以凡鬪论若妾犯者各加一等○若妾殴夫之妾子减凡人二等殴妻之子以凡人论若妻之子殴伤父妾加凡人一等妾子殴伤父妾又加二等○至死者各依凡人论

纂注凡妻妾殴夫之期亲以下缌麻以上本宗及外姻尊长与其殴之罪同殴而至死则各坐以斩盖虽故杀亦止于斩也不言殴夫之同姓五服已尽亲属者以人凡论若妻殴伤夫之缌麻以上卑属亦与夫殴同罪卑属谓子孙同辈者犹父母同辈而曰尊属也然殴而死则各坐以绞虽夫之堂侄孙及小功侄孙亦绞不得如夫之罪止徒三年及流三千里也夫殴杀兄弟之子止杖一百徒三年若妻妾殴而杀之者则杖一百流三千里故杀者则绞亦不得如夫之止流三千里也不言折伤以上者亦得勿论言故杀夫之兄弟子者绞则凡故杀夫之卑幼不问缌功俱绞例可知矣妾则下于妻者故殴尊长与夫同

罪殴卑幼则从凡人鬪殴之法论明其不得与妻比也若期亲以下缌麻以上尊长此尊长兼妻有之其有殴伤服属卑幼之妇者各减殴凡人之罪一等其不言妻而言妇盖自夫有子道者而自期以下弟之妻俱不与矣若殴卑幼之妾又减殴妇之罪一等通减凡人二等而死者不问妇与妾与妾并绞不言故杀亦止于绞也若期亲弟妹殴兄弟殴兄之妻者加凡人一等其不言妻殴夫兄之妻者罪亦与夫殴同若期亲兄姊殴弟之妻及妻殴夫之弟妹及夫弟之妻者各减凡人一等若殴兄弟之妾者又各减殴兄弟之妻罪一等其不言妻殴夫兄之妾者罪亦与夫殴同不言殴大功以下兄弟之妻者并同凡人论其殴姊妹之夫若妻之兄弟及妻殴年之姊妹夫者并以凡鬪论无服故也若妾犯者则于凡鬪之上加一等罪止流三千里明妾贱于妻也若妾殴夫之妾殴妻之子则以凡人论妻之子异于妾之子也若妻之子殴伤父之妾加凡人一等妾子殴伤父妾又加二等通加凡鬪二等然皆不入于恐凡此皆所以明嫡妾之分也凡弟妹殴兄之妻妾兄姊殴弟之妻妾及妻妾殴夫之弟妹及弟之妻妾若殴姊妹夫妻之兄弟及妻妾夫之姊妹夫妾殴妾之兄弟夫之妾子及妻之子若妻妾之子殴伤父妾其至死者各依凡鬪殴杀人律绞杀者斩其妻妾殴恐夫兄之妻亦同又按弟殴兄之妻妾至死者依凡人论其弟妻殴夫兄之妻妾者掌引妻妾殴夫兄之妻妾依凡人论绞为是又妻妾殴夫之嫁母出母当比依殴夫之伯叔父母与夫殴同罪本生舅姑亦然若殴夫之父妾则同凡人论盖夫殴但加凡人一等耳

殴妻前夫之子

凡殴妻前夫之子谓先曾同居今不同居者减凡人一等同居者又减一等至死者绞○若殴继父者亦谓先曾同居今不同居者杖六十年折伤以上加凡鬪伤一等同居者又加一等至死者斩○其故杀及自来不曾同居者各以凡人论

纂注凡继父殴妻前夫之子若先曾同居今不同居者减殴凡人之罪一等见同居者又减今一同居之罪一等见同居者又减今不同居之罪一等通减凡人二等殴而死者则并坐以绞若妻前夫之子殴先曾同居今不同居继父者杖六十徒不言伤者但殴即坐至折伤以上加凡鬪伤罪一等同居者又各加今不同居罪一等折伤而至笃疾亦罪止杖一百流三千里至死者并斩其同居与今不同居继父若妻前夫之子互相故杀及继父与妻前夫之子自来不曾同居而或相殴伤杀或故杀者各以凡人论殴而至死者绞故杀者并斩盖继父与妻前夫之子原服无服制但以同居尚有恩养之义故律罪如此若故杀者斩其刑已极故彼此俱止于此也

妻妾殴故夫父母

凡妻妾夫亡改嫁殴故夫之祖父母父母者并与殴舅故罪同其旧舅故殴已故子孙改嫁妻妾者亦与殴子孙妇同○若奴婢殴旧家长及家长殴旧奴婢者各以凡人论纂注妻妾被出则夫家之义已绝若夫亡改嫁虽妇节已移而手义未绝于其祖父母父母犹有舅姑之义故殴之者与见奉等之舅姑罪同而故夫之祖父母父母殴已故子孙

改嫁之妻妾者亦与殴子孙妇同自祖父母父母之外则并以凡人论矣奴婢与家长合则有恩散则无义故相殴者并以凡人论

父祖被殴

凡祖父母父母为人所殴子孙实时救护而还殴非折伤勿论至折伤以上减凡鬪三等至死者依常律○若祖父母父母为人所杀而子孙擅杀行凶人者杖六十其实时杀死者勿论

纂注凡祖父母父母被人殴打子孙实时救护而还殴行凶之人者非折伤勿论至折伤以上亦减凡鬪伤罪三等殴而至恐则依常律处绞若祖父母父母被人杀死子孙不告官府而擅杀行凶之人者止杖六十若当时即将其人杀死以复讎者勿论子孙之罪凡此皆指无故被人殴打而言若祖父子孙同谋共殴人则依常人分首从

备考

祖父母父母被尊长殴打子孙不得还殴止宜救护

大明律集解附例卷之二十一

刑律

骂詈

骂人恶言凌曰骂秽言相舛曰詈诸条意与鬪殴同但骂詈情轻故罪亦因之轻也

凡骂人者笞一十互相骂者各笞一十

纂注此骂彼骂人彼此相骂曰互相骂罪止笞一十大诰减尽

骂制使及本管长官

凡奉制命出使而官吏骂詈及部民骂本属知府知州知县军士本管指挥千户百户若吏卒骂本部五品以上长官杖一百若骂六品以下长官各减三等骂佐贰官首领官又各递减一等并亲闻乃坐

纂注凡奉朝廷制命出使于外而所在官吏骂詈之及所部之民骂其本属知府知州知县军士骂其本管指挥千户百户若吏卒骂其本部五品以上衙门长官者俱杖一百若卒骂其六品以下至九品并杂职衙门长官者各减骂五品以上长官之罪三等杖七十若骂佐麻首领官又递减一等如部民骂府州县军士骂卫所及吏卒骂五品以上衙门佐麻官者俱减骂长官罪一等杖九一骂首领官者又减骂佐贰官罪一等杖九十骂首领官者又减骂佐贰官罪一等杖八十吏卒骂本部六品以下衙门佐贰官者通递减四等杖六十骂首领官者通减五等笞五十并官长亲闻乃坐不听指告所以塞谗譖之原也

条例

一凡毁骂公侯驸马伯及两京文职三品以上者问罪枷号一个月发落

一凡在

长安门外等处妄叫冤枉辱骂原问官者问罪用一百斤枷号一个月发落妇人有犯罪

坐夫男若不知情及无夫男者止坐本妇照常发落

佐职统属骂长官

凡首领官及统属官骂五品以上长官杖八十若骂六品以下长官减三等佐贰官骂长官者又减二等并亲闻乃坐

纂注凡本衙门首领官及所统属下司官有骂五品以上长官杖八十若骂六品以下长官者减三等答五十若佐贰官骂者又各减首领官罪二等如骂五品以上长官杖六十骂六品以下长官答三十并亲闻乃坐

奴婢骂家长

凡奴婢骂家长者绞骂家长之期亲及外祖父母者杖八十徒二年大功杖八十小功杖七十总麻杖六十若雇工人骂家长者杖八十徒二年骂家长之期亲及外祖父母者杖一百大功杖六十小功答五十总麻答四十并须亲告乃坐

纂注凡奴婢骂家长者绞骂家长尊卑期亲及外祖父母者杖八十徒二年大功杖八十小功杖七十总麻杖六十雇工人又异于奴婢者故骂家长止杖八十徒二年骂家长之期亲及外祖父母止杖一百大功杖六十小功答五十总麻答四十大功杖六十小功答五十总麻答四十并须亲告乃坐上云亲闻而此曰告者官司闻而经理亲属必告以加刑法因分殊皆所以杜诈害之门也

骂尊长

凡骂总麻兄姊答五十小功杖六十大功杖七十尊属各加一等若骂兄姊者杖一百伯叔父母姑外祖父母各加一等并须亲告乃坐

纂注凡卑幼骂宗及外姻总麻兄姊者答五十小功杖六十大功杖七十其骂尊属与父母同辈如同堂伯叔父母姑及母舅母姨之类及父之出嫁姊妹亦是则各加一等总麻杖六十小功杖七十大功杖八十若骂期亲兄及其在室姊者杖一百骂期亲伯叔伯叔父母与其在堂姑若外祖父母者各加一等杖六十徒一年并须亲告乃坐凡殴骂尊长皆依本律科罪若服制同者亦难从为从减等之例然律无骂嫂之条又不可与凡等之例然律无骂嫂之条又不可与凡人同论但从别拟可也

骂祖父母父母

凡骂祖父母父母及妻妾骂夫之祖父母父母者并绞须亲告乃坐

纂注凡子孙骂祖父母父母及妻妾骂夫之祖父母父母者并绞称祖者曾高同此不言皆者骂本人无首从若殴则不分殴伤者故云皆也

条例

一凡殴骂祖父母父母及夫之祖父母父母告息词者奏

请定夺再犯者虽有息词不与淮理祖父母父母听信后妻爱子蛊惑谋袭官职争夺财产等项捏告打骂者究问明白不拘所犯次数亦与辩理

妻妾骂夫期亲尊长

凡妻妾骂夫之期亲以下缌麻以上尊长与夫骂罪同妾骂夫者杖八十妾骂者罪亦如之若骂妻之父母者杖六十并须亲告乃坐

纂注凡妻妾骂夫之期亲以下缌麻以上内外尊长者与夫骂之罪同科妾贱于妻若骂其夫者杖八十骂正妻者罪亦如之若婿骂妻之父母者杖六十并须亲告乃坐律无妻夫之条者以闺门敌体之义恕之也若犯者拟不应答罪可也

妻妾骂故夫父母

凡妻妾夫亡改嫁骂故夫之祖父母父母者并与骂舅姑罪同○若奴婢骂旧家长者以凡人论

纂注凡妻妾夫亡改嫁而骂故夫之祖父母父母者与骂见奉舅姑罪同并绞若奴婢转卖与人甚义已绝而骂旧日家长以凡人论笞四按妻若夫在被出与夫义绝及姑妇俱改嫁者不用此律又子孙之妇守志在室而骂已改嫁之亲姑者与骂见奉姑同若嫡继慈养母已嫁不在骂姑之例

大明律集解附例卷之二十二

刑律

诉讼

越诉

凡军民词讼皆须自下而上陈告若越本管官司辄赴上司称诉者笞五十○若迎车驾及击登闻鼓申诉而不实者杖一百事重者从重论得实者免罪

条例

一擅入午门长安等门内叫诉冤枉奉旨勘问得实者问罪枷号一个月若涉虚者仍杖一百发口外卫分充军其临特奉旨止将犯人鞫问者所诉情词不分虚实立案不行仍将本犯枷号一个月发落

一凡假以建言为由挟制官府及将暧昧不明奸赃事情污人名节报复私讎者俱问罪文官革职为民武官革职差操旗军人等发边卫民发附近俱充军其有曾经法司并抚按等衙门问断门白意图番异辄于登闻鼓下及长安左右门等处自刎自缢撒泼喧呼者拏送法司追究教唆主使之入从重问拟

一万历七年九月内节奉圣旨近来人情险恶动以私揭害人报复讎怨今后两京及在外抚按监司衙门但有投递私揭者俱不许听理若挟私忌害颠倒是非情重者即便参奏拏问比诬告律反坐钦此

一朝觐听选给由等项人员及解送军匠物料听奏仪宾会试举人岁贡生员人等到京若在京及原籍来京一应亲识闲杂人等设谋奏告欺诈吓取财物者问罪枷号一个月发落原词立案不行

一江西等处客人在于各处买卖生理若有负欠钱债等项事情止许于所在官司

陈告提问发落若有募越赴京奏告者问罪递回奏告情词不问虚实立案不行

一凡土官衙门人等除叛逆机密并地方重事许差本等头目赴京奏告外其余户婚田土等项俱先申合于上司听与分理若不与分理及阿徇不公方许差人奏告给引照回该管上司从公问断若有募越奏告及已奏告文书到后三月不出官听理与已问理不待归结复行奏告者原词俱立案不行其妄捏叛逆重情全诬十人以上并教唆受雇替人妄告与盗空纸用印奏诉者递发该管衙门照依土俗事例发落若汉人投入土夷地方冒顶夷人亲属头目名色代为奏告报讎占骗财产者问发边卫充军

一各处军民词讼除叛逆机密等项重事许其赴京奏告其有亲邻全家被人残害及无主人命官使侵盗系官钱粮并一应干已事情俱要自下而上陈告若有募越奏告者俱问罪除四川行都司所属及云贵两广各给引照回若四川其余地方并南北直隶浙江等处各递回所司听理若将不干已事混同开款奏告者法司参详止将干已事件开款施行其不干已事者明白开款立案不行

一为事官吏军民人等赴京奏诉一应事情审系被人奏告曾经巡抚巡按或两京法司见问未结者仍行原问各该衙门并问归结若曾被人在巡抚巡按官或两京法司具告事发却又朦胧赴隔别衙门告理或隐下被人奏告缘由牵扯别事赴京奏行别衙门勘问者查审明白俱将奏告情词立案不行仍将犯人转发原问衙门收问归结若已经巡抚巡按官或两京法司问结发落人犯赴京奏诉冤枉者方许改调无碍衙门勘问辩理

一亲赍本状并抱奏告者若给引照回案候三个月之上不到及递回中途买脱到彼投首者各查提问罪原词不分虚实俱立案不行其被奏告之人用财买求原奏告人脱逃者仍照词通提究问归结

一犯罪逃走来京奏诉者不分贵两广并四川行都司所属及宣慰宣抚等司军民人等一体问罪递回听理

一各处军民奏诉冤枉事情若曾经巡按御史布按二司官问理及法司查有原行见监重囚或在配所拘役等项令家人抱赍奏告者免其问罪给引照回其被人诬枉重情见监未结法司查无原行者并军役户婚田土等项干已事情曾经上司断结不明或亲身及令家人老幼妇女抱赍奏告者各问罪给引照回奏词转行原籍官司候人到提问

一军民人等干已词讼若无故不行亲赍并隐下壮丁故令老幼残疾妇女家人抱赍奏诉者俱各立案不行仍提本身或壮丁问罪

一曾经考察考核被劾人员若怀挟私忿妄捏摭给经该官员别项赃私不干已事奏告以图报复者不分见任致仕闲住文官问发为民武官问革差操奏告情词不问虚实立案不行

一文武官吏人等犯该为民等项罪名不分已未结正伸诉冤枉者准行辩理其有

妄奏冤枉摭拾原问官员勘问涉虚原问为民者发口外为民原问差操者发边卫差操原问充军者发极边卫所充军

一凡募越赴京及赴巡抚巡按按察司官处各奏告叛逆等项机密重事不实并全诬十人以上属军卫者发边卫充军属有司者发口外为民

一在外刁徒身背黄袱头插黄旗口称奏诉直入衙门挟制官吏者所在官司就拏送问若系干己事情及有冤枉者照常发落不系干己事情别无冤枉并追究主使之人一体问罪属军卫者俱发边卫充军属有司者俱发口外为民

投匿名文书告人罪

凡投隐匿姓名文书告言人罪者绞见者即便烧毁若将送入官司者杖八十官司受而为理者杖一百被告言者不坐若能连文书捉获解官者官给银一十两充赏告状不受理

凡告谋反叛逆官司不即受理掩捕者杖一百徒三年以致聚众作乱攻陷城池及劫掠人民者斩若告恶逆不受理者杖一百告杀人及强盗不受理者杖八十鬪殴婚姻田宅等事不受理者各减犯人罪二等并罪止杖八十受财者计赃以枉法从重论○若词讼元告被论在两处州县者听元告就被论官司告理归结推故不受理者罪亦如之○若都督府各部监察御史按察司及分司巡历去处应有词讼未经本管官司陈告及本宗公事未绝者并听置簿立限发当该官司追问取具归结缘由勾销若有迟错不即举行改正者与当该官吏同罪其已经本管官司陈告不为受理及本宗公事已绝理断不当称诉冤枉者各衙门即便勾问若推故不受理及转委有司或仍发元问官司收问者依告状不受理律论罪○若追问词讼及大小公事须要就本衙门归结不得转委违者随所告事理轻重以坐其罪谓如所告公事合得杖罪坐以杖罪合得笞罪坐以笞罪死罪已决放者同罪未决放减等徒流罪抵徒流

听讼回避

凡官吏于诉讼人内关有服亲及婚姻之家若受业师及旧有讎嫌之人并听移文回避违者笞四十若罪有增减者以故出入人罪论

诬告

凡诬告人笞罪者加所诬罪二等流徒杖罪加所诬罪三等各罪止杖一百流三千里若所诬徒罪人已役流罪人已配虽经改正放回验日于犯人名下追征用过路费给还若曾经典卖田宅者着落犯人备价取赎因而致死随行有服亲属一人者绞将犯人财产一半断付被诬之人其被诬之人致死亲属一人者犯人虽处绞仍备偿路费取赎田宅又将财产一半断付被诬之人养贍至死罪所诬之人已决者反坐以死其被诬之人已经处决者犯人虽坐死罪亦令备偿路费取赎田宅断付财产一半养贍其家未决者杖一百流三千里加役三年○其犯人如果贫乏无可备偿路费取赎田宅亦无财产断付者止科其罪○其被诬之人诈冒不实反诬犯人者亦抵所诬之罪犯人止反坐本

罪谓被诬之人本不曾致死亲属诈作致死或将他人死尸冒作亲属诬赖犯人者亦抵绞罪犯人止反坐诬告本罪不在加等备偿路费取赎田宅断付财产一半之限若告二事以上重事告实轻事招虚及数事罪等但一事告实者皆免罪○若告二事以上轻事告实重事招虚或告一事诬轻为重者皆反坐所剩若已论决全抵剩罪未论决笞杖收赎徒流止杖一百余罪亦听收赎谓诬轻为重至徒流罪者每徒一等折杖二十若从徒入流者三流并准徒四年皆以一年为所剩罪折杖四十若从近流入至远流者每流一等准徒半年为所剩罪亦各折杖二十收赎者谓如告一人二事一事该笞五十是虚一事该笞三十是实即于笞五十上准告实笞三十外该剩下告虚笞二十赎铜钱一贯二百文或告一人一事该杖一百是虚一事该杖六十是实即于杖一百上准告实杖六十外该剩下告虚杖四十赎铜钱二贯四百文及告一人一事该杖一百徒三年是虚一事该杖八十是实即于杖一百徒三年上准告实杖八十外该剩下告虚杖二十徒三年之罪徒五等该折杖一百通计杖一百二十反坐元告人杖一百余剩杖二十赎铜钱一贯二百文又如告一人一事该杖一百流三千里于内问得止招该杖一百三流并准徒四年通计折杖二百四十反坐元告人杖一百余剩杖四十赎铜钱二贯四百文之类若已论决并以剩罪全科不在收赎之限至死罪而所诬之人已决者反坐以死未决者止杖一百流三千里○若律该罪止者诬告虽多不反坐谓如告人不枉法赃二百贯一百二十贯是实八十贯是虚依律不枉法赃一百二十贯以上罪止杖一百流三千里即免其罪○其告二人以上但有一人不实者罪虽轻犹以诬告论谓如有人告三人二人徒罪是实一人笞罪是虚仍以一人笞罪止加二等反坐元告之类○若各衙门官进呈实封诬告人及风宪官挟私弹事有不实者罪亦如之若反坐及加罪轻者从上书诈不实论○若狱囚已招伏罪本无冤枉而囚之亲属妄诉者减囚罪三等罪止杖一百若囚已决配而自妄诉冤枉摭拾元问官吏者加所诬罪三等罪止杖一百流三千里

纂注此条作四段看自诬告起至加役三年以无罪全诬者言自若告二事以上至犹以诬告论以有罪而诬告者言若各衙门官一节又通有罪无罪言末节专自己问结者言之大意谓全诬者不折杖诬重者依律折杖全诬至死未决者不折杖又加役诬重至死未决者不折杖亦不加役也首节加等不论已决配未决配皆加等验日追征路费谓计日之久近非如雇工钱每日六十文之说典卖田宅指典卖而作路费者故令取赎耳致死随行亲属必全诬者方坐绞诈冒不实专就致死上说剩罪谓应得罪名之外皆为剩罪反坐所剩即下已论决未论决二项折杖法详见小注未论决笞杖徒流皆折杖杖一百以下俱收赎杖一百以上止杖一百余罪收赎若已论决至徒流亦折杖随杖数多少折算不准收赎如未过杖一百俱的决过杖一百者以杖准徒如杖一百二十准杖六十徒一年之类至若折杖该杖一百三十则杖六十徒一年之外又余杖一十者观名例所载笞一十赎铜钱六百文雇工钱一日该钱六十文则杖一下徒一日该铜钱六十文故杖十下准徒十日如杖一百三十准杖六十徒一年零十日之类是也小注云

从徒入流之徒皆指徒三年者言故得皆以一年为所剩罪折杖四十而三流皆同一科若从近流至远流则每一等准徒半年折杖二十三等流共该折杖六十也未决者止杖一百流三千里止字非罪止之止为不加役而言各衙门官通大小而言风宪官通科道按察司言盖告人不以实曰诬而诬告事情又有轻重故诬告人笞罪加所诬罪二等如诬告人笞一十加二等则坐以笞三十之类若诬告人系流或徒或杖罪者则所诬重矣加所诬罪三等诬告人杖六十加三等则坐原告杖九十诬告人杖六十徒一年加三等则杖九十徒二年半若诬告人流三千里以上亦各罪止杖一百流三千里不得加入于死若所被诬之徒罪人已着役流罪人已发配其后虽经诉辩改正其罪被诬之人已经放回必须计验其徒流日月之久近于犯人名下追征被诬人用度路费给还若曾典卖田宅作为路费着落犯人备价取赎若因被诬告而致死被诬人所应随行有服亲属一人者犯人坐绞仍令备偿路费取赎田宅给还又将犯人财产一半断付被诬之人养贍曰随行有服则致死不应随行及无服之亲者勿论盖律犯流妻妾从之父祖子孙欲随者听父祖子孙之外则不听其随行矣况无服之亲乎若诬告人致死罪而所诬之人或斩绞凌迟处决其后或因人告发或因亲属辩诉犯人反坐以原诬之死罪乃令备偿路费取赎田宅给产养贍其家若所诬之人未决者犯人杖一百流三千里仍于流所加拘役三年仍总徒不得过四年不坐流者惜其生加役者恶其情也其诬告人徒流死罪若犯人如果贫难无可备偿路费取赎田宅亦无财产断付者止科其罪其被诬已经役配之人理虽得直但不曾致死亲属诈作致死或将他人死尸冒作亲属而反诬犯人者亦抵诬人致死随行有服亲属之罪已决者绞未决者杖一百流三千里而犯人止坐本诬告人徒流之罪不在加等及备偿取赎断付之限此以上皆自全诬抵坐之罪言之若不系全诬但告二事以上重事告实轻事告虚及告数事其罪相等中间但有一事告实原告皆得免坐罪盖其事虽有诬其罪实无所加也故曰皆免罪若告一人二事以上轻事告实重事招虚或告一人一事本轻而诬作重事此虽非全诬而皆过于所应得之罪则笞杖徒流皆折杖科之而以其所剩之罪反坐诬告之人如告人笞二十止笞一十得实则余笞一十为所剩告人杖七十止杖六十得实则余杖一十为所剩告人杖七十徒一年半止杖六十徒一年是实则余杖一十徒半年为所剩告人杖一百流二千五百里止杖一百流二千里得实则余流一等为所剩之类凡所剩者皆为所诬矣故反坐之然反坐之罪若所诬之人笞杖已的决徒已役流已配则原告全抵剩罪笞杖的决徒流先折杖而以杖数准徒抵坐不许收赎若虽经问理尚未论决系笞杖者照所剩笞杖之数收赎如小注云告人二事一事该笞五十是虚一事该笞三十是实即于笞五十上准告实笞三十外该剩下告虚笞二十许收赎铜钱一贯二伯文或告一人一事该杖一百是虚一事该杖六十是实即于杖一百上准告实杖六十外该剩下告虚杖四十赎铜钱二贯四伯文之类系徒与流者照所剩徒流之等类折杖连所包杖数折算若折杖过一百者止杖一百余杖亦听收赎如告人一事该杖一百徒三年是虚一事该杖八十是实即于

杖一百徒三年上准告实杖八十外该剩下告虚杖二十徒三年之罪徒五等该折杖一百通计杖一百二十反坐原告人杖一百余剩杖二十赎铜钱一贯二伯文又如告一人一事该杖一百流三千里于内止杖一百是实三流并准徒四年通计折杖二百四十除告实杖一日剩杖一百四十反坐告人杖一百余杖四十赎铜钱二贯四伯文之类若诬重至死罪而所诬之人已行处决者照凌迟斩绞反坐原告人以死未决者止杖一百流三千里不在加役之限夫诬告致死一也而此不言加役何也盖死之罪未决是全诬平人于死故虽流犹不足示戒而又加役三年此则被诬者不免于罪特不合诬至于死耳故但流而不加役也若律该罪止者如不枉法赃一百二十贯以上罪止杖一百流三千里之类则诬告虽多于一百二十贯而其罪无所加故不反坐此所告在一人者则然至告二人以上虽皆得实但其中有一人不实者罪虽至轻如笞一十者犹以诬告加二等科罪之类以上俱自诬重反坐之罪言之至若各衙门军民大小官诬捏事情进呈实封至御前诬告人及风宪官怀挟私讎弹劾人事情有不实者亦各论如诬告或诬轻为重笞杖徒流死罪之律或加等或反坐所剩或全抵剩罪或加役或不加役也若反坐加等之罪轻于杖一百徒三年者依上书诈不以实科断杖一百徒三年盖杜其欺君之渐故重于凡民也若狱囚已招服罪本无冤枉而囚之亲属妄为出名辩诉冤枉者亲属减囚之罪三等坐之亦罪止杖一百谓其于义得相容隐也若囚罪笞杖已决徒流已配而自行妄诉冤枉摭拾原问官吏谓其挟私故入已罪以肆行诬陷者加所诬原问官吏罪三等罪止杖一百流三千里若在役限之内妄诉者当从已徒而又犯徒律科之按徒流已论决者或云亦折杖随所剩杖数多少全决之不坐徒流夫至重者为民命死罪已决者尚抵以死未决者亦止减一等而谓徒流不全抵可乎或又云律谓未论决徒流止杖一百则其已论决者当无止法乎此又非律意也盖所诬者若系杖一百流三千里而告实止笞一十其剩杖二百三十亦将全决之乎圣人制律所以生民非所以杀民不得已而用之者也使可全决则律以惩奸将无制限而杖可过一百矣今决杖何止曰一百而一百之外即减杖加徒耶正以笞轻于杖故加以杖而杖一百之外又难复加故立徒流之法耳其所谓止者止谓其杖一百之外不可复加之意也不然民吾赤子而肆然加以二百三十之杖其不就毙者百无一人耳岂圣人仁民爱物之心哉又按此收赎与老幼妇女收赎不同者彼徒流皆直照徒年限收赎此徒流皆杖照杖数收赎故也

诬告

全诬凡全诬者不用折杖不论已决未决

笞 议得赵甲所犯若告钱乙将伊骂辱得实钱乙合坐以骂人律笞一十今虚依诬告人笞罪者加所诬罪二等律笞三十减等笞二十的决宁家

杖 议得赵甲所犯若告钱乙饮酒撒泼得实钱乙合坐以不应事重律杖八十今虚依诬告人杖罪加所诬罪三等律杖六十徒一年减等杖一百的决宁家徒流亦如此议

死罪未决

议得赵甲所犯若告钱乙偷盗粮价银五两得实钱乙合坐以常人盗官物八十贯律绞今虚依诬告人死罪未决律杖一百流三千里减等杖一百徒三年做工满日随住 虽准徒已发做工亦坐未决议加役三年近有例准徒四年亦未见引用

死罪已决

议得赵甲所犯合依诬告人死罪已决者反坐以死律绞秋后处决

反诬犯人

议得赵甲等所犯赵甲若告钱乙因伊诬告杖一百徒三年将侄赵丁累死得实钱乙合坐以诬告人因而致死随行有服亲属一人律绞今虚依被诬之人诈冒不实反诬犯人者亦抵所诬之罪至死未决律杖一百流三千里钱乙依犯人止反坐本罪律杖一百徒三年俱减等赵甲杖一百徒三年钱乙杖九十徒二年半俱送做工满日随住此备一体耳作招时躲闪得过即不必用盖必不得已而后用之也

诬轻为重及轻事告实重事招虚反坐所剩未论决至徒流有折杖凡杖一百以下俱收赎杖一百以上止杖一百余罪收赎已论决至徒流亦有折杖但随杖数多寡决之不用收赎故曰全抵剩罪也故杖一百以杖准徒如杖一百二十准杖六十徒一年杖一百四十准杖七十徒一年半之类其零杖不可总算者观名例所载笞一十赎铜钱六百文雇工钱一日为铜钱六十文则一下之杖一日之徒皆铜钱六十文故杖六十下可以准徒十日可知如杖一百三十准杖六十徒一年零十日杖一百五十准杖七十徒一年半零十日之类必如此扣算庶乎不差也从徒入流者注云三流并准四年皆以一年为所剩罪折杖四十则杖一百流二千里流二千五百里三千里皆折杖二百四十无疑惟近流入远流注云每一等准徒半年为所剩罪亦各折杖一百流二千里折杖二百二十杖一百流二千五百里折杖二百四十杖一百流三千里折杖二百六十又无疑也毫厘之差千里之谬不可不辩又诬轻为重本是一事如诬小不应为大不应诬窃盗得财一百贯为一百二十贯之类轻事告实重事招虚则非一事矣如诬不应为奏事不实诬骂人为殴人之类二者尤易混淆读律者当详辩之

笞入笞

未决

议得赵甲所犯若告钱乙行凶攘闹得实钱乙合坐以不应得为而为之事理律笞四十今止坐钱乙骂人笞一十是实合依轻事告实重事招虚反坐所剩律笞三十减等笞二十系剩杖依律收赎随住

已决

依轻事告实重事招虚反坐所剩已论决全抵剩罪律笞三十减等笞二十的决随住笞入杖亦照此议

笞入徒

未决

议得赵甲所犯若告钱乙打折伊左臂得实钱乙合坐以折人肢律杖一百徒三年折杖二百今止告钱乙以手殴人成伤笞三十是实依诬轻为重反坐所剩律杖一百七十止杖一百余罪收赎减等杖九十的决寔家

已决

依诬轻为重反坐所剩律杖一百七十准杖八十徒二年零十日减等杖七十徒一年半零十日做工满日寔家

笞入流

未决

议得赵甲等所犯赵甲若告钱乙将伊两腿打折得实钱乙合坐以折人两腿律杖一百流三千里折杖二百四十今止告钱乙以他物殴人成伤笞四十是实合依诬轻为重反坐所剩律杖二百止杖一百余罪收赎钱乙以他物殴人成伤律笞四十俱减等赵甲杖九十钱乙笞三十各的决寔家

已决

依诬轻为重反坐所剩律杖二百准杖一百徒三年钱乙依以物殴人成伤律四十俱减等赵甲杖九十徒二年半钱乙笞三十赵甲做工钱乙已经论决勿论各随住

杖入杖杖入徒杖入流亦如笞议

徒入徒

未决

议得钱乙等所犯钱乙依窃盗已行而但得财者七十贯律杖八十徒二年赵甲若告钱乙偷盗伊银一两得实钱乙合坐以窃盗得财八十贯律杖九十徒二年半折杖一百八十今止告钱乙杖八十徒二年折杖一百六十是实合依诬轻为重反坐所剩律杖二十俱减等钱乙杖七十徒一年半赵甲杖一十钱乙做工赵甲系剩杖依律收赎随住

已决

俱减等钱乙杖七十徒一年半赵甲杖一十查得赵甲先诬钱乙减得杖八十徒二年已经论决送工部做工半年今辩得钱乙止坐杖七十徒一年半合将钱乙多决过杖一十准徒十日仍送工部贴徒一年五个月零二十日赵甲的决各着役

徒入流

未决

议得钱乙等所奏钱乙依犯事诈不以实律杖一百徒三年赵甲若告钱乙发掘伊父赵丙坟冢暴露棺槨得实钱乙合坐以发冢见棺槨律杖一百流三千里折杖二百四十今止告钱乙杖一百徒三年折杖二百是实依轻事告实重事招虚反坐所剩律杖四十俱减等钱乙杖九十徒二年半赵甲杖三十钱乙送工部做工满日赵甲系剩杖依律收赎各随住

已决

俱减等钱乙杖九十徒二年半赵甲杖三十查得钱乙先被赵甲诬告杖一百流三千里已论减等杖一百徒三年送工部做工一个月未满足今辩得钱乙止坐杖九十徒二年半合将多决过杖一十准徒十日仍送工部贴徒二年四个月零二十日满日赵甲的决各随住

近流入远流

未决

议得赵甲等所犯钱乙依窃盗已行而但得财者一百一十贯律杖一百流二千五百里赵甲若告钱乙偷盗伊银二两得实钱乙合坐以窃盗得财者一百二十贯律杖一百流三千里折杖二百六十今止告钱乙杖一百流二千五百里折杖二百四十得实合依诬轻为重反坐所剩律杖二十俱减等钱乙杖一百徒三年赵甲杖一十钱乙虽辩前罪缘二死三流同为一减仍照先拟徒限做工赵甲系剩杖依律收赎各随住

已决

余俱照前拟赵甲的决

条例

一诬告人因而致死被诬之人委系平人及因拷禁身死者比依诬告人因而致死随行有服亲属一人绞罪奏请定夺若诬轻为重及虽全诬平人却系患病在外身死者止拟应得罪名发落

一军旗有欲陈告运官不法事情者许候粮运过淮并完粮回南之日赴漕司告理如赴别衙门挟告诈财者听把总官就拏送问犯该徒罪以上调发边卫充军另拘户丁补伍

一各处刁军刁民专一挟制官吏陷害良善起灭词讼结党捏词缠告把持官府不得行事等项情犯深重者民发附近军发边卫充军仍于本地方枷号三个月发落若原系充军口外为民人犯遇例放回原籍有前项罪犯者各枷号三个月发极边卫分充军

一各处奸徒串结衙门人役假以上司访察为由纂集事件挟制官府陷害良善或诈骗财物或报复私讎名为窝访者事发勘问得实依律问罪用一百二十斤枷枷号两个月发落该徒流者发边卫充军

一凡无籍棍徒私自串结将不干已事情捏写本词声言奏告恐吓得财计赃满贯者不分首从俱发边卫充军若妄指官禁亲藩为词诬害平人者不分首从枷号三个月照前发遣

干名犯义

凡子孙告祖父母父母妻妾告夫及夫之祖父母父母者杖一百徒三年但诬告者绞若告期亲尊长外祖父母虽得实杖一百大功杖九十小功杖八十缙麻杖七十其被告期亲大功尊长及外祖父母若妻之父母并同自首免罪小功缙麻尊长得减本罪三

等若诬告重者各加所诬罪三等加罪不至于死若所诬尊长徒罪已役流罪已配虽经改正放回依诬告人律验日于犯人名下追征用过路费给还若曾经典卖田宅者着落犯人备价取赎因而致死随行有服亲属一人者绞仍令备偿路费取赎田宅又将犯人财产一半断付被诬之人养贍至死罪所诬之人已决者处死亦令备偿路费取赎田宅断付财产一半养贍其家未决者杖一百流三千里加徒三年其告谋反大逆谋叛窝藏奸细及嫡母继母慈母所生母杀其父若所养父母杀其所生父母及被期亲以下尊长侵夺财产或殴伤其身应自理诉者并听告不在干名犯义之限○若告卑幼得实期亲大功及女婿亦同自首免罪小功缌麻亦得减本罪三等诬告者期亲减所诬罪三等大功减二等小功缌麻减一等若诬告妻及妻诬告妾亦减所诬罪三等○若奴婢告家长及家长缌麻以上亲者与子孙卑幼罪同若雇工人告家长及家长之亲者各减奴婢罪一等诬告者不减○其祖父母父母外祖父母诬告子孙外孙子孙之妇妾及己之妾若奴婢及雇工人者各勿论○若女婿与妻父母果有义绝之状许相告言各依常人论义绝之状谓如身在远方妻父母将妻改嫁或赶逐出外重别招婿及容止外人通奸又如本身殴妻至折伤抑妻通奸有妻诈称无妻欺妄更娶妻以妻为妾受财将妻妾典雇妄作姊妹嫁人之类

纂注但诬告者绞则不论诬轻为重招虚等项俱坐绞不言妾诬妻包在期亲尊长内并同自首而不及祖父母以下等项举轻以见重也诬告重者谓所诬尊长之事重于干名犯义之杖一百等项罪名此卑幼诬告尊长即于其所告罪名上加等皆如凡人但加罪三等耳不当于凡人加诬之罪上又加之然亦不可于尊长减罪上加之盖律云期亲大功同自首免罪小功缌麻得减本罪三等若于减罪上加诬则告期亲大功者免罪之上无复有加三等之理而告小功缌麻者虽加犹不加矣告谋反逆叛窝藏奸细通祖父母父母言不在干名犯义之限诸书皆谓卑幼既不系干犯则被告自期以下不得如自首免减非也律之所云非不干犯名义之谓犹言当恕其干犯名义之罪云尔期亲以下亲当各依律科断不用容隐免罪之律家长缌麻以上亲二亲字兼尊卑言自奴婢视之虽卑亦尊也末节小注中容止通奸以上言妻父母有义绝之状自折伤以下言女婿有义绝之状此条当与亲属得兼容隐及犯罪自首二条参看言凡子孙告祖父母父母妻妾告夫及夫之祖父母父母者告虽得实亦杖一百徒三年但诬告不问事之大小即坐绞若卑幼告期亲尊长及外祖父母虽告得实亦杖一百告大功杖九十小功杖八十缌麻杖七十其被告之期亲大功尊长及外祖父母父母若妻之父母虽得实并同自首免罪小功缌麻尊长得减所告实之本罪三等不言无服之亲者依名例律减一等诬告尊长计所反坐之罪重于告期亲尊长等之杖一百杖九十八十七之罪者各加所诬之罪三等如告期亲尊长该杖六十徒一年是重于杖一百则于所诬杖六十徒一年上加三等该杖九十徒二年半之类其加罪不至于死若所诬尊长徒罪已役流罪已配死罪已决及致死随行亲属者其流罪财产各如小注仍尽诬告本法科断死罪未决者

杖一百流三千里又加役三年而不得同于凡人也盖名分所系义得容隐既相告言是干犯也故不得不重其罪至子孙及妻妾卑幼告言祖父以下尊长谋反大逆谋叛窝藏奸细是干国家不得为亲者讳及嫡母继母慈母所生母杀其父若恩养父母杀其本生父母又人伦之变当各为其所重及期亲以下尊长侵夺其财产及殴伤其身体是亦身家所系情不容已皆应自理诉者并听告言被告者虽各依律科断而子孙不在干名犯义杖一百徒三年等项之限此又法外之情也以上皆言卑幼告尊长之罪若期亲以下尊长告卑幼得实卑幼系期亲大功及女婿所告之事得实亦同自首免罪小功缌麻亦得减本罪三等如告笞四十减三等笞一十之类为其亲属故减之也若尊长告卑幼系诬告者期亲减所诬罪三等如诬告笞四十减三等亦坐一十之类大功减二等小功缌麻各减一等为其尊属故减之也若夫诬告妻及妻诬告妾亦减所诬罪三等至若奴婢告言家长及家长缌麻以上亲与子孙卑幼罪同告家长得实者杖一百徒三年诬者绞告期亲者杖一百大功杖九十小功杖八十缌麻杖七十诬重者加所诬罪三等若雇工人终系异姓与奴婢为有间矣故告家长及家长缌麻以上亲得实者各减奴婢罪一等如告家长杖九十徒二年半之类至诬者不减系家长亦绞期亲以上亦各加所诬三等又不得减奴婢一等也不言家长之妻同家长论其祖父母父母外祖父母诬告子孙外孙子女之妇妾及己妾若诬告奴婢及雇工人者各得勿论其名义尤尊也不言诬女婿者在缌麻中矣若女婿与妻之父母果有义绝之状如小注所云妻父母将妻改嫁之类夫妻以义合义绝则凡人矣许其互相告言所犯各依常人论断不在干名犯义及得同自首与杖七十之限也

按告期亲以下尊长虽得实亦坐杖一百等罪明其不同于凡人也而全诬乃亦如凡人加三等何也盖凡人已坐其罪而尊属大功以上俱同自首免科小功以下又减三等故止加三等而实与凡人相远矣

子孙违犯教令

凡子孙违犯祖父母父母教令及奉养有缺者杖一百谓教令可从而故违家道堪奉而故缺者须祖父母父母亲告乃坐

纂注此条小注要看言凡祖父母父母有所教训命令而子孙故违犯不遵从及奉养祖父母父母而有缺失盖教令可从而故违是为逆命家道堪养而故缺是为失养皆非孝子顺孙矣故杖一百然须亲告乃坐非亲告者勿论夫曰教令可从曰家道堪奉则教令非义及家道贫难者虽亲告亦不得一槩治之也

见禁囚不得告举他事

凡被囚禁不得告举他事其为狱官狱卒非理凌虐者听告若应囚禁被问更首别事有干连之人亦合准首依法推问科罪○其年八十以上十岁以下及笃疾者若妇人除谋反逆叛子孙不孝或己身及同居之内为人盗诈侵夺财产及杀伤之类听告余并不得告官司受而为理者笞五十

纂注他事是他人之事更首别事是自己之事是别言余罪更首重事之意杀伤二字兼人已说言凡犯罪见被囚禁之人不得告举别项之事惟被狱官狱卒非理凌虐如殴伤其身及克减衣粮之类是害为切身方听告理若应囚禁见被鞫问而更自首别事如因殴伤人被禁而又首曾争某人田宅之类其词内有干连追对之人官司亦合准首依法勾提推问以科其罪外此俱不得准首其有人年八十以上十岁以下及患笃疾之人若妇人此四等人惟告谋反逆叛子孙不孝或己身及同居之内为人盗诈侵夺其财产及有所杀伤之类是事情重大患害迫切方许告理其余并不准告若官司有将禁囚及老幼笃疾妇人不应当首告事情准受而问理者笞五十是何也名例律云犯罪已发而又犯罪从重科断曰见被囚禁是犯罪已发之人也又云老幼笃疾犯杀人应死者奏诸上裁盗及伤人收赎余并勿论又云妇人止杖一百余罪收赎此等之人若听其告首则恃其罪轻易于诬陷是长奸也故设此律以防之

教唆词讼

凡教唆词讼及为人作词状增减情罪诬告人者与犯人同罪若受雇诬告人者与自诬告同受财者计赃以枉法从重论其见人愚而不能伸冤教令得实及为人书写词状而罪无增减者勿论

纂注教唆谓人本无欲告状之心而背地教令唆使其告状也受财者句总承上说其见人愚以下要看得实与无增减字服此言凡他人本不欲告状而乃教唆人兴构词讼及替人作写词状而将原告欲诉之真情被告合得之罪犯或增或减于各衙门诬告他人者与犯人同罪随犯人所得反坐笞杖徒流之罪或加等或全抵或收赎或加役同一科断至死已决者减一等杖一百流三千里其为亲属诬者亦从本法若受人雇倩而冒本人姓名为其诬告人者与自己诬告人之罪反坐加等加役之罪同至死已决者亦抵以死若受财而为其作词状以诬人与受人雇直而诬告人者又计其所入己之赃以枉法从重论赃重则从赃论轻则从诬告论夫曰教唆增减则失实矣曰受雇受财则有赃矣故不得不重治之也若初非教唆但见人愚昧而不能伸诉冤枉而教令之于其事情皆得其实及虽为人书写词状而于罪人初无所增减者各勿论盖既不诬人又不受财于情可原故于法得贷也此条今有例充军矣

按律不言雇人诬告者之罪盖诬告之罪既坐受雇之人则雇无重罪之理律疏文依有事以财行求科断可从

条例

一代人捏写本状教唆或扛帮赴京及赴巡抚巡按并按察司官处各奏告叛逆等项机密强盗人命重事不实并全诬十人以上者俱问发边卫充军

一凡将本状用财雇寄与人赴京奏诉者并受雇受寄之人属军卫者发边卫充军属有司者发口外为民其在京校尉军匠舍余人等并各处因事至京人员将原籍词讼因便奏告者各问罪原词俱立案不行

军民约会词讼

凡军官军人有犯人命管军衙门约会有司检验归问若奸盗诈伪户婚田土鬪殴与民相干事务必须一体约问与民不相干者从本管军职衙门自行追问其有占吝不发首领官吏各答五十○若管军官越分辄受民讼者罪亦如之

纂注此条律意重在有司一边占吝不发兼军民官言各字指官吏盖言军官军人有犯该死罪事情重大虽与民人无相关涉其管军衙门必须约会有司检验明白仍于原问衙门归结若军官军人犯该奸与盗及诈伪户口婚姻田土鬪殴等项其事情稍轻与民人相干涉者必须一体约会有司问理其与民不相干涉者听从本管军职衙门自行追问不必约会若军官行提民人民官行提军人而军民衙门占留吝惜不发问理者军民首领官并吏典各答五十若管军官有踰越本等职分辄受民人一应词讼者其罪亦如占吝之律答五十故曰罪亦如之夫相干者约会占吝者答罪则彼此相济而偏护不生属军者许其追问属民者禁其辄受则事归一而军民不扰此法之至精者也

条例

一在外军民词讼除叛逆机密重事许镇守总兵参将守备等官受理外其余不许滥受辄行军卫有司问理南京词讼干系地方者许内外守备官员受理其余户婚田土鬪殴人命一应词讼悉遵旧制赴南京通政使司告送法司问理其在外军卫有司不系掌印官不许接受词讼

一正德十六年七月十四日节该钦奉世宗皇帝圣旨今后缉事官校只着遵照原来敕书于京城内外察访不轨妖言人命强盗重事其余军民词讼及在外事情俱不干预钦此

官吏词讼家人诉

凡官吏有争论婚姻钱债田土等事听令家人告官对理不许公文行移违者答四十

纂注此言军民衙门见任见役之官吏其有争论婚姻钱债田土等项事情听令官吏之家人出名告官理对不许官吏自以印信公文行移追问盖公文行移本系公事婚姻等项皆为私事以公文而行私事不免恃势以凌人故违者官吏各答四十此止言婚姻等项举轻事也而重事可知矣

诬告充军及迁徙

凡诬告充军者民告抵充军役军告发边远充军○若官吏故将平人顶替他人军役者以故出入人流罪论杖一百流三千里○若诬告人说事过钱者于迁徙比流减半准徒二年上加所诬罪三等并入所得笞杖通论

纂注首节充军只是律上充军者引例充军者不抵然必全诬乃坐顶替他人军役是原有人该充军而将此人顶替之故脱军者为出替军者为入也此与上节不分已未发遣皆坐盖照诬告徒流反坐法也三节所诬加三等止于迁徙所准之徒罪加之

笞杖只照说事过钱律中原数不得复加所谓加徒不加杖也迁徙有数条而独举说事过钱者特举以见义耳盖充军下死罪一等在法中为至重也故凡诬告人充军者系民诬告者抵充所告军役系军诬告者调发边远充军若官吏故将无干平人顶替他人军役者以故出入人流罪论杖一百流三千里官吏并罪坐所由至迁徙又五刑之外具法亦匪轻也若诬告说事过钱律该迁徙者本人合坐以迁徙比流减半准徒二年于徒二年前上加三等流二千里又并入原律所得有禄人减一等无禄减二等之笞杖通论如诬告人说事过钱该笞五十即将笞五十并入流二千里内通论合坐以笞五十流二千里不得于笞上加诬也如该杖七十即将杖七十并入流二千里通论合以杖七十流二千里不得于杖上加诬也故曰并入通论按疏议云年七十以上十五以下废疾之人诬告人充军者既不可以抵充当如官吏将平人冒顶军役以故出入流罪收赎钞三十六贯盖准名例也于义为可从又按诬告说事过钱者大诰项下减杖仍减流二千里从徒三年算若真犯说事过钱者止合减杖而徒二年又不必减也此处当有别

大明律集解附例卷之二十三

刑律

受赃

官吏受财

凡官吏受财者计赃科断无禄人各减一等官追夺除名吏罢役俱不叙○说事过钱者有禄人减受钱人一等无禄人减二等罪止杖一百各迁徙有赃者计赃从重论

有禄人

枉法赃各主者通算全科谓受有事人财而曲法处断者如受十人财一时事发通算作一处全科其罪

一贯以下杖七十

一贯之上至五贯杖八十

一十贯杖九十

一十五贯杖一百

二十贯杖六十徒一年

二十五贯杖七十徒一年半

三十贯杖八十徒二年

三十五贯杖九十徒二年半

四十贯杖一百徒三年

四十五贯杖一百流二千里

五十贯杖一百流二千五百里

五十五贯杖一百流三千里

八十贯绞

不枉法赃各主者通算折半科罪谓虽受有事人财判断不为曲法者如受十人财一时事发通算作一处折半科罪

一贯以下杖六十

一贯之上至一十贯杖七十

二十贯杖八十

三十贯杖九十

四十贯杖一百

五十贯杖六十徒一年

六十贯杖七十徒一年半

七十贯杖八十徒二年

八十贯杖九十徒二年半

九十贯杖一百徒三年

一百贯杖一百流二千里

一百一十贯杖一百流二千五百里

一百二十贯罪止杖一百流三千里

无禄人

枉法一百二十贯绞

不枉法一百二十贯之上罪止杖一百流三千里

纂注官吏受财兼枉法不枉法说各字亦然若各迁徙各字则指有禄无禄人言此官吏俱指见任见役者无禄人谓不在官人及凡俸米不及一石者如三司运司府州县典吏之类皆是说事过钱亦兼枉法不枉法说或云若过不枉法赃止问不应非也枉法不枉法小注云受有事人财而曲法处断又云虽受财判断不为曲法非谓专指治狱之所在凡有所枉者即是此言凡内外军民衙门其有因事而接受人财物者各计其入己枉法不枉法之赃依律科断其无禄之人受财者枉法不枉法各减有禄人一等官则追夺其原领诰徠除去其官籍之名吏罢其见役俱不叙用若有人为人说合枉法不枉法之公事而过送钱财与官吏者过钱人系有禄人减受钱人罪一等如受钱该杖八十减一等则杖七十系无禄人减二等则杖六十罪止杖一百受钱虽至绞而过钱亦止杖一百其有禄人罢其职役与无禄人各迁徙比流减半准徒二年夫杖止于一百者原其无入己之赃也又各迁徙者恶其为贪夫之导也若过钱人因受人财物而为其过送者则又计所入己之赃以所枉法不枉法各从重论赃重者从赃赃轻者从迁徙也凡有禄人因事受人财而曲法科断者谓枉法赃系各主者通算全科如受十人财一时事发通并作一处科断一贯以下杖七十一贯之上每五贯加一等如八十贯则坐绞系杂犯若虽受人财而判断不为曲法者谓不枉法系各主者通算折半科罪如受十人财

一时事发通算作一处折半科罪一贯以下杖六十一贯之上每一十贯加一等至一百二十贯罪止杖一百流三千里若无禄人受枉法赃一贯以下杖六十起并减有禄人一等自八十贯之上虽一百一十九贯亦依八十贯律减等杖一百流三千里直至一百二十贯满方坐绞罪若受不枉法赃自一贯以下笞五十起并减有禄人不枉法一等虽一百二十贯亦坐一百一十贯之罪杖一百流二千五百里直至二百二十贯之上方坐罪止杖一百流三千里

按疏议云无禄人受不枉法赃一百二十贯减一等杖一百流二千五百里是也但云与名例三流同为一减者不同非也盖议罪虽照流数等第而大诰之下仍用同为一减之例有禄人之徒三年则九十贯之罪也无禄人之徒三年则一百贯之罪也罪虽同而赃数则异是亦减一等矣律疏云窃盗赃正与此同若无禄人止减至流二千五百里则窃盗为从之罪岂亦若是耶不知律文明开不枉法一百二十贯之上罪止杖一百流三千里则一百二十贯减一等止宜坐流二千五百里若直拟徒三年是减二等非减一等恶乎可哉况窃盗本分首从而此则当各计入己之赃为罪者也

又按枉法赃若犯二事以上一主先发已经论决其它后发虽轻若等亦并论之难同止累见发为坐若不枉法赃系一主者罪亦全科不用折半之律

条例

一文职官吏监生知印承差受财枉法至满贯绞罪者发附近卫所充军

一凡在官人役取受有事人财律无正条者果于法有枉纵俱以枉法计赃科罪若尸亲邻证等项不系在官人役取受有事人财各依本等律条科断不在枉法之律坐赃致罪

凡官吏人等非因事受财坐赃致罪各主者通算折半科罪与者减五等谓如被人盗财或殴伤若赔偿及医药之外因而受财之类各主者并通算折半科罪为两相和同取与故出钱人减受钱人罪五等又如擅科敛财物或多收少征钱粮虽不入己或造作虚费人工物料之类凡罪由此赃者皆名为坐赃致罪

一贯以下笞二十

一贯之上至一十贯笞三十

二十贯笞四十

三十贯笞五十

四十贯杖六十

五十贯杖七十

六十贯杖八十

七十贯杖九十

八十贯杖一百

一百贯杖六十徒一年

二百贯杖七十徒一年半

三百贯杖八十徒二年

四百贯杖九十徒二年半

五百贯之上罪止杖一百徒三年

纂注坐赃致罪谓因赃致罪是也受财者入己之称注中赔偿承盗财医药承殴伤说此条谓官吏人等有非因事而受人财入己者如被人偷盗而赔偿原赃或被殴伤而给医药正数之外因而受别人财之类又如擅科敛人财物或多收少征钱粮而初未入己或造作而虚费人工物料之类凡罪由此赃而坐者一贯以下笞二十每一十贯加一等至一百贯则每百贯加一等至五百贯之上罪止杖一百徒三年但系各主之物并通作一处折半科罪以二贯为一贯算出钱人减受钱人罪五等至五十贯始坐笞二十盖以其不系刁蹬用琼森事逼抑取受而和同取予故也擅科敛财物以下出钱不坐罪若非因事而受一主赃者则不折半科

备考

一官吏坐赃若不入己者拟还职役

一出钱人有规避事重者从重论

事后受财

凡有事先不许财事过之后而受财事若枉断者准枉法论事不枉断者准不枉法论

纂注先不许财四字要看明白不然是听许财物矣此言凡诸人有事之时初不曾许送财物及其事情归结之后以财物馈送而官吏人等受之是谓事后受财此与因事受财者虽为有间而事既相干亦涉嫌疑则察其所判断之事若于法有所枉者则计其所受之赃准枉法论一贯以下杖七十五贯以上每五贯加一等至八十贯罪止一百流三千里其事于法不枉者则准不枉法论一贯以下杖六十贯以上每一十贯加一等一百二十贯亦罪止杖一百流三千里无禄人各减一等官吏俱照例为民但官不追夺耳律不言出钱过钱人之罪问不应从重可也

有事以财请求

凡诸人有事以财行求得枉法者计所与财坐赃论若有避难就易所枉重者从重论其官吏刁蹬用琼森事逼抑取受者出钱人不坐

纂注官吏受财条言受钱人之罪此则言出钱人之罪得枉法谓行求而得枉法也避难就易或谓避流就徒避徒就杖之类似太泥此言凡诸色人等本身有事而用财以行求于人若所求之事系枉法者则计其所与之财依坐赃致罪论一贯以下笞二十一贯之上至十贯加一等至五百贯之上罪止杖一百徒三年若有畏避其难迁就其易所枉之事其罪重者从重论如行求财八十贯坐赃该杖一百其本求以避难就易而所枉之罪该杖八十徒二年则当论其重者仍以徒二年论之类其赃入官若本人初未行求而承行之官吏刁蹬留难不与归结或用强别生枝节逼抑人之财物者是罪在官

吏矣出钱人不得已而与之者也故不坐罪其赃还主

按唐律谓以财行求不枉法者减枉法二等今与财不枉法论律无明文似不可用但随事之轻重以不应科断可也

在官求索借贷人财物

凡监临官吏挟势及豪强之人求索借贷所部内财物者并计赃准不枉法论强者准枉法论财物给主○若将自己物货散与部民及低价买物多取价利者并计余利准不枉法论强者准枉法论物货价钱并入官给主○若于所部内买物不即支价及借衣服器玩之属各经一月不还者并坐赃论○若私借用所部内马牛驼骡驴及车船碾磨店舍之类各验日计雇赁钱亦坐赃论追钱给主○若接受所部内馈送土宜礼物受者笞四十与者减一等若因事而受者计赃以不枉法论其经过去处供馈饮食及亲故馈送者不在此限○其出使人于所差去处求索借贷买卖多取价利及受馈送者并与监临官吏罪同○若去官而受旧部内财物及求索借贷之属各减在官时三等

纂注此条自一节至五节俱以监临官吏及豪强之人说六节专以出使人言豪强之人亦是有事在手者如里老应捕总甲之类观部内字可见多取价利句承上二项曰一月则一月之上皆然验日以每日六十文之类此条准枉法不枉法以不枉法不问去任见任并系有赃俱罢职役为民惟坐赃论者与受馈送及非因事而受者各拟还职役此言凡监临官吏挟势及豪强之人其有谋求索取或借贷所部之内财物者并计所求所借入己之赃准不枉法论系各主者通算折半科罪若用强求借者准枉法论各主通算全科至绞者罪止杖一百流三千里无禄人减有禄人之罪一等其所求借财物并给主若监临官吏及豪强之人若将自己物货散卖而厚取其值是多取价也及买物而低还其价是多取利也则扣其所买卖之货物原值之价外其所多余是为余利并计所余利准不枉法论若用强有所买卖者准枉法论无禄人亦各减一等卖物则物入官而原得价钱给主买物则物给主所用之价入官故曰货物价钱并入官给主此与有司和买给价有增减坐赃论不同者彼之所买充官用此则为私用公私之别者若于所部内和买货物而不即支价与之及私借衣服器玩之属各经一月而不还原主者并计所买所借之物价坐赃论盖低价买物则无复补给而曰不支不还是犹有支还之日此轻重之别也故坐赃论若私借用所部之内马牛驼骡驴及车船碾磨店舍之类既非充官用而又不给与雇赁钱者各验日计其犯时马牛等之雇钱车船等之赁钱追给原主雇赁钱虽多不得过其本利至若于所部之内接受人所馈送之土宜礼物受者不问多寡笞四十送与者减一等笞三十若因其有事在官馈送而受之者计赃以不枉法论其于经过去处虽部内馈送饮食及亲故馈送土宜礼物者不在此限盖饮食非同礼物亲故不系部民安得罪之也其奉命出使人员若于所差遣去处而有所求索或借贷或买卖多取利价及接受人馈送者并与监临官吏罪同或准枉法或准不枉法或坐赃或以不枉法或给主或入官其罪一同监临之罪若去官如任满得代改除之类其有接受旧所

部内之财物及求索借贷之属者各减在官监临时之罪三等去官与现任不同自难以一律论耳

按有事而馈送律不言与者之罪然受者既曰不枉法则与当依不应事重科断

条例

一文武职官索取土官夷人猺獐财物犯该徒三年以上者俱发边卫充军

一凡辽东宣府大同延绥宁夏甘肃固原并偏头等关直隶蓟州密云等处各沿边地方各该镇守总兵副参游击守备都司卫所等官但有科敛军人财物及扣减月粮计入己赃至三十两以上降一级带俸差操百两以上降一级改调烟瘴地面带俸差操二百两以上照前调发充军三百两以上亦照前调发永远充军其沿海地方有犯亦照前例科断应改调及充军者俱发边远卫分

一云贵两广四川湖广等处流官擅自科敛土官财物金取兵夫征价入己强将货物发卖多取价利各赃至满贯犯该徒三年以上者问发附近卫所充军若买卖不曾用强及赃数未滿者照行止有亏事例问革其科敛财物明白公用金取兵夫不曾征价者照常发落

家人求索

凡监临官吏家人于所部内取受求索借贷财物及役使部民若买卖多取价利之类各减本官罪二等若本官知情与同罪不知者不坐

纂注家人是一家之人如兄弟子孙奴仆之类皆是役使见户律或谓即上条借马牛之类非也两言本官不及吏者举重也家人犯赃各依本官有禄无禄科断诸书云若家人自有官者仍依官吏受财论不在减等之限不知既从官断又何以为家人况又非部内也不可依以上诸条皆言官吏受财之罪此则言监临官吏之家人于其父兄所部属之内或因事受财或无故求索或借贷财物及私役使部民若买卖多取价利之类者各减本监临官受财等项之罪二等如本官求索借贷并买卖多取价利不枉法一贯以下杖六十家人减二等一贯以下笞四十本官强者准枉法一贯以下杖七十家人减二等笞五十本官役使部民者每一名笞四十每五名加一等罪止杖八十家人役使减二等罪止杖六十之类盖所犯之事虽与官吏同而所犯之人则与官吏异也若监临官知得家人求索等项情由者与家人同坐减二等之罪不知情者本官不坐罪

风宪官吏犯赃

凡风宪官吏受财及于所按治去处求索借贷人财物若卖买多取价利及受馈送之类各加其余官吏罪二等

纂注风宪官如在内都察院并各道在外按察司是也凡此等衙门之官吏不问枉法不枉法但有因事而接受人财物及于所按治出巡去处求索或借贷人财物若买卖多取价利及受馈送土宜礼物之类各加其余监临官吏之罪二等如受财枉法有

禄官吏一贯以下杖七下加二等则杖九十加罪不得加至于死须至八十贯方坐绞不枉法有禄官吏一贯以下杖六十加二等则杖八十加罪皆罪止杖一百流三千里求索借贷买卖多取并准不枉法强者准枉法亦各加二等受馈送者笞四十加二等则杖六十盖风宪官吏职司科察既曰犯赃何以肃人其加等治之宜也首言受财则不必拘所按治也

备考

一风宪官吏家人犯赃亦减本官所加之罪二等论

因公擅科敛

凡有司官吏人等非奉上司明文因公擅自科敛所属财物及管军官吏总旗小旗科敛军人钱粮赏赐者杖六十赃重者坐赃论入己者并计赃以枉法论○其非因公务科敛人财物入己者计赃以不枉法论若馈送人者虽不入己罪亦如之

纂注军人有赏赐钱粮故曰赏赐钱粮如月粮及冬衣布花之类此自己给散而后科敛者言若未给散而克留则又从监守盗论此言凡有司官吏人等如粮长里老之类非奉该管上司明文而因其公事如税粮差役等项擅自科敛所属部民财物于公事内使用及管军官吏总旗小旗亦无上司明文因其公事如管军修城之类擅自科敛军人之钱粮赏赐于公事内使用者虽不入己亦杖六十计所科敛之赃重于杖六十者坐赃论各主通算折半科罪一贯以上每一十贯加一等至五百贯之上罪止杖一百徒三年若将所科敛之财物钱粮赏赐不充公用私自入己者并计具入己之赃以枉法论各主通算全科一贯以上每五贯加一等有禄人八十贯无禄人减一等至一百二十贯俱坐绞若有司官吏人等及管军官吏总小旗有非因公务而私擅科敛军民财物入己者计赃以不枉法论各主通算折半科罪一贯之上每一十贯加一等有禄无禄人各罪止杖一百流三千里若将所科敛之财物馈送他人者虽不入己而已为己惠矣故亦如入己之罪以不枉法论夫非因公科敛其罪反轻于因公科敛何也盖曰非因公则无假托之奸曰因公不无凌逼之势自不容以一律论也

条例

一在京在外衙门不许分外罚取纸札笔墨银朱器皿钱穀银两等项违者计赃论罪若有指称修理不分有无罪犯用强科罪米穀至五十石银至二十两以上绢帛贵细之物直银二十两以上者事发问罪起送吏部降一级用

一弘治十六年十一月十七日节该钦奉孝宗皇帝圣旨科罚修理果曾经手的不准花销照例起送若自不经手支销明白只依科敛律发落钦此

私收公侯财物

凡内外各卫指挥千户百户镇抚并总旗小旗等不得于私下或明白接受公侯所与宝钞金银段疋衣服粮米钱物若受者军官杖一百罢职发边远充军总旗小旗罪同再犯处死公侯与者初犯再犯免罪附过三犯准免死一次若奉命征讨与者受者不在

此限

纂注总小旗言罪同以官有罢职之文耳再犯处死是充军后再犯也公侯免死一次系恩例此言凡内外各军卫指挥千户百户镇抚并无官职之总小旗等俱不得于私下或明白接受公侯所与宝钞金银段疋衣服粮米钱物若受者自指挥千户百户镇抚并杖一百罢其见任之职发边远充军总旗小旗罪同亦杖一百边远充军军官与总小旗充军之后再接受公侯宝钞等物者谓之再犯皆坐处死若公侯以宝钞等物与指挥以下官军初犯及再犯免罪附其过名三犯准纳铁券免罪一次此公侯与官军之常禁也若公侯奉命有事征讨而公侯有所与官军有所受者不在此禁限之内盖交结军心欲其效死以成功也与无事而授受以徒示私恩者远矣

按律言处死不着绞斩律疏云当请自上裁是也然查律中如管军官私役军人出境亦杖一百充军至三犯者绞守御军人再逃再犯者杖一百充军二犯者绞盖此条初犯充军即流罪也再犯加至于死则当坐绞可类推矣

又按此条言公侯而不及伯者举重也至不言军人则微之耳

克留盗赃

凡巡捕官已获盗贼克留赃物不解官者笞四十入己者计赃以不枉法论仍将其赃并论盗罪若军人弓兵有犯者计赃虽多罪止杖八十

纂注此言各处军民巡捕盗贼官员若已获强窃盗及监守常人等赃如有克留赃物不尽解送官司者虽无入己之情而无以证盗之罪故笞四十若以所克留之赃隐匿入己者计赃以不枉法论各主者通算折半科断仍将其所克留入己之赃并所解官之赃通论盗罪如盗赃一百贯该杖一百流三千里止将五十贯解官依此赃以坐盗贼杖六十徒一年已论决矣事发仍将所克五十贯并解入前赃贴仗四十改流二千里之罪故曰并赃论罪若巡补军人及巡司弓兵有克留盗赃者若不入己亦笞四十入己者计赃虽在三十贯之上亦罪止杖八十不得以枉法论仍并赃以论盗罪既恕其无官而又利其捕盗也

官吏听许财物

凡官吏听许财物虽未接受事若枉者准枉法论事不枉者准不枉法论各减一等所枉重者各从重论

纂注听许言官吏因事听人许送财物而为其施行其物虽未接受其心已属贪污然必自其有显迹有数目者方坐不然难科此罪各减一等谓比已接受者减一等恕其未得也各字承准枉法不枉法言或亏枉之罪重于听许之罪如听许一十贯减等止杖八十而所枉之罪则杖一百徒三年当以故出入人罪论则从重者论之轻则从听许论也许送人合问不应从重不当问有事以财请求律称准者至死减一等虽满贯亦罪止杖一百流三千里此条既称准枉法论又称减一等假如听许准枉法赃满贯至死减一等杖一百流三千里又减一等杖一百徒三年方合律此正所谓犯罪得累减是也

疏议云各减一等但指未满贯赃而言至于满贯死罪止减一等杖一百流三千里若依前说则是通减二等矣恐不可从考条例节要一官吏听许财物止照大明律拟罪不问为民此成化十九年二月十一日例可依

大明律集解附例卷之二十四

刑律

诈伪

诈为制书

凡诈为制书及增减者皆斩未施行者绞传写失错者杖一百○诈为将军总兵官五军都督府六部都察院都指挥使司内外各卫指挥使司守御紧要隘口千户所文书套画押字盗用印信及空纸用印者皆绞察院布政司按察司府州县衙门者杖一百流三千里其余衙门者杖一百徒三年未施行者各减一等若有规避事重者从重论○其当该官司知而听行各与同罪不知者不坐

纂注制书解见吏律制书有违条本无此制而诈撰词旨曰诈为原有此制而增减词事曰增减将军如征虏将军征朔将军之类套画押字盗用印信相连看空纸用印承盗用说此言制书出自天子若凡诈为制书及有增减者是以匹夫而擅天子之灌故已施行者不分首从皆斩未施行者为首者绞为从者减一等其奉行制书而传写误差错者则非诈为矣故止杖一百至于将军兵官五军都督府六部都察院俱军国大事所系都指挥使司各卫指挥使司俱兵权所在守御紧关隘口千户所又所以堤防奸细出入者也其文书皆足以动众若有诈为此等衙门文书套画押字盗用印信钤盖施行及空纸盗用各该印信以备填写者皆绞此重在盗印上若文书虽有押字非印信不行故必盗印方坐以绞察院布按二司府州县衙门比之将军府部事权稍轻若诈为此等衙门文书套画押字盗用印信或空纸用印而事已施行为首之人杖一百流三千里其余衙门比之司府州县又轻若诈为者事已施行为首之人杖一百徒三年若未施行者则各减一等将军等衙门杖一百流三千里察院等衙门杖一百徒三年其余衙门杖九十徒二年半也若因有规避而诈为文书其规避之罪重于前罪者则从规避之重罪论其当该官司遇此文知系诈为而听行者与诈为之人同罪至死者减一等不知者不坐

备考

一将印信空纸捏写他人文书投递官司害人者依投匿名文书告言人罪者律论

条例

一诈为将军总兵官五府六部等衙门文书律该绞罪者依律问断外若诈为察院布政司按察司府州县及其余衙门文书诓骗科敛财物者问发边卫充军

一凡诈为各衙门文书盗用印信者不分有无押字依律坐罪若止套画押字各就所犯事情轻重查照本等律条科断其诈为六部各司军卫各所文书者俱与其余衙门同科

诈传诏旨

凡诈传诏旨者斩皇后懿旨皇太子令旨亲王令旨者绞○若诈传一品二品衙门官言语于各衙门分付公事有所规避者杖一百徒三年三品四品衙门官言语者杖一百五品以下衙门官言语者杖八十为从者各减一等若得财者计赃以不枉法因而动事曲法者以枉法各从重论○其当该官司知而听行各与同罪不知者不坐○若各衙门追究钱粮鞫问刑名公事当该官吏将奏准合行事理妄称奉旨追问者斩

纂注天子之制有诏诰徠言诏则诰徠在其中诈传者自内而首先传出之人言若在外而转相传说者非是三品四品衙门官以下不言分付公事有所规避者蒙上文也若虽诈传言语而无分付公事规避者非是盖诏旨懿旨令旨皆臣民所当遵守诈传则足以害人而乱政故坐以绞斩品官之言语皆能号令乎众若诈传各衙门分付公事而有所规避者其品级有高下则其言语所系有轻重故一品二品者杖一百徒三年三品四品者杖一百五品以下者杖八十为从之人各减一等若得财而为人诈传以上品官言语事无曲法者计其入己之赃以不枉法论因受财诈传而变动事情曲枉法度者以枉法论各从其罪之重者坐之如诈传一二品官言语计赃重于杖一百徒三年则从赃论轻则从杖一百徒三年其诈传三品四品五品以下者可类推也当该官司知诈传而听行者各与诈传者同罪自诏书而下及品官言语皆然钱粮刑名既有奏准免追免问之事理而妄称奉旨追问者与诈传诏旨无异故亦坐斩

对制上书诈不以实

凡对制及奏事上书诈不以实者杖一百徒三年非密而妄言有密者加一等○若奉制推按问事报上不以实者杖八十徒二年事重者以出入人罪论

纂注承君问而对之曰对制陈奏衙门公事者曰奏事建言献策之类曰上书人臣事君在于勿欺若三者一有诈妄不实则欺君矣故杖一百徒三年非有机密事情而妄言有密此又诈不以实之最重者故加一等杖一百流二千里若奉制推委鞫问罪犯事情而不以实情报上者杖八十徒二年其中若有徇私曲法事情重于杖八十徒二年者则以官司出入人罪论

伪造印信历日等

凡伪造诸衙门印信及历日符验夜巡铜牌茶盐引者斩有能告捕者官给赏银五十两伪造关防印记者杖一百徒三年告捕者官给赏银三十两为从及知情行用者各减一等若造而未成者各又减一等其当该官司知而听行与同罪不知者不坐

纂注关防印记指各衙门原设者而言如驿递务局等官所掌是也若巡抚等官关防今例同印信矣伪造印信以铜铁私铸成印篆文俱全者言之也若用木石泥蜡

等物描刻篆文即今例所谓描摸非伪造也盖印信历日符验夜巡铜牌盐引茶引皆国家大信所系故伪造者斩告捕者赏银五十两关防印记虽与印信不同而亦所关以行政事者故伪造者杖一百徒三年告捕者赏银三十两为从及知情行使者各减伪造之罪一等系印信等项则杖一百流三千里系关防印记则杖九十徒二年半若伪造印信等项而未成为首者减一等杖一百流三千里为从者又减一等杖八十徒二年故谓各又减一等当该官司知其伪造而听行则与伪造者同罪不知者不坐

条例

一凡盗用总督巡抚审录勘事提学兵备屯田水利等官钦给关防俱照各官本衙门印信拟罪若盗及弃毁伪造悉与印信同科

一凡描摸印信行使诬骗财物犯该徒罪以上者问发边卫永远充军

一伪造并盗用通政使司关防印记及伪印工部批回卖放人匠者俱问罪于本衙门首枷号三个月发落

一起解军士掙买伪印批回者除真犯死罪外解人发附近军士调边卫原系边卫者调极边卫各充军

新颁条例

一万历十六年都察院题咨本部议院覆奉
圣旨伪造印信只照律文拟断不问木石泥蜡但伪者斩
伪造宝钞

凡伪造宝钞不分首从及窝主若知情行使者皆斩财产并入官告捕者官给赏银二百五十两仍给犯人财产里长知而不首者杖一百不知者不坐其巡捕守把官军知情故纵者与同罪若搜获伪钞隐匿入己不解官者杖一百流三千里失于巡捕及透漏者杖八十仍依强盗责限跟捕○若将宝钞挑剗补鞣描改以真作伪者杖一百流三千里为从及知情行使者杖一百徒三年○其同情伪造人有能悔过捕获同伴首告者与免本罪亦依常人一体给赏

纂注强盗捕限见后捕亡律以真作伪谓以真钞挑剗字样补鞣描改笔画作成伪钞也国初制造宝钞与铜钱相兼行使其关天下财用甚重故伪造者不分首从及窝藏伪造之人知情行使之人皆斩犯人财产并没入官知其伪造而首告捕获者官给赏银二百五十两仍给犯人财产若本处里老知而不首者杖一百其巡捕守把官军知情故纵不行捕获者与伪造者同罪至死减一等若 搜获所造伪钞隐匿入己不解官者杖一百流三千里若无故纵之情止失于巡捕及因不巡捕以致伪造出入行使者杖八十仍依强盗捕限律责令跟捕惟故纵者不责限也以真作伪者三为首者杖一百流三千里为从及知情行使杖一百徒三年同造之人能自悔过捕获同伴首告者免其本罪仍依常人一体给赏如此则告捕多而伪造者少矣

私铸铜钱

凡私铸铜钱者绞匠人罪同为从及知情买使者各减一等告捕者官给赏银五十两里长知而不首者杖一百不知者不坐○若将时同铜钱剪错薄小取铜以求利者杖一百○若伪造金银者杖一百徒三年为从及知情买使者各减一等

纂注铜钱通天下之用而铸钱之权出于上若私铸则窃上之权而钱法阻坏矣故与鼓铸匠人并罪坐绞为从及知系私铸而故买行使者各减一等杖一百流三千里首告捕获者官给赏银五十两里长知而不首告者杖一百若将时用铜钱错薄小取铜以求利则与伪造者异矣故止杖一百若伪造金银行使以惑众罔利者杖一百徒三年为从及知其伪造而买使者各减一等杖九十徒二年半盖律言伪造金银谓以铅铜水银之类造成金银体质者方是若成色不足非全假者不得引用此律

条例

一私铸铜钱为从者问罪用一百斤枷枷号一个月民匠舍余发附近充军旗军调发边卫食粮差操若贩卖行使者亦枷号一个月照常发落

一伪造假银及知情买使之人俱问罪于本地方枷号一个月发落

诈假官

凡诈假官假与人官者斩其知情受假官者杖一百流三千里不知者不坐○若无官而诈称有官有所求为或诈称官司差遣而捕人及诈冒官员姓名者杖一百徒三年若诈称见任官子孙弟侄家人总领于按临部内有所求为者杖一百为从者各减一等若得财者并计赃准窃盗从重论○其当该官司知而听行与同罪不知者不坐

纂注诈假官谓本无官而诈为札付文凭出外行事或悬带伪造牙牌而在京出入者假与人官谓他人本无官而假为札付文凭与人以官者此皆有坏朝廷名器故并坐斩受假官者知其假而故受之杖一百流三千里若本无官而诈称某官有所求为或诈称官司差遣而追捕人或诈冒见任官姓名然曰诈称曰诈冒皆未有文凭可据故止杖一百徒三年诈称见任官子孙弟侄家人总领于见任官所部内有所求为者此自与身冒官员姓名者少异故止杖一百为从各减一等承诈称以下言如为首该杖一百徒三年为从则杖九十徒二年半为首该杖一百为从则杖九十若诈称诈冒有所求为而得财者则计赃有重于诈称诈冒本罪者则从赃准窃盗论各主者亦以一主为重免刺若赃轻则从本罪论故曰各从重论当该官司知而听行者与同罪通承上言至死者照律减等

条例

一广西云贵湖广四川等处但有冒籍生员食粮起贡到部者问革发原籍为民若买到土人倒过所司起送公文顶名赴部投考者发口外为民卖与者行所在官司追赃治罪若已受职比依诈假官律处斩卖者发边卫充军经该官吏朦胧起送各治以罪

一凡诈冒皇亲族属姻党家人在京在外巧立名色挟骗财物侵假地土并有禁山

场拦当船只措要银两出入大小衙门嘱托公事贩卖钱钞私盐包揽钱粮假称织造私开牙行擅搭桥梁侵渔民利者除真犯死罪外徒罪以上俱于所犯地方枷号一个月发边卫充军杖罪以下亦枷号一个月发落若被害之人赴所在官司告诉不即受理及虽受理观望逢迎不即问断举奏者各治以罪

一假充大臣及近侍官员家人名目豪横乡村生事害民强占田土房屋招集流移住种者许所在官司拏问犯该徒罪以上者发边卫充军杖罪以下枷号一个月发落诈称内使等官

凡诈称内使及都督府四辅谏院等官六部监察御史按察司官在外体察事务欺诳官府扇惑人民者斩知情随行者减一等其当该官司知而听行与同罪不知者不坐○若诈称使臣乘驿者杖一百流三千里为从者减一等驿官知而应付者与同罪不知情失盘诘者笞五十其有符验而应付者不坐

纂注内使都督府四辅谏院六部监察御史按察司官皆要官也许称此官在外体察事务必致欺诳官府扇惑人民故斩知情随行之人如诈作皂隶跟随之类减一等杖一百流三千里当该官司知其诈称而听行与诈称者同罪不知则不坐诈称使臣乘驿有所求为止于舆马而已故其罪止杖一百流三千里随行减一等杖一百徒三年驿官知其诈称而应付者与犯者同罪不知其诈称而失于盘诘者止笞五十其有符验而应付者驿官不坐罪为其有符验难于查验也

条例

一凡诈冒内官亲属家人等项名色恐吓官司诬骗财物者除真犯死罪外其余枷号一个月发边卫充军所在官司畏徇故纵不行擒拏者各治以罪

一凡诈充锦衣卫旗校假以差遣体访事情缉捕盗贼为由占宿公馆妄拏平人吓取财物扰害军民者除真犯死罪外徒罪以上枷号一个月发边卫充军杖罪以下亦枷号一个月发落所在官司阿从故纵者各治以罪

近侍诈称私行

凡近侍之人在外诈称私行体察事务扇惑人民者斩谓如给事中尚宝等官奉御内使仪鸾司官校尉之类

纂注私行者暗行体察官府及民间不明之事也近侍近君之人诈称私行可以乱民惑众其与无官诈称何异哉故亦坐以斩也

诈为瑞应

凡诈为瑞应者杖六十徒一年○若有灾祥之类而钦天监官不以实对者加二等

纂注瑞如景星庆云之类皆以事应故曰瑞应本无瑞而诈为瑞应是欺君也故杖六十徒一年钦天监官职专天文而于灾祥之类不以实对妄言休咎其欺尤重故加二等杖八十徒二年也

诈病死伤避事

凡官吏人等诈称疾病临事避难者笞四十事重者杖八十○若犯罪待对故自伤残者杖一百诈死者杖一百徒三年所避事重者各从重论若无避故自伤残者杖八十其受雇倩为人伤残者与犯人同罪因而致死者减鬪杀罪一等○若当该官司知而听行与同罪不知者不坐

纂注临事诈称疾病欲以避难也故笞四十事重杖八十犯罪待对故自伤残其手足耳目或诈死者皆欲避罪也故伤残杖一百诈死杖一百徒三年所避之罪重于杖一百徒三年者则从所避之罪论若无所避而故自伤残者是以自残其躯故杖八十受雇倩而为人伤残其雇倩之人与犯人同罪因伤残而致死者受雇倩之人减鬪杀一等杖一百流三千里当该官司知其避难而听与改差知其避罪而准作废疾拟断者与犯人同罪不知则不坐

诈教诱人犯法

凡诸人设计用言教诱人犯法及和同令人犯法却行捕告或令人捕告欲求给赏或欲陷害人得罪者皆与犯法之人同罪

纂注教诱人为犯法之事或和同与人共为犯法之事后却捕告于官或暗令他人捕告此其为心盖欲希求给赏或陷人于罪以快私忿而已是人之罹法由其致之故与之同罪

大明律集解附例卷之二十五

刑律

犯奸

犯奸

凡和奸杖八十有夫杖九十刁奸杖一百○强奸者绞未成者杖一百流三千里○奸幼女十二岁以下者虽和同强论○其和奸刁奸者男女同罪奸生男女责付奸夫收养奸妇从夫嫁卖其夫愿留者听若嫁卖与奸夫者奸夫本夫各杖八十妇人离异归宗财物入官○强奸者妇女不坐○若媒合容止通奸者各减犯人罪一等私和奸事者减二等○其非奸所捕获及指奸者勿论若奸妇有孕罪坐本妇

纂注和谓男女相愿刁谓引至别所然刁必本于和来男女同罪以下所以着和刁奸及下诸条犯奸之通例也卖与奸夫指经官断后者言故与买休卖休有别此言凡和奸杖八十为妇人无夫者言也若有夫而和奸则杖九十刁奸者则不论夫之有无俱杖一百强奸则肆己之淫污人之节故奸夫处绞若虽强而未成奸者杖一百流三千里十二岁以下幼女未有欲心故虽和同强论成奸者亦坐绞罪其和奸刁奸者男女同淫故同坐罪奸生男女理宜奸夫收养故即责付奸夫奸妇从夫嫁卖其夫愿留者听所谓设大法而顺人情也若遂卖与奸夫则断从淫本夫恶得无罪故与奸夫各杖八十妇人离异归宗财物入官盖强奸者非妇女之得已故妇女不坐罪若和奸刁奸而有人为

之媒合或容止其行奸者各减犯人罪一等私和奸事者随其和奸刁奸强奸各减犯人罪二等非奸所捕获及指奸俱无证迹可验故勿追论若妇女因奸有孕则妇女有凭故止罪坐本妇按奸幼女十二岁以下者指成奸者言故虽和同强论若和而未成奸者当坐不应从重或谓以强而未成者论甚非律意

纵容妻妾犯奸

凡纵容妻妾与人通奸本夫奸夫奸妇各杖九十抑勒妻妾及乞养女与人通奸者本夫义父各杖一百奸夫杖八十妇女不坐并离异归宗○若纵容抑勒亲女及子孙之妇妾人通奸者罪亦如之○若用财买休卖体和娶人妻者本夫本妇及买休人各杖一百妇人离异归宗财礼入官若买休人与妇人用计逼勒本夫休弃其夫别无卖休之情者不坐买休人及妇人各杖六十徒一年妇人余罪收赎给付本夫从其嫁卖妾减一等媒合人各减犯人罪一等

纂注休离也和娶承买休卖休说奸夫用财买其夫以离其妻曰买休本夫受奸夫之财而离其妻曰卖休因而娶之为妻曰和娶此言凡妻妾与人通奸在奸夫奸妇固为淫合若本夫明知而纵容其通奸则本夫不能制束故各杖九十若抑勒妻妾或乞养义女与人通奸则妇女非得已之情而本夫义父必有图财之意故本夫义父各杖一百奸夫杖八十妇女不坐其纵容抑勒者并该离异归宗若纵容亲女及子孙之妇妾与人通奸则纵容之人与奸夫奸妇各杖九十抑勒者抑勒之人杖一百奸夫杖八十妇女不坐故曰罪亦如之若用财买人休其妻本夫受财卖休其妻因而和同娶之为妻者本夫本妇及买休人各杖一百妇人离异归宗财礼入官若买休人与妇人用计逼勒本夫休弃在本夫别无卖休之情者则不坐买休人与妇人各杖六十徒一年妇人依律决杖一百余罪收赎仍将本妇人给付本夫从其嫁卖如买休卖体和娶人妾者本夫本妾及买休人各杖九十用计逼勒者买休人及本妾各杖一百以妾贱于妻故减罪一等媒合人各减犯人罪一等则视买休卖休及逼勒或妻或妾各犯之罪而减之也按乞养女不言纵容抑勒子孙之妇妾不言离异者何也盖义父义女尊卑相临又非亲女可比令之通奸必出抑勒若子孙之妇妾被勒通奸与本夫原无义绝之情故不言离异也又详买休卖休一节律系奸条必为先奸后娶者而设然其不专言奸夫而曰卖休人不专言奸妇而曰本妇亦可见买休卖休固有不因奸而犯者亦宜照此律科断不然典雇妻女者有罪将妻妾妄作姊妹嫁人者有罪若谓卖妻者律无文而不禁是果律遗之哉正以卖妻与人既坏夫妇之伦又非嫁娶之正有类于奸故即系犯奸条下而诸条不及言耳附此以俟奏请定夺

亲属相奸

凡奸同宗无服之亲及无服亲之妻者各杖一百○若奸缌麻以上亲及缌麻以上亲之妻谓内外有服之亲若妻前夫之女及同母异父姊妹者各杖一百徒三年强者斩若奸从祖祖母姑从祖伯叔母姑从父姊妹母之姊妹及兄弟妻兄弟子妻者各绞强者

斩若奸父祖妾伯叔母姑姊妹子孙之妇兄弟之女者各斩○妾各减一等强者绞谓强奸亲属妾者该绞

纂注此条凡称各者俱指男女同科此罪下条仿此以下妻妾犯奸而罪不至死者仍尽犯奸本法从夫嫁卖愿留者听也盖同宗无服之亲及无服亲之妻虽族属疎远而名分犹存故有犯奸者不同和刁有夫无夫男女各杖一百言同宗则外姻无服者以凡奸论若奸内外缌麻以上亲及缌麻以上亲之妻若妻前夫之女及同母异父姊妹者男女各杖一百徒三年强奸者奸夫坐斩别凡人律也若从祖祖母即祖兄弟之妻从祖祖姑即祖之姊妹从祖伯叔母即父堂兄弟之妻从祖伯叔姑即父之堂姊妹从父姊妹即父从兄弟之女己之堂姊妹也母之姊妹即己之姨母也兄弟之妻及兄弟子之妻以上亲属其服虽缌麻以上而其分为至亲若犯奸者皆为内乱故奸夫奸妇各绞强者则斩若父祖之妾伯叔母姑子孙之妇兄弟之女以上亲属则其亲为至近而其伦为尤重若犯奸者皆为逆伦故奸夫奸妇各斩凡与前项亲属之妾犯奸者各减妻罪一等强奸者奸夫亦绞

条例

一凡亲属犯奸至死罪者若强奸未成依律问罪发边卫充

一凡犯奸内外缌麻以上亲及缌麻以上亲之妻若妻前夫之女同母异父姊妹者依律拟罪奸夫发附近卫充军

诬执翁奸

凡男妇诬执亲翁及弟妇诬执夫兄欺奸者斩

纂注凡翁奸子妇兄奸弟妇者律该处斩若无此事而诬执之是陷其父与兄于必死之地妇恶莫甚于此故罪坐斩

奴及雇工人奸家长妻

凡奴及雇工人奸家长妻女者各斩○若奸家长之期亲若期亲之妻者绞妇女减一等若奸家长之缌麻以上亲及缌麻以上亲之妻者各杖一百流二千里强者斩○妾各减一等强者亦斩

纂注各斩各杖一百流二千里各减一等俱指男女而言奸家长之期亲及期亲之妻如家长之姊妹伯叔母兄弟之妻子孙之妇皆是也奸夫坐绞奸妇减一等止杖一百流三千里奸家长缌麻以上亲及缌麻以上亲之妻亦皆内外有服之亲各杖一百流二千里强者则斩妾各减一等如奸家长之妾各减一等各杖一百流三千里奸家长期亲之妾减一等奴及雇工人亦杖一百流三千里妾杖一百徒三年奸家长缌麻以上之妾减一等各杖一百徒三年强奸者虽系妾亦斩

奸部民妻女

凡军民官吏奸所部妻女者加凡奸罪二等各罢职役不叙妇女以凡奸论○若奸囚妇者杖一百徒三年囚妇止坐原犯罪名

纂注管军管民之官吏奸所部军民之妻或女官更加凡奸二等和奸杖一百和奸有夫杖六十徒一年刁奸杖七十徒一年半官罢职吏罢役俱不复叙用妇女以凡奸论和奸无夫杖八十有夫杖九十刁奸杖一百不言强奸有犯者即以强奸律坐绞囚禁在狱之妇而官吏奸之杖一百徒三年囚妇止坐原犯之律妇人非犯奸及死罪不得囚禁既入于此何待于强故不言强奸之罪若为事而保管在外只以奸所部妻女论不得与囚妇同论也

条例

一凡军职及应袭舍人犯奸除奸所捕获及刁奸坐拟奸罪者官革职与舍人俱发本卫随舍余食粮差操其指奸及非奸所捕获者俱照常发落

居丧及僧道犯奸

凡居父母及夫丧若僧尼道士女冠犯奸者各加凡奸罪二等相奸之人以凡奸论

纂注僧尼道士女冠指有度牒者言加凡奸二等如和奸杖一百有夫杖六十徒一年刁奸杖七十徒一年半相奸之人以凡奸论如奸夫居丧加二等则奸妇以凡奸论僧尼道士女相相奸之奸夫奸妇则以凡论也

条例

一僧道不分有无度牒及尼僧女冠犯奸者依律问罪各于本寺观庵院门首枷号一个月发落

一僧道官僧人道士有犯挟妓饮酒者俱问发原籍为民

良贱相奸

凡奴奸良人妇女者加凡奸罪一等良人奸他人婢者减一等奴婢相奸者以凡奸论

纂注男女相奸均为有罪而良之于贱尊卑不同故以奴而奸良人妇女者加凡奸一等以良人奸他人婢者减凡奸一等贵贱之别也奴之于婢本同等类故自相奸者以凡奸论以上通兼和奸刁奸有夫无夫言或云妇女与婢俱照凡奸不在减等之限恐非

官吏宿娼

凡官吏宿娼者杖六十媒合人减一等○若官员子孙宿娼者罪亦如之附过候荫袭之日降一等于边远叙用

纂注娼即教坊司之妇与各州县所编乐户是也若民间私自卖奸者自当以凡奸之律论之盖官吏职专治人而奸宿娼妇故杖六十媒合人减等笞五十官员子孙犯者亦杖六十若军职子孙则府写其过名候袭荫之日降其祖父原职一等于边远衙门叙用或云袭荫减等兼文职言殊不知文职与武职不同其子孙宿娼则干碍行止安得袭荫耶此条官吏宿娼与奸不同其乐户知情虽同罪得单衣的决有力亦准纳钞官吏俱赎完日俱革职役按官吏挟妓饮酒律无明文有犯亦依此条科断或云问不应事

重则反重于宿娼矣

买良为娼

凡娼优乐人买良人子女为娼优及娶为妻妾或乞养为子女者杖一百知情嫁卖者同罪媒合人减一等财礼入官子女归宗

纂注优乐舞人也娼优之于良人贵贱悬殊若买良人之子女为娼优或娶良人子女为妻妾或乞养为子女及良人之家知其系是娼优乐人而将甚子女嫁卖者并杖一百媒合之人减一等杖九十财礼入官子女归宗曰知情则不知情者不坐可知矣
条例

一凡买良家子女作妾并义女等项名目纵容抑勒与人通奸者本夫义父问罪于本家门首枷号一个月发落若乐工私买良家子女为娼者不分买卖媒合人等亦问罪俱于院门首枷号一个月妇女并发归宗

大明律集解附例卷之二十六

刑律

杂犯

拆毁申明亭

凡拆毁申明亭房屋及毁板榜者杖一百流三千里

纂注各州县设立申明亭凡民间应有词状许耆老里长准受于本亭剖理及书不孝不弟与一应为恶之人姓名于亭以示惩戒所以使人心知惧而不敢为恶板榜以木为之亦书朝廷所行劝善惩恶之言兴利除害之事于各衙门前张挂使人皆得通晓皆教民之要务也故有拆毁之者则是违背国法而无忌矣故杖一百流三千里其拆毁亭板并令修造做立还官按拆毁申明房屋与毁损官房计雇钱加坐赃二等不同毁板榜与弃毁官物计赃准窃盗论不同者盖亭曰申明教化所关而榜之所载者朝廷之事与他房屋器物异故也

夫匠军士病给医药

凡军士在镇守之处丁夫杂匠在工役之所而有疾病当该官司不为请给医药救疗者笞四十因而致死者杖八十若已行移所司而不差拨良医及不给对证药饵医治者罪同

纂注军士在镇守之处夫匠在工役之所与在卫下班者不同若有疾病而镇守及管工官吏不行移所司请给医药救疗者则失优恤之仁或虽行移所司而所司不即差拨良医及不给对证药饵者则是苟且塞责并笞四十若因不救疗及不拨医给药以致死亡者则人命所关为尤重故并杖八十若因药不对证以致死者罪在医人依庸医杀人本律科断

赌博

凡赌博财物者皆杖八十摊场钱物入官其开张赌坊之人同罪止据见发为坐职官加一等○若赌饮食者勿论

纂注赌博谓呼卢局戏如樗蒲双陆骰子之类用财物赌赛以决胜负者也赌坊即摊钱物之场也盖赌博游荡之事而耗乱之阶盗贼之源也故有犯者不分首从皆杖八十摊场财物并入官若有将自己房屋开张赌坊容人在内赌博者亦杖八十其房亦当入官然止据见在场发觉者坐罪不许指扳防滥及也职官为之何以正人故加一等杖九十若朋友相会为乐赌饮食非赌财物之比故勿论

条例

一凡赌博人犯若自来不务生理专一沿街酗酒撒泼或曾犯诬骗窃盗不孝不弟等项罪名及开张赌坊者定为第一等问罪枷号二个月若平昔不系前项人犯止是赌博但有银两衣服钱物者定为第二等问罪枷号一个月各发落若年幼无知偶被人诱引在内者定为第三等照常发落其职官有犯一等二等者奏请问罪文官革职为民武官革职随舍余食粮差操

阉割火者

凡官民之家不得乞养他人之子阉割火者违者杖一百流三千里其子给亲

纂注阉割古之宫刑缘坐之子孙阉割之以供宫事也故曰宫又曰火者惟王家用之虽勋戚之家非钦赐亦不敢用若官民之家乞养他人之子阉割火者则忍心僭制也故杖一百流三千里所阉之子给付本生之亲完聚按殴杀乞养异姓子止杖一百徒三年今阉割不至于死乃杖一百流三千里者谓其僭分私割故也若剜死者依常律

条例

一先年净身人曾经发回若不候朝廷收取官司明文起送私自来京图谋进用者问发边卫充军

一弘治五年十月二十四日节该钦奉孝宗皇帝圣旨今后敢有私自净身的本身并下手之人处斩全家发边远充军两邻及歇家不举首的问罪有司里老人等仍要时常访察但有此等之徒即便捉拏送官如或容隐一体治罪不饶钦此

一万历十一年八月内节奉圣旨自宫禁例载在会典我皇祖明甚严乃无知小民往往犯禁私割致伤和气着都察院便行五城御史及通行各省直抚按衙门严加禁约自今五年以后民间有四五子以上愿以一子报官阉割者听有司造册送部候收补之日选用如有私割的照例重治邻佑不举的一并治罪不饶钦此

嘱托公事

凡官吏诸色人等曲法嘱托公事者笞五十但嘱即坐谓所嘱曲法之事不分从与不从行与不行但嘱即得此罪当该官吏听从者与同罪不从者不坐若事已施行者杖一百所枉罪重者官吏以故出入人罪论若为他人及亲属嘱托者减官吏罪三等自嘱托已事者加本罪一等○若监临势要为人嘱托者杖一百所枉重者与官吏同罪至死

者减一等谓监临势要之人但嘱托即杖一百官吏听从者仍笞五十已施行者亦杖一百所枉之罪重于杖一百者官吏与监临势要之人皆得故出入人之罪官吏依律合死者监临势要之人合减死一等若受赃者并计赃以枉法论○若官吏不避监临势要将嘱托公事实迹赴上司首告者升一等

纂注此条以曲法二字作主以后俱自曲法上言首句包他人及亲属听从只是许允而未行事已施行而未毕者为他人及亲属嘱与自嘱已事句只承官吏以故出入人罪句来盖为所枉者重也监临势要分看受赃通上官吏诸色人及监临势要当该官吏言此见公事自有公法若嘱令曲法以行即私弊也故笞五十但嘱即坐不问其听与不听行与不行也当该官吏听从者与同罪亦笞五十不从者不坐因其嘱而为之曲法已施行者是曲法以徇人也故杖一百若所枉之罪重于杖一百者以故出入人罪论或全科或以所增减之罪坐之自听从以下至此皆言当该官吏之罪其人若为他人及亲属嘱托得施行者减当该官吏三等杖七十所枉重者亦减官吏罪三等自嘱托已事者加所犯本罪一等如为他人及亲属嘱托得免杖一百徒三年是所枉重于杖一百矣官吏坐故出全科杖一百徒三年嘱托减三等则杖七十徒一年半如自犯杖一百徒三年嘱托得免者则于本罪上加一等杖一百流三千里若监临势要为人嘱托者则其势要所枉必多故当嘱即杖一百当该官吏听从者亦止笞五十已施行者亦止杖一百若所枉重于杖一百者则监临势要与当该官吏皆以故出入人罪论之官吏罪至死者则监临势要得减一等杖一百流三千里以上皆以无赃私言若有受赃而为之嘱托及听行枉法并以枉法从重论若当该官吏不避监临势要将嘱托公事实迹明白开具赴上司首告者奏闻升官一级以为执法者之劝按官吏受赃满贯要照例充军未满贯者问罪革职役若止是嘱托而无赃者各还职役

私和公事

凡私和公事者减犯人罪二等罪止笞五十

纂注减犯人罪二等谓本犯该笞五十以下而为之和者减罪二等若犯该杖六十以上至徒流死罪私和者止笞五十惟私和人命及私和奸事各坐罪与此不同所谓本条各有罪名也

失火

凡失火烧自己房屋者笞四十延烧官民房屋者笞五十因而致伤人命者杖一百罪坐失火之人若延烧宗庙及宫阙者绞○社减一等○若于山陵兆域内失火者杖八十徒二年延烧林木者杖一百流三千里若于官府公廨及仓库内失火者亦杖八十徒二年主守之人因而侵欺财物者计赃以监守自盗论其在外失火而延烧者各减三等○若于库藏及仓廩内燃火者杖八十○其守卫宫殿及仓库若掌囚者但见火起皆不得离所守违者杖一百

纂注致伤人命通常人亲属俱杖一百或以亲属当依过失杀条非也如本应

罪重而犯时不知者止依凡人况失火又人情之不得已者耶此见失火虽出于不意而实由于不慎但自己房屋与官民者不同一则笞四十一则笞五十因而致伤人命者则不论系凡人亲属俱杖一百罪坐失火之人曰致伤人命则但伤人者不坐可知矣以其出于不意故轻之也若延烧宗庙及宫阙则事关朝廷故绞太社次之故减一等杖一百流三千里此皆以在外延烧者言若山陵兆域乃严禁之地故在内失火者则守卫之人杖八十徒二年延烧林木者则杖一百流二千里官府公廨及仓库乃文案钱粮所系故在内失火者则主守之人杖八十徒二年因而侵欺财物者计赃以监守自盗论此皆以在内失火者言其在外失火而延烧者各减三等如延烧兆域公廨仓库则杖一百延烧林木则杖八十徒二年若在库藏及仓廩内烧火即杖八十者恐失火之患也守卫宫殿仓库及掌囚之人见火起而或离本处坐杖一百者恐其有所失也

备考

一点放火花爆仗问违制成化二年例

放火故烧人房屋

凡放火故烧自己房屋者杖一百若延烧官民房屋及积聚之物者杖一百徒三年因而盗取财物者斩杀伤人者以故杀伤论○若放火故烧官民房屋及公廨仓库系官积聚之物者皆斩须于放火处捕获有显迹证验明白者乃坐其故烧人空闲房屋及田场积聚之物者各减一等○并计所烧之物减价尽犯人财产折判赔偿还官给主

纂注减价折判赔偿如房屋及在内积聚之物原值钞三百贯烧讫者值二百贯烧残者止值一百贯则令犯人家产折为钞数判作几分而赔偿之如判折赔偿不足原数者免追故曰尽此见故烧出于有意与失火者不同故在自己房屋则杖一百延烧官民房屋及官民积聚之物者则杖一百徒三年以其因故烧而及之故也言官民房屋则仓库在其中矣若因延烧而盗取官民财物者斩杀伤人者或亲属或凡人各以本条故杀伤论若故烧官民房屋及公廨仓库系官积聚之物则与延烧者不同故不分首从皆斩若故烧人间空闲房屋及田场积聚之物与官者不同故烧之者得减一等杖一百流三千里注云须于放火处捕获有显迹证验明白乃坐者防滥及也并计其所延烧故烧房屋并积聚之物减其原值之价尽犯人所有财物产业计所烧几处折为几分而赔偿之应还官者还官应给主者给主此还官给主亦计所赔之数官民品搭均偿按奴婢雇工人犯者以凡人论此斩罪秋后处决

备考

一厨役点灯偷饮官酒醉卧致烧酒房并上用等酒比放火故烧官物及盗内府财物论

条例

一成化八年六月十六日节该钦奉宪宗皇帝圣旨各边仓场若有故烧系官钱粮草束者拏问明白将正犯梟首示众烧毁之物先尽犯人财产折判赔偿不敷之数着落

经收看守之人照数均赔欵此

一凡放火故烧自己房屋因而延烧官民房屋及积聚之物与故烧人空闲房屋及田场积聚之物者俱发边卫充军

搬做杂剧

凡乐人搬做杂剧戏文不许妆扮历代帝王后妃忠臣烈士先圣先贤神像违者杖一百官民之家容令妆扮者与同罪其神仙道扮及义夫节妇孝子顺孙劝人为善者不在禁限

纂注杂剧戏文即今搬演杂记优人之所为也盖历代帝王后妃忠臣烈士先圣先贤之神像乃官民之所瞻仰而以之搬做杂剧褻慢甚矣故其乐人与官民容令妆扮者各杖一百其神仙道扮及义夫节妇孝子顺孙事关风化可以劝人为善者听其妆扮搬做不在杖一百禁限之内

违令

凡违令者笞五十谓令有禁制而律无罪名者

纂注国初未制律之前首着为令以颁示天下分为六科吏令自选用以至宣使等凡十八条户令自漏口脱户至解纳官物凡二十四条礼令自朝贺班次至封赠凡一十七条兵令自额设祇候人等至支給分例凡一十条刑令自五刑至里长犯赃迁徙凡七十条工令则造作军器织造段疋二条其间有律条并载者依律科断若律无罪名而令有禁制则当守令故违者笞五十

不应为

凡不应得为而为之者笞四十谓律令无条理不可为者事理重者杖八十

纂注凡理之所不可为者谓之不应为从而为之是亦罪也在律令虽无正条事理各有轻重或笞或杖所以补诸律之未备也不应无首从若同犯一事则为首者杖八十为从者笞四十若为从之人各有所犯而同为不应者难分轻重

大明律集解附例卷之二十七

刑律

捕亡

应捕人追捕罪人

凡应捕人承差追捕罪人而推故不行若知罪人所在而不捕者减罪人罪一等限三十日内能自捕得一半以上虽不及一半但所获者最重皆免其罪虽一人捕得余人亦同若罪人已死及自首各尽者亦免罪不尽者止以不尽之人为坐其非应捕人临时差遣者各减应捕人罪一等受财故纵者不给捕限各与囚同罪赃重者计赃以枉法从重论

纂注应捕人如皂隶弓兵巡捕官军有定役于官者皆是皆免其罪皆字指获

囚一半及获重囚二者言各尽谓如犯罪十人俱死尽首尽是也各与囚同罪各字指应捕人及临时差遣人言此同罪至死为首者全科如犯人皆斩受财故纵者止坐绞罪犯人皆绞亦与同绞也此见应捕人以追捕罪人为事若已承差遣而托故不行或知罪人所在而不行追捕均为违玩故比罪人之罪减一等若罪人数多则就其罪重者减之仍责三十曰追捕不获然后决若限内能自捕得一半以上或虽不及一半但获犯罪最重之人皆得免罪以捕获之功可也虽一人捕得同捕人皆免罪若不曾捕得而罪人已死或自行赴官出首各尽无有一人不死不首者则无用捕矣故亦得免罪如罪人死未尽首未尽者则以不尽者之罪减一等坐之其非应捕人而官府临时差遣者或不行或不尽或不捕各减应捕人一等是通减罪人三等矣亦给捕限限内捕得一半或所获罪重或罪人已死自首皆与应捕人同得免罪若应捕及临时差遣人有受财故纵者是贪利玩法故不给捕限各与同罪至死者仍以首从全科之所受之赃重于犯人之罪者计赃以枉法从重论前曰减罪人罪一等是罪人虽未到官拟罪众证明白即同成狱其罪已可据矣此曰与囚同罪而不言罪人者盖受财故纵至死全科故必罪人到官招承定拟而后可以论故纵者之罪故不曰罪人而以囚为言耳或谓故纵而不受财者律无明文然知而不捕即故纵也按责限跟捕见于大诰项下云缘各人俱未责限跟捕各依限追捕得一半以上或所获罪重皆免罪限内不获送回依拟发落一受财故纵者虽不给捕限能于未断之间自捕得者止依受财枉法科断

罪人拒捕

凡犯罪逃走拒捕者各于本罪上加二等罪止杖一百流三千里殴人至折伤以上者绞杀人者斩为从者各减一等○若罪人持仗拒捕其捕者格杀之及囚逃走捕者逐而杀之若囚窘迫而自杀者皆勿论○若已就拘执及不拒捕而杀或折伤者各以鬪杀伤论罪人本犯应死而擅杀者杖一百

纂注逃走拒捕两平说或作一串则下各字难通矣观名例律事发在逃自首得免逃罪二等可见既曰罪人又曰囚者见在拘系与罪人不同也自杀谓投赴水火崖壑自残害跌扑皆是此见犯罪或逃走或拒捕是再犯故各于本罪上加二等罪止杖一百流三千里及本犯应死者自依常律因拒捕而将所差之人殴至折伤者绞杀者斩为从者各减一等如逃走拒捕减为首者一等则是于本罪上止加一等也折伤杀死减为首者一等则杖一百流三千里也罪人持仗而拒捕则捕之者格鬪不得力囚在系而逃走则捕之者追逐不得不急与囚窘迫而自杀则亦有取死之道故皆勿论曰持仗曰囚曰逐日窘迫字最重若囚人已就拘执及不拒捕而捕者或杀之或殴至折伤者以鬪殴杀伤论此以罪不应死者言若本犯应死而杀之者杖一百不言折伤勿论可知矣此与拒捕殴迫摄人不同者盖追摄者本无罪之人故拒敌之罪轻追捕者本有罪之人故拒捕之罪重若应捕人及无干人不因公务擅杀死囚囚虽应死既无故而杀合依常人谋故杀论囚走须事发应该问罪而逃者方坐今一奉提不到即招逃走不论本罪之有

无获曰一概加二等非律意矣

狱囚脱监及反狱在逃

凡犯罪被囚禁而脱监及解脱自带枷锁越狱在逃者各于本罪上加二等因而窃放他囚罪重者与囚同罪并罪止杖一百流三千里本犯应死者依常律○若罪囚反狱在逃者皆斩同牢囚人不知情者不坐

纂注由门而逃曰脱监踰墙而逃曰越狱因而窃放他囚指逃因而言罪重者谓所窃放之囚罪重于己罪者此言罪人已被拘禁而脱监及自解脱枷锁而越狱在逃是先已犯罪而又犯矣故加本罪二等须出外乃坐若脱枷锁而越未出则依应禁不禁条自脱枷锁科断若囚脱逃因而窃放他囚其罪重于逃囚者则以所窃放之囚罪罪之曰罪重则轻若等者止坐脱监越狱加罪矣以上加罪同罪并止杖一百流三千里其本犯原罪应死者或绞或斩自依常律无所用其加矣若罪囚反狱在逃者与脱监者不同故不分首从皆斩同牢囚人不知情者不坐观此则同牢之人知其反情虽不助力而不行发告者亦系知情并坐斩罪不言狱卒见主守不觉失囚条一犯罪未决起解中途在逃及解脱自带枷锁在逃者亦各于本罪上加二等

条例

一各府州县掌印巡捕官但有死罪重囚越狱三名以上俱住俸戴罪勒限缉拏六名以上调用十名以上降一级十五名以上降二级通限三个月以里有能尽数拏获者免罪卫所官遇有失囚亦照前例若偶因公事他出致有疎虞者减见在主守之人罪各一等其兵备守巡官系驻扎处所失事二次参奏罚治抚按官有隐匿不以实闻者听部院该科参究

徒流人犯

凡徒流迁徙囚人役限内而逃者一日笞五十每三日加一等罪止杖一百仍发配所其徒囚照依元犯徒年从新拘役役过月日并不准理○若起发已断决徒流迁徙充军囚徒未到配所中途在逃者罪亦如之○主守及押解人不觉失囚者一名杖六十每一名加一等罪止杖一百皆听一百日内追捕提调官及长押官减主守及押解人罪三等限内能自捕得或他人捕得若囚已死及自首皆免罪故纵者各与囚同罪受财者计赃以枉法从重论

纂注役限惟指徒罪囚人而所逃之罪及仍发配所则流与迁徙皆与徒同故混言之观下文从新拘役一节提出徒罪可见主守即配所管工之人押解人则路上解囚之人也提调即配所监临之官长押官即官司所委管领解囚者也皆免罪皆字指提调官以下四等人言此条分三段首一节以在配役者言逃者计日论罪罪止杖一百仍发原配所收管及囚徒照依原徒限从新拘役役过月日不论久近并不准理不及充军者见从征守御军逃律故此不言而下言之也次一节以起发在途者言逃者亦计日论罪罪止杖一百发原定配所充徒充军为民第三节以主守押解人提调押解官言而主

守押之责尤重故不觉失囚者在主守押解者则计名论罪罪止杖一百给限追捕提调长解官则减罪二等限内或自己或他人捕获若囚已死或自首提调等官押解等人皆得免罪此皆以不觉失囚者言若故纵囚逃走者各与所纵之囚同罪受财故纵者各计入己之赃以枉法从重论盖受财之罪重于故纵则以赃论轻于故纵则以囚人之罪罪之按应捕人追捕罪人律云受则故纵者不给捕限则此不给捕限可知又同差自相替放律云事有损失者依损失官物及失囚罪律追断不在减等之限则同役押解者不分首从亦可知矣

备考

一徒流迁徙人逃如自首及还归本所者依名例律减罪二等

一运炭等项未完在逃者问不应照旧纳贖

条例

一凡问发充军人犯逃回原犯真犯死罪免死充军者照依原问死罪处决杂犯死罪以下充军者初犯问罪枷号三个月仍发本卫再犯枷号三个月调极边卫若犯至三次通系着伍以后者即依守御官军律绞其有在逃遇赦者不分初犯再犯俱免枷号仍发原卫三犯亦并论拟绞奏请定夺

一各处有司起解逃军并军丁及充军人犯量地远近定立程限责令管送若长解纵容在家迁延不即起程违限一年以上者解人发附近正犯原系附近发边卫原系边卫发极边卫分各充军

一凡问发直隶延庆保安二州为民人犯但有在逃者俱问罪改发东自在安乐二州若发自在安乐二州逃回者枷号三个月照旧解发再逃者照前枷号改发极边卫分充军其在逃遇赦者亦不准宥免照旧解发

稽留囚徒

凡应徒流迁徙充军囚徒断决后当该官司限一十日内如法枷扭差人管押牢固关防发遣所拟地方交割若限外无故稽留不送者三曰笞二十每三曰加一等罪止杖六十因而在逃者就将提调官吏抵犯人本罪发遣候捕获犯人到官替役至日疎放别叙抵犯人本罪谓将提调官吏照依犯人所犯该徒者抵徒该流者抵流该迁徙者抵迁徙该充军者抵充军候跟捕犯人得获至日将官吏疎放别行叙用○若邻境官司囚到稽留不即递送者罪亦如之○若发遣之时提调官吏不行如法枷扭以致囚徒中途解脱自带枷扭在逃者与押解人同罪○并罪坐所由受财者计赃以枉法从重论

纂注此条无故字最重如有故则勿论可知矣押解人罪见上条罪坐所由及受财通承上言盖徒流迁徙充军囚犯既经断决提调官吏自当依期如法发遣已经解到邻境官亦应实时递送若限外无故稽留不送及不递送者并计日论罪罪止杖六十因稽留致其脱逃者官吏并抵罪或徒或流或军或迁徙即以其罪罪之其提调官吏于发遣之时枷扭之类亦应牢固若不行如法枷扭致其中途解脱在逃者虽押解人之罪

而提调官吏与有责焉故与押解人同罪以上俱罪坐所由如提调官吏无故不发遣邻境官司稽留不递送提调官吏不如法枷杻以致在逃者俱坐经手官吏不滥及也受财而稽留及不递送不如法枷杻以致在逃者并计赃以枉法从重论

主守不觉失囚

凡狱卒不觉失囚者减囚罪二等若囚自内反狱在逃又减二等听给限一百日追捕限内能自捕得及他人捕得若囚已死及自首皆免罪司狱官典减狱卒罪三等其提牢官曾经躬亲逐一点视罪囚枷锁杻俱已如法取责狱官狱卒牢固收禁文状者不坐若不曾点视以致失囚者与狱官罪同故纵者不给捕限各与囚同罪未断之间能自捕得及他人捕得若囚已死及自首各减一等受财者计赃以枉法从重论○若贼自外入劫囚力不能敌者免罪○若押解罪囚中途不觉失囚者罪亦如之

纂注提牢官如刑部月轮主事都察院月轮御史各一员提牢府州县牢狱委佐贰官一员提调是也故纵通承上提调官司狱官典狱卒等人而言末节罪亦如之谓如狱卒不觉失囚之罪不言受财故纵者备见徒流人逃条内此见狱卒以看守牢狱为事罪囚脱监越狱而不觉是疎玩也故止减囚人罪二等若囚自狱内反出而逃虽不能防闲而亦非其所能控制故又减囚罪二等通减四等限捕不获然后以其罪坐之若限内或自己或他人捕获或囚已死及自首不问失囚反狱皆得免罪司狱官典又减狱卒罪三等如失囚则减五等反狱则减七等亦限外不获而后坐之若提牢官以提调牢狱为职不曾点视以致失囚亦疎慢也故与狱官同罪以上皆以不曾故纵及受财者言其狱卒及司狱官典提牢官故纵囚逃者是纵恶也故不给捕限各与囚同罪各字指上官吏狱卒等言若罪未断决之间有能捕获或囚已死及自首者各减囚罪一等虽囚罪至死亦止减一等难如名例律于罪止之上又得重减也若受财而故纵之者则计赃以枉法从重论劫囚者自外而入力不能敌故得免罪若押解罪囚中途不觉失脱者亦如上狱卒不觉失囚科断押解人减囚罪二等长解减押解人罪三等按徒流人逃主守及押解人不觉失囚者计名论罪止杖一百此押解人中途不觉失囚者止减囚罪二等若死罪囚在逃坐满徒轻重不同者盖前曰囚徒乃已经决断者其事已结其罪已明虽逃不误大事故其罪轻此曰罪囚乃未经问拟者或停囚待对或歇案待结或罪浮于徒流迁徙充军者而致其在逃悞事恐大故其罪重不可以例论也

知情藏匿罪人

凡知人犯罪事发官司差人追唤而藏匿在家不行捕告及指引道路资给衣粮送令隐避者各减罪人罪一等其展转相送而隐藏罪人知情者皆坐不知者勿论○若知官司追捕罪人而漏泄其事致令罪人得以逃避者减罪人罪一等未断之间能自捕得者免罪若他人捕得及罪人已死若自首又各减一等

纂注知情谓知其犯罪之情也各减罪人罪一等各字指藏匿及指引资给三项又各减一等各字指他人捕得及囚已死囚自首三项此条以非亲属者言罪人乃未

到官者也皆不给捕限盖知而藏匿及引途隐避是谓掩奸藏恶故不问隐藏指引资给各减犯人罪一等坐之虽至死亦减一等其展转相送其间容有知不知者故知情者与初先引送之人皆坐减犯人一等之罪而不知者不坐也不言未断捕得免罪者盖藏匿指引并云知情则无事于捕矣虽自获送官虽准首免其知官府追捕而漏泄其事致令逃避者亦减犯人罪一等未断之间其本身或家属捕获者免其漏泄之罪他人捕得及罪人已死若自首又各减一等则是通减犯人罪二等矣按名例律因人连累致罪条云藏匿引送资给之类其罪人自死听减二等自首告等项亦准减免赎罪法此云又各减一等者盖名例指事未发先自藏匿者而言此所称藏匿等项指事已发官司追唤者而言未发而藏匿既发而连坐之故云因人连累致罪事发差人追唤而藏匿引送则是欺公党恶自犯之罪与连累者有间矣又按辩疑云一人犯数罪藏匿人止知一罪则以所知之罪坐之其余不知者不坐若赦前藏匿罪人赦后仍前藏匿或初不知其有罪容寄之后方知者并依藏匿罪人科断若犯人非谋反上以其亲属知而藏匿之或犯人纠合外人俱来若系亲兄依得兼容隐免罪若大功以上亲与之俱来亦合无罪小功缌麻亦合一体减三等与本律得减一等通减四等无服之亲亦合通减二等所以厚风俗笃伦理也惟纠外人来则拟此律非官司追捕而藏匿者问不应

盗贼捕限

凡捕强窃盗贼以事发日为始当该应捕弓兵一月不获强盗者笞二十两月笞三十三月笞四十捕盗官罚俸钱两月弓兵一月不获窃盗者笞一十两月笞二十三三月笞三十捕盗官罚俸钱一月限内获贼及半者免罪○若经隔二十日以上告官者不拘捕限捕杀人贼与捕强盗限同

纂注事发日谓发于官之日也官罚俸钱必三月不获然后行罚以官总大纲也若一月二月不获即坐官罚俸则罪重于弓兵矣限内谓一月二月三月之内也此见强盗甚于窃盗故捕强盗不获之罪重于窃盗总捕官与应捕弓兵不同故弓兵计月论笞官必三月不获然后罚俸限内获贼及半者官与弓兵俱免罪以捕获之功可不责备也若被盗之后经隔二十日以上告官者则盗去已远踪迹将泯故不拘一月二月三月之限而坐罪罚俸也杀人之罪与强盗无异故其捕限亦同弓兵亦计月加笞官亦罚俸两月经二十日以上告者亦不拘限并如上拟断云

条例

一凡府州县系有城池及设有卫所被贼打劫仓库狱囚或杀死职官或聚至百人以上者抚按官就将各掌印操捕等官先行参奏住俸戴罪缉捕限半年以里尽数拏获免罪如过限拏获未尽再限三个月尽获亦准免罪若全无拏获及再限内不能尽数拏获者不分军卫有司俱问罪降二级文官送部武官仍于本卫所各调用卫所失事止坐卫所掌印操捕等官兵备守巡并守备官住札本城者降一级调用不系住札处所止调用若自来不曾设有城池者掌印巡捕等官止降级兵备守巡守备等官分别罚治

一各处民间被贼打劫实时擒获者不分城内城外各掌印巡捕等官俱免罪一月之外不获通行住俸候拏获一半以上方准开支若中间能获别起及别府州县真正强盗及各越狱重囚亦准抵数但不许将照捕名数朦胧捉拏以图抵饰仍通计一年之内除尽数拏获及拏获一半以上免罪者不计外城内积至五起城外及无城去处至十起以上不分军卫有司掌印巡捕等官参究问罪俱降一级文官送部武官于本卫所各调用兵备守巡官分别罚治

一凡强盗打劫各该有司军卫员役不分事情轻重务要登时从实申报如有隐匿者抚按官即将各该员役应提问者提问应参奏者就便参奏酌量情罪轻则罪治重则降黜议拟上请不许容隐其抚按官遇有报到若系杀官劫库劫狱并聚至百人以上或啸聚不散及城内打劫至杀人者即行奏报其民间被劫事情稍轻者类入岁报册内年终具奏俱不许容隐违者听部院该科参奏重治

一京城内外但有强盗得财伤人者巡捕把总兵马等官实时擒获免罪仍论功叙录若有脱逃俱即住俸限三个月以里拏获一半以上姑准开俸过限不获各罚俸三个月仍总计一年之内除尽数拏获及拏获一半免罪者不计外城内积至五起城外十起以上俱问罪降一级文官仍调外用

大明律集解附例卷之二十八

刑律

断狱

囚应禁而不禁

凡狱囚应禁而不禁应枷锁杻而不枷锁杻及脱去者若囚该杖罪笞三十徒罪笞四十流罪笞五十死罪杖六十若应枷而锁应锁而枷者各减一等○若囚自脱去及司狱官典狱卒私与囚脱去枷锁杻者罪亦如之提牢官知而不举者与同罪不知者不坐○其不应禁而禁及不应枷锁杻而枷锁杻者各杖六十○若受财者并计赃以枉法从重论

纂注已成狱者曰囚首节言原问官之罪次节言囚及司狱官典狱卒及提牢官之罪三四节则总承之男子犯徒以上妇女犯奸及死罪皆应收禁其在禁囚徒以上应杻充军以上应死锁罪应枷惟妇人不枷官犯私罪杖以下及公罪流以下与民人罪轻者及老幼废疾皆散收在禁详见大明令此条当与与囚金刃解脱条参看此言凡问刑官将在狱应合收禁之罪囚而不即收禁或在禁应合枷锁杻者而不枷锁杻及已枷锁杻而与之脱去者若囚系杖罪者当该官司笞三十徒罪笞四十流罪笞五十死罪杖六十不言笞者情轻而责薄也若情重本应枷而却锁情稍轻本应锁而反枷者当该官司各减一等此自原问官言之若已如法枷锁杻而囚自行脱去及司狱之官典狱之卒私自与囚脱去枷锁杻者罪囚与官典狱卒各依上文脱去者杖罪笞三十徒罪四十流

罪五十死罪杖六十科断故曰罪亦如之若提牢官知其脱去情由而不举行者与司狱官典狱卒同罪不知者不坐至若不应收禁之人而乃收禁及不应枷锁扭者而反枷锁扭问刑官及提牢官与司狱官典狱卒各杖六十罪坐所由以上皆未至受财者若问刑官司及提牢官司狱官典狱卒因受罪囚之财或不禁或不枷锁扭若与囚脱去或知而不举者并计其入己之赃以枉法从重论赃重者坐赃轻者从本罪也

条例

一凡枷号人犯除例有正条及催征税粮用小枷枷号朝枷夜放外敢有将罪轻人犯用大枷枷号伤人者奏请降级调用因而致死者问发为民故禁故勘平人

凡官吏怀挟私讎故禁平人者杖八十因而致死者绞提牢官及司狱官典狱卒知而不举首者与同罪至死者减一等不知者不坐若因公事干连平人在官无招误禁致死者杖八十有文案应禁者勿论○若故勘平人者杖八十折伤以上依凡鬪伤论因而致死者斩同僚官及狱卒知情共勘者与同罪至死者减一等不知情及依法考讯者不坐若因公事干连平人在官事须鞫问及罪人赃仗证佐明白不服招承明立文案依法考讯邂逅致死者勿论

纂注此条与上条不同上条轻罪而不应禁者此平人则无罪之民耳无招误禁盖有罪则有招无罪则无招既无罪而不先省发保候是为无招误禁勘是拷讯之意知情共勘知其故勘之情而与之共勘也此言凡官吏有怀挟自己私讎将平人故行监禁者官吏杖八十因故禁而致死平人者绞若提牢官及司狱典狱卒知其无罪故禁而不举首与官吏同罪至死者提牢官等减一等杖一百流三千里不知其故禁之情者不坐罪若该问公事干连无罪平人在官本无招罪不行保候误禁致死者原问官吏杖八十若虽无罪犯系紧关于对之人立有文案而应该监禁者则非故禁矣虽致死勿论至若官吏有怀挟私讎将平人故行拷打勘问者虽无伤亦杖八十若故勘而至折伤以上者依鬪殴律以凡人鬪殴伤论因故勘而致死者官吏坐斩同僚官及狱卒明知其有怀挟情由而与之共勘者与怀挟官吏同罪致死者同僚官狱卒减一等杖一百流三千里若同僚官狱卒不知挟私情由而与之共勘及共勘而依法讯杖以致伤者不坐罪若因见问公事干连证佐平人在官其事须要推鞫勘问及事内罪人赃仗证佐俱已明白而犹为之隐情不肯招承伏罪将其事由明立文案依法考讯者则非故勘矣故邂逅身死者勿论夫曰故禁而又言其有应禁者曰故勘而又言有应勘者盖必有故禁故勘之罪而后刑不滥有应禁应勘之条而后奸无容也

条例

一内外问刑衙门一应该问死罪并窃盗抢夺重犯须用严刑考讯其余止用鞭朴常刑若酷刑官员不论情罪轻重辄行梃棍夹棍脑匠烙铁等项惨刻刑具如一封书鼠弹箏栏马棍燕儿飞等项名色或以烧酒灌鼻竹签钉指及用径寸懒杆不去棱节竹片

乱打覆打或打脚踝或鞭脊背若但伤人不曾致死者俱奏请文官降级调用武官降级于本卫所带俸因而致死者文官发原籍为民武官革职随舍余食粮差操若致死至三命以上者文官发附近武官发边卫各充军

淹禁

凡狱囚情犯已完监察御史提刑按察司审录无冤别无追勘事理应断决者限三日内断决应起发者限一十日内起发若限外不断决不起发者当该官吏三日笞二十每三日加一等罪止杖六十因而淹禁致死者若囚该死罪杖六十流罪杖八十徒罪杖一百杖罪以下杖六十徒一年

纂注此条兼五刑通言之若稽留囚徒条发遣则专指徒流迁徙也断决不独笞杖如徒流亦有杖该断者死罪处决亦曰决起发专指徒流言或谓决是的决不可兼死罪以死罪不可限三日不知国初未有准徒五年之例也此言凡狱囚所犯情罪既已成狱完备在内之监察御史在外之提刑按察司已经审录无有冤枉事内别无追究取勘未报事理其所犯笞杖徒流死罪有应断决者限三日之内即行断决系徒流应合起发役配者限十日之内即行起发若三日不断决十日不起发限外过三日者当该官吏笞二十每三日加一等至十五日之上者罪止杖六十其因限外不断决不起发而有淹留禁錮致死者若致死之囚该死罪者官吏杖六十流罪杖八十徒罪杖一百杖罪以下杖六十徒一年盖狱囚之以渐而轻则淹禁之罪以渐而重其立法之意深远矣

凌虐罪囚

凡狱卒非理在禁凌虐殴伤罪囚者依凡鬪伤论克减衣粮者计赃以监守自盗论因而致死者绞司狱官典及提牢官知而不举者与同罪至死者减一等

纂注此言在狱之囚各有应得之罪若狱卒有纵肆非理在禁欺凌虐害至殴伤罪囚者依凡殴伤论若官给与罪囚衣服米粮而狱卒克减入己计其所克减之赃以监守自盗不分首从论若因其凌虐而有所损伤或因克减而有所冻馁因而致罪囚于死者狱卒坐绞其司狱官典及提牢官知其凌虐克减之情而不行举觉者与狱卒同罪若狱囚该死罪者司狱官典得减一等杖一百流三千里释义云不言不知者以与囚相近得察其情也

条例

一法司问断过各处进本等项人犯发各衙门程递者除原有柵镣及牢固字样照旧外其押解人役若擅加柵镣非法乱打搜检财物剥脱衣服逼致死伤及受财故纵并听凭狡猾之徒买求杀害者除真犯死罪外徒罪以上属军卫者发边卫充军属有司者发口外为民

与囚金刃解脱

凡狱卒以金刃及他物可以自杀及解脱枷锁之具而与囚者杖一百因而致囚在逃及自伤或伤人者并杖六十徒一年若囚自杀者杖八十徒二年致囚反狱及杀人者

绞其囚在逃未断之间能自捕得及他人捕得若囚已死及自首者各减一等○若常人以可解脱之物与人及子孙与祖父母父母奴婢雇工人与家长者各减一等○若司狱官典及提牢官知而不举者与同罪至死者减一等○若受财者计赃以枉法从重论○若狱囚失于点检致囚自尽者狱卒杖六十司狱官典各笞五十提牢官笞四十

纂批注脱之具即上金刃他物及字承上可以自杀来常人包平人与亲属言子孙以下又从其至亲者言也此言凡主典罪囚之狱卒有以金之有刃及他物如药物之类凡可以使人自杀及可以解脱枷锁之类而与囚人者虽未自杀与解脱即杖一百其囚因得金刃他物以致脱狱在逃及在狱而自伤其身或伤人者狱卒并杖六十徒一年若囚因而自杀者杖八十徒二年因金刃他物以致反狱在逃及杀人者狱卒处绞若其囚在逃狱卒已行问罪未曾断决之间能自捕获所逃之囚及他人捕得若囚自死及囚自出首者狱卒各减罪一等囚逃者杖一百反狱者杖一百流三千里若常人不系主守狱囚有以金刃及可解脱之具与囚人及子孙以之与祖父母父母奴婢雇工人以之与家长者各减狱卒之罪一等未用者杖九十以致囚逃者及自伤或伤人者杖一百囚自杀者杖七十徒一年半反狱及杀人者杖一百流三千里其未断之间但能捕得及自死自首者又各减一等若司狱官典及提牢官明知狱卒常人及囚之子孙奴婢雇工人以可解脱之物与囚而故纵不行举问者各与狱卒等同罪至死者减一等若狱卒常人因受囚人之财而与金刃等物或提牢官司狱官典因受狱卒常人之财而不行举问者各计其入己之赃以枉法从其罪之重者论赃重从赃论赃轻从本罪论若提牢官及司狱官典狱卒失于点检以致在狱之囚自尽身死而不觉原无与以金刃他物之情者狱卒杖六十官典笞五十提牢官笞四十夫有官典之罪则督察密而有先事之防有狱卒常人之罪则狱禁严而无意外之变矣

主守教囚反异

凡司狱官典狱卒教令罪囚反异变乱事情及与通传言语有所增减其罪者以故出入人罪论外人犯者减一等○若容纵外人入狱及走泄事情于囚罪无增减者笞五十○若受财者并计赃以枉法从重论

纂注反异谓已招承而又反其前说也通传言语有两意谓通传囚言于外或通传外言于囚俱是盖司狱官典与狱卒其责但典守罪囚而已若有教令罪囚反异原招而变乱其真实事情及与通传言语于内外以致罪囚扶同而有所增入他人减去自己之罪者官典狱卒以故出入人罪论增轻作重坐以所增减重作轻坐以所减若不系守狱之人而为外人或教囚反异及通传言语者减狱卒官典罪一等若狱卒官典有故纵容外人入狱及狱卒官典通传而走递漏泄事情于囚罪无所增减者笞五十若司狱官典狱卒及外人接受罪囚之财而教令反异及通传有所增减或狱卒官典接受外人之财而纵容入狱通传教令者并计所入己之赃以枉法论赃重从赃论教令等项罪重者以本罪论故曰从重论罪

备考

一律不着外人入狱中之罪以不应事重论

狱囚衣粮

凡狱囚应请给衣粮医药而不请给患病应脱去枷锁扭而不脱去应保管出外而不保管应听家人入视而不听司狱官典狱卒笞五十因而致死者若囚该死罪杖六十流罪杖八十徒罪杖一百杖罪以下杖六十徒一年提牢官知而不举者与同罪○若已申禀上司不即施行者一日笞一十每一日加一等罪止笞四十因而致死者若囚该死罪杖六十流罪杖八十徒罪杖一百杖罪以下杖六十徒一年

纂注保管入视疏议谓干证之人应保候功臣及五品以上官应入视不知此条专谓病囚言观大明令可见况功臣入视自有本条也上司指官典本衙门之上司即今都察院刑部堂上之类此言在狱之囚冬夏合给衣粮疾病合给医药而司狱官典狱卒不即申禀上司给与及囚有患病死罪以下应与脱去枷锁扭而不脱去笞罪应保管出狱而不保管或应听令家人入内看视而不听者司狱官典狱卒笞五十若囚不给衣粮医药及不脱去枷锁扭不令保管入视而致死者若囚该死罪狱官典狱卒杖六十流罪杖八十徒罪杖一百杖罪以下杖六十徒一年提牢官知其不给衣粮等项及因而致死之情而不行举问者与司狱官典狱卒同罪若司狱官典狱卒将应给罪囚衣粮等项已行申禀本管上司而上司官吏承报不即施行给与者若一日不行笞一十每一日加一等至四日之上罪止笞四十因不施行给与而致囚身死者若囚该死罪杖六十流罪杖八十徒罪杖一百杖罪以下杖六十徒一年盖衣粮等项职掌在上司而申禀施行则官典狱卒之责不申禀而上司不知故专罪主守已申禀而不即施行故专罪上司耳功臣应禁亲人入视

凡功臣及五品以上官犯罪应禁者许令亲人入视徒流者并听亲人随行若在禁及至配所或中途病死者在京元问官在外随处官司开具致死缘由差人引领亲人诣阙面奏发放违者杖六十

纂注此言功臣为八议之贵五品以上文武官皆九流之尊或有犯罪应收入禁者许令其亲人入监看视犯徒流罪应发配发遣者并听亲人随行若在禁而未及论决及已至配所或行至中途有因病而死者在京之原问官在外随其病故所在之官司开具其在禁在途或在役致死缘由差人引领所入视或随行之亲人诣阙面奏请旨发放若原问官及在外各该官司有违律不令人入视随行及不引亲人入面奏者并杖六十其所以崇有功而重有爵者此可以观其一端矣

死囚令人自杀

凡死罪囚已招服罪而囚使令亲戚故旧自杀或令雇倩人杀之者亲故及下手之人各依本杀罪减二等若囚虽已招服罪不曾令亲故自杀及虽曾令自杀而未招服罪辄杀讫或雇倩人杀之者亲故及下手之人各以鬪杀伤论○若虽已招服罪而囚之子

孙为祖父母父母及奴婢雇工人为家长者皆斩

纂注亲故亲字兼有服无服言子孙奴婢雇工人不分令杀辄杀皆斩即伤而不死亦是故只总曰为字此言凡犯死罪囚已行招承定有罪名而囚或畏惧刑戮使令亲戚故旧自下手杀之或令亲故雇倩他人杀之者亲故及雇倩下手之人各依本杀罪减二等亲戚依鬪杀伤尊长卑幼本律减二等盖在囚虽有可杀之罪而亲故等非可杀之人也若囚虽已招服罪而不曾令亲故自杀及虽曾令自杀而未招服罪者若亲故辄杀讫或亲故自雇倩人杀之者亲故及下手之人各以鬪杀伤论亲属依亲属律凡人依凡人律各全科不得依减二等盖不令自杀犹有欲生之心而未招服罪或非可死之罪也若囚虽已招服其罪而囚之子孙为祖父母父母及囚之奴婢雇工人为家长听令自杀或令雇倩人杀之者子孙奴婢雇工人不分首从皆斩名分既尊又不得与亲故同科然为其曾有父祖家长之命故止坐斩若未招服罪与虽服罪不令杀而杀之者又当各依本杀法皆凌迟处死矣

按或谓父祖家长令子孙以下雇倩人之其子孙奴婢雇工人及下手之人皆斩非也律云令雇倩人者本谓囚令亲故雇倩他人杀之则是雇倩明与自杀对言然囚令亲故雇倩人杀之乃谓其不分首从皆斩何耶盖首从本罪各别在子孙凡人各有本杀之法则下手之人自当依凡鬪减二等耳不然则子孙谋杀祖父其凡人从而加功者何乃止坐绞耶

老幼不拷讯

凡应八议之人及年七十以上十五以下若废疾者并不合拷讯皆据众证定罪违者以故失入人罪论其于律得兼容隐之人及年八十以上十岁以下若笃疾皆不得令其为证违者笞五十

纂注以故失入人罪论者谓不雇其应议及年之老幼疾之笃废重加拷讯而老幼不任其若而虚招则以故入论不稽其是是否应议年之老幼疾之笃废而误加拷讯以成罪则以入论拷拷打讯讯杖也此言凡律应八议之人及军民人等七十以上十五以下若人之有发疾者凡有犯并不合用刑拷讯皆据众人证佐情词以定其罪所以优礼应议之人恤老慈幼矜不成之人意若当该官司违此律而加拷讯以坐者即所坐轻重之罪以故失入人罪论故入者全坐失入者减三等其于律中得兼容隐之人及年八十以上十岁以下若笃疾者皆不得令其为证盖容隐之人易为亲者讳而老幼笃疾于法免罪或恃此以罔人故违律而令其证佐者当该官司笞五十以吏为首递减科罪

备考

一违律拷讯而事不枉断者以不应科

鞫狱停囚待对

凡鞫狱官推问罪囚有起内人伴见在他处官司停囚待对者虽职分不相统摄皆听直行勾取文书到后限三日发遣违限不发者一日笞二十每一日加一等罪止杖

六十仍行移本管上司问罪督发○若起内应合对问同伴罪囚已在他处州县事发见问者听轻囚就重囚少囚从多囚若囚数相等者以从发之囚送先发官司并问若两县相去三百里之外者各从事发处归断违者笞五十若违法将重囚移轻囚多囚移就少囚者当处官司随即收问仍申达所管上司究问所属违法移囚之罪若囚到不受者一百笞二十每一百加一等罪止杖六十

纂注首节见在他处官司是一事发于此而未发于彼也下节已在他处州县事发是一事而发于两处也少囚够就多囚盖囚无轻重则以多寡为准也不曰人犯而曰人伴以未定其罪耳此言凡各衙门鞫狱官枉问罪囚有同起事内紧关于对人伴见别处布政司或各府州县官司而此处停囚专待其人对问者鞫狱官虽与彼处官司职分不相统摄皆听移文直行勾居若文书到后其彼处官司限三日之内将所勾取人犯发遣归问如违限占愆不发者一曰笞二十每一日加一等违限五日之上罪止杖六十仍将违限不发缘由依律行移彼处本管上司问其违限之罪将人犯督并发遣若同起事内应合对问罪囚其事已在他处州县发觉而见被鞫问者不问本处他处官司俱听轻罪囚移就重囚或人少囚移就人多囚若囚罪囚数相等者以在后事发之囚送先发官司并问若两县相去三百里之外者各从先后事发之处官司各自归断不必并问违问者笞五十若州县故违移囚就问之法将重囚移就轻囚多囚移就少囚者是意在推避也当处官司随即收问仍将移囚就问缘由申达彼处本管上司究问所属违法移囚之罪即笞五十是也若彼处官司将囚送到而当处官司不即受理者一曰笞二十每一百加一等至五日之上罪止杖六十凡此皆所以顺民之情而哀矜之意见矣

条例

一问刑衙门行文军卫有司提人迁延三个月以上不到经该官吏住俸候事完之人方许关支半不到经该官员参奏提问

一在京在外问刑例应委官勘问及行军卫有司会勘者如财产等项限一个月勘检人命限两个月驳勘者亦限一个月如违及托故推调不即赴勘者参奏是问仍另行委官作急勘报

依告状鞫狱

凡鞫狱须依所告本状推问若于状外别求他事摭拾人罪者以故入罪论同僚不署文案者不坐○若因其告状或应掩捕搜检因而检得别罪事合推理者不在此限纂注凡官司讯鞫狱讼须以原告所告本状事情轻重据法推问若于原告状外故行推求别项事而摭拾人罪者以故入人罪或以全罪科之或以增轻作重科罪之其同僚官应联署文案者若不知情止依失入人罪论原不同署文案者不坐罪若因其所告状内事情或有法应掩捕 检因而检得被犯别项情于律合该推问非系罗织者不在故入人罪之限盖别罪而不行推理是为长奸故法有坐不坐耳

原告人事毕不放回

凡告词讼对问得实被告已招服罪元告人别无待对事理随即放回若无故故稽留三日不放者答二十每三日加一等罪止答四十

纂注此条重得实二字盖不得实则原告不能无罪而被告亦未必招服故凡告词讼原告被告对问得实被告亦招认服罪原告人并无别项待事理官司当随即将原告放回若无待对事故将原告稽留在官不放者即为淹滞矣从事结之后过三日吏官答二十每三日加一等罪止答四十

狱囚诬指平人

凡囚在禁诬指平人者以诬告人论其本犯罪重者从重论○若官吏鞫问狱囚非法拷讯故行教令诬指平人者以故入人罪论○若追征钱粮逼令诬指平人代纳者计所枉征财物坐赃论其物给主○其被诬之人无故稽留三日不放回者答二十每三日加一等罪止杖六十○若鞫囚而证佐之人不言实情故行诬证及化外人有罪通事传译番语不以实对致罪有出入者证佐人减罪人罪二等谓证佐人不说实情出脱犯人全罪者证佐人减犯人全罪二等若增减其罪者亦减犯人所得增减之罪二等之类通事与同罪谓化外人本有罪通事符同传说出脱全罪者通与犯人同得全罪若将化外人罪名增减传说者以所增减之罪坐通事谓如化外人本招承杖六十通事传译增作杖一百即坐通事杖四十又如化外本人招承杖一百即坐通事杖四十又减作答五十即坐通事答五十之类

纂注被诬之人指以下而言此言凡囚人在禁其有诬捏攀指告言无罪平人者官司随其所诬之事理轻重以诬告律论罪如诬人答罪加二等流徒杖罪加三等诬死未决坐流加役其狱囚原犯之罪本重于所诬者自从重论若官吏鞫问罪囚而非法用刑拷讯故行教令诬指平人者官吏以故入人全罪论其囚罪未决及自死者听减一等若官司追征逋欠钱粮而逼令纳户诬指无干平人代纳者计枉征过平人之财物坐赃论一贯以下答二十至五百贯之上罪止杖一百徒三年以其赃非入己也其枉征之物追给还主若所诬被指之平人官司追问明白而无故将被诬之人稽留听候有过三日而不行放回者答二十每三日加一等至十五日之上罪止杖六十比上条不放原告之罪重者以其被诬也若官司推鞫罪囚其事内证佐之人有所符同偏庇不言实情故行诬证及化外夷人有罪而通事之人传译番语不以实对各致官司断罪有所出入者若证佐人出入人全罪者减犯人全罪二等此律注不言入人之罪而云之类则固该之矣若增减其罪者亦减犯人所得增减之罪二等谓如犯人本杖六十证佐杖一百增杖四十即坐证佐人杖二十又如犯人本杖一百证佐答五十减杖五十即坐证佐杖三十之类若化外人有罪而通事人符同传说出脱全罪者与犯人同得全罪若将化外人罪名增减传说者亦坐通事以所增减之罪谓如化外人本招承杖六十通事传译增作杖一百即坐通事杖四十又如化外人本招承杖一百通事传译减作答五十即坐杖五十之类此云

致罪有出入盖主囚已决放者而言

官司出入人罪

凡官司故出入人罪全出全入者以全罪论谓官吏因受人财及法外用刑将本应无罪之人而故加以罪及应有罪之人而故出脱之者并坐官吏以全罪法外用刑如用火烧烙铁烙人或冬月用冷水浇淋身体之类○若增轻作重减重作轻以所增减论至死者坐以死罪谓如其人犯罪应决一十而增作二十之类谓之增轻作重则坐以所增一十之罪其人应决五十而减作三十之类谓之减重作轻则坐以所减二十之罪余准此若增轻作重入至徒罪者每徒一等折杖二十入至流罪者每流一等折徒半年入至死罪已决者坐以死罪若减重作轻者罪亦如之○若断罪失于入者各减三等失于出者各减五等谓鞫问狱囚或证佐诬指或依法拷讯以致招承及议刑之际所见错误别无受赃情弊及法外用刑致罪有轻重者若从轻失入重从重失出轻者亦以所剩罪论并以吏典为首首领官减吏典一等佐贰官减首领官一等长官减佐贰官一等科罪○若囚未决放及放而还获若囚自死各听减一等谓故入及失入人笞杖徒流死罪未决其故出及失出人笞杖徒流死罪未放及放而更获若囚人自死者于故出入及失出入人罪上各听减一等

纂注此条首二节以故言若断罪以下以失言末节又承首节言大抵此与诬告折杖不同诬告之反坐所剩入至流者本注云三流并准徒四年折杖二百四十收赎出入人罪至流者本注止曰每流一等准徒半年不云折杖收赎则与诬告有轻重矣其故失出入全罪不折流不折徒惟故有所增减者徒折杖流折徒科之断罪失于入者各减三等节各字通指出入增减说减三等五等减所出入之罪也此二减与下各减一等如拟罪当于未折杖徒之先减去一等或三等五等然后随其所出入增减科之如犯笞二十增至杖一百流三千里未决放先减去一等然后以杖一百徒三年折杖二百科之不得先以流折徒然后减一等盖恐失增失减剩杖之罪反重于全出全入者矣并以吏典为首专以失出失入者言末节小注云止言故失出入而不及增减者已包在内矣此言凡鞫狱官司其官吏有因受人之财及法外用刑将本应无罪之人而故加之以罪及本应有罪之人而故出脱之其全出全入人笞杖徒流死罪者各以全罪论若增人轻罪为重或减人重罪为轻其皆出于故者各以其所增所减之剩罪坐之若故增减人重罪至死者坐以死罪如其人应决一十而增作二十之类谓之增轻作重则以所增一十之罪罪之其人应决五十而减作三十之类谓之减重作轻则以所减二十之罪罪之若增轻作重入至徒罪者每徒一等折杖二十如其人本笞二十增至杖七十徒一年半则以其二等之徒折杖四十并入五徒原包杖一百通作一百四十于内除讫笞二十官司合坐剩杖一百二十全决之也若入至流罪每流一等折徒半年如其人本杖六十增至杖一百流三千里则以其三等之流折徒一年半先于三流原包五徒通折杖一百之内除讫杖六十官司合坐全决杖一百四十徒一年半其流不折杖也若入至死罪者官司全

抵坐以死罪其减重作轻出至流徒杖笞者亦如之谓亦以其所故减之剩罪科断若笞杖徒流死罪之囚其官司失于全入及增轻作重者各减所入全罪或所增之罪三等失于全出及减重作轻者各减所出全罪或所减之罪五等凡此皆谓官司出入囚罪已决已放者然也凡失出入增减人罪如同僚联署文案官吏五人并以吏典为首当其重罪首领官减吏典一等佐贰官减首领官一等长官减佐贰官一等四等官内如有阙员亦依四等递减如本衙门所设无四等官者止准见设员数递减科罪若同僚官一人有私自依故出入人罪论其余不知情者止依失论其官司故失入人笞杖徒流死罪未决或故失出人笞杖徒流死罪未放及放而还获若囚自死者官吏各于其所故失出入人罪之上听减一等拟断

辨明冤枉

凡监察御史按察司辨明冤枉须要开具所枉事迹实封奏闻委官追问得实被诬之人依律改正罪坐元告元问官吏○若事无冤枉朦朧辩明者杖一百徒三年若所诬罪重者以故出入人罪论所辩之人知情与同罪不知者不坐

纂注此条专谓御史及按察司官而设谓其职专伸理冤抑也所辩之人指犯罪人或谓指委官言不通此言内而监察御史外而按察司凡为犯人奏辩分理冤枉事情须要开具所枉事迹实封奏闻候旨另行委官追究问理如果冤枉得实者被诬之人依律改正仍将其所诬之罪坐原告以诬告律论原问官吏以故失入人罪论若罪囚所犯本无冤枉而御史按察司徇私朦朧为其辩明者御史按察司官杖一百徒三年盖为其奏事诈不以实也然既曰朦朧则原告原问官为其所诬矣故所诬之罪若重于杖一百徒三年者以故出入人罪论诬原问原告罪重者以故入论如出本犯罪重者以故出论若所辩之罪囚明知自己无冤而故赴御史按察司处申诉因得朦朧辩问者是谓知情与御史按察司官同罪亦杖一百徒三年所诬罪重者亦同其诬重之罪若原无申诉而御史按察司官自为辩明者是谓不知情则不坐杖一百徒三年及诬重之罪

条例

一法司凡遇一应称调问及东厂锦衣卫奏送人犯如有冤枉及情罪有可矜疑者即与辩理具奏发落毋拘成案若明知冤枉不与辩理者以故入人罪论

一法司遇有重囚称冤原问官员辄难辩理者许该衙门移文会同三法司锦衣卫堂上官就于京畿道会同辩理果有冤枉及情罪有可矜疑者奏请定夺

一凡大小问刑衙门凡鞫问囚犯务要参酌情法如果情重例合应该发遣者方许定拟充军不许偏任嘉怒移情就例其抚按官凡遇各该所属衙门申详充军人犯亦要虚心参酌必须法当其罪方允定卫发遣如于例有牵合即便驳回改拟照常发落其各该司府州县但遇五年一次差官审录之期一应充军人犯除已经解发着伍外其余不分曾否详允及虽曾经定卫尚未起解者逐一开送审录官处审录其经审录官辩释者务要遵照发落不许原问官偏拘阻挠如有好名立威酷法害人者听抚按审录官各指

实参奏

新颁条例

一题为钦恤事该本部查节年霜降朝审暨五年热审事例矜疑两项之外开有词人犯再行问理本部每年热审查无有词既经恤审相同亦应比例量准再开有词勘问一例如无枉抑仍旧监候果有别情请旨辩豁等因具题奉圣旨各犯情可矜疑的都饶死发边卫充军笃疾的放了有词的准行再问今后每年照这例行毋得拘泥成案以辜朝廷好生之意钦此

有司决囚等第

凡狱囚鞫问明白追勘完备徒流以下从各府州县决配至死罪者在内听监察御史在外听提刑按察司审录无冤依律议拟转达刑部定义奏闻回报直隶去处从刑部委官与监察御史在外去处从布政司委官与按察司官公同审决○若犯人反异家属称冤即便推鞫事果违枉同将元问元审官吏通问改正○其审录无冤故延不决者杖六十若明称冤抑不为申理者以入人罪故失论○

纂注此条三节看回报以上以审断死罪而言直隶去处以下以处决死罪而言自犯人末节以审决官言定义奏闻回报是候旨奉有决单者审字要看是三讯之意此言凡狱囚已经鞫问事情明白追究审勘完备徒流以下至笞罪者其罪轻故各从府州县有司自行断决编配惟恐罪至重一断不可复生故在内听监察御史在外听提刑按察司审录果无冤枉依律议拟其罪又转达刑部定其所议当否奏闻回报直隶去处从刑部委官与监察御史在外去处从布政司委官与按察司官公同会审处决至审决之时若合决犯人反异原拟或家属称冤者审录官即便推详鞫问其事果有违枉同将元问元审之官吏通行提问改正其罪若已行审录无冤即应处决若审录官故意延捱不即处决者杖六十若囚犯明称冤抑而审录官不为申诉辩理者如系受赃挟讎等项情由而不与辩明则以故入论如一时失于参究不与辩理者则以失入论故曰以入人罪故失论律之慎重人命者于此悉见之矣

条例

一在京法司监候梟首重囚在监病故凡遇春夏不系行刑时月及虽在霜降以后冬至以前若遇圣旦等节或祭祀斋戒日期照常相埋通类具奏

新颁条例

一题为处决重囚事该本部覆河南巡抚吴自新咨称巡按缺人处决重务难以他官代理照依先年江西广西巡按御史未任患病旧例当年暂停审决仍候新巡按至日下次施行等因具题奉圣旨是钦此

检验尸伤不以实

凡检验尸伤若牒到托故不即检验致令尸变及不亲临监视转委吏卒若初覆检官吏相见符同尸状及不为用心检验移易轻重增减尸伤不实定执致死根因不明者

正官杖六十首领官杖七十吏典杖八十件作行人检验不实符同尸状者罪亦如之因而罪有增减者以失出入人罪论○若受财故检验不以实者以故出入人罪论赃重者计赃以枉法各从重论

纂注此条自罪亦如之以上就罪无增减者言之因而以下自罪有增减者言之然前言罪有增减以未受财故从失论后不实以受财故从故论此条要看大明令检尸法详见洗冤录盖凡问人命全凭尸伤故检验须要亲行又要及时而尸伤得实议罪方无出入故各处州县官检尸验伤若牒到之日其有推托事故不实时检验致令尸色发变难定伤痕者及不行亲诣尸所监视而转委吏卒者或初覆检验官吏彼此相见符同抄白尸状者及虽亲检而不为用心有所移易如脑伤作头骹伤作肋之类轻重如赤色报作微红淡色作紫黑色之类增减如无伤作有伤多伤作少伤之类其尸伤报不以实及定执其所以致死根因未有明白此数者皆非所以重人命故正官杖六十同检首领官杖七十吏典杖八十若件作行人检验不实符同官吏捏报尸状者亦论如吏典之罪杖八十其官吏件作人等承委检验有所不实因而致令官司议罪有所增减者各以失出入人罪论吏典首领官正官依上递减件作行人亦如吏典之罪其失出入之罪轻者仍以检验不实科断若官吏件作人等有因受人之财而故行检验不实致罪有增减者以故出入罪论若一人受财自以故出入论其余不知情者止依失论递减若计其所入己之赃科罪重于故出故入之罪者以枉法赃重从赃论出入罪重从出入论故曰各从重论

备考

一凡检验虽不受财若徇私故检不以实者亦以故出入论

新题例

万历十八年三月题奉钦依凡遇告诉人命除内有自缢自残及病死而妄称身死不明意在图赖挟财者究问明确不得一概发检以启弊害外其果系鬪杀故杀谋杀等项当检验者在京初发五城兵马覆检则委京县知县在外初委州县正官覆检则委推官务求于未检之先即详鞫尸亲证佐凶犯人等令其实招以何物伤何致命之处立为一案随即亲询尸所督令件作如法检报定执要害致命去处细验其圆长斜正青赤分寸果否系某物所伤公同一干人众质对明白各情输服然后成招中间或有尸久发变青赤颜色亦须详辩不许听凭件作混报殴伤辄拟偿抵其件作受财增减伤痕符同尸状以成冤狱审出真情赃至满贯者查照诬骗情重事例枷号问遣
决罚不如法

凡官司决人不如法者笞四十因而致死者杖一百均征埋葬银一十两行杖之人各减一等不如法谓应用笞而用杖应用杖而用讯应决臀而决腰应决腿而鞭背其行杖之人若决不及肤者依验所决之数抵罪并罪坐所由若受财者计赃以枉法从重论○若监临之官因公事于人虚怯去处非法殴打及自以大杖或金刃手足殴人至折伤

以上者减凡鬪伤罪二等至死者杖一百徒三年追埋葬银一十两其听使下手之人各减一等并罪坐所由谓情不挟私非拂己事者如有司官催征钱粮鞫问公事提调造作监督工程打所属官吏夫匠之类及管军官操练军马演习武艺督军征进修理城池打总小旗军人之类若于人臀腿受刑去处依法决打邂逅致死及自尽者各勿论

纂注此条自枉法从重以上自己问结有罪应决之人言若监临官以下非有罪应决之人若于臀腿一节则总承上言首节均征埋葬银谓当该官吏与同僚官同署字者疏议诸书俱谓官与行杖人均征盖泥均字非也盖均字义当皆正如奸党律均给充赏之均耳不然后听使下手之人亦当追埋葬矣而律何不言均耶后追埋葬银专就监临官说不得连及同僚故不言均此言凡官司决断已问结之罪人有不如法如小注云应用笞而用杖之类者当该官吏笞四十因决不如法而致囚于死者杖一百官吏均征埋葬银一十两给付死者之家其行杖之人各减一等决不如法者笞三十致死者杖九十其行杖之人决而不及其肤者则依验所虚之数抵罪坐之并罪坐所由如决不如法及决不及肤若由官司主使则坐官司若系隶卒自行坐隶卒也若官吏与行杖人因受有事人财而决不如法及决不及肤者各计赃以枉法各从其重者论若监临官因公事如催征钱粮鞫问公事之类情不挟私事非拂己者乃于人虚弱 软怯如腰肋不能受刑去处非法殴打及监临官自以大杖或金刃手足殴人至折伤以上各减凡人鬪伤之罪二等殴而至死者杖一百徒三年于监临官追埋葬银一十两其听监临官使令下手之人各减一等伤者减凡鬪伤三等致死者杖九十徒二年半并罪坐由由监临官坐监临同僚虽多不得连坐由下手者坐下手若官司决人及监临官因公决人若行杖下手之人各于有事人臀腿应合受刑去处依法决打而有邂逅致人于死及因恚忿或负痛而自尽者各勿论夫决不如法者坐杖非法殴打致死者坐徒则刑不滥而天下无冤民不及肤者抵罪依法决打者勿论则民以惩而国家无纵法矣此其为仁至义尽与

备考

一被决之人以财行求致令不及肤者仍计赃坐罪

长官使人有犯

凡在外各衙门长官及出使人员于所在去处有犯者所部属官等不得辄便推问皆须申覆上司区处若犯死罪收管听候回报所掌印信锁钥交付次官收掌若无长官次官掌印者亦同长官违者笞四十

纂注长官使人平看言凡在外各衙门之长官如布政按察使知府知州知县之类于任所有犯及在京官奉命于出使去处有犯如流罪以下者所部内统属官吏人等不得辄便拘拏推问皆须申覆合干上司听其区处若犯该死罪者许所在官司收管听候上司回报施行其正官所掌之印信及各仓库牢狱一应锁钥交付以次佐贰官收掌若本衙门无有长官而次官掌印有犯者与长官一体申覆区处死罪亦收管候报如有违律而辄便推问者当该官吏并笞四十盖所以重朝命而尊体统也

断罪引律令

凡断罪皆须具引律令违者笞三十若数事共条止引所犯罪者听○其特旨断罪临时处治不为定律者不得引比为律若辄引比致罪有出入者以故失论

纂注此言凡官司科断罪囚拟议罪名皆须备细援引律令全文如不具引止摘用其文而不合律意者笞三十若律有数事共在一条所断之罪止合一事则听其指引一事以拟断之此自其律令之一定者言之也其特旨裁断罪名轻重多在临时处治有非律令所限而不为常川一定之律者官司又不得引以相比为律拟断罪名若辄为引比拟断以致罪名有所出入者以故失论故者以故出入人全罪及所增减论失者以失出入人罪减等论夫具引律令者其常也不为定律者其权也经权并用其立法之至善乎

狱囚取服辩

凡狱囚徒流死罪各唤囚及其家属具告所断罪名仍取囚服辩文状若不服者听其自理更为详审违者徒流罪笞四十死罪杖六十○其囚家属在三百里之外止取囚服辩文状不在具告家属罪名之限

纂注取服辩者欲使其无词也不取服辩及不为详审是违律也罪坐问官得拟还职家属同居有服之亲皆是

赦前断罪不当

凡赦前处断刑名罪有不当若处轻为重者当改正从轻处重为轻其常赦所不免者依律贴断若官吏故出入者虽会赦并不原宥

纂注赦宥以前处断刑名而罪有不当者若其情轻该宥却处作重罪使遇赦不得宥者则当改轻而宥之其情本重却处作轻罪则详其原犯之重罪应赦宥者亦宥之若系常赦不免之罪则依律贴断其原问官吏原系失于出入者免科若系革前故行出入者其故出入之罪虽会赦并不原宥

闻有恩赦而故犯

凡闻知有恩赦而故犯罪者加常犯一等虽会赦并不原宥○若官司闻知有恩赦而故论决囚罪者以故入人罪论

纂注凡人闻赦而故犯是欲使法无所施也官司闻赦而故决是欲使恩无所及也故凡人比常犯加一等而官司以故入罪论之并不赦宥故论决囚亦是应赦宥者若常赦所不原者不坐罪

徒囚不应役

凡盐场铁冶拘役徒囚应入役而不入役及徒囚因病给假病已痊可不令计日贴役者过三日笞二十每三日加一等罪止杖一百○若徒囚年限未滿监守之人故纵逃回及容令雇人代替者照依囚人应役月日抵数徒役并罪坐所由受财者计赃以枉法从重论仍拘徒囚依律论罪贴役

纂注拘役者拘留役使煎盐炒铁是也应入役而不入役指徒囚新到配所者言徒囚患病至贴役指见在囚徒言贴役者假如病十日则贴补十日也不入役罪坐徒囚不令计日贴役罪坐监守之人皆三日笞二十每三日加一等罪止杖一百照依囚人应役月日抵数充役谓以囚人未产之月日坐监守之人抵充也并罪坐所由谓盐场铁冶监守人众其罪止坐该管纵容之人不连及同类也依律论罪贴役谓论其逃雇之罪贴补其逃过雇过之役也解见徒流人在逃律

妇人犯罪

凡妇人犯罪除犯奸及死罪收禁外其余杂犯责付本夫收管如无夫者责付有服亲属邻里保管随衙听候不许一概监禁违者笞四十○若妇人怀孕犯罪应拷决者依上保管皆待产后一百日拷决若未产而拷决因而堕胎者官吏减凡鬪伤罪三等致死者杖一百徒三年产限未产而拷决者减一等○若犯死罪听令稳婆入禁看视亦听产后百日乃行刑未产而决者杖八十产讫限未产而决者杖七十其过限不决者杖六十○失者各减三等

纂注妇人以失节为耻故犯罪听令其夫及亲属保管不许一概监禁惟死罪不得不禁犯奸者亦失身之人故亦禁之妇人产后一百日血气方全故凡孕妇罪必待产后百日拷决虽死罪亦听稳婆入视亦待产后百日乃刑盖恐伤其胎与躯也若未产而拷决堕胎者减凡鬪堕胎伤罪三等杖一百因堕胎而致死杖一百徒三年产限未产而拷决致死者减一等杖九十徒二年半其未产而拷决不曾堕胎及产限未产而拷决不致死者律皆无文并合以不应论或谓当以违制论皆非也失者各减三等兼上文诸款而言如不应禁而禁笞一十怀孕不应拷决而拷决堕胎杖七十致死者杖七十徒一年半产限未产而拷决致死者杖六十徒一年及犯死罪不应刑而刑未产而决者笞五十未产限而决者笞四十限过不决者笞三十

死囚覆奏待报

凡死罪囚不待覆奏回报而辄处决者杖八十若已覆奏回报应决者听三日乃行刑若限未产而行刑及过限不行刑者各杖六十○若立春以后秋分以前决死刑者杖八十○其犯十恶之罪应死及强盗者虽决不待时若于禁刑日而决者笞四十

纂注死囚虽已覆奏不待回报而辄处决原问官吏杖八十若已得回报必听三日后然后行刑所以示不忍杀之之意也若未过三日而行刑或过三日而不行刑则各杖六十其应秋后处决之囚必于霜降之时所以取肃杀之气也若立春以后秋分以前则阳方盛长故不许处决其十恶应死及强盗虽皆决不待时而禁刑之日亦当避忌故亦不许行刑不待覆奏回报而辄处决亦谓于罪无出入者

禁刑日期每月初一初八十四五十八二十三二十四二十八二十九三十日也此出唐律今正五九月闰月上下弦日二十四气日雨未霁天未明及大祭享日亦禁断罪不当

凡断罪应决配而收赎应收赎而决配各依出入人罪减故失一等○若应绞而斩应斩而绞者杖六十失者减三等其已处决讫别加残毁死尸者笞五十○若反逆缘坐人口应入官而放免及非应入官而入官者各以出入人流罪故失论

纂注官司问拟罪名已定而断罪之间或应决配而收赎或应收赎而决配出于有意则减故出入人罪一等出于无意则减失出入人罪一等应斩而绞应绞而斩者杖六十此指故者言失者减三等则止笞三十其已处决讫而别加残毁者笞五十反逆缘坐人口应入官而放免不应入官而入官有意则以故出入流罪论无意则以失出入流罪论

吏典代写招草

凡诸衙门鞫问刑名等项若吏典人等为人改写及代写招草增减情节致罪有出入者以故出入人罪论若犯人果不识字许令不干碍之人代写

纂注招草乃犯人所以服情于官而吏典有掌行其事者若为犯人改写代写增减其情节以致罪有出入者吏典以故出入人罪论之故出入全罪论增轻作重减重作轻亦各抵剩罪犯人果不识字惟无所干碍之人得以代写吏典则不许也吏典改写代写情无增减罪无出入者止问不应

大明律集解附例卷之二十九

工律

营造

擅造作

凡军民官司有所营造应申上而不申上应待报而不待报而擅起差人工者各计所役人雇工钱坐赃论○若非法营造及非时起差人工营造者罪亦如之○其城垣坍塌仓库公廨损坏一时起差丁夫军人修理者不在此限○若营造计料申请财物及人工多少不实者笞五十若已损财物或已费人工各并计所损物价及所费雇工钱重者坐赃论

纂注有所营造谓于法当造者也但当申请于上待报而后可行耳非法营造谓法所不当造者非时谓非农隙之时及有兵荒之时也罪亦如之谓亦计所役者雇工钱坐赃论也申请财物合用少而称多人工合用寡而称众皆不实也若财物已损人工已费则除合用正数外计多费之财物多役之人工雇钱并算或重于笞五十者以坐赃论罪此条专指官司若民间则在礼律服舍违式条

虚费工力采取不堪用

凡役使人工采取木石材料及烧造砖瓦之类虚费工力而不堪用者计所费雇工钱坐赃论若有所造作及有所毁坏备虑不谨而误杀人者以过失杀人论工匠提调官各以所由为罪

纂注有所毁坏如拆屋破墙之类是也工匠提调官各以所由为罪谓采取不堪用备虑不谨误杀人者各以经手之人为罪不得滥及也误伤者不坐造作不如法

凡造作不如法者笞四十若成造军器不如法及织造段疋麤糙纒薄者各笞五十若不堪用及应改造者各并计所损财物及所费雇工钱重者坐赃论其应供奉御用之物加二等工匠各以所由为罪局官减工匠一等○提调官吏又减局官一等并均偿物价工钱还官

纂注凡官府造作一应房屋器皿之类而不依法者笞四十军器段疋又举其重者言之不如法笞五十不如法只是不好其物尚堪用不必更造也若以上品物不堪应用改造者则计其所损之财物所雇之工钱重于笞四十五者坐赃论供奉御用之物又与凡物不同故加二等如造作不如法则杖六十军器不如法段疋粗糙纒薄则杖七十若不堪用及应改造则各于坐赃本罪上加二等科之各罪止杖一百徒三年工匠各以所由为罪谓以上罪名各以经该造作之人坐罪不得连及也局官如在內军器等局在外杂造等局大使副使之类是也提调官如工部该司官吏并工部委官及在外府州县当该官吏与委提督成造官皆是也工匠局官提调官吏递减之法通承上文而言并字指军器段疋等项而言均字指工匠局官提调官而言谓通算所损之物价及费过之工力而均追陪入官也上节计料不以实致损费财物人工者不追陪还官此造作不如法并均偿物价工钱还官者盖计料出于悬度恐心思之所不到造作本有成法非智能之所不逮也

条例

一各处军器局造作各项军器不如法者将管局委官参问降级都布按三司堂上委官及府卫掌印官各治以罪

冒破物料

凡造作局院头目工匠多破物料入己者计赃以监守自盗论追物还官○局官并覆实官吏知情符同者与同罪失觉察者减三等罪止杖一百

纂注造作局院如军器等局文思等院之类是也头目如作头把总之类及做工人匠于正用料物之外多破少用侵克入己者计其入己之数以监守算盗律论所侵之物还官若未入己只以前条计料不实之罪罪之本局院官及覆实官吏知其冒破之情私相符同者与犯人同罪罪止杖一百流三千里失觉察者于犯人罪上减三等罪止杖一百

条例

一各处巡按御史都布按三司分巡分守官查盘军器若有侵欺物料那前补后虚数开报者不论官旗军人俱以监守自盗论赃重者照侵欺仓库钱粮事例拟断卫所官三年不行造册致悞奏缴者降一级各该都司守巡等官怠悞事参究治罪

带造段疋

凡监临主守官吏将自己物料辄于官局带造段疋者杖六十段疋入官工匠笞五十局官知而不举者与同罪失觉察者减三等

纂注与同罪谓与监守官吏同罪亦杖六十也减三等则笞三十也

织造违禁龙凤文段疋

凡民间织造违禁龙凤文纁丝纱罗货卖者杖一百段疋入官○机户及挑花挽花工匠同罪连当房家小起发赴京籍充局匠

纂注龙凤文纁丝纱罗皆御用之物非民间所得有故织造货卖者杖一百其物入官机户挑花挽花工匠与同罪亦杖一百连当房家小起发赴京入籍充局匠造作过限

凡各处额造常课段疋军器过限不纳齐足者以十分为率一分工匠笞二十每一分加一等罪止笞五十局官减工匠一等提调官吏又减局官一等○若不依期计拨物料者局官笞四十提调官吏减一等

纂注过限违期也以所造之物十分为率一分不完工匠笞二十每一分加一等罪止笞五十局官减工匠一等则一分不完笞一十罪止笞四十提调官又减局官一等则二分不完笞一十罪止笞三十不依造作之期计算派拨物料以致过限则罪由官吏故局官笞四十提调官吏减一等笞三十工匠不坐

修理仓库

凡各处公廨仓库局院系官房舍但有损坏当该官吏随即移文有司修理违者笞四十若因而损坏官物者依律科罪赔偿所损之物若已移文有司而失误者罪坐有司

纂注内外各衙门公馆廨宇仓廩库藏并局院造作之处及一应在官房屋如儒学铺舍申明亭之类但有损坏之处不行移文有司修理当该官吏笞四十因而损坏官物依律计所损坏之物坐赃论著落当该官吏均陪还官故曰依律科罪赔偿所损之物若已移文有司而有司失误不行修理则前罪坐于有司而当该官吏不坐

有司官吏不住公廨

凡有司官吏不住公廨内官房而住街市民房者杖八十○若埋没公用器物者以毁失官物论

纂注公廨以住官吏所以严出入之防也故不住公廨而住街市民房者杖八十公用器物如桌椅床凳之类即公廨中物也故埋没者以毁失官物论

大明律集解附例卷之三十

工律

河防

盗决河防

凡盗决河防者杖一百盗决圩岸陂塘者杖八十若毁害人家及漂失财物淹没田禾计物价重者坐赃论因而杀伤人者各减鬪杀伤罪一等○若故决河防者杖一百徒三年故决圩岸陂塘减二等漂失赃重者准窃盗论免刺因而杀伤人者以故杀伤论

纂注河防者谓河之防障也圩者低田岸所以防之也陂者下泽塘所以防之也此律前节详看一盗字后节详看一故字盗者如因捕鱼过船之类其意止于偷水初无害人之心若故决则非求水利实欲害人且近于强矣故罪之轻重如此计物价重者谓计其所损物价以坐赃罪科之其罪重于杖八十者则从坐赃论也杀伤二字平看

条例

一凡故决盗决山东南旺湖沛县昭阳湖属山湖安山积水湖扬州高宝湖淮安高家堰柳浦湾及徐邳上下滨河一带各堤岸并阻绝山东泰山等处泉源有干漕河禁例为首之人发附近卫所系军调发边卫各充军其闸官人等用草卷阁闸板盗泄水利串同取财犯该徒罪以上亦照前问遣

一河南等处地方盗决及故决堤防毁害人家漂失财物淹没田禾犯该徒罪以上为首者若系旗舍余丁民人俱发附近充军系军调发边卫失时不修堤防

凡不修河防及修而失时者提调官吏各笞五十若毁害人家漂失财物者杖六十因而致伤人命者杖八十○若不修圩岸及修而失时者笞三十因而淹没田禾者笞五十○其暴雨连雨损坏堤防非人力所致者勿论

纂注此条罪专坐提调官吏防岸所以障水不修则有溃决之患故不修或修而失其当修之时提调官吏岂得辞其责哉故其罪如此暴雨卒暴之水连雨连日之雨也此非人力所能制者故勿论

条例

一凡运河一带用强包揽闸夫溜夫二名之上捞浅铺夫三名之上俱问罪旗军发边卫民并军丁人等发附近各充军揽当一名不曾用琼森事者问罪枷号一个月发落侵占街道

凡侵占街巷道路而起盖房屋及为园圃者杖六十各令复旧其穿墙而出秽污之物于街巷者笞四十出水者勿论

纂注大曰街小曰巷道路则人所通行之称侵占以起房屋为园圃者杖六十复还旧地街巷贵于洁净故穿穴出秽者笞四十仍令塞之出水则不论

条例

一京城内外街道若有作践掘成坑坎淤塞沟渠盖房侵占或傍城使车撒放牲口损坏城脚及大明门前御道碁盘并护门栅栏正阳门外御桥南北本门月城将军楼观音堂关王庙等处作践损坏者俱问罪枷号一个月发落

一东西公生门朝房官吏人等或带住家小或做造酒食或寄放货柜开设卜肆停

放马骡取土作坯撒秽等项作践问罪枷号一个月发落
修理桥梁道路

凡桥梁道路府州县佐贰官提调于农隙之时常加点视修理事务要坚完平坦若损坏失于修理阻碍经行者提调官吏笞三十○若津渡之处应造桥梁而不造应置渡船而不置者笞四十

纂注桥梁道路以通往来之人若有损坏而不及时修理未免阻碍经行故提调官吏笞三十津渡之处未有桥梁而应造未有渡船而应置不造不置则民将病涉矣故笞四十亦坐提调官吏

条例

一条例申明颁布之后一切旧刻事例未经今次加载如比附律条等项悉行停寝凡问刑衙门敢有恣任喜怒妄行引拟或移情就例故入人罪苛刻显著者各依故失出入律坐罪其因而致死人命者除律应抵死外其余俱问发为民

万历三十八年仲夏月重刊

承行典吏姚世俊磨对